



BIBLIOTECA NAZ.

Vittorio Emanuele III

XXII

A

12

NAPOLI





ARNOLDI CORVINI
à BELDEREN

7. V. D.

AD TITULUM
DIGESTORUM

DE

Verborum Signi-
ficatione

COMMENTARIUS.



Amstelodami.

Apud JOHANNEM JANSONIUM,
c15 15c XLVI.

AD TITULUM
DIGESTORUM

Methodus signi-
ficandi

CONSTITUTIONE



C

*Nobilissimis , Amplissimis , Specta-
rissimisque Viris,*

D. CORNELIO BICKER, Do-
mino in Swieten ;

D. GERBRANDO PANCRATIO ;

D. JOANNI CORNELIO
GEELVINCK, antehac in Col-
legio , tum Illust. Hollandiæ & West-
Frisiæ Ordinum , tum Præfectorum rei
maritimæ Delegato ;

D. GERARDO SCHAAP , Jcto
Illust. Fœderatæ Belgicæ Ordinum ad
Serenissimum Daniae Regem, Exlegato,
Academiæ Leydenfis, & Illustris Gym-
nasii Amstelodamensis Curatori.

*Reipublicæ Amstelodamensis Consulibus
& Rectoribus.*

VIRI NOBILISSIMI



*Uanta sit Jurisprudentiæ
dignitas , quanta utili-
tas nemo est qui ignorat.*

*Quippe sine ea nec res humanæ
benè feliciterque geri , nec vita
civiliter ac sapienter institui potest.*

(* 2)

Hinc

*Hinc non immeritò quis Jurispru-
dentiam civilem dixerit sapien-
tiam. Equidem humanarum non
tantum, sed & divinarum rerum
est notitia, (quæ germana sapien-
tiæ definitio.) & hoc amplius est
justi atque injusti scientia. Hanc
proinde qui voce, scriptis, animis
hominum inculcare, quantum pos-
sunt, conantur, optimè de Repu-
blica mereri sunt dicendi. Siqui-
dem eam non solum ex aliorum o-
pinionibus, sed vera & genuina
Legum (circa quas potissimum Ju-
risprudentia versatur) sententia
ejusque ratione interpretentur.
Nempe ex ea semper Jus est æsti-
mandum. In ea perscrutanda &
inquirenda omni industria labo-
randum. Quippe quâ non perceptâ
frustra se juvenus torquet in ad-
discendis iis, quæ ubi didicit, ma-
lit*

lit fortassis nescire. Sed verum & genuinum Legum sensum frustra quis sine exacta verborum cognitione investigabit. Verba sunt rerum notæ ac indices. Undè in his vel leviter aberrans, & in ipsis rebus, vel negotiis designatis ut erret; necesse est. Quod ut evitet Jurisprudentiæ Romanæ operam daturus, de Verborum Significatione titulum Digestis suis subjici voluit Imperator Justinianus. Optimâ ratione. Magnam enim sui partem Illa in conveniente verborum conceptione sensusque veri enodatione consumitur. Hujus tituli cum tanta sit utilitas volui eum brevi illustrare Commentario. Brevia, si perspicua sint, maximè sublevant memoriam, proluxa obruunt. Hunc meum laborem qualiscunque sit, Vobis Viri Nobilissi-

mi offero, iestandæ meæ cum erga
VOS observantiæ, tum juris studii
adjuvandi quasi hereditariæ in-
clinationi. Cui & simul Patriæ
prodesse, unum ambitionis meæ
votum. Quod vobis spero non fore
ingratum.

V.V. N.N

Observantissimus;

Arnold. Joh. Fil. Corvinus
à Belderen.

VER-

V E R B O R V M C O L L E C T I O

juxta ordinem Alphabeti.

ex Tit. Dig.

De Verborum Significatione

Per P. C. B.

A	Besse l. 13. §. 1. & ul. l. 14. in pr. l. 173. §. 1. l. 199.
Abrogare	l. 102.
Absens	l. 173. §. 1. l. 199.
Accidere	l. 162. §. fin.
Accipere	l. 71.
Ανεγδρυσ	l. 236. §. fin.
Acta	l. 58.
Actionis verbo	l. 8. §. 1. l. 34. l. 178. §. 2.
Actu	l. 225. in fin.
Adulter	l. 225.
Adulterium	l. 101.
Advena	l. 239. §. 4.
Ædes uti optimæ maximæ	l. 90.
Ædificia urbana, rustica	l. 211.
Ædificii ap.	l. 242. §. 2.
Ædium appellatio	l. 211. l. 242. §. fin. 245.
Æris appel.	l. 159.
Æs alienum	l. 213. §. 1.
Æs suum]	l. 213. §. 1.
Affectus animi	l. 225.
	(**)
	Ager

Index de Verborum

Ager	l. 27, 115. §. 1. l. 211.
Agere	l. 19.
Agi	l. 235.
Aleator	l. 215.
Alienationis verbo	l. 28.
Alienatum	l. 67.
Aliquorum	l. 96. §. fin.
Ambigue loquens	l. 125.
Amici	l. 223. §. 1.
Amittere	l. 14. §. fin.
Amphora	l. 206.
Amplius	l. 82.
Angiportum	l. 59. in fin.
Anniculus	l. 132, 134.
Annulus signatorius	l. 74. in fin.
Annus civilis	l. 234. in fin.
Ante & post	l. 132.
Ἀπαιχόν	l. 239. §. 3.
Apostoli	l. 106.
Ἀποτέλεσμα	l. 5. §. fin.
Apud te	l. 63.
Arbitratu fieri	l. 68.
Area	l. 211.
Arma	l. 42.
Armentorum ap.	l. 89. in pr.
Artemon	l. 242.
Adsignare libertum	l. 107.
Attestari	l. 39.
Aut	l. 124.

Significatione.

B ^{ελ} ⊙	l. 233. §. fin.
Bisextilis annus	l. 98. in pr.
Bona	l. 21. 32. §. 2. l. 83. 182.
Bona civitatis	l. 19.
Bona hereditatis	l. 138.
Bonis quid proprium	l. 182.
Bonorum app.	l. 49, 208.
Bonorum possessio	l. 319, 128.
Boyes	l. 89.

C Æpistle	l. 140.
Cætera & cæterorum	l. 44, 160.
Calumniari	l. 233. in pr.
Capere	l. 71. in pr.
Capitalis	l. 103.
Carbonum app.	l. 167.
Cavillatio	l. 177, 233. in pr.
Cautum	l. 188. §. fin.
Cædere diem	l. 213. in pr.
Censere	l. 111.
Censor	ibid.
Centum in funus constitutis	l. 202.
Civitates	l. 16.
Cognoscere	l. 56. in pr.
Collegarum ap.	l. 173. in pr.
Collegium	l. 85.
Commendare	l. 186.
Commodum cum erit.	l. 125.
Commune	l. 239. in fin.
Concedere bona	l. 21.

Index de Verborum

Conjuncta pro disjunctis	l. 29. l. 53.
Conjunctio	l. 142.
Continentes provinciæ	l. 99. § 1.
Contractus	l. 19. vers. 2.
Contrahere	l. 19, 20.
Contubernales	l. 184.
Coram facere	l. 209.
Creditor	l. 10, 11, 12, 55. conditionalis l. 54. temporalis, l. 55.
Culpa	l. 226. lata. l. 213. §. fin. magna. l. 226.
Cum fari poterit	l. 227.
Cum commodum erit	l. 125.
Cum potuero dabo.	ibid.
Custodiæ verbo	l. 224.

D Educto ære alieno	l. 39. §. 1. l. 165.
Debere	l. 178. §. fin.
Debitor	l. 198.
Decurio unde	l. 239. §. 5.
Dedisse	l. 53. in pr. l. 76.
Delata hereditas	l. 151.
Derogare	l. 102.
Deterius jus fundi factum non esse	l. 126.
Detestari	l. 39. §. 2.
Detestatio	l. 40.
Detestatum	l. 238. §. 1.
Diei pars major	l. 2. §. 1.
Dimissoriæ litteræ	l. 106.
Disjunctum	l. 53. in pr. l. 124.
Dispungere	l. 56. in pr.
	Divor-

Significatione.

Divortium	l. 501. §. 1. l. 191.
Dolia	l. 206.
Dolus	l. 226. malus. l. 69.
Dominus ubi cujusque	l. 203. in pr.
Donatio	l. 53. in pr. l. 67. §. fin.
Donum	l. 194, 214.

E Dere rationes	l. 89. §. 2.
Emancipatus	l. 195.
Emptor bonæ fidei.	l. 109.
Erro	l. 225.
Erit	l. 123.
Est	l. 123.
Exacta pecunia.	l. 187.
Excisus	l. 141.
Exhibere	l. 22, 246. in pr.
Ex legibus	l. 6. §. fin.

F abri tignarii & lignarii	l. 235.
	§. fin.
Facere	l. 218.
Facere oportere	l. 189. ad Faces paratum.
	l. 167.
Faciendi verbo	l. 175.
Familiæ ap.	l. 4. §. fin. 95. 196.
Familia urbana, rustica	l. 166. in pr.
Falsum	l. 221.
Ferri	l. 235. in pr.
Filiarum appellatio	l. 164. in pr.
Filius excisus	l. 141.

Index de Verborum

Filii appellatio	l. 84, 201, 220. §. fin.
Filii filiusve	l. 116.
Filio filiiſque	l. 122.
Filium habere	l. 141.
Finita	l. 229, 230.
Fraus	l. 131. in pr.
Fruges	l. 77.
Fruementum	ibid.
Fruſtrari	l. 233. in pr.
Fugitiuus	l. 225.
Fundus	l. 60. in pr. & §. fin. l. 115, 211.
Fur	l. 225.
Furem non eſſe	l. 174.
Furto noxaque ſolutum	ibid.

G eneri appel.	l. 136.
Gerere	l. 19, 20.
Gestum	l. 19. in fin. l. 58. in pr.
Glandis appellatione	l. 236. §. fin.
Glans caduca	l. 30. §. 4.

H abere	l. 143, 164 §. fin. l. 188. §. 1.
Habere filium	l. 141.
Heredem eſſe oportet	l. 227. in pr.
Hæredis ap.	l. 65, 170.
Hæreditatis ap.	l. 3, §. 1. l. 24, 119, 138. 178. §. 1
Hæreditas legitima, teſtamentaria	l. 130.
delata	l. 131.
Hominis appellatio	l. 152.
Hoſtes	l. 118, 234. in pr.
	Ille

Significatione.

I lle aut ille	l. 124.
Impensæ necessariae, utiles, voluptuariae	l. 79
Immissum	l. 242. §. 1.
Immunitas	l. 18.
Incertus possessor	l. 39 §. fin.
Incola	l. 239. §. 2.
Indicare reum	l. 197.
In diebus	l. 217. §. fin.
Instrumentorum ap.	l. 99. §. fin.
Integra terra	l. 30. §. 2.
Intestatus	l. 64.
Intra diem mortis	l. 133.
In utero existens	l. 133, 251.
Iter diei	l. 3.
Iumentorum app.	l. 89. in pr.

K alendis bissext.	l. 98. in pr.
Kalendarū ante vel post diem	l. 132. in pr.

L atrones	l. 111. in fin.
Legare	l. 120.
Legatorum petitio generalis	l. 80.
Legum ap.	l. 6. §. 1.
Liberorum ap.	l. 56 §. 1. 220. in pr.
Liberos habere	l. 148, 149.
Liberationis verbo	l. 47.
Liberti app.	l. 172, 245.
Liberti nostri	l. 58. §. fin.
Libertorum libertarum ap.	l. 105. l. 172.
	l. 243.
	Ligno.

Index de Verborum

Lignorum app.	l. 167, 168.
Lignum coctum	l. 167.
Lis	l. 36.
Literæ dimissoriæ	l. 106.
Littus publicum	l. 96, 112.
Locuples	l. 234. §. 2.
Locus	l. 60. in pr. §. 1.
Luscus	l. 101. §. 2.
M agistratus	l. 57. in pr.
Magistri	ibid.
Mangones	l. 207.
Major pars anni	l. 156.
Malum	l. 242. in pr.
Masculorum app.	l. 195. in pr.
Materfamilias	l. 46. §. 1.
Medicamentum	l. 236.
Mensis intercalaris	l. 98. in fin.
Meorum tuorum ap.	l. 91.
Mercis ap.	l. 66. 207.
Meum totum	l. 25. in pr.
Mille passus.	l. 154.
Minus solutum	l. 12. §. fin. l. 32, 82, 117.
Mobilium & Moventium ap.	l. 66. l. 93.
Modius iniquus	l. 221.
Morari	l. 233.
Morbus	l. 101. §. 2.
Morbus santicus	l. 113.
Mortis tempore esse	l. 153.
Mortui apud hostes hereditas	l. 3. §. fin.
	Mortuus

Significatione.

Mortuus natus	l. 129.
Mulcta	l. 131. §. 1. l. 244.
Mulier	l. 195. §. fin.
Mulieris appellatio	l. 13.
Municipes	l. 18. in fin. l. 228.
Munificus	l. 18.
Munus	l. 18, 194, 214.
Munus publicum	l. 239. §. 3.

N asciturus	l. 231.
Natorum appellatio	l. 104. §. 1.
Navis appellatio	l. 242. in pr.
Negativa duo	l. 237.
Negligentia magna	l. 226.
Nominis appellatio	l. 4. l. 6.
Nostri liberti	l. 58. §. fin.
Nostrum totum	l. 25. in pr.
Notionis appellatio	l. 92.
Novalis terra, ager	l. 30. §. 2.
Noxiæ appellatio	l. 238.
Noxiis solutum præstare	l. 258.
Nupta dum erit	l. 89. §. 1.
Nurus appellatio	l. 50.

O fficium	l. 18.
Ope, consilio	l. 53. §. 1.
Operis appellatio	l. 5. §. fin.
Oportebit	l. 8.
Oportere	l. 7.
Oppidum	l. 59. §. 7.

Index de Verborum

Opprobrium	l. 42.
Optimus maximus	l. 126, 163, 169.
Orationis nec disjunctivæ nec conjunctivæ interpretatio	l. 28. §. fin.
Ornamenti app.	l. 74.
Ostentum	l. 38.

Παιδιον	l. 163. §. fin.
Palam	l. 33.
Pali	l. 168.
Παλαίη	l. 144.
Πατριάρχης	l. 239. §. 2.
Parentis app.	l. 51.
Paries	l. 157.
Paterfamilias	l. 195. §. 2.
Partis appellatio	l. 25. §. fin. l. 26.
Partitionis verbo	l. 164. §. 1.
Partus	l. 26.
Partus monstrosus, portentosus, debilis	l. 135.
Pascua silva	l. 30. §. fin.
Patris app.	l. 201.
Patroni app.	l. 52.
Peculii proprium	l. 182.
Pecuniæ app.	l. 5. 88. 97. 178. 222.
Pellex	l. 144.
Penes te	l. 63.
Peperisse	l. 132. §. fin.
Perduelles	l. 234.
Perfecisse	l. 139. §. fin.
Perisse	l. 9.
Πει-	

Significatione.

Περὶ σπρωμο	l. 45.
Pernoctare	l. 166. §. fin.
Persequi	l. 57. §. fin.
Persecutionis verbo	l. 178. §. 1.
Persona speciosa	l. 100.
Perticæ	l. 168.
Pertinere	l. 70. §. fin. l. 181.
Pervenisse	l. 264. §. fin. l. 171.
Pervenisse ad te	l. 171.
Petitionis verbum	l. 178. §. 2.
Φάντασμα	l. 38. in fin.
Φάρμακον	l. 236.
Pignus	l. 242. §. 2.
Plebs	l. 238. in pr.
Plumbum	l. 742. §. 2.
Pluris aureorum xxx.	l. 232.
Plurive	l. 191.
Pœna	l. 131: 244.
Pomi app.	l. 205.
Portari	l. 133.
Portus	l. 50.
Possessio	l. 78. 215.
Posse, cum potuero	l. 123.
Post diem decimum	l. 133.
Posthuma	l. 164.
Postquam fari poterit	l. 217.
Potestatis verbo	l. 217.
Prædia aliquorum	l. 96. §. fin.
Prædiorum jura	l. 86.
Prædium	l. 115. in fin.
Prædones	

Index de Verborum

Prædones	l. 118.
Præsens	l. 173. §. fin.
Præstari recte	l. 71. §. fin.
Prævaricatores	l. 312.
Pratum	l. 31.
Probrum	l. 42.
Projectum	l. 242. §. 1.
Pronunciatum	l. 46.
Provinciales	l. 190.
Proximus	l. 91. 155. 162.
Publica	l. 15, 16, 17.
Publicanus	l. 16.
Pueri appellatio	l. 166. §. fin. l. 294.
Puerpera	l. 162. §. fin.
Pupillus	l. 161, 239.
Q uanta pecunia	l. 97.
Q uanti ea res erit vel esse paret	l. 179.
	19.
Quisquis mihi heres erit	l. 227.
Quanto minus	l. 150.
Quisquis mihi filius filiae hæres sit	l. 116.
R aptum	l. 9.
Recte	l. 71. in fin. 73.
Reddere rationes	l. 94.
Rci appellatio	l. 6, 7. l. 23, 72.
Reliquorum	l. 95, 160.
Repudium	l. 101. §. 1. l. 191.
Restituere	l. 22, 33, 75, 246. §. 1.
Restitutionis verbo	l. 81.
Romæ appellatio	l. 2, 87, 139, 147.
	Ruta

Significatione.

Ruta caesa	l. 241.
S atisfactionis appellatio	l. 61.
Separata	l. 53.
Sequester	l. 110.
Seriae	l. 206.
Servi app. l. 40. §. 11. l. 101. §. fin. l. 239. §. 1.	
Servus urbanus	l. 210.
Silva caedua l. 30. in pr. pascua. l. 30. §. 5.	
<i>Συνάμαρτος</i>	l. 19. vers. 2.
Singularis app.	l. 158.
Si quis	l. 1.
Soceri & socrus app.	l. 146.
Soluta pro separatis	l. 53.
Servitus	86.
Solvendo esse	l. 14.
Solutionis verbum	l. 176.
Solutus	l. 43.
Soluto matrimonio	l. 240.
Sonticus morbus	l. 111.
Spadonum appellatio	l. 128.
Speciosa persona	l. 100.
Sponsio	l. 7.
Statutum	l. 46.
Stipendium	l. 27. §. 1.
Stragula	l. 45.
Stratum	l. 41.
Stratura	l. 242. §. 4.
Stuprum	l. 10.
Subdisjunctivum	l. 124.
Subsignare	l. 39. in pr.
	Substi-

Index de Verborum

Substitutio vulgaris	l. 162.
Sulphurata	l. 167.
Sumptibus constitutis	l. 202.
	l. 19.
Supremus	l. 92, 162, 163.
Suum	l. 230, §. fin.
T Aberna	l. 183, 184.
Tabernacula	l. 184.
Taberna instructa	l. 185.
	l. 104.
Telum	l. 233. §. 2.
Terra integra	l. 30. §. 2.
Ter enixa	l. 137.
Terra novalis	l. 30. §. 3.
Territorium	l. 239. §. 8.
Testamentum falsum	l. 221.
Tigni appell.	l. 62.
Titio	l. 167.
Toga	l. 180. §. fin.
Totum meum	l. 25. in pr.
Totum nostrum	l. 25. in pr.
	l. 233. §. fin.
Transacta	l. 229, 230.
Tributum	l. 27. §. fin.
Tugurii app.	l. 180. in pr.
Tutor falsus	l. 221.
V Afa vinaria	l. 206.
Vestigal publicum	l. 17. §. fin.
Vecors	l. 242. §. 3.
Venditum	l. 67. in pr.
	Venenum

Significatione.

Venenum bonum, malum	l. 236.
Venire ad hæredem	l. 165.
Venire diem	l. 213. in pr.
Verba contrahentium	l. 219.
Vesanus	l. 242. §. 1.
Vestis app.	l. 127.
Via	l. 157. §. 1.
Victus nomine	l. 43, 44, 45, 234. §. fin.
Vidua	l. 242. §. 3.
Villa	l. 211.
Victus	l. 216.
Vinculorum app.	l. 216. l. 224.
Virilis app.	l. 145.
Vitium	l. 101. §. 2.
Vivere	l. 234. §. 2.
Voluntas contrahentium	l. 219.
Vota	l. 233. §. 1.
Urbana prædia	l. 198.
Urbanum mancipium	l. 210.
Urbare	l. 236. §. 6.
Urbs	l. 2, 87, 239. §. 6.
Urbum	l. 239. §. 6.
Ufu suo	l. 203.
Ufura	l. 121.
	l. 177.

*Finis Indicis in Titulum ff. De ver-
borum significatione.*

ARNOL-

1791
1792
1793
1794
1795
1796
1797
1798
1799
1800
1801
1802
1803
1804
1805
1806
1807
1808
1809
1810
1811
1812
1813
1814
1815
1816
1817
1818
1819
1820
1821
1822
1823
1824
1825
1826
1827
1828
1829
1830
1831
1832
1833
1834
1835
1836
1837
1838
1839
1840
1841
1842
1843
1844
1845
1846
1847
1848
1849
1850
1851
1852
1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

1791
1792
1793
1794
1795
1796
1797
1798
1799
1800
1801
1802
1803
1804
1805
1806
1807
1808
1809
1810
1811
1812
1813
1814
1815
1816
1817
1818
1819
1820
1821
1822
1823
1824
1825
1826
1827
1828
1829
1830
1831
1832
1833
1834
1835
1836
1837
1838
1839
1840
1841
1842
1843
1844
1845
1846
1847
1848
1849
1850
1851
1852
1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

ARNOLDI CORVINI
à BELDEREN, I. V. D.

AD TITULUM
DIGESTORUM
DE VERBORVM SIGNI-
FICATIONE.

COMMENTARIUS.

De Verborum a significatione b.

DE Verborum. a) Vt in aliis discipli-
nis necessarium, exactam earum
nominum & appellationum ha-
bere cognitionem; ita & in Iu-
risprudentia. Quippe ea, partim
in rerum divinarum atque humanarum, quæ
quidem ad juris scientiam pertinent, cognitio-
ne consistit. Cognitione ea ex Verborum signi-
ficatione sumenda est. Verba enim sunt re-
rum notæ & indices. Verborum appellatio
hic tam nomina aut vim nominis habentia,
*ut cum exponitur quid sit dies, l. 2. 3. hic, iter
diei, d. l. 3. mille passus, l. 154. eod. anniculus,
l. 134. eod. probrum, l. 42. 224. eod. &c.*
quam verba; *ut quid significet, verbum oportere,
l. 37. eod. restituere, l. 9. eod. detestari, l. 39.
l. 237. eod. cognoscere, l. 56. eod. dispungere,
d. l. 56. &c.* aliaque orationis partes, *ut, pe-
nes, apud, l. 63. eod. ante, l. 152. eod. post,*

132. eod. cum, l. 219, eod. coram, l. 209. eod. palam, l. 33. eod. &c. atque adeò ipsam orationem comprehendit. ut, quam vim habeat conjuncta, disjuncta, disjunctiva, subdisjunctiva, separata. l. 28. l. 29. l. 53. eod. item hac, Cum erit commodum, l. 125. eod. cum potero, l. 125. eod. quanti ea res erit, l. 129. & 193. eod. &c.

Significatione. b) Verba quatuor modis accipiuntur; *Alciat. hic.* Ex proprietate, improprio, usu, interpretatione. Propriè cum absolute posita; per l. cum lege. 29. ff. qui testam. fac. l. non aliter. 69. ff. de legat. 3. l. Nepos Proculo. ff. hic. Nisi non ita voluisse autorem appareat. d. l. non aliter. 69. Tunc enim ex conjectura restringuntur. Proprietas autem verborum non tantum ad nomen, sed ad vim significandi referri debet. Quare & appellatio per metaphoram, aliamve figuram sumpta, propria nobis erit; modò nihil significantius dici possit. Impropiè; id est, abusivè, l. fidejussor. 16. §. naturales. ff. de fidejuss. l. 2. §. testamentum. ff. quem. testam. aper. verba regulariter non accipiuntur; Nisi aliter actus vel periret, vel elusorius redderetur. l. cum filiofam. ff. de legat. 3. Ex usu loquendi verba significationem accipiunt. Nam usus etiam proprietati præscribit; l. cum de lanionibus. §. asinam. ff. de fund. instr. & meritò de illo dicit Horatius, *Quem penes arbitrium est, & vis & norma loquendi.* Vsum intelligimus, qui passim

In Dig. Tit. de Verborum Signif. 3

sim ab omnibus est receptus. Absurdum enim esset, si ex abusivo rudis vulgi loquendi & intelligendi modo communem loquendi usum introduci diceremus. *secund. Bald. in l. 1. C. de success. Edict.* Per interpretationem, seu extensionem, verba accipiuntur; cum ex eo quod scriptum aut dictum est, colligimus id quod scriptum aut dictum non est; ut perinde esse dicamus, ac si scriptum aut dictum esset. Quo pertinent, loci legales, à simili, contrario, connexis.

L E X I.

Ulpianus Lib. 1. ad Edictum.

Verbum hoc, *Si quis*,^a tam masculos, quam foeminas ^b complectitur.

E X P L I C A T I O.

Si quis. a) Dictiones hæc *Si quis, quis, quispiam*, aliaque id genus derivata, non tantum apud Iurisperitos, ut hic *l. si quis. ff. de Iurisdic. l. 3. §. 1. ff. de negot. gest. l. 1. §. ait Prator. ff. de constit. pec.* sed & autores alios promiscuè ad marem & foeminam efferuntur. Ennius: *Quis tu es mulier; quæ me insueto nuncupasti nomine?* Plautus in *Aulularia*; *Dic mihi (inquit) si audes, quis ea est, quam vis ducere uxorem?* Terentius in *Eunucho*: *Quandoquidem illarum neque quisquam te novit.*

4 *Arnoldi Corvini Comment.*

Complectitur. b) *Sexus masculinus continet foemininum, l. pronuntiatio. 195. in princ. hic.* Idque non tantum in favorabilibus; sed & poenalibus. In favorabilibus, ut si filiis legatum relictum, *l. si ita sit scriptum. 45. ff. de legat. 2.* illi heredes instituti, *l. quisquis mihi. 116. hic.* tutores eis dati. *l. si quis ita. 16. in princ. ff. de testam. tut. &c.* Siquidem non aliter sensisse autorem appareat; *l. Lucius. 93. §. quesitum. 3. ff. de legat. 3.* sive ex conjecturis, sive cum separatim de utroque sexu actum est; *l. si ita scriptum. 13. in princ. ff. de liber. & posth.* sive quia dispositio non bene foeminis convenit. ut si sit de suscipienda procuratione, vel aliena defensione, *l. 4 l. alienum. 18. C. de procurat. l. 2. ff. de div. reg. jur. tutela, l. tutela. 16. l. fin. ff. de tutel. Anth. matri & avis. C. quand. mul. tut. off. feudo. §. filia vero. in Vfib. Feud. tit. de success. feud.* In poenalibus sexus masculinus foemininum etiam continet: Licet aliquando mulieres mitius puniantur, eisque succurratur. *vid. l. 1. §. accusationem. vers. merito. & l. 5. ff. ad SC. Turpill. & l. si quis. 7. §. 1. ff. de jurisd. l. si quis in tantam. 7. C. unde vi. l. ait D. Trajanus. 16. ff. de jur. fisc. l. mater. §. 1. ff. ad leg. Iul. de adult. Gl. in l. un. C. de raptu.* Idque non interpretationis extensivæ beneficio ut volunt *Gl. in l. servis legatis, ff. de legat. 3. Bart. ad d. l. si quis in tantam.*

*In Dig. Tit. de Verborum Signif. §
tam. Bald. in l. ult. C. de hered. instit. Cujac.
obs. 21. lib. 6. & Dd. alii. sed sermonis pro-
prietate. Ut patet ex verbo complectitur; in
hac. & d. l. si quis. 7. §. 1. ff. de jurisd. & ver-
bo continet. in l. hominis. 52. inf. hic. l. 62.
ff. de legat. 2.*

L E X II.

Paulus Lib. 1. ad Edictum.

URbis ^a appellatio muris, Romæ
^b autem continentibus ædificiis fi-
nitur, quod latius patet.

E X P L I C A T I O.

Urbis. a) Urbem veteres mœnium ambitu,
præfiniebant; *l. pupillus. 239. §. urbs. 6. ff.
hic.* quantum scilicet aratro fuerat designatum,
quod omne pomærio continebatur. In urbe
ergò sunt qui intra mœnia versantur. *l. ut Al-
fenus ait. 87. ff. hic.* Vnde legatum rerum ad
urbis habitationem commodarū & destinata-
rum, ad eas quæ extra urbis mœnia sunt, non
protrahitur; nisi rerum legatarum qualitas, hoc
velit. Ea enim res, ut umbra corpus, quo-
cunque ingrediantur loco, sequitur. *not. Gl.
in l. frater à fratre. ff. de cond. indeb. & arg. l.
Iulianus. §. sed & si quis. & ibi not. ff. ad exhib.*
Hinc urbana supellectile (cujus qualitas ea
est ut & ruri & in civitate haberi possit.) le-
gatâ, tam de ea quam in civitate, quam in

suburbiiis; *l. nam quod. 4. §. 4. cum seqq. ff. de pen. leg.* usque ad centesimum lapidem testator habet, sensisse intelligitur. *l. 1. §. cum urbem. ff. de offic. Pref. Urb.*

Romæ. b) *Romæ* appellatio, urbis appellatione, latior est, cum non muris, sed continentibus ædificiis, finiatur, & suburbia complectatur. *l. 2. l. ut Alfenus. 87. ff. hic.* *Romæ* itaque ea videntur ædificia fieri, quæ in continentibus ædificiis fiunt. *l. ædificia. 139. in princ. ff. eod.* & penus quæ *Romæ* legata, non ea tantum quæ intra murum, sed & quæ intra continentia sit, debetur. *d. l. nam quod. 4. §. 4. cum seqq.* & *Romæ* dicitur natus, qui in continentibus urbis, id est, suburbiiis natus; *l. qui in continentibus. 147. ff. hic.* non qui in vico urbi *Romanæ* respondententi; licet is patriam *Romam* habeat. *l. qui ex vico. ff. ad municip.* Quæ omnia & in cæteris urbibus obtinent, si continentia ædificia quoque habent. *d. l. nam quod. 4. §. 4. ff. de pen. leg. l. cetera §. hoc Scitum. ff. de legat. 1. l. si quis ff. mand.*

IDEM §. I.

Cujusque diei c major pars est horarum septem primarum diei, non supremarum d.

EXPLICATIO.

Cujusque diei. c) Dies apud varias Gentes variè

variè observabatur. Athenienses inter duos occasus Solis : Babylonii duos ortus ; Vmbri à meridie in meridiem. *Aul. Gell. Noct. Attic. l. 3. cap. 2. Macrob. Saturn. lib. 1. cap. 3. Plin. lib. 1. cap. 77.* Romani vel à media nocte , in mediam noctem ; *l. more. 8. ff. de fer. & dilat. Gell. Plin. d. loc.* qui est dies civilis , horis viginti quatuor constans, *d. l. more. 8. Macrob. d. loc.* Vel (ut & vulgò) ab ortu, ad occasum Solis ; *l. hæc verba. ff. hic. l. aut facta ff. de pænis.* qui dies est naturalis ; duodecim constans horis. *Censor. de die natal. cap. ult.* Sed hic subjecta materia attendenda est. Nam cum aliquid tractatur, quod aliam rationem in luce, aliam in tenebris habet , dies naturalis ; cum de continuo temporis successu , quæritur , ut in præscriptionibus , dies civilis , sequendus , *l. in usucapionibus. cum. l. seq. ff. de usucap.*

Non supremarum. d) Intelligit hic Iurisconsultus diem naturalem ; & vult majoris partis diei nuncupationem , non ab horarum numero simpliciter, sed à diei parte actiuosa esse faciendam. Si quidem veteres matutinas & antemeridianas horas seriis negotiis occupabant : eaque diei pars melior dicebatur. *Vigilius lib. 3. Æneid. Quoniam melior pars acta diei est.* Quicquid diei erat reliquum, palæstris, ludis, balneis, & symposiis, absumebant. *vid. ad hoc Martial. lib. 4. Epigram. 8.*

L E X I I I.

Ulpianus lib. 11. ad Edictum.

I Tinere ^a faciendo viginti millia ^b passuum ^c in dies singulos peragenda, sic sunt accipienda: ut si, post hanc dinumerationem minus quam viginti millia super sint, integrum diem occupent. ^d Veluti viginti unum millia sunt passus: biduum eis attribuetur, quæ dinumeratio ita demum facienda erit, si de die non conveniat ^e.

E X P L I C A T I O.

Itinere. a) Iter facere, hic intelliguntur viatores, qui aliter iter agere dicuntur, *l. un §. fin ff. furti adv. naut. camp. exc.* Quæ hic de iis dicuntur, ad eos, quibus navigandum est, non pertinent, sed quot milliaria singulos in dies sint computanda boni viri arbitrio relinquendum. *per l. 1. C. de dilation.*

Viginti millia. b) Pota si à lege certa milliaria sint constituta; ut, in eo qui absens in jus vocatus, *l. 1. ff. si quis caution. tutor.* qui se excusat, & ultra centesimum lapidem abest; *§. qui autem. 16. Inst. de excusat. tutor. l. scire oportet. 13. §. 1. ff. eod.* eo qui bonorum possessionem sibi decerni postulaturus ad Præsidem

In Dig. Tit. de Verborum Signif. 9

fidem tendit: *l. 2. e pen. ff. quis ordo in bon. poss. serv.* Iis non constitutis, arbitrio boni viri hoc relinquendum; qui, habitâ ratione temporis, sexus, valetudinis, quot milliaria singulis diebus is de cujus itinere quæritur, conficere possit æstimabit; *l. continuus. 157. §. cum ita 1. ff. de verb. oblig.*

Passuum. c) Passus sunt quinque pedes, quantum scilicet passis, id est, apertis brachiis efficere quis potest, undè & passus dictus. *Alciat. in l. quinque pedum. C. fin. rezund. e capit. 18. lib. 1. Parerg.* Numerandi hic sunt ejus viæ, per quam vulgò iter fieri consuevit, *l. 1. §. 2. ff. de his qui dejec. & quidem à milliaro urbis, non à continentibus ædificiis, l. mille. 154. ff. hic. ubi vide.*

Integrum diem occupent. d) Id est, si in computatione vicenarii numeri, succisivi, aliquid redundet, & minus quam viginti millia supersint: hoc succisivum quicquid est, diem integrum occupet. Exempli causa, si peragenda fuerint unum, & viginti millia passuum; qua in supputatione unum succisivum est, & supra viginti redundat, quæ integro unius diei itineri tribui solent: tunc biduum eis attribuetur: & sic unum, cum succisivum est ex viginti, diem unum occupabit.

Non conveniat. e) Unde qui ex pacto, Edicto Principis, vel Lege, absolutè tali vel tali die adesse obstringitur, etiamsi dictam vice-

nariam itineris supputationem longè superaverit, ex pacto, edicto, vel lege tenetur: neque dinumeratione Iurisconsulti potest adjuvari.
l. de die. 8. ff. qui satisfd. cogant. d. l. continuus.
 137. §. cum ita. ubi. Imol.

I D E M. §. I.

Ejus qui apud hostes decessit, dici hereditas non potest, quia a servus decessit.

E X P L I C A T I O.

Non potest. a) Puta si apud hostes testamentum fecit; §. *fin. Inst. quib. permiff. non est fac. testam.* Quod dum in civitate erat fecit, siue redierit, valet jure postliminii, cum ab hostibus reversi, omnia pristina jura recuperent; §. *si ab hostibus. 5. Inst. quib. mod. jus patr. pot. solv.* siue illic decesserit, valet ex lege Cornelia. *l. 1. & l. raptum. 9. C. de postlim. revers. l. lex Cornelia. 28. ff. de vulg. & pup. subst.*

Servus. b) Captus ab hostibus maximâ capitis diminutione & patriam amittit & bonorum potestatem, & fit intestabilis. *d. §. fin. Inst. quib. non est perm. fac. test. l. 5. ff. de statu hom. l. intercidit. 59. §. fin. ff. de condit. & demonst. l. servitutem. 209. ff. de div. reg. jur.*

L E X I V.

Paulus lib. 11. ad Edictum.

Nominis ^a appellatione rem ^b significari Proculus ait.

E X P L I C A T I O.

Nominis. a) Nomen (dictum ex eo quod Creditor nomen debitoris in codicem referebat, C. *Cicer. pro Roscio. Comed.*) hic, & in l. *nominis. 6. inf. eod.* pro debito ponitur, vel pro syngrapho creditarum pecuniarum, vel ut in l. *ult. in princ. C. de pact. convent.* pro cautione fœneratoria.

Rem. b) Id, hic, est, rem debitam, id quod est in actionibus. Vnde qui nomen legavit, id quod in actionibus est legasse intelligitur, l. *qui chirographum. 59. ff. de legat. 3.*

L E X V.

Idem libro 11. ad Edictum.

RE I ^a appellatio latior est, quam pecuniæ, ^b quia etiam ea, quæ extra computationem patrimonii nostri sunt, continet: cum pecuniæ significatio ad ea referatur, quæ in patrimonio sunt.

EXPLICATIO.

Rei. a) *Rei* vox varias in jure habet significationes, quarum aliquas pro instituto nostro hic referre sufficit. Nonnunquam significat negotium, materiam, quæstionem, ut in *l. si quis aliquid. §. qui abortionis. ff. de pæn.* Interdum æquum & bonum, ut in *l. 1. §. Divus. ff. ad leg. Corn. de fscar.* Aliquando conditionem, ut in *tit. C. de rei uxor. act.* Quandoque (ut & hic,) pro bonis ponitur, ut in *l. ex facto. §. rerum autem. ff. de hered. inst.* Quandoque significat proprietatem, ut in *l. si in rem. ff. de rei vindic.* Aliquando dominium, *l. rem in bonis. ff. de acquir. rer. dom.* Interdum contractum, *l. 1. ff. de reb. cred. &c.*

Pecunie. b) Vult hic Jurisconsultus rem quodammodo genus esse ad pecuniam. Pecuniâ puta contineri, quæ patrimonio comprehenduntur. At ea quæ nominibus continentur, quæque patrimonio non includuntur, rei, non etiam pecuniæ nomine subsignari.

I D E M §. I.

Opere locato conducto: his verbis Labeo significari ait id opus, quod Græci ἀποτέλεσμα vocant (non ἐργον) id est, ex opere facto corpus aliquod perfectum. a

EXPLICATIO.

Perfectum. a) Qui locant, vel conducunt opus non aliter intelliguntur locare, vel conducere, quam opus consummatum, & absolutum, cui manus extrema accesserit. Tunc enim locator, vel conductor perfunctus opera est existimandus, cum totum corpus ex opere perfectum est, ut nihil desit, *l. 1. ff. de orig. jur. l. si is qui. 80. §. 1. vers. sed & si. ff. ad l. Falcid. l. pen. C. de his quib. ut indig. l. vestimentum. 22. ff. de aur. & arg. leg.*

LEX VI.

Ulpianus lib. 111. ad Edictum.

Nominis & rei appellatio ad omnem contractum & obligationem pertinet.

EXPLICATIO.

Nominis & rei. b) Cum omne quod nostrum est, positum sit aut in re expedita, aut in debitis, quæ nomina solent appellari, (ut supra diximus) & ab iis qui nobis debent sunt exigenda, §. 1. *Inst. d. action.* sequitur in omni contractu & obligatione alterutrum intervenire; & aut de re, aut de nomine agi. Nam & rem & nomen vendimus, *l. à Divo Pio. 15. §. item quid. 10.*

ff. de re judic. rem & nomen obligamus, l. nomen. 4. C. quæ res pign. dar. l. si convenerit. 18. ff. de pignor. act. de re aut de nomine paciscimur, l. pactum 46. l. si quis crediderit. 49. ff. de pact.

I D E M §. I.

Verbum *ex legibus*, sic accipiendum est: tam ex legum sententia, quam ex verbis. *a.*

E X P L I C A T I O.

Ex verbis. a) Quia non minus ex mente legislatoris, quam ex legis verbis voluntas legislatoris cognoscitur; præcipuè cum verba ipsa nullam, nisi ex legislatoris mente & ob mentem vim habeant. *l. Labeo ait. 7. §. ult. ff. de supell. leg.* Vnde non minus legislatorem offendit is, qui contra ejus voluntatem facit, quam qui contra legis verba. *l. 5. C. de legib.* Proinde licet propriè nihil contra legem faciat, facit tamen in fraudem legis, *l. contra. 29. cum. l. seq. ff. eod.* cum à legislatore una viâ prohibitum, tentat alterâ facere. *l. scire oportet. 21. §. 1. ff. de tutor. dat. ab his.*

L E X

L E X V I I.

Paulus lib. I I. ad Edictum.

Sponsio *a* appellatur, non solum quæ per sponsus *b* interrogationem fit: sed omnis stipulatio promissioque.

E X P L I C A T I O.

Sponsio. a) Spondere dicimus etiam quoties verbis promittimus, licet nullus à nobis stipuletur. *l. sciendum* 19. §. 2. *ff. de Edil. Edict.* §. 1. *Inst. de verb. oblig.* Alias sponsio accipitur, pro certatione pignorum ni ita se res habet, ut qui deponit affirmat. *l. si gratuitam.* 17. §. *fin. ff. de præscr. verb. l. penult. ff. de aleæ lusu.*

Sponsus. b) Sic legendum, non sponsi. Nam sponsus dicimus. unde actio ex sponsu. Hinc illud Servii Sulpitii *apud Gell. lib. 9. cap. 4.* Si post eas stipulationes uxor non dabatur, aut non dicebatur, qui stipulatur ex sponsu agebat, iudices cognoscebant.

L E X V I I I.

Idem libr. I I I. ad Edictum.

Verbum *Oportebit a* tam præsens, quam futurum tempus significat.

E X P L I -

E X P L I C A T I O.

Oportebit. a) Verbi gratia cum quis promittit, quicquid dare facere oportebit. *Gl. hic* Nam etiam ex vi sermonis, præsens comprehenditur: cum qui dare facere debet tempore contractus, etiam post contractum dare facere teneatur; nec enim per eum contractum præsens obligatio extinguitur. Oportet autem verbum in stipulatione. Quid te mihi dare facere oportet, & aliis, quod præsentis die debetur tantum complectitur. *l. si stipulatus. 76. §. 1. l. si à colono. 39. l. cum stipulamur. 125. ff. de verbor. oblig.* Verba enim semper secundum suum tempus sunt accipienda. *l. si scripsisset. 46. ff. de legat. 2.* Nisi aliter expressè actum sit. *l. non aliter. 69. ff. de legat.*

I D E M §. I.

Actionis a verbo non continetur exceptio. ^b

E X P L I C A T I O.

Actionis. a) Puta specialiter sumto; Generalissimè sumto omninò; continetur; *l. 1. ff. de except.* id est, significatur.

Exceptio. b) Est enim actionis exclusio. *l. 2. ff. de exception.*

Ulpianus Lib. V. ad Edictum.

M Arcellus apud Julianum notat verbo *Perisse* & scissum & fractum a contineri, & vi raptum. b

EXPLICATIO.

Fractum. a) Quia amissa dicuntur & ea quæ corrupta alicui relinquuntur. l. 4. §. *amissa.* 10. ff. *de vi bon. rapt.* l. si *servus servum.* 24. §. *inquit lex.* 13. cum §§. *seqq.* ff. *ad leg. Aquil.*

Vi raptum. b) Vi rapere plerunque vim majorem significat, l. 1. l. 2. §. 1. §. si *per vim.* l. fin. ff. *vi bon. rapt.* l. 3. §. *non tantum.* ff. *de incend.* Sæpius pro re subjecta ad leviolem & quasi vim, etiam eam, quæ effectum sortita non est, refertur. d. l. 3. §. *non solum.* l. si *quis ex domo.* ff. *de furt.* Nam si quid frangatur, vel scissum sit, etiam si vi atroci non fiat, raptum dicitur, quia ruptum est, & loco suo motum. d. l. 3. §. *non solum.* l. 3. ff. *ne quis eum qui in ius voc.*

L E X X.

Idem Lib. VI. ad Edictum.

C Reditores *a* accipiendos esse constat eos, quibus debetur ex quacunque actione *b*, vel persecutione *c*, vel jure Civili *d* sine ulla *e* exceptionis perpetuæ remotione, vel honorario *f*, vel extraordinario *g*, sive purè *h*, sive in diem, vel sub conditione *i*. Quod si naturâ *k* debeat, non sunt loco creditorum. Sed si non sit mutua pecunia, sed contractus *l*: creditores accipiuntur.

E X P L I C A T I O.

Creditores. a) Creditor ut quis dicatur, satis, quod fidem alterius secutus sit, vel verè, vel legis interpretatione. *l. in fraudem. 27. ff. qui et à quib. man.*

Actione. b) Actio hic consideratur ut species persecutionis, cum alias generalius sumpta, omnem sub se persecutionem contineat, quâ quid seu in jure, seu in judicio postulatur, petiturve. *l. pecunia. 178. §. actionis. 2. ff. hic.* Ut hic consideratur, definitur jus persequendi, non in jure, sed in judicio, id quod sibi debetur. §. 1. *Inst. de action.* Dividitur in realem

realem & personalem : Illa petitio, hæc actio in strictissima significatione dicitur. *l. actio-num. 25. l. 28. l. 37. ff. de oblig. & action. §. sic itaque. Inst. de action.* Vtram qui habet hic creditor dici potest. Nam & qui rem alterius tenet, licet persona ipsius nullo jure sit obligata, *§. omnium. Inst. hic.* ratione rei debitor est, eam enim restituere tenetur.

Persecutione. c) Puta merâ, ab actione distincta ; Est, cum prætermisso legitimo agendi ordine, ac formularum ritu, (qui in actione observandus) apud Magistratum experimur : unde extraordinaria dicitur, *in l. pecunie. 178. §. actionis. ff. hic.*

Iure Civili d) Iure civili non tantum debetur ei qui quem ex contractibus eo jure inventis ; ut stipulatione, literarum obligatione, emphyteusi, &c. habet obligatum ; sed & ex contractibus Iuris Gentium : quia à jure Civili approbati.

Sine ulla. e) Quia exceptio perpetua actionem ita perimit, ut eâ nunquam uti possimus. exempli causa : si quis, se nunquam petiturum convenerit. *l. 3. ff. de exception.*

Honorario. f) Ius honorarium est, quod ex Edictis Prætorum descendit, sic ad honorem Prætorum nominatum. *l. 7. in fin. ff. de just. & jur. l. 2. §. eodem tempore. ff. de orig. jur.* Ex hoc jure est obligatio de constituta pecunia, de peculio, in rem verso, &c.

Extraordinario. g) Cum Prætor, æquitate motus, in causis jurisdictionis, civili actione deficiente, officium suum impertit; ut cum filiofamilias, qui viaticum sibi à patre datum, mutuum dedit, extraordinario iudicio subvenit. *l. cum filiusfamilias. 17. ff. de reb. cred.*

Purè. h) Id est, simpliciter & absolutè, *l. 3. in princ. ff. de doli mali except. sine die & conditione. l. 8. ff. de auctor. tut.*

Sub conditione. i) Conditio vel in præsens, vel in præteritum, vel in futurum confertur. Sed ea demum potestatem conditionis obtinet, id est, in eventum aliquem negotium suspendit, quæ in futurum confertur. *l. cum ad præsens. & l. itaque. ff. de reb. cred.* Hæc confertur vel in casum & eventum incertum & casualis; vel in arbitrium, & potestativa à Iustiniano, *l. un. §. fin. autem. C. de caduc. toll.* promiscua à Icto Paulo, *l. si jam facta. §. 1. ff. de cond. & demonst. dicitur.* Sub hac cui debetur propriè est creditor; cui sub illa impropriè, at eveniente propriè retro fuisse videtur. *l. 8. is. 42. ff. de oblig. & action.*

Natura. k) Cui natura, id est, ex obligatione naturali, & quidem simplici, jure naturali efficaci, debetur, creditor quidem revera est, unde & fidejussorem accipere potest; non tamen creditoris loco habetur. *l. fidejussor. 16. §. naturales. 3. ff. de fidejuss.* Quia nullam ex
hac

In Dig. Tit. de Verborum Signif. 21

hac causa habet actionem. *l. Iuris Gentium. 7.*
S. 4. ff. de pactes.

Contractus. t) Non tantum ex traditione pecuniæ creditor quis efficitur, & debitum persequi potest: sed etiam ex contractu, venditione puta, & emptione; in qua præsens pecunia non intervenerit, sed per stipulationem promissa fuerit. *l. pecunia verbum. 178. ff. hic.*

L E X X I.

*Cajus Lib. 1. ad Edictum
Provinciale.*

Creditorum appellatione non hi tantum accipiuntur, qui pecuniam crediderunt: sed omnes quibus ex qualibet causa debetur.

E X P L I C A T I O.

Pecuniam. a) Propriè creditores sunt qui pecuniam mutuam dederunt; & similiter qui eis respondent: debitores sunt, qui ex causa crediti debent: *l. incendium. C. si cert. pet.* sed porrigitur utrorumque appellatio etiam ad alios contractus, *l. omnem. ff. de judic. veros vel quasi. l. 1. ff. si cert. pet.*

L E X XII.

Ulpianus Lib. VI. ad Edictum.

[U]T si cui ex empto, vel ex locato, vel ex alio debetur. Sed et si ex delicto *a* debeatur mihi videtur posse creditoris loco accipi. Quod si ex populari causa *b*, ante litis contestationem rectè dicetur creditoris loco non esse, postea esse.

E X P L I C A T I O.

Delicto. a) Est hic creditoris loco, cum delinquens poenæ se obligasse videatur, *l. cum obligamur. § 2. §. ex peccato. 8. l. actionum. 25. §. vers. pen. ff. de oblig. et act.* Alioqui revera, cum delinquentis fidem secutus non sit, non est creditor.

Populari causa. b) Causa popularis, ut suum jus populi tueatur, *l. 1. ff. de popul. act. ad multos pertinet, per unum tamen agenda, l. 2. 3. ff. eod. unde, si quid debeatur, ante litem contestatam creditor is dici nequit; quia non prius constat ad quem ex multis actio pertineat. l. eum qui. 30. §. 3 ff. de jurejur. l. pen. §. 1. ff. de popul. act. l. si quis. § 6. §. fin. cum l. seq. ff. de fidejuss.* Est enim, pluribus populari

lari actione agentibus, Prætoris optio eligere idoneorem. *l. 2. ff. de popul. act.*

IDEM. §. I.

Minus solvit^a, qui tardius solvit:
nam & tempore minus solvitur.

EXPLICATIO.

Minus solvit. a) Solidum enim non minus solvitur quantitate quam die. *l. solidum. 85. ff. de solution.* Quippe temporis lapsu non parum è solutione deterit. Vnde qui suâ die non solvit, si ad interesse agatur, jure conqueri non potest; *Doct. in l. obligatione C. de solution. l. locum. 60. ff. pro socio.* Ab ejus tamen solutione liberatur, si creditor solutionem post tempus recepit. *l. 3. C. de pos.*

LEX XII.

Idem Lib. VII. ad Edictum.

Mulieris appellatione etiam virgo viripotens^a continetur.

EXPLICATIO.

Viripotens. a) Mulieres dicuntur omnes quæ sexus foeminini sunt, cujuscunque sint ætatis. *arg. l. vestis. 23. §. vestimenta 2. ff. de auro, arg. leg.* Itaque mulieris appellatione virgo viripotens continetur; *ut hic.* &
mulie-

mulieribus legatis etiam virgines debentur.
l. servis. 81. ff. de legat. 3. Consuetudo ta-
 men tulit, ut virum passæ, mulieres; illibatæ,
 virgines appellentur. *Cicer. Ferrin. 3.* Unde
 foeminam emturo, si venditor affirmaverit
 non esse mulierem, de corrupta intelligimus;
l. alioquin. 11. §. 1. ff. de contrah. emt. Non
 enim est verisimile de sexu tunc fuisse du-
 bitatum.

I D E M §. I.

Res abesse a videntur (ut Sabinus
 ait & Pedius probat.) etiam hæ quarum
 corpus manet, forma b mutata est, &
 ideo si corruptæ, redditæ sunt, vel
 transfiguratæ, videri abesse quoniam
 plerumque plus est in manus pretio, e
 quam in re.

E X P L I C A T I O.

Res abesse. a) Id est è nostris bonis ablatae
 ut patrimonium nostrum diminuisse videan-
 tur. *l. subsignatum. §. bonorum. l. tantum,
 inf. hic.*

Forma. b) Omnia quæ arte aut natura
 constant ex materia & forma sunt compacta.
 A forma omnia quidem nuncupationem sus-
 cipiunt, sed tamen in illis quæ arte fabrefa-
 cta, vel materia, vel ars præcellit. Ea in qui-
 bus

bus forma materiæ præstat, formâ abolitâ, abesse dicuntur. *l. seq. hic.* non in quibus materia præstiterit, siquidem materia supersit, quia scilicet plus pretii est in materia, quam in forma; ejus princeps ratio habetur.

Abesse. b) Vnde re sic restitutâ, ea iterum peti potest tanquam si nihil esset restitutum. *l. etiam circa. 27. ff. de solution. l. 3. §. 1. ff. commod.*

Manus pretio.) Id est, in eo quod res, ob eam, quam habebat manu Artificis impressam formam, pluris erat.

I D E M. §. I I.

Desinere autem abesse res tunc videtur cum sic redit in potestatem, *a* ne amittere [ejus] possessionem possimus. *b*

E X P L I C A T I O.

Potestatem. a) Res quæ nobis subtractæ sunt, vel vi, vel fuito, etiam abesse dicuntur. At si eæ nobis recuperatæ sunt & in potestatem nostram redierunt; cum primum hoc sciverimus; *l. qui fundum. 7. §. pen. ff. pro emptore.* abesse desinunt. Vnde si iterum contractentur, furti competit actio. *l. inter omnes. 46. §. fin. ff. de furt.*

Possimus. b) Iustè ergò ejus possessionem nancisci debemus. *l. sequitur. 4. §. tunc in potestatem.*

testatem. 12. ff. de usucap. Vnde rem si vi recuperaverimus, ea non videtur nobis desinisse abesse; cum auferri possit. In interdicto enim possessionis recuperandæ, dominii exceptio rejicitur. *l. si quis. C. ad leg. lul. de vi. priv.*

IDEM. §. III.

Ob hoc, quod furto pridem subtrahita est. Abest *a* & ea res quæ in rebus humanis non est.

EXPLICATIO.

Abest. a) Abesse, imò maximè, dicuntur eæ quæ prorsus depereunt ita ut materia pariter & forma intereat; sive id fiat, si sint, animatæ, per mortem; sive, si inanimatæ, casu, ut incendio, naufragio. &c. *l. incendium. C. si cert. pet. l. 4. C. depos. l. 5. ff. de reb. cred. l. 5. ff. commod. l. si servus. ff. de legat. 1. l. si ex legati, ff. de V. O.*

LEX XIV.

Paulus lib. VII. ad Edictum.

L Abeo & Sabinus existimant, si vestimentum scissum reddatur, vel res corrupta sit; veluti scyphi collisi, aut tabula læsa pictura, videri rem abesse:

abesse : a quoniam earum rerum pretium non in substantia, sed in arte sit positum. Item si dominus rem, quæ furto sibi aberat, ignorans emerit *b*; rectè dicitur res abesse, etiam si postea id ita esse scierit : quia videtur res ei abesse, cui pretium abest.

EXPLICATIO.

Abesse. a) Formâ rei mutatâ, ut supra diximus, res abesse intelligitur. Ea mutatur vel deterioratione, rem corrumpendo; vel specificatione. Corruptitur res, si corpore manente, ejus forma, quæ dat esse rei, figura & dispositio, scindendo, frangendo, rumpendo, arripiendo, atterendo, collidendo, contundendo, convellendo, radendo, distrahendo, dilaceretur; ut hic exemplis vestimenti scissi & scyphi collisi, & tabulæ picturâ rasâ, indicatur. Specificatione mutatur forma, quando ex aliena materia vel specie, arte aliud opus seu species, priore formâ mutatâ vel sublatâ, conficitur. *vid. §. cum ex aliena. 25. cum §. seq. Inst. de rerum divis.*

Emerit. b) Undè si à fure, emit, vel ipsam rem, vel ejus pretium, rursus petere potest. *fac. l. si filiofamilias. 19. vers. fin. l. illud. 37. §. 1. ff. de donat. mort. caus. si ab*

alio, pretium; siquidem ignorans emit; *l. sue rei. 16. ff. de contr. emt.* Emerere hic intellige de facto; de jure enim rei suæ sive ignorans, sive sciens, emptor nemo est. *d. l. sue rei. 16.*

I D E M §. I.

Rem amisisse *a* videtur, qui adversus nullum ejus persequendæ actionem *b* habet.

E X P L I C A T I O.

Amisisse. a) Amittere rem non videtur, cui propria non fuit. *l. non videntur. 83. ff. de divers. reg. jur.*

Actionem. b) Nam qui actionem habet, rem habere videtur. *l. 5. ff. de in int. rest. l. 9. §. 6. ff. quod met. caus. vid. l. si quis. 28. ff. de negot. gest.* Est tamen minus. *l. minus 204. ff. de div. reg. jur.* Quia tutius rei incumbere.

L B X X V.

Ulpianus Lib. X. ad Edictum.

Bona civitatis abusivè publica dicta sunt, sola enim ea publica sunt, quæ populi Romani sunt.

EXPLICATIO.

Populi Romani. a) Quia nulla civitas omnium est communis præter urbem Romam. Illa enim communis omnium patria est. *l. Roma. 33. ff. ad municip. l. in orbe Romano. 17. ff. de statu hom.* ideò ea tantum, si propriè loqui velimus, publica sunt, quæ sunt populi Romani. Publica ea appellamus quæ omnium utilitati accommodata sunt, vel ad omnes pertinent. §. 2. cum seqq. *Inst. de rer. div.*

· L E X X V I.

*Cajus Lib. 111. ad Edictum
Provinciale.*

EUM, qui vectigal a populi Romani conductum habet, publicanum^b appellamus. nam publica appellatio in compluribus causis ad populum Romanum respicit: civitates enim privatorum loco habentur.

EXPLICATIO.

Vectigal. a) Vectigalia propriè sunt portoria quæ in itinere præstari solent. *l. si quis pro uxore. ff. de donat. int. vir. & uxor.* Sunt tamen & aliæ vectigalium loco, veluti vicissima hereditatum & manumissorum, octava

rerum venalium, *l. 7. C. de vectigal. quadragesima litium, item redditus ex metallis, salinis, picariis, cretæfodinis, cotoriis. l. seq. §. 1. hic. Cujac. lib. 7. obs. cap. 4.*

Publicanum. b) Publicani propriè ii sunt, qui vectigalia populi Romani, aut Principis, conducta habent, non tributa; *l. quanta audaciæ. 12. §. fin. cum l. seq. ff. de publican. & vectig.* Eorum tamen loco & ii sunt, qui tributa vel stipendia, *l. 1. §. 1. ff. eod.* imò & portoria civitatibus debita, conduxerunt. *l. sed & his. 13. §. 1. ff. eod.*

Civitates. c) Vndè in multis jure privatorum utuntur; Habet enim contra eos locum SenatusC. Macedonianum; *l. nihil interest. 15. ff. ad SC. Maced. Ædilitium Edictum: l. 1. §. si tamen. 4. ff. de Ædil. Edict.* qui eorum pecuniam furripit furti, non peculatus, tenetur: *l. ob pecuniam. 81. ff. de furt. in integrum restitui possunt; l. respublica. 4. C. quib. ex caus. major. in int. l. ergo. 22. §. fin. ff. eod. l. illud sciendum. 9. ff. de appellat.* In nonnullis tamen plus iis, quam privatis conceditur, ut in præscriptione, vel usucapione, quæ vel longiori tempore; *l. fin. C. de SS. Eccles. vel nullo modo conceditur. l. usucapionem. 9. ff. de usucap.* item si mancipium illis subtractum. *l. mancipia. 5. C. de serv. fugit.* Imò & eorum bona communia, publica, licet abusive, dicuntur; & iisdem gaudent privilegiis quibus

In Dig. Tit. de Verborum Signif. 31
quibus propriè publica. *d. l. usucapionem. 9.*
l. seq. in princ. hic.

L E X X V I I.

Ulpianus Lib. 11. ad Edictum.

INter publica *a* habemus non sacra,
nec religiosa: nec quæ publicis usi-
bus destinata sunt: sed si qua sunt ci-
vitatum velut bona: sed peculia ser-
vorum *b* civitatum proculdubio publi-
ca habentur.

E X P L I C A T I O.

Publica. *a*) Publica alia sunt ex quibus
populus Romanus usum habet; quæ ita pu-
blica sunt, ut in iis versari, deambulare, assi-
dere, oblectari, omnibus liceat; ut sunt ædes
sacræ, theatra, forum; *l. Sed Celsus. 6. in princ.*
ff. de reb. credit. quæ Iurisconsultus hic exclu-
dit: Alia sunt publica, (quæ Iurisconsultus
hic admittit) ex quibus populus præter pu-
blicam stationem usumfructum decerpit; ut
prædia, tabernæ, insulæ, ex quibus proven-
tus sequitur; peculia servorum civitatum.

Peculia servorum. *b*) Servi civitatum pecu-
lia habere non possunt nisi consentiente po-
pulo. Servis decedentibus, in peculia Res-

publica succedit, ex quibus deinde populi proventus adcrefcunt.

ID E M §. I.

Publica vectigalia intelligere debemus, ex quibus vectigal fiscus^a capit: quale est vectigal portus, ^b vel venalium rerum, ^c item falinarum & metallorum, & picariarum. ^d

EXPLICATIO.

Fiscus. a) Fiscus & ærarium differebant. Ille erat Principis; hoc populi. Damnatorum bona publicata in ærarium, Saturni dictum; confiscata in fiscum ad privatam Principis utilitatem referebantur. *Sueton. in August. Tacit. Annal. lib. 5. Ælius Spartian in Hadriano. l. 2. §. 7. ff. ne quid in loc. publ.*

Portus. b) Portus, hic, significat, navium statio munita & conclusa, ut in ea naves mercesque illatæ cfferendæ, tutæ à ventis, à procellis munitæ, à piratis conclusæ stent persistant. Vectigal, quod ideo debetur, portorium dicitur; non tantum quod in portu, sed & quod in transitu pontis pro exportandis mercibus solvitur. *l. 203. ff. hic. l. 3. C. de vectigal. l. 60. §. 8. ff. locati.*

Venaliū rerum. c) Vectigal rerum publice venalium, venalitium dicitur. *l. 1. C. de veteran.*

In Dig. Tit. de Verborum Signif. 33

veteran. lib. 12. Cujac. ad l. 4. C. de prox. sacr. scrib. Erat pars octava. l. 7. C. de vectigal. sicut metallorum decima. l. cuncti. C. de metal. lib. 11.

Picariarum. d) Picariæ sunt picis fodinæ. nam & picem fossilem inveniri Plinius scribit, lib. 16. cap. 12.

LEX XVIII.

Paulus Lib. 1 X. ad Edictum.

MUnus tribus ^a modis dicitur. uno donum ^b: & inde munera dici, dari, mittive altero onus: ^c quod cum remittatur, vacationem militiæ munerisve præstat: indè immunitatem ^d appellari. tertio officium ^e: unde munera militaria, & quosdam milites munifices ^f vocari. Igitur municipes ^g dici, quod munera civilia capiant.

EXPLICATIO.

Tribus. a) Imò quatuor. Præter modos enim infra enarrandos, & munus, omnia genera ludorum complectitur. l. civitatibus 122. ff. de legat. 1. l. Publius Mævius. 36. in princ. ff. de cond. & demonstr. l. mortuo bove. 49. §. fin. ff. de legat. 2.

Donum. b) Inter donum & munus hoc interest quod inter genus & speciem. Nam donum genus est, munus verò donum est cum causâ; ut puta. natalitium, nuptiale. *l. inter donum. 194. ff. hic. l. sed si vir. 31. §. si vir uxori. 2. §. si vir uxori. 8. ff. de don. int. vir. & uxor.*

Onus. c) Munus publicum, (quod & civile dicitur. *l. ult. §. 28. ff. de muner. & honor.*) ut onus acceptum, est officium privati hominis, ex quo commodum ad singulos, universosque cives, remque eorum, imperio Magistratus extraordinario, pervenit. *l. pupillus. 239. §. munus. ff. hic.* Est vel patrimoniale, quod sumptibus patrimonii & detrimento administrantis expeditur. *d. l. ult. §. 18. & aut possessoribus ædium, agrorum, iungitur; aut solis municipibus & incolis imponitur. l. 6. §. pen. d. l. ult. §. 21. l. 3. §. 11. ff. de mun. & honor.* Vel personale, quod animi vigilantia, & corporali labore, sine sumptu & sine gerentis damno perpetratur. *l. 1. §. illud. d. l. ult. §. 1. ff. eod.* sive id in administranda Republica sine titulo dignitatis; *d. l. 14. §. 1.* sive in administratione rei privatae, ut tutela & cura consistat. *fac. l. fin. §. 1. ff. eod.* Vel mixtum, quod & corporali ministerio geritur, & detrimentum gerentibus infert; ut tributorum exactio. *d. l. fin. §. 26. & §§. seqq.*

Immunis-

In Dig. Tit. de Verborum Signif. 35

Immunitatem. d) Est ergò immunitas exemptio & vacatio munerum & onerum publicorum , à jure vel Principe concessa. Quæ concessio strictè accipitur. Vndè cui munerum vacatio concessa magistratum recusare non potest ; quia magistratus non munus est, sed honos. *l. 12. ff. de muner. & honor.* Personis datæ immunitates , ad heredes non transmittuntur : *l. 1. §. 1. ff. de jure immun.* nisi id in forma concessionis fuerit expressum. *l. 4. ff. eod.* Quo casu transeunt in posteros mares , non eos qui ex foeminis nascuntur. *d. l. 1. in fin.*

Officium. e) Officium est , quasi effcium ab efficiendo , quod unicuique personæ congruit , dictum. *Donat. in Terent. Adolph. act. 1. scen.* Sic officium Magistratus & jus dicentis, ut Prætoris. *l. 1. ff. de jurisdict. l. 27. ff. de verb. oblig. l. 22. ff. si cert. pet.* Officium modò munus publicum honoremque significat. *l. 2. ff. de his quæ ut ind. l. 4. §. 1. ff. de off. Procons. l. 12. §. pen. ff. de judic. l. 2. ff. de div. reg. jur. ut hic ; modo officiales ipsos & ministros magistratuum , ac præsidum. l. 6. §. ne tenuis. ff. de officio præsidum. l. 72. ff. de furtis. l. 6. C. de sententiis & interlocut.*

Munifices. f) Munifices dicuntur qui munera faciunt. *Festo.* Vnde milites dicebantur munifices , qui propter munera militiam facere

coguntur. *Veget. lib. 1. de re milit.* Sic & munificum prædium dicitur, publicæ functioni & vectigalis collationi subiectum. *l. 2. C. de præd. & om. reb. navic. lib. 11. i. si publicano. in fin. ff. de publ. & vectig.*

Municipes. g) Sic ut, ergo, munifex in militia, ita müniceps in Republica nominatur.

L E X X I X.

Ulpianus Lib. I X. ad Edictum.

L Abeo libro primo Prætoris urbani definit, quod quædam agantur, quædam gerantur, quædam contrahantur. Et actum ^a quidem generale verbum esse, siue verbis, siue re quid agatur: ut in stipulatione, vel numeratione. Contractum ^b autem ultrò citroque ^c obligationem quod Græci *συνάλλαγμα* vocant, veluti emtionem, venditionem, locationem, conductionem, societatem. Gestum ^d rem significare sine verbis factam.

E X P L I C A T I O.

Actum a.) Actus generaliter intelligitur pro omni eo quod agitur: siue verbis agatur

In Dig. Tit. de Verborum Signif. 37

gatur, ut stipulatione: §. 1. *Inst. l. 1. ff. de verb. oblig.* (Vnde in stipulationibus cum quæritur quid actum sit, verba stipulationis spectanda sunt; quæ si obscura vel ambigua sint, contra stipulatorem sunt interpretanda. *l. stipulatio ista. §. in stipulationibus. junct. l. cum qui caleradis. §. l. sequitur. in fin. ff. eod.*) siue re agatur, ut in numeratione. §. 1. *Inst. quib. mod. re contr. oblig.* Et generaliter etiam sæpe de quocunque actu accipimus actum; ut cum dicitur, quod actus agentium non operentur ultra illorum intentionem. *l. non omnis. ff. de reb. cred.*

Contractum. b) Contractus est factum (Inde dicitur facti potius, quam juris. *l. 7. in fin. ff. de curat. furios.*) obligationem inter aliquos constituens. Factum quo obligamur, sed non ipsum vinculum juris. quod est obligatio, ex contractu orta. *princ. Inst. de obligat.*

Utro citroque. c) Propriè puta; Aliàs impropriè contractus est, in quo unus tantum obligatur; ut in mutuo, *l. 2. ff. de reb. cred. stipulatione, l. 1. §. 4. ff. de verb. oblig. l. 1. §. fin. ff. de pact. donatione, l. 7. C. de his quæ vi met. caus.* Impropriè magis distractus, ut transactio, *d. l. 7. solutio, liberatio. l. omnem. 20. ff. de judic.*

Gestum. d) Gestum aut accipitur strictè, ut hic *§. l. 2. ff. de curat. bon. dand. aut latè, & tum*

& tum gestum, & factum pro eodem ponitur. *l. licet. § 8. ff. hic.* Vnde in Edicto de minoribus hæc verba, *Quod cum minore quam viginti quinque annis natu gestum esse dicetur*, *Ulpianus in l. 7. ubi & Cujac. ff. de minor.* sic interpretatur; ut *Gestum* accipiatur, qualiter, qualiter, siue contractus sit, siue quid aliud contigit: proinde, siue emit, siue vendidit, siue societatem coit, siue soluta ei pecunia, & eam perdidit, inde ei succurratur. Sed & his Edicti verbis, *Quæ fraudationis causa gesta erunt*: quæcunque in fraudem creditorum fecerit quis continentur, siue alienaverit de suo, siue liberationem debitoribus præstiterit. *l. 1. ff. quæ in fraud. cred.*

L E X X X.

Idem Libr. X I I. ad Edictum.

Verba *contraxerunt, gesserunt*,^a non pertinent ad testandi jus.

E X P L I C A T I O.

Contraxerunt, gesserunt. a) Ad testamenti factionem neque contractus, neque rei gestio pertinet. Non contractus quia in contractu, proprie sumto (ut dictum) utraque pars obstringitur: in testamento autem neque testator, neque heres obstringi solet. Non testator; quia voluntatem usque ad mortem
habet

habet ambulatoriam, & pro libitu testamentum potest immutare. *l. quod si iterum. ff. de adim. vel transfer. leg.* Non heres, quia ejus non requiritur consensus, & plerunque dum testamentum conficitur abest: quia, si heres necessarius adire cogitur; §. *necessarius. Inst. de her. qual. & diff.* si suus, aut extraneus, si velit, renunciare hereditati potest. Gestio ad testamenti factionem non pertinet. Quia sine verbis perficitur & rebus constat; *l. præced. in fin.* testamenti autem factio magis verbis quam rebus.

L E X X X I.

Paulus Lib. X I. ad Edictum.

PRinceps bona ^a concedendo, videtur etiam obligationes ^b concedere.

E X P L I C A T I O.

Bona. a) Bonorum appellatio, sicut hereditatis, universitatem quandam ac jus successionis, & non singulas res demonstrat. *l. bonorum appellatio. 208. ff. hic.* Vnde non mirum bonis ex Principis munificentia concessis, & obligationes concedi. Nam, si quod amplius est, bona conceduntur: quis dubitet quin id quod minus est, id est, obligationes concedantur? quæ quasi appendices bonis inherent. *l. 1. & 2. C. de sentent. pass.*

Obli-

Obligationes. b) Intellige tantum eas, undè ei cui bona concessa commodum accedit, cum creditor effectus, nominra exigit: Non eas undè incommodum nanciscitur, cum debitor effectus ad persolvenda onera compellitur. Bona enim hic; cum beneficium Principis in ejus favorem cui aliquid indulgetquam plenissime sit interpretandum, *l. pen. ff. de constit. Princ.* intelliguntur deducto ære alieno, *l. subsignatum. 39. §. bona. 1. ff. hic.*

L E X XXII.

Cajus Lib. I V. ad Edictum Provinciale.

PLus est in restitutione quam in exhibitione. nam exhibere ^a est præsentiam corporis præbere: restituere ^b est, etiam possessorem facere, fructusque reddere. pleraque ^c præterea restitutionis verbo continentur.

E X P L I C A T I O.

Exhibere. a) Exhibet enim, hic, qui in publico apud Magistratum, potestatem videndæ & apprehendendæ rei facit, ut actor, copiam ejus habens, possit experiri jure, & actione exequi quod destinavit. *l. 2. ff. ad exhib. 3. ff. de lib. hom. exhib. l. 3. §. 8. ff. de tab. exhib.*

Resti-

Restituere. b) Restituere est non solum videndi, tangendique, verum etiam abducendi, habendi & possidendi facultatem præstare; *l. restituere. 35. l. restituere. 75. ff. hic. fructusque*, id est, omne emolumentum & commodum, quod ex re restituenda vel ejus occasione, superest, *l. sed & partus. 12. l. item si. 14. §. quadruplatur. ff. quod met. caus. reddere. l. quod si minor. 24. §. restitutio. ff. de minor. l. ait Prator. 23. §. item ei. l. nec non. 28. §. fin. ff. ex quib. caus. major. l. 3. §. ex quibus ff. de alien. jud. mut. caus. l. 17. §. l. 20. l. fructus. 33. ff. de rei vind.* Dicitur enim restituere quasi retrò statuere, sive constituere, & dare & reddere. *Varro.* Iudex ergò si rem simpliciter, nullâ fructuum mentione factâ, restitui debere pronuntiavit, res sine fructibus non rectè restituitur. *l. præterea. 20. ff. de rei vind.* Nisi res de qua agebatur aliud suadeat. *d. l. præterea. l. illud. ff. de petit. hered. l. videamus. ff. de usur. l. in condemnatione. 173. §. 1. ff. de div. reg. jur. l. cum prator. 81. inf. hic.*

Pleraque. c) Puta; Vt cavèatur rem deteriorè non esse factam; *l. metum. 9. §. ex hoc Edicto. ff. quod met. caus. do'um malum abesse; l. si post acceptum. 18. l. seq. l. si homo. 45. ff. de rei vind.* Vt lucrum ex re vel occasione rei acceptum unâ restituatur; *l. 52. ff. de rex. vind.* Vtucapiendi causâ reddatur, *d. l. si post acceptum. l. 37. l. 75. ff. hic.*
item

item interesse. *l. 4. in fin. ff. de alien. jūd. mut. caus.* ut deterioratio resarciatur, *l. non solum 13. ff. de rei vind. l. 3. §. 1. ff. commod. omnisque causa reddatur.*

L E X XXIII.

Ulpianus Lib. XIV. ad Edictum.

REI ^a appellatione, & causæ & jura continentur.

E X P L I C A T I O.

Rei. a) Rei nomine vult Jurisconsultus, tam ea quæ mancipi sunt, quam ea quæ non mancipi denotari; id est, tam corporalia, quam incorporalia; per causas, corporalia, per jura, incorporalia, indicans. Vnde re venditâ, & servitus ei imposita, vendita censetur. *l. si aqua. ff. de contr. emt.* Fundo simpliciter rei vindicatione petito, & servitutes debentur. *l. via, §. si fundum. ff. de serv. rust. præd.*

L E X XXIV.

*Cajus Lib. II. ad Edictum
Provinciale.*

Nihil aliud est hereditas, ^a quam successio in universum jus, quod defunctus habuit.

E X P L I -

EXPLICATIO.

Hereditas. a) Similis definitio est *in lege hereditas. 82. ff. de div. reg. jur.* Et apud Ciceronem *in Topicis, in loco à definitione*; ubi inquit; *Hæreditas est pecunia, quæ morte alicujus ad quæmpiam pervenit jure, nec ea aut legata testamento, aut possessione retenta.* Sed Iurisconsultus ad vulgarem loquendi usum respiciens, ut foro deserviret, magis hereditatis aditionem, quam ipsam hereditatem definit. Nam cum hereditas, (*ut Oldend. in x i i. Tab.*) sit relatio juxta æqualitatem & inæqualitatem, ipse maluit definire juxta actionem & passionem, ut est aditio. Quare & Vlpianus *in l. pecunia. §. hereditas. ff. hic & l. hereditas. 10. ff. de hered. petit.* Hereditas, inquit, nomen juris est, quod & accessionem & decessionem in se recipit, & sine ullo tempore juris intellectum habet. Hinc patet hereditatem non nisi successionem deferri; *l. 4. ff. de inutil. stipul. l. fin. C. de pact. rei particularis non esse hereditatem; l. quoties. 13. C. de hered. instit. viventis non esse hereditatem; jus illud in definitione positum, antequam heredi quæratur, & quamdu hereditas jacet, dici; l. heres quandoque. 54. ff. de acquir. hered. l. sed si plures. 10. §. 2. ff. de vulg. & pup. subst. hereditatem jacentem defunctum representare. l. hereditas. 34. ff. de acquir. rer. dom.*

L E X X X V.

Paulus Lib. X X I. ad Edictum.

R Ectè dicimus eum fundum totum nostrum esse, etiam cum ususfructus alienus est: a quia ususfructus non domini pars, sed servitutis sit: ut via & iter: nec falsò dici; [totum] meum cuius non potest ulla pars dici alterius esse: hoc & Julianus, & est verius.

E X P L I C A T I O.

Ususfructus alienus est. a) Quia cum dominio ususfructus, cum nemo re sua utatur fruatur, concurrere nequit. *l. uti frui. §. ff. si ususfr. pet.*

Dominii pars. b) Quia ususfructus in jure, non in parte consistit. *l. Mævius. 66. §. fundo. l. cum filius. 76. §. dominus. ff. de legat. 2. l. si a reo. 70. §. si a reo. ff. de fidejuss.* Quoniam tamen ususfructus totum rei emolumentum continet, *d. l. cum filius. 76. §. dominus. 2.* ideò licet verè non sit pars domini, tamen portionis instar obtinet; *ut in. d. l. cum filius. 76. dominus. §. l. qui usumfructum. §. 8. ff. de verb. oblig. l. 4. ff. de usufr. licet non semper. l. si Titio. 33. §. 1. ff. eod.* Adeò autem in quibusdam casibus domini pars est, ut iisdem ususfructuarius appellatione domini

mini contineatur, ut in venditione bonorum,
l. in venditione. 8. in princ. ff. de reb. author. jud. possid. in caussa damni infecti; *l. usufructu. 7. §. 1. ff. de usufr. l. qui bona. 13. §. superficiarium. ff. de damn. inf.* Est enim etiam quoddam dominium usufructus, propter quod etiam usufructus vindicari potest. *tot. tit. ff. si usufr. pet.* Cæterum usufructuarius propriè ac verè nec dominus est, *l. falsus. 43. in fin. ff. de furt.* nec esse potest; cum usufructus per dominii acquisitionem extinguatur. *l. si tibi. 17. l. si servus. 27. ff. quib. mod. usufr. amitt.*

I D E M §. I.

Quintus Mucius ^a ait partis appellatione rem pro indiviso significari. nam quod pro diviso nostrum sit, id non partem, sed totum esse. Servius non ineleganter partis appellatione utrumq; significari.

E X P L I C A T I O.

Quintus Mucius. a) Vult Quintus Mucius partis appellationem pro indiviso intelligi, id est, quæ nondum rationem sectionemq; à toto accepit; ut in bonis socialibus, in hereditate erciscunda, in bonis dividundis, *l. 6. §. si quis partem. ff. com. præd. & rectè;* Quia pars nomen est ad aliquid: nam pars totius pars est, neque pars nisi toti conjuncta. A toto revulsa, pars amplius non est, sed ex parte totum effectum.

Servius

Servius. b) *Servius* & partem eam dici vult, quæ toti conjuncta est, & rursus eam quæ à toto abjuncta est: quæ posterior significatio procedit, si ad tempus quo adhuc toti erat annexa habeatur relatio; *l. insulam. § 6. §. fin. ff. de acquir. rer. dom.* si in re, puta fundo, cujus constitutio à domini voluntate pendet, appareat, eum velle ut pars sit. *l. Cajus. 86. ff. de legat. 2.*

L E X XXVI.

Ulpianus Lib. XVI. ad Edictum.

Partum ^a non esse partem ^b rei furtivæ, Scævola libro undecimo questionum scribit.

E X P L I C A T I O.

Partus. a) *Partus*, hic, ut & aliàs, non pro ipso actu pariendi, sed pro ipsa prole accipitur; ut *partus* dotalium ancillarum est portio dotis. *l. cum post divortium. 69. §. fin. ff. de jur. dot.* Itaque & *partus* continetur redditus appellatione, non autem fructus. *l. reducta, § 8. §. hereditatem. 4. ff. ad. SC. Trebell. §. partus. Inst. de rer. div. l. 68. ff. de usufr.*

Partem. b) Vnde à bonæ fidei possessore potest usucapi, *l. qui vas. 48. §. ancilla. ff. de Jurt. nisi apud furem conceptus sit. l. si aliena.*

10. §. *fin.* ff. *de usucap.* Matrem enim contrectando, & cum contrectasse qui ejus viscerum antequam edatur, portio est. l. 1. §. 1. ff. *de inspic. vent.* videtur. Quod in furis herede, licet propter auctoris sui malam fidem usucapere nequeat, non est. l. *si ego emi.*
11. §. *partus.* ff. *de public. in rem act.*

L E X XXVII.

Idem Lib. XVII. ad Edictum.

A Ger a est locus, qui sine villa b est.

E X P L I C A T I O.

Ager. a) Ager ideo dictus, *Autor. Varr. lib. 9. de ling. lat.* quod in eo semper aliquid fructus capiendi causa agatur; aut saltem agi possit. Ager igitur est locus in rure qui agitur & colitur; sive sit compascuus, sive arvus, sive floridus, sive consitus. Consitus habet arbores, arvus aratro proscinditur, compascuus habet graminia, floridus servatur apibus & voluptati.

Villa. b) Si strictè accipiatur. Quare agro legato, villa non censetur legata. Nisi alia videatur fuisse testatoris mens. *ut in l. uxori usumfructum. 35. ff. de usu & usufr. leg.*

I D E M §. I.

Stipendium a à stipe appellatum est, quod per stipes, id est, modica æra colligatur. Idem hoc etiam tributum appellari Pomponius ait. Et sane appellatur ab intributione tributum: vel ex eo, quod militibus tribuatur.

E X P L I C A T I O.

Stipendium. a) Inter stipendium & tributum, quoad propriam significationem & usus originem, nulla est differentia. *hic.* Nam stipendium & tributum olim indifferenter appellatum fuit, quicquid in publicum colligebatur, ut ex eo miles publicè sustentaretur. *ut ex Livio. Cicer. Gell. Plin. probari potest.* Postea, cum agris hoc onus imponi cœpisset, & quidam hac conditione in publicum venirent, ut quamdiu stipem conferrent emptores possiderent, quidam per censores locarentur; *Liv. lib. 7. de sec. bell. Pm. Cicer. in 5. act. Verr.* aliqua tributi & stipendii differentia haberi cœpit. Puta ut stipendium dicatur si tributum personis esset impositum, cum scilicet aurum, argentum, æs pendere-
tur; Tributum si agris impositum ut cum equi, vestes, cæteraque ex eodem genere præstabantur. *fac. l. 3. & fin. ff. de censib juncto illud*

In Dig. Tit. de Verborum Signif. 49
illud, Tertull. in Apolog. Si agri tributo onusti,
viliores: hominum capita stipendio censa, igno-
biliore.

L E X X X I I X.

Paulus Lib. XXI. ad Edictum.

A Lienationis ^a verbum, etiam usu-
cipationem ^b continet, vix est enim,
ut non videatur alienare, qui patitur u-
suci. Eum quoque alienare dicitur,
qui non utendo ^c amisit servitutes. Qui
occasione acquirendi non utitur, non
intelligitur alienare: veluti qui heredi-
tatem ^e omittit, aut optionem ^f intra
certum tempus datam non amplectitur.

E X P L I C A T I O.

Alienationis. a) Alienationis verbum in
genere latissimam habet significationem: &
id omne alienationem vocamus, quo quid ex
unius patrimonio, ita in alterius transfertur,
ut illud minuatur, hoc augeatur, sive res sit,
sive possessio, sive jus. Propriè tamen alie-
natio est, secundum plerosque, cum transfer-
tur dominium, seu directum imprimis, seu
utile: impropriè & largè, cum non dominium
transfertur, sed aliquod jus rei, vel possessio
sola. Rem ergò alienare prohibitus, non pot-
est

est super ea transigere; *l. 1. §. et si transigi. ff. si quid in fraud. patr. nec eam obligare, siue specialiter, c. nulli. de reb. Eccl. non alien. siue generaliter; Vid. tamen Neguz. in tract. de pign. in 5. memb. 2. part. princ. num. 73. cum. seq. vendere, locare, in emphyteusim dare, l. fin. C. de jur. emph. dividere, l. 1. ff. com. utr. jud. permutare, d. c. nulli. in princ. Inst. quib. al. licet. vel non. l. fin. C. de reb. al. non alien. nisi de contraria mente appareat. l. fin. C. de pred. curial. lib. 10. Qui alienare non potest, nec potest alienationi consentire; *l. fin. ff. de jur. dot. si quidem alienatio per illum consensum perficeretur. l. sicut. §. alienationis. ff. quib. mod. pign.**

Usucapionem. b) Quod ergò alienari prohibetur, usucapi non poterit: *l. ubi. 24. ff. de usucap. si quidem prohibitio hoc efficiat, ut alienatio contra eam facta nulla sit; si non; usucapio procedit. l. ea lege. 3. C. de cond. ob caus. dat. undè res minorum, res litigiosæ, licet alienari prohibeantur, alienatæ tamen præscribi possunt. l. fin. C. in quib. caus. in int. rest. nec. l. 1. C. de præscr. long. temp.*

Non utendo. c) Quia tacitè videtur in ejus alienationem consentire. *l. 4. §. fin. ff. de usucap.*

Non intelligitur alienare. d) Quia alienatio cum præsupponat dominium; nemo alienare potest, quod suum non est; qui verò occasionem

In Dig. Tit. de Verborum Signif. §. I.

caſionem acquirendi prætermiſit, hoc ipſo nomine teſtatur, ſuum non eſſe, quod nondum acquiſivit.

Hereditatem. e.) Quia ea non, niſi adveni, acquiritur. *l. non minus. 31. §. 1. ff. de hered. inſt.*

I D E M. §. I.

Oratio ^a quæ neque conjunctionem, neque diſjunctionem habet, ex mente pronuntiantis, vel conjuncta, vel diſjuncta accipitur.

E X P L I C A T I O.

Oratio. a.) Diſjunctivam habens oratio, diſjuncta eſt; quæ conjunctivam, conjuncta; neutram quæ habet, ex mente pronuntiantis an conjuncta, vel diſjuncta ſit æſtimandum; puta in judiciis, *l. ſi quis. 67. ff. de judic.* & ultimis voluntatibus: *l. triplici. 142. ff. lic. non contractibus, ubi contra proferentem ſit interpretatio. l. Labeo. ff. de contr. emt. l. veteribus. ff. de pact.*

L E X XXIX.

Paulus Lib. X V I I. ad Edictum.

Conjunctionem enim nonnunquam pro diſjunctione ^a accipi. Labeo

ait: ut in illa stipulatione, Mihi heredi-
dique meo, te heredemque tuum.

EXPLICATIO.

Pro disjunctione. a) Conjunctio & dis-
junctio non ad verba, sed ad sensum pertinet:
nam utraque verba conjungit, sed ab altera
sensus abjungitur, ab altera conjungitur. Par-
ticula *que* conjungit sensum, neque quic-
quam cum abjunctiva habet commune in sti-
pulatione ejus quod tractum habet, ut, *Sibi he-
redique suo ire agere licere*; unde & heredi com-
petit actio. *l. si sic stipulatus. 93. l. si sic stipu-
latus sim. 132. ff. de verb. oblig.* Disjungit in
stipulatione ejus, quod tractum non habet.
ut *Mihi heredique meo centum dare promittis*;
Vnde alterutri, id est, mihi aut heredi, cen-
tum si solveris debere defines. *Sed de his infra
ad l. saepe ita. 53. ff. hic latius.*

L B X XXX.

*Cajus Lib. VII I. ad Edictum
Provinciale.*

Sylva ^a cædua ^b est, (ut quidam pu-
tant) quæ in hoc habetur, ut cæ-
deretur. Servius eam esse quæ succisa
rursus ex stirpibus, ^c aut radicibus re-
nascitur.

EXPLICATIO.

Sylva. a) Sylvæ appellatio licet generalis sit, erat tamen apud veteres inter Sylvam, lucum, nemus, & saltum discrimen. Sylva cædua erat, quæ excisa scilicet, repullulat. Lucus non erat cæduus, quin potius manu confitus, religiosusque, atque alicui Deo consecratus. Nemus, erat locus amœnitatis ac voluptatis plenus. Saltus erat sylva invia nec transeuntibus pervia. *Laur. Vall. lib. 4. elegant.*

Cadua. b) Sylva cædua est, quæ in hoc habetur, ut cædatur, & succisa ex stirpibus radicibusque repullulat, ac renascitur. Ea in fructu est, *l. qui fundum. 40. §. cum fundum. ff. de contr. emt.* tum quoque cum in tempestivè cæsa est. *l. si absente. 48. §. 1. ff. de usufruct.*

Stirpibus. c) Stirpes sunt ferulæ, seu virgulta, quæ de radicibus nascuntur: & germina dicta. *l. divortio. §. puto. ff. solut. matrim.*

IDEM. §. 1.

Stipula illecta a, sunt spicæ in messe dejectæ, necdum lectæ, quas rustici, cum vacaverint, colligunt.

EXPLICATIO.

Stipula illecta. a) Stipulæ, si propriè ex auctoritate *Varronis, lib. 1. cap. 54. de re rustic.*

rustic. loquamur, sunt folia culmum ambi-
 tia. Culmus est qui spicam sustinet, calamus
 alio nomine dictus: spica verò granum su-
 stinet, à spe dicta hujus summa arista dicitur:
 quâ si careat mutica, quasi mutila, nuncupa-
 tur. Iurisconsultus hic stipulam licenter pro
 culmo ac spica accipit. Quæ cum excisa est
 à stirpe & in terram dejecta, tantisper dum
 rustici cum vacaverit, id est, ocium fuerit,
 eam colligant, illecta appellatur.

I D E M. §. I I.

NOVALIS a est terra præcisa, quæ an-
 no cessavit, quam Græci *νέανην*
 vocant.

E X P L I C A T I O.

Novalis. a) Novalis est, terra præscissa
 (hoc est, nunc ante, superiore nempe anno,
 aratro cæsa & scissa, versa & culta,) quæ an-
 no cessat, hoc est, alternis annis cessare solet.
Plin. 18. *cap.* 19. *Laur. Vall. lib.* 4. *elegant.*
cap. 42. Vndè novalis fundi usufructu lega-
 to, usufructuarius singulis annis, nullâ vaca-
 tione datâ colere ac proscindere non potest:
 ita enim vir bonus non uteretur, frueretur.

I D E M

IDEM §. III.

Integra ^a autem est, inquam nondum dominus pascendi gratia pecus immisit.

EXPLICATIO.

Integra. a) Integram terram, dicit Iuriconsultus, quæ non modo non fuit præscissa, sed necdum pecus in eam, pascendi gratia missum est. Cicero *lib. de natur. Deorum* inquit: Præbeo me tibi integrum discipulum; id est, plane rudem, & ejus Philosophiæ ignarum.

IDEM §. IV.

Glans ^acaduca ^b est, quæ ex arbore cecidit. ^c

EXPLICATIO.

Glans. a) Glandis appellatione omnes fructus continentur. *l. 1. §. 1. ff. de gland. leg. l. qui venenum. 236. §. 1. ff. hic.*

Caduca. b) Caduca est, quæ sua sponte ex arbore decidit: *Varro. lib. 2. cap. 2.* sicut poma caduca, & procidua, ad eorum differentiam, quæ strictiva à stringendo nuncupantur: nam stringere pro colligere veteres dixerunt.

Cecidit. c) Ergo is cui glandis caducæ ususfructus constitutus, non omnes fructus qui caduci fieri possunt, sed duntaxat eos qui ceciderunt colligere potest. *per l. si fructuarius. ff. quib. mod. usufruct. amitt.*

I D E M §. V.

Pascua sylva est, quæ pastui pecudum destinata a est.

E X P L I C A T I O.

Destinata. a) Hoc est, in quam jus est pascendi causa pecora mittere. Hinc illud Ciceronis, in Topicis. *Si ager compascuus est, ergo in eo jus est compascere.*

L B X XXXI.

Ulpianus Lib. XVIII. ad Edictum.

PRatum a est, in quo ad fructum percipiendum falce duntaxat opus est, eo dictum, quod paratum sit ad fructum capiendum.

E X P L I C A T I O.

Pratum. a) Quia sine armentis arva coli difficile, & sine fæno ali armenta non possunt; ut fœnum habeatur cultus prati necessarius est. Pratum dicitur quia ad fructum percipiendum paratum, nec magnum desiderat laborem. *Colum. lib. 2. cap. 17. Vult Vlp. l. forma.*

In Dig. Tit. de Verborum Signif. 57.
ma. 4. ff. de censib. pratum dici atque æsti-
mari, quod non tantum hoc anno, sed & in-
tra decem annos proximos, quis secuit; id est
totondit.

L E X XXXII.

Paulus Lib. XXIV. ad Edictum.

Minus ^a solum intelligitur, etiam
si nihil esset solum.

E X P L I C A T I O.

Minus. a) Non semper minus vim com-
parativi retinet *Valla. lib. 1. cap. 12.* unde
quod non recepi rectè dixero minus recepisse:
& minus tribuere videtur qui nihil tri-
buit. *l. 7. §. 2. ff. de tribus. act.*

L E X XXXIII.

Ulpianus Lib. XXI. ad Edictum.

Palam, ^a est coram pluribus ^b.

E X P L I C A T I O.

Palam. a) Palam in contractibus est, in præ-
sentia iudicis, agnatorum, vel etiam amico-
rum; *Bart. sing. in l. frater à fratre. ff. de cond.*
ind. Ias. in l. singularia. in 7. col. vers. pulchrum.
ff. si cert. pet. In testamentis, ut testes se-
ptem exaudire possint; *l. 21. ff. quem. testam.*
fac. l. ult. ff. de jur. codicill. In quæstione ta-
citi fideicommissi palam intelligitur relictum,

quod testamento vel codicillis quis restituere rogatus, non domestica cautione vel chirographo. l. 3. ff. de jure fisci.

Pluribus. b) Plures & multi differunt. Plures non sunt pauciores quam duo: multi non sunt pauciores quam tres. l. ubi numerus. ff. de testib. junct. l. 1. §. hoc rescriptum. ff. ad SC. Tertul. Bart. ad l. Prator. 4. num. 1. ff. de bon. rapt.

L E X XXXIV.

Paulus Lib. XXIV. ad Edictum.

Actionis verbo etiam persecutio continetur.

E X P L I C A T I O.

Persecutio. a) Quia larga significatione actionis verbo persecutio contineatur, nullum dubium, & supra dictum est. Vnde si eadem ratio sit, quod in actione dispositum, & in persecutione, etiam in stricta materia, observabitur: *Alex. l. 1. ff. de jurisd. om. jud.* non si alia ratio. Vnde minoribus quibus denegata actio, officio Iudicis succurreretur. l. *Quintus Mucius*. 7. ff. de ann. leg. Est persecutio proprie dicta, quæ mero jus dicentis officio expeditur. l. *pecunia*. 178. §. *actionis*. ff. *hic*. Vnde extraordinaria dicta: quia judicium nunquam ingreditur; actio ingreditur.

In Dig. Tit. de Verborum Signif. 59

tur, etiamsi sit in factum, vel utilis. Actiones quamvis utiles, omnes tamen dicuntur ordinariæ, extraordinariæ persecutiones. d. l. pecunia. §. actionis.

L E X X X V.

Idem Lib. X V I I. ad Edictum.

Restituere ^a autem is intelligitur, qui simul & causam auctori reddit, quam is habiturus esset, si statim iudicii accepti ^b tempore res ei reddita fuisset, id est, usucapionis causam & fructuum.

E X P L I C A T I O.

Restituere. a) Restituit, non qui tantum rem præbet, sed eam, cum universa sua, etiam usucapiendi causa, accessione, fructu, usura, interesse, & omni commodo ac emolumento, tam occasione rei, quam ex ipsa re proveniente, reddit ac præstat. l. 22. l. 35. l. fin. in fin. ff. hic. l. qui restituere. l. præterea. l. ex diversa ff. de rei vind. l. 2. l. videamus. §. 11. tantum ff. de usur.

Iudicii accepti. b) Restituere quasi retinere statuere, siue constituere & reddere dicitur. Varro. Quare res ea in forma, accessione, & qualitate, reddi debet, in qua fuisset, si nihil adversus id, cuius gratia restitutio desideratur, factum esset. d. l. videamus. §. in Faviana. l. non enim. ff. ad SC. Treb. d. l. præterea. d. l. ex

diverso. l. 35. l. 57. ff. hic. Qui ergò rem ut restituat condemnatus, fructus à tempore litis contestationis perceptos, ubi illi à lite contestata, (ut in obligationibus dandi regulare) debentur, restituere debet. *d. l. praterea. 20.* à tempore moræ perceptos in obligatione tradendi. *d. l. videamus. 38. §. 1.*

L E X X X X V I.

Ulpianus Lib. XXIII. ad Edictum.

Litis a nomen omnem actionem significat, sive in rem, sive in personam.

E X P L I C A T I O.

Litis. a) Lis in jure dupliciter accipitur. Aut enim actionem significat, ut *hic.* tam criminalem, *l. in SCtum. 15. §. si propter. ff. ad SC. Turp.* quam civilem; tam personalem, quam realem; *hic. & l. un. C. de lit. cont. l. properandum. C. de judic.* unde dicimus litem nobis cum aliquo esse, *l. lis nulla. ff. eod. litem edere,* litem in judicium deducere. *l. si mater. 11. §. hoc jure. ff. de except. rei jud.* Aut significat instantiam, seu judicium, quod constat Iudice, actore, reo. *c. forus. 10. de verb. signif. d. l. properandum. l. rem non novam. verb. non aliter litium primordium. & §. patroni. C. de judic.* & comprehendit omnem tractum,

tractum, qui à litis contestatione incipiens, usque ad sententiam definitivam durat & exercetur. d. l. *properandum*. l. 2. C. *Theod. ad leg. Corn. de Fals.* l. 2. C. *ut int. cert. temp. crim. qu. term.* quo sensu ante litis contestationem, nulla lis est. *Bart. & Alciat. hic. l. amplius non peti. ff. rem rat. hab. l. vinum. ubi Dd. ff. de reb. cred.*

L B X XXXVII.

Paulus Lib. XXVI. ad Edictum.

Verbum *Oportere* a non ad facultatem Iudicis pertinet, qui potest vel pluris, vel minoris condemnare, sed ad veritatem refertur.

EXPLICATIO.

Oportere. a) Potest Iudex, sed non nisi ex causa, *Alciat. hic.* Reum pluris vel minoris condemnare, quam libello licet verè, actor comprehenderit sibi deberi; ut si dixerit, *Reum decem ipsi dare oportere.* Pluris condemnat in arbitrariis, l. 1. ff. *de in lit. jur.* vel in his quæ ex inficiatione duplantur, §. *at adversus. Inst. de pæn. litig.* vel expensarum, aut ejus quod interest ratione. l. *terminatio. C. de fruct. & lit. expens.* Minoris condemnat, si actor totius summæ non sit capax, vel si pars aliqua post judicium cœpit non deberi. l. *si servus. ff. de cond.*

cond. furt. vel etiam in executione, reo non nisi quatenus facere potest, convento. l. sunt qui. ff. de re judic.

L E X X X X I X.

Ulpianus Lib. XXV. ad Edictum.

Ostentum ^a Labeo definit omne contra naturam cujusque rei genitum factumque. Duo genera autem sunt ostentorum; unum, quotiens quid contra naturam ^b nascitur, tribus manibus fortè, aut pedibus, aut qua alia parte corporis, quæ naturæ contraria est: alterum, cum quid prodigiosum videtur, quæ Græci φαντάσματα, id est, visiones vocant.

E X P L I C A T I O.

Ostentum. a) Hoc vocabulum generale est ab ostentatione novæ & inconsuetæ formæ, sic nominatum, & tam ad id quod contra naturam nascitur, quam ad id quod prodigiosum videtur pertinet.

Contra naturam. b) Id est, contra naturæ consuetudinem nascitur. Hoc fit, cum cui naturali originis & generationis suæ formâ minime destructâ vel augmentum accessit, vel in aliquo delibatum & detractum, vel mutilatum est.

est. Aucta erit forma, si nascantur qui tres pluresve habeant manus; aut pedes: qui sex pluresve digitos in singulis manibus: vel qui duobus capitibus, tribus oculis. Qui, cum in iis natura larga fuit, & humana officia & membra amplificavit, inter liberos communerabuntur. *l. non sunt. 14. vers. Partus ff. de statu hom.* Undè & ad hos refer hermaphroditos, qui utroque sexu donati. *de quib. in l. queritur. 10. ff. eod.* Detractum erit formæ, si quis uno brachio vel pede, aut inversis brachiis pedibusque vel uno nullove oculo, aut sine naribus, naso, ventriculo, natus sit. Qui etiam homo, cum humanam speciem retinuerit, neque formam penitus exuerit censerì debet.

Prodigiosum c) Prodigiosa sunt quæ præter naturam eveniunt. Ut cum lapidibus pluisset. *Livius lib. 7. ab urbe cond. & decad. 3. lib. 1. ancilia cum crepitu, sua sponte mota, Idem lib. 1. & 5. ab urbe cond.* In agro Marrucino Vestii Marcelli è primis equestriis ordinis olivetum universum, publicam transgressum viam fuisse, arvis indè è contrario in locum oliveti profectis, scribit Plinius *lib. 15. cap. 25.* Quorum ostentorum origo, ut inquit Augustinus *de civit. Dei. & 1. q. 1. c. Teneamus. & 37. dist. 8. huic etiam, causa non caret, cùm omninò causa lateat.*

L E X XXXIX.

Paulus Lib. L I I. ad Edictum.

Subsignatum a dicitur, quod ab aliquo subscriptum est. Nam veteres subsignationis verbo pro adscriptione uti solebant.

E X P L I C A T I O.

Subsignatum. a) Aliud signare, aliud subsignare: Illud annulo, ut in testamentis faciendis, l. 21. ff. de testib. l. 3. §. hoc interdictum. ff. de tab. exhib. l. 32. ff. de furt. vel sigillo; l. videamus. §. qui vinum. ff. locat. Hoc calamo perficitur. hic. Ita subsignat quis vel ut se rei gestæ interfuisse testetur: c. 2. de fid. instr. l. ad testium. 22. §. si quis. ff. qui testam. vel ut se chirographo, cui subscribit, obliget. Bart. in l. emptor. §. Lucius. ff. de pact. Vnde & subsignare vel subscribere, pro se obligare capitur. l. semper. §. §. conductus. 10. ff. de jure immunit.

I D E M §. I.

Bona a intelliguntur cujusque quæ deducto ære alieno b supersunt.

EXPLICATIO.

Bona. a) Intellige sermonis proprietate. Nam ex mente disponentis aliter quandoque accipiuntur ; cum aliàs aliquid absurdum induceretur. *l. si quis servum. 3. §. fin. ff. de legat. 2.*

Ære alieno. b) Æs alienum est, quodvis debitum quod aliis debemus, *l. cedere diem. 213. §. es alienum. ff. hic.* Illud à bonis deducendum ; Nam cum bona naturaliter dicantur ex eo quod beant, id est, beatos, seu divites faciant ; *l. bonorum. 44. ff. hic.* ea propriè bona dici non possunt, quæ plus incommodi quam commodi habent. Quæ etiam ratione bona ab hereditate separantur. *l. 8. ff. de legat. 3. l. 16. §. 1. ff. ad SC. Treb.* Multumque interest inter hereditatem, & ususfructus bonorum legatum. Hoc enim legato, æs alienum ex omnibus rebus est deducendum. *l. 69. ff. ad leg. Falc. l. ult. ff. de usufr. leg.* At hereditatis appellatio etiam onera continet.

I D E M §. II.

Detestari est absenti a denuntiare. b

EXPLICATIO.

Absenti a.) Absentem iurepretor & cum
qui

66 *Arnoldi Corvini Comment.*

qui se iudicio subducit, & sua absentia iudicem frustratur.

Denuntiare. b) Puta cum testatione; id est, testibus. *l. seq. in princ. ubi hac de re latius.*

I D E M §. III.

Incertus a possessor est quem ignoramus. b

E X P L I C A T I O.

Incertus. a) Etiam optimi juris possessor, incertus dici potest, si possidere ignoratur. Tria enim possessorum genera sunt. Alii sunt noti ac certi, de quorum possessione non ambigitur: alii ignoti plane, alii inter hos medii, incerti scilicet ac dubii, quorum possessio in ambiguo est. Atqui quæ nobis incerta sunt, ignoramus.

Ignoramus. b) Respectu sui nemo possessor incertus est, cum incertam (ratione loci; simulque quotæ portionis) rem nemo possessionis causa acquirere possit. *l. 3. §. 2. ff. de acquir. poss.*

L X X L.

Ulpianus Lib. LVI.

Detestatio, a est denuntiatio facta cum testatione.

EXPLICATIO.

Detestatio. a) Sic dicta à Testatione, quæ est denuntiatio testibus adhibitis facta. *l. 5. §. ult. ff. de admin. tut. l. 1. §. sed & si quis. ff. quod vi aut clam.* si fiat absenti detestatio dicitur. *hic. & l. præc. §. 2.* Vtraque & protestatio dicitur *secund. Alciat. hic.* Quæ est animi nostri declaratio, juris acquirendi vel conservandi, vel damnum depellendi causâ facta. *Alciat. hic.* Hæc in his quæ à legis dispositione pendet nihil operatur, *Gl. in l. alimenta. ff. de neg. gest.* Omnino in his quæ à nostra potestate tantum. *l. ut si quis. §. plerique. ff. de relig.* Nec tamen refert, præsentis fiat, an absenti, in scriptis, an minus, cum causâ, an sine; sufficit enim pro ratione voluntas. *l. quia. ff. ad SC. Trebell.* Valet etiam protestatio quæ à facto nostro, itemque alterius pendet; dum tamen illi sit facta, Quia consentire debet, si de jure quæsito tollendo agatur; *l. perfectam. C. de donat. quæ sub mod. vid. l. fin. §. item si pradixerit. ff. naut. caup. stab. l. cum in plures §. locator. ff. locati.* si de jure quærendo agitur, sufficit eum admoneri. *vid. Bart. in l. pacta novissima. C. de pact. Gl. l. si fidejussor. ff. qui satisf. cog.* Protestatio ea, quæ factum ejus cui denuntiamus respicit, valet si regulam juris imitatur; ut si quem admoneo ut faciat quod debet. *ut in l. quod si te. ff. de rela. cred.*

cred. Fieri potest quovis loco & tempore. l. dies. C. de feriis. Non valet, quæ regulis juris adversatur. l. fidejussor. ff. de fidejuss. Vide hæc omnia latius apud Alciat. hic. nos pro instituto, strictim agimus.

I D E M §. I.

Servi a appellatio & ad ancillam refertur.

EXPLICATIO.

Servi. a) Quod est præstantius, id minus præstans sub se in eadem specie colligit: sub nomine filiorum filiarum, l. 16. ff. de test. tut. sub nomine viri mulier, l. 1. hic. sub nomine servi ancilla, comprehenditur. ut hic. & l. 62. ff. de legat. 3. non contra. l. servis. 81. ff. eod. Proinde servis, aut mulis legatis, & ancillarum, aut mulæ debentur. d. l. qui duos. 62. & d. l. servis. 81.

I D E M §. II.

Familiæ a appellatione liberi quoque continentur.

EXPLICATIO.

Familia. a) De familiæ appellatione infra latius. Hic dicimus primum per familiam servos tantum denotatos fuisse; nempe à famulando, i cum u littera mutata. Quo respexisse videtur Plp. in l. 1. ff. de vi & vi arm. Deinde liberi

liberi quoque, uxor, & omnes qui sub unius potestate in eadem domo, natura, l. 195. §. 2. ff. hic. vel jure vivunt. l. 25. §. 1. l. 31. §. idem Padius. ff. de Edil. Edict. l. 2. §. familia. ff. vi bon. rapt. l. 1. §. fin. ff. de vi armat. Vnde paterfamilias dictus. Tandem familiae significatio ad totam sanguinis cognationem porrecta. d. l. 195. §. 1. &c.

I D E M §. I I I.

Unicus servus familiae appellatione non continetur. a ne duo quidem familiam faciunt.

E X P L I C A T I O.

Non continetur. a) Puta vi sermonis latini; ut inquit Cicer. in orat. pro Cacin. Cæterum ratio juris & interdicti, & Prætorum voluntas facit, ut & si unus servus dejecerit, vel vi aliquem ejecerit, familia intelligatur dejecisse, ejecisse. d. l. 1. §. familia. 16. cum §. seq. ff. de vi armat. Non enim est alia causa æquitatis in uno servo, ac in pluribus.

L E X X L I.

*Cajus Lib. XXI. ad Edictum
Provinciale.*

A Rmorum a appellatio, non utique
scuta

scuta & gladios, & galeas significat, sed & fustes & lapides.

EXPLICATIO.

Armorum. a) Arma (ab arcendis hostibus dicta. *Varro.*) non tantum ea dicuntur, quæ offendendi causâ habemus, ut omnia tela, hoc est, fustes, lapides, gladii, hastæ, fræmeæ, id est, romphææ; *l. 3. §. armis. ff. de vi & vi arm.* sed & quæ defensionis causâ parantur, ut scuta, galeæ, *hic.* loriceæ, tibialia, humeralia. *l. qui commeatus. 14. §. arma. ff. de re milit.* Arma ergò si portare prohibitum, non solum instrumenta bellica, ut galeæ, scuta, tela, sagittæ, prohibita censentur; sed & fustes, lapides, pugiones, & si quæ alia quibus major vis inferri potest. *hic & d. l. 3. §. 1. & l. armatos. l. 23. §. telum. inf. hic.*

LEX XLII.

Ulpianus Lib. LVII. ad Edictum.

PROBRUM a & opprobrium idem est. Probra quædam natura b turpia sunt, quædam civiliter & quasi more civitatis c, ut puta, furtum, adulterium, natura turpe est. Enimverò tutelæ daminari, hoc non natura probrum est, sed

sed more civitatis. Nec enim natura probrum est, quod potest etiam in hominem idoneum incidere.

EXPLICATIO.

Probrum. a) Probrum & opprobrium non sunt ipsum delictum, sed facti cujusque turpitudine & infamia. *l. probrum. 41. ff. de ritu nupt.* Interdum tamen probrum pro crimine ipso sumitur. Sed quia ex hujusmodi delictis ignominia oritur, solentque ea à conviciantibus objici, frequentior usus obtinuit, ut pro ignominia, conviciisue accipiatur: sicut & opprobrium, quod nihil aliud & quam obiectum probrum.

Natura. b) Stoici nihil turpe putant, nisi quod vitio sit conjunctum: *Cicer. 3. de offici.* Ob id nihil eis probrosum est, nisi quod natura improbatur. Sic furtum, adulterium turpe est quoniam utroque societas humana violatur, quod vehementer naturæ repugnat: hæc enim hominem homini tam arcto conjungit vinculo, ut alter ad alterum æque ac ad seipsum se habeat.

More civitatis. c) Alii, qui in medio vivunt, nec tam arctè, ut Stoici, ad trutinam Critolai, *Cic. 5. de finib.* mores pensitant, probrosa quædam non ex natura, sed hominū instituto judicant, ex.gr. More Hebræorum qui

qui propinqui & consanguinei sui semen excitare recusaverit fit infamis. *Deut. cap. 25.* More Romano, qui ex agnatis tutelam suscipere detrectaverit, ad eam suscipiendam sententiâ Prætoris adactus, tutelæ damnatus dicitur. *l. 1. ff. de leg. tut.* Quæ probrosa, non præscripto naturæ, sed civili consuetudine. *Gell. lib. 11 cap. 18.*

L E X XLIII.

Idem Lib. LVIII. ad Edictum.

V Erbo *Viſtus* a continentur quæ esui, potuique, cultuique corporis, quæque ad vivendum homini necessaria sunt, vestem quoque victus habere vicem Labeo ait.

E X P L I C A T I O.

Viſtus. a) Quæ vitæ necessaria sunt, id est, sine quibus vita degi non potest, ea victus nomine continentur. Quare victu alicui legato, non solum esus & potus debetur; sed cultus quoque corporis, id est, vestiarius, calcearius, habitatio, lectus. Idem alimentis legatis obtinet. *l. 6. § l. fin. ff. de alim. legat.* Nisi mens disponentis alia fuerit.

L E X XLIV.

*Cajus Lib. XXII. ad Edictum
Provinciale.*

ET cætera, quibus tuendi; curandive *a* corporis nostri gratia utimur, ea appellatione significantur.

EXPLICATIO.

Curandive. a) Vndè victu legato non solum ea debentur, quæ tuendi, sed & quæ curandi corporis gratia adhibentur. Cujusmodi sunt Pharmaca tam evacuantia, quam confortantia. *fac. l. in rebus. §. possunt. ff. commod. l. sicut. ff. de usufr. l. si cum dotem. §. si autem. ff. solut. matrim.*

L E X XLV.

Paulus Lib. LVIII. ad Edictum.

INstratum *a* omne vestimentum contineri, quod injiciatur; Labeo ait, neque enim dubium est, quin stragula vestis sit omne pallium *b* *περίσπασμα*. In victum ergò vestem *d* accipiemus, non stragulam, instratum omnem stragulam vestem.

D

EXPLI-

EXPLICATIO.

Instratum. a) Vestis omnis quæ vel ornatus, vel commodi gratiâ insternitur, instratum dici solet: sicuti & stragula vestis, quæ lecto, abacis, equis, & nobis ipsis injicitur. *Alexan. ab Alex. lib. gen. dier. 3. cap. 19. Bayphius. l. vestis. ff. de aur. & arg. leg.*

Pallium. b) Per pallium (quod Græcorum proprium est,) hic Iurisconsultus omnem superiorem vestem accipit, quæ ad subuculam & interiorem tunicam obtegendam major & laxior esse consuevit. Inde apud Plautum. *Trinum. 17. 30. Tunica pallio propior.*

ὑστρίωνες. c) Stragulorum & instratorum nomen etiam subeunt tapetia, amphitapetia; & quæ circa parietes obtenduntur, & ad avertendum pulverem deciduum, ritu veterum, ad tectum suspenduntur: Græcè stromata, peristromata & peripetasmata appellantur.

Vestem. d) Victu legato vestis debetur; non tamen omnis; nè legatarius & stragulam petat; sed hoc ex boni & æqui formula est metiendum, & dignitas & conditio personæ spectanda; & hereditatis facultates inspiciendæ. *arg. l. 6. §. 5. ff. de Carbon. Edict. l. Stichus. 12. ff. de legat. 3.*

L E X XLVI.

Idem Lib. LIX. ad Edictum.

PRonuntiatum a & statutum idem potest. Promiscuè enim & pronunciaſſe & ſtatuiffe ſolemus dicere eos qui jus habent cognoscendi. 6

E X P L I C A T I O.

Pronuntiatum. a) Iudex ut rectam ſententiam ferat; & rei veritatẽ diligenter debet explorare, & ſuam ſententiam idoneis verbis declarare. *in princ. Inſt. de offic. Iud.* Quodſi fecit, pronuntiaſſe aut ſtatuiffe dicitur: & ſic pronuntiatum & statutum pro eodem accipitur; ſed alterum ad enuntiationem, alterum ad maturitatem conſilii ſpectat.

Cognoscendi. a) Rectè ergò & arbitros, cum & hi jus cognoscendi habeant; *l. ais Prator. ff. de re jud.* pronuntiare vel ſtatueredicimus. *l. qualem. §. 1. l. quid tamen. §. ſi arbiter. ff. de rec. arbit.*

I D E M §. I.

MAtrem familias a accipere debemus eam quæ non inhonestè vixit.

xit. Matrem enim familias à cæteris
 foeminis mores discernunt, atque se-
 parant. Proinde nihil intererit, nupta
 sit, an vidua, ingenua sit, an libertina.
 Nam neque nuptiæ, neque natales fa-
 ciunt matrem-familias: sed boni mo-
 res.

EXPLICATIO.

Matrem-familias. a) Olim, si Nonio cre-
 dimus, ea duntaxat uxor materfamilias dice-
 batur, quæ peperisset: Deinde & ea quæ in
 manum convenerat; licet nondum peperis-
 set, & esset in parentum potestate. *Vid. Boet.*
in Topic. Cicer. Gell. lib. 18. cap. 16. Post-
 modum Iurisconsulti; non solum in manus
 conventiones, aut natales, sed honestatem
 matremfamilias facere definiverunt. *hic & l.*
3. in fin. ff. de lib. exhib. l. 15. §. 11. ff. de
injur. l. 195. §. 1. ff. hic. Adeò quidem ut
 viduas, libertasque patronorum concubinas,
 puellas, quæ sui jure sunt, & omnes notæ au-
 ctoritatis foeminas etiam matresfamilias ap-
 pellarent. *l. 41. §. 1. ff. de ritu nupt. l. 4. ff.*
de his qui sunt sui vel al. jur. l. 30. §. 1. l. 34.
ff. solut. matr. l. 3. ff. de lib. exhib.

L E X XLVII.

Paulus Lib. LVI. ad Edictum.

Liberationis a verbum eandem vim habet, quam solutionis.

E X P L I C A T I O.

Liberationis. a) Solutio, in genere, est quivis actus, quo debitor liberatur ab obligatione, qua creditor devinctus est. Hinc verbum liberationis eandem habet vim quam verbum solutionis: *hac. l. cui jun. l. solutionis. 54. ff. de solution: adeò ut etiam verbo solutionis omnis satisfactio accipiatur. l. satisfactio. 52. ff. eod. l. solutionis. 176. hic. & solutio non per numerationem, sed etiam per novationem fieri dicitur. l. liberto. 21. §. Lucius. 3. ff. de ann. leg.*

L E X XLVIII.

Cajus Lib. I. ad Edictum.

Qui neque a sequantur, neque ducantur.

E X P L I C A T I O.

Qui neque. a) Pertinent hæc ad Edictum de in jus vocando. Eorum qui in jus vocati alii sequuntur ultrò, nec ducuntur; veluti è

domo sua vocati; *l. 21. ff. de in jus voc. vel ex asilo*; *Nov. 17. vel satis offerentes: tot. tit. ff. in jus voc. ut eant*. Alii ducuntur si nolint, ut ceteri ferè omnes; qui in jus vocari possunt: Alii neque ducuntur, neque sequuntur; ut qui in jus vocari non possunt: quales sunt vincti, nervo, aut compedibus, vel qui religione loci quasi vincti tenentur. *l. 2. ff. de in jus voc. vid. Cujac. 7. obs. 16. Gotofr. hic.*

I D E M. §. I.

Solutum a non intelligimus eum, qui licet vinculis levatus sit, manibus tamen tenetur: ac ne eum quidem intelligimus solutum, qui in publico b sine vinculis servatur.

E X P L I C A T I O.

Solutum. a) Quia is demum solutus dicitur, cui est recedendi libera facultas. *l. 2. ff. de lib. hom. exhib. l. nec non. 28. §. 1. ff. ex quib. caus. major.*

Publico. b) Id est, in carcere; ut apud Plautum *Sofia. Vereor ne hac nocte adveniens, publico excipiar*; id est, in carcerem obtrudat.

L E X X L I X.

Ulpianus Lib. L I X. ad Edictum.

BONORUM appellatio aut naturalis, aut civilis est. Naturaliter *a* bona ex eo dicuntur quod beant: hoc est, beatos faciunt. beare est prodesse. In bonis autem nostris computari, *b* sciendum est, non solum quæ domini nostri, sunt, sed & si bona fide à nobis possideantur, vel superficiaria sint. Æque bonis *c* adnumerabitur; etiam si quid est in actionibus, petitionibus, persecutionibus: nam hæc omnia in bonis esse videntur.

E X P L I C A T I O.

Naturaliter. a) Bona ergò naturaliter sunt quæ commoditatem aliquam afferunt hominibus: siue sint animi, siue corporis, siue fortunæ. Non quæ plus incommodi quam commodi habent. *l. 83. inf. eod.* Nec æs alienum, sed quod eis superest. *l. 11. ff. de jure fisci.*

Computari. b) Bona naturaliter dicta, in quibus juris Civilis cognitio versatur, sunt facultates; quas & fortunas, *l. Stich. in fin. §.*

de statulib. substantiam, l. *lex Cornelia.* ff. *de injur.* appellamus. Vndè in bonis nostris esse dicitur, quod in patrimonio nostro aliqua ratione est. l. 1. ff. *de rer. divis.* l. 25. §. *non solum.* ff. *quæ in fraud. credit.* Ita res per vim ablata in bonis esse dicitur ejus, qui vim passus est. l. 9. §. *licet.* ff. *quod met. caus.* Et servus domino non defendente ductus, in bonis ejus esse qui duxit; l. 2. §. *ult.* ff. *si ex noxal. caus.* In bonis etiam venditoris res vendita est, antequam ab eo emptori tradita. l. 8. §. *si debitor.* ff. *quib. mod. pign.* §. *cum autem.* Inst. *de empt. vend.* In bonis mariti est dos constante matrimonio. l. 21. §. *item respondit.* ff. *ad municip.* l. 7. §. *si res.* l. 75. ff. *de jur. dot.*

Bona fide. c) Bona fide possidere dicitur, qui ignorat rem alienam esse. l. 3. ff. *ad leg. Fab. de plag.*

Superficiaria. d) Ea sunt, sive sunt prædia, sive ædes, quæ in conducto solo certâ pensione annuâ habentur. l. 10. ff. *fam. ercisc.* l. 16. ff. *de pignor. act.* l. *ult.* ff. *de superf.* l. 74. ff. *de rei. vind.* Dicuntur esse in bonis, quia in re superficiarii aliquod jus habent: l. 19. ff. *de damn. inf.* Vnde & Prætor superficiarios loco dominorum habet, & utilibus in rem actionibus tuetur. leg. 1. §. *fin.* l. *fin.* ff. *de superf.* l. 18. §. *ei qui.* ff. *de damn. inf.* l. 74. & seq. ff. *de rei*

In Dig. Tit. de Verborum Signif. 8 I
rei vindicat. l. 16. in fin. ff. de pignorat.
act.

Æque bonis. c) Rem enim in bonis nostris
habere, intelligimus, quotiens possidentes
exceptionem, aut amittentes ad recuperan-
dam eam actionem, habemus. *l. rem in bonis.*
52. ff. de acq. rer. dom.

L E X L.

Idem Lib. LXI. ad Edictum.

NUrus *a* appellatio etiam ad pro-
norum & ultra porrigenda est.

EXPLICATIO.

Nurus. a) Nurus appellatur filii uxor;
l. 4. §. affinis. ff. de gradib. affin. sed &
sponsa, licet minus propriè, nurus appellatio-
ne continetur. *l. 6. & l. 8. ff. eod. l. 12. §.*
1. ff. de ritu nupt. Nurus autem appellatio &
in Edicto de postulando; *l. 1. §. fin. & l. 3.*
§. 2. ff. de postul. & in quæstione prohibita-
rum nuptiarum, *l. 14. §. ult. ff. de ritu nupt.*
& aliàs ferè, *l. 8. §. pen. ff. de legat. præst.*
ad nepotum uxores, & ultra porrigitur, licet
has pronurus & abnurus quidam rectè ap-
pellent, *dd. ll.*

L E X L I.

*Cajus Lib. X X I I I. ad Edictum
Provinciale.*

Appellatione a parentis non tantum pater, sed etiam avus, & proavus, & deinceps omnes super avos continentur: sed & mater, & avia, & proavia.

E X P L I C A T I O.

Appellatione. a) Parentis ergò appellatione omnes in infinitum adscendentes, intelliguntur. l. 1. & l. 3. ff. de grad. affin. quod à Cajo Cassio decretum, approbatum, l. 4. §. 2. ff. de in jus. voc. cum antea parentes usque ad tritavum; superiores majores dicerentur. d. l. 4. §. 2. & l. fin. §. parentes. ff. de gradib.

L E X L I I.

Ulpianus Lib. L X I. ad Edictum.

Patroni a appellatione & patrona continetur.

E X P L I C A T I O.

Patroni, a) Quia masculinum, ut supra diximus

In Dig. Tit. de Verborum Signif. 83
diximus comprehendit foemininum. *vid. l. 1. l. 40. §. 1. l. 174. l. 194. in prin. ff. hic.*
Iura ergò de patrono loquentia, & de patrona, quæ manumisit, intelligi debent. Nisi aliter speciali ratione sit constitutum. *ut in l. sicut. 48. §. fin ff. de oper. libert.*

L E X L I I I.

Paulus Lib. L I X. ad Edictum.

SÆpe ita comparatum a est, ut conjuncta pro disjunctis accipiantur, & disjuncta pro conjunctis, interdum soluta pro separatis. Nam cum dicitur *b* apud veteres, *Adgnatorum gentiliumque*, pro separatione accipitur. At cum dicitur. *Super pecunia tutelæ suæ*, tutor separatim sine pecunia dari non potest. Et cum dicimus: *Quod eum dare facere oportet*: quodvis eorum sufficit probare. Cum verò dicit Prætor, *Si donum, munus, operas, redemerit*: si omnia imposita sunt, certum est, omnia redimenda esse, ex re ergò pro conjunctis habentur. si quædam imposita sunt, cætera non desiderabuntur.

EXPLICATIO.

Sape ita comparatum. a) Quia voces ideò inventæ ut sententiis obsequantur , *Cicer. pro Cecinna.* non ut sententiæ vocibus sint obsequentes ; ideò prima debet esse sententiarum animadversio , ad quas deinde voces sunt dirigendæ : Rectè ergò Iurisconsultus , non verborum, sed sententiarum habita ratione , tradit conjuncta pro disjunctis, disjuncta pro conjunctis, soluta pro separatis, sæpe accipi solere : commodis ad hoc exemplis subjunctis.

Nam cum dicitur. b) Conjunctæ dictiones , (ut sunt, *Et, que, atque, quoque,*) naturaliter quidem ad hoc sunt inventæ ut aliquid copuletur cum alio & sic utriusque conjuncti concursus requiratur , *l. si heredi. ff. de cond. instit.* in jure tamen talis verborum significatio nonnunquam invertitur ex re : si id mens proferentis, vel rerum qualitas, vel alia ratio extrinsecus urgeat. Mens proferentis conjuncta disjungere intelligitur ; si alioqui inde absurdum consequeretur ; ut cum quis filios & heredes substituit. *Bart. l. Gallus. §. etiam. ff. de lib. & posth.* Cum filios & nepotes instituit. *d. l. Gallus. §. 1.* Cum lex duodecim Tab. dicit: Agnatorum gentiliumque hereditas sit. Rerum qualitas hoc facit ; cum quis fundum , ejusque fundi usumfructum

Etum Titio legat: *l. si Titio. 10. ff. de usufruct. leg. uxorem facit dominam & fructuariam. Bart. in d. l. si Titio. 10.*

At cum dicitur. c.) Vt conjunctivæ dictiones ad copulandum, ita disjunctivæ (ut sunt *aut, vel, ve, sive.*) ad disjungendum inventæ naturaliter; proinde alterutrum tantum disjunctum requiritur: quod tamen nonnunquam non observatur; sed disjuncta pro conjunctis habentur; puta quoties hoc vel vis verborum, vel leges, vel præsumpta loquentis mens infert. *Alciat. hic.* Vis verbi hoc infert; cum legantur uxori, mundus, ornamenta, seu quæ ejus causa parata, & omnia debentur, verbum enim *Seu* vim habet ampliandi: *l. si quis ita. 30. ff. de aur. & arg. leg. Lex, cum jubet tutorem super pecunia tutelave pupilli dare: Nec enim tutela, sine pecunia demandatur. l. in eo. §. ubi. ff. hic.* Mens disponentis hoc docet. In ea substitutione *Si filius meus intestatus, vel sine liberis decesserit. l. generaliter. C. de instit.* Et in ea, *Si filius meus, vel filia heres non erit; Sejus heres esto. l. si is qui. 13. §. fin. ff. de reb. dub.*

Cum verò dicit. d) Soluta oratio, aliquando disjungit, subjectâ materiâ hoc suadente, alioqui conjungit; quod docet hic dictio *interdum, in princ. leg. cujus natura de frequentioribus casibus excipere. Alciat. hic.*

I D E M §. I.

Item dubitatum, *a* illa verba, *spe, consilio*, quemadmodum accipienda sunt: sententiæ conjungentium, aut separantium? sed verius est, quod & Labeo ait, separatim *b* accipienda: quia aliud factum est ejus, qui ope, *c* aliud ejus qui consilio *d* furtum facit, sic enim alii condici potest, *e* alii non potest. *f* & sane post veterum auctoritatem eo perventum est, ut nemo ope videatur fecisse, nisi & consilium malignum *g* habuerit: nec consilium habuisse noceat; nisi & factum secutum *h* fuerit.

E X P L I C A T I O.

Dubitatum. a) Ratio dubitationis. Quia opem sine consilio animi ferre non videmur, adeò ut qui servo fugere persuaserit, furti non teneatur, nisi ut alius eum furto subduceret, hoc fecerit. *l. qui servo. § 6. ff. de furt.* Deinde quia furtum non verbis, *l. si quis. § 2. §. neque verbo. ff. eodem.* in quibus consistit consilium, *l. 1. §. persuadere. ff. de serv. corr.* sed contrectatione committitur, *l. 1. ff. de furt.*

Sepa-

Separatim. b) Quia quæ nomine differunt re differunt, l. non codicillorum. C. de testam. l. si idem. C. de codicill. Quæ re differunt, formis differant necesse. d. l. si idem. & ibi. *Id.* Quæ formis differunt separata sunt. l. *Julianus.* §. si quis rem. ff. ad exhib.

Ope. c) Opem fert, qui ministerium atque auxilium ad surripiendas res præbet. §. interdum. ubi vid. exempla. *Inst. de obl. quæ ex del. nasc.*

Consilio. d) Consilium dat qui verbis persuadet & impellit, & instruit ad aliquid, ex. gr. furtum, faciendum. vid. l. in furti. §. o. §. ope. ff. de furt. d. l. I. §. persuadere. l. fin. C. de noxal. act.

Condicti potest. e) Qui consilio opeve adjutus furtum fecit & furti actione & conditione tenetur. l. 7. ff. de condict. furt. l. si quis. 35. l. 54. §. cum furti. ff. de furt.

Non potest. f.) Qui spe saltem juvit, non contrectavit, aut consilium dedit, non conditione furtiva tenetur, sed actione furti poenali. l. 6. ff. de cond. furt.

Consilium. malignum. g) Id est, dolo opem tulerit.

Factum securum. h) Quia neque verbo, neque Scriptura, sed contrectatione furtum fit, d. l. si quis uxori. 52. §. neque. ff. de furt.

L E X L I V.

Ulpianus Lib. LXII. ad Edictum.

CONditionales a creditores dicuntur
 & hi quibus nondum competit a-
 ctio, est autem competitura: vel qui
 spem habent, ut competat.

E X P L I C A T I O.

Conditionales. a) Is, cui sub conditione
 legatum, pendente conditione non est credi-
 tor; quia legatum conditionale, ante con-
 ditionem existentem, neque debetur, ne-
 que peti potest: *l. 4. & l. 5. l. 21.*
ff. quand. dies legat. qui sub conditione
 stipulatus est, ea pendente est creditor. *l. is*
cui sub conditione. 42. ff. de oblig. & action. l.
27. ff. qui & à quib. S. ex conditionali. Inst.
de verb. oblig. siquidem conditionem exitu-
 ram spes sit, alias non. *hac. l.*

L E X L V.

Paulus Lib. XVI. Brevis Edicti.

CReditor autem is est, qui exce-
 ptione perpetua a summo-
 verari non
 potest: qui autem temporalem exce-
 ptionem

ptionem timet, similis est conditionali creditori.

EXPLICATIO.

Perpetua. a) Eâ qui summoverti potest, non intelligitur, quo ad juris effectum, creditor esse: ut nec cum dubium est an perpetua exceptio futura sit. *l. sufficit. 56. ff. de cond. indeb.* Est exceptio perpetua, quæ semper locum habet, ita ut nulla litis parte evitari poterit; quæque rem de qua agitur, hoc est, causam principalem perimit. undè & peremptoria appellatur. Talis est, exceptio doli mali, rei judicatæ, jurisjurandi, pacti conventi perpetui, id est, nè omninò petatur. *l. 3. ff. de except.*

Temporalem. b) Sicut enim conditionalis creditor agere non potest, nisi conditio evenierit; ita temporalis creditor agere, nisi dies cesserit debitionis. *l. cedere diem. ff. hic.* Est enim exceptio temporalis quæ ad tempus tantum nocet; unde & dilatoria dicta. Ut est pacti conventi temporalis, id est, nè, fortè, intra quinquennium ageretur; Iudicis incompetentis; ea quæ adversus procuratorem competit. *d. l. 3. ff. de except.*

L E X L V I.

Ulpianus Lib. LXII. ad Edictum.

COgnoscere a instrumenta, est re-
legere, & recognoscere. Dispun-
gere, conferre accepta & data.

E X P L I C A T I O.

Cognoscere. a) Cognoscere instrumenta, non solum est relegere, quod scripturæ proprium est, verum etiam recognoscere, hoc est, & sigilla inspicere, & veritatem agnoscere, & descripta seu copias (ut vulgo ajunt.) cum suis originalibus conferre, malè descripta emendare.

Instrumenta. b) Ea appellatione hic venit omnis scriptura, quâ aliqua causa & quæstio instrui possit. *arg. l. 1. ff. de fid. instrum.*

Dispungere. a) Dispungere est expungere, seu transverso calamo rationem cancellare. Hic accepta & data conferre; & ex ea collatione (ut ait Accursius.) Cancellare quod sit redditum. Hinc disunctio ipsa rationis cancellatura. *vid. l. cum plures. ff. de bon. auct. jud. poss.*

I D E M

IDEM. §. I.

Liberorum a appellatione continentur non tantum qui sunt in potestate, sed omnes, qui sui juris sunt. b five foeminini sexus sint, exve foeminini sexus c descendentes.

EXPLICATIO.

Liberorum. a) Liberorum significatio multo laxior quam filiorum: filiorum in proximo, nisi ratio aliud suadeat, qua de re inf. in l. 220. constat, liberorum ad nepotes & pronepotes ac minores porrigitur. Atque ita semper in duodecim tabulis est annotatum. Imò Gellius lib. 2. cap. 13. Crinitus. lib. 15. cap. 18. Valla lib. 3. cap. 8: observarunt veteres liberorum nomine, & unum filium filiamque significasse.

Sui juris sunt. b) Ut emancipati; imò & naturales; Fac. l. tutelas. 7. in princ. vers. ex nobis. ff. de cap. minut. Nisi testatoris conditio & dignitas, l. ex facto. 17. §. 4. ff. ad SC. Treb. præsumptive ejus mens, aliud inducat. l. fin. ff. de jur. delib: Non spury. Auth. ex complexu. C. de in est. nupt.

Exve foeminini sexus. c) Adde propagatione: Quia inter liberos nepos quoque ex filia continetur. l. fin. ff. de pollicit.

LEX

LEX LVII.

Ulpianus Lib. L I X. ad Edictum.

CUi præcipua cura rerum incumbit,
 & qui magis quam cæteri diligentiam & sollicitudinem rebus, quibus præsumt, debent: hi Magistri *a* appellantur. Quin etiam ipsi Magistratus per derivationem à magistris cognominantur. Vndè etiam cujuscunque disciplinæ præceptores, magistros appellari à movendo, vel monstrando.

EXPLICATIO.

Magistri. a) Magister cum significat, cujus auctoritatem & exemplum sequimur, vel cui rei alicujus præcipua cura incumbit. *hac. leg.* Festus Magistros inde voluit dictos, quod cæteris magis possunt, vel quod magis quam cæteri diligentiam & sollicitudinem rebus quibus præsumt, debent. Magistri officinæ hinc dicuntur tabernæ mancipēs, qui modò præscribunt sellulariis. *Gell. lib. 13. cap. 14.* Magistri curiarum, quibus cura administrandæ curiæ incumbit, dividendæ puta pecuniæ gratia, exornandi suffragii, & alia id genus faciendi. &c.

IDEM

I D E M §. I.

PERsequi *a* videtur & qui satis accepit.

E X P L I C A T I O.

Persequi. a) Sensus est; Quamvis aliquis satis acceperit, id est, fidejussor judicio susti ipsi datus est. *l. 5. §. 1. vers. fidejussorem. vers. qui non sit. l. Julianus. ff. qui satisd. cog.* tamen adhuc dicitur persequi; quia satisfactio pro vera solutione non est. *l. 1. ff. eod.*

L E X L V I I I.

Cajus Lib. XXIV. ad Edictum Provinciale.

Licet, *a* inter gesta & facta videtur quædam esse subtilis differentia: attamen *καταχρηστικῶς*. id est, *abusive*, nihil inter factum & gestum interest.

E X P L I C A T I O.

Licet. a) Quid inter gestum, actum, & contractum intersit superius *ad leg. 19.* diligenter ab Ulpiano excussum. Nunc Cajus inter gestum & factum dicit quandam esse differentiam; nam facere promiscuum est, genere ad magnificas actiones refertur, inquit,
Valla

Valla lib. 4. cap. 4. in jure etiam ad privatas. Dicimus enim negotium gerere. *νεγερσις* autem nulla est differentia. nam hæc plarumque à Scriptoribus confundi solent.

IDEM §. I.

Paternos *a* liberos rectè videmur dicere nostros liberos. Liberos *b* liberos non rectè nostros liberos dicimus.

EXPLICATIO.

Paternos. a) Quia liberi in vita Patris quodammodò rerum paternarum domini habentur. *l. in suis. 11. ff. de lib. & posth.* Per consequens juris patronatus. Quod ad liberos parente mortuo transit. *l. 5. l. 18. ff. de bon. lib.*

Liberos. b) Quia liberi soli patroni sunt: si quidem sint emancipati; id est, Patria potestate liberati: vel certè peculium ipsis habere liceat. *l. 8. ff. de iure patron. l. antepen. ff. qui & à quib. l. 22. ff. de bon. lib. l. 3. ff. de castr. pecul.*

LEX LX.

Idem Lib. LXIX. ad Edictum.

Portus *a* appellatus est conclusus locus,

Iocus, quo importantur merces, & inde exportantur. eaque nihilominus statio *b* est conclusa, atque munita. indè angiportum dictum est.

EXPLICATIO.

Portus. a) Portus, (ab importando & exportando dictus) propria significatione significat insulam, hoc est, domum mercium reponendarum gratia ita extructam, ut ab-incendis, fumis, incursionibus, tutior securiorque esset, sejuncta ac munita à cæteris contiguis ædificiis. *l. 3. §. effractura. ff. de offic. Pras. Vigil. l. 14: ff. de serv. urb. pred.*

Statio. c) Statio navium per metaphoram etiam portus dicitur; cum conclusa ac munita sit ad tuendum recipiendumque naves.

Angiportum. d) Angiportum sive angiportus, *Fest. & Nonius Marcell.* est legitimum illud spatium duorum scilicet pedum cum semipede, (quod ambitus quoque quia eam insulam ambit, dicitur,) relictum inter insulas seu portus, atque reliquas domus contiguas, ut per id merces importentur & exportentur.

L E X L X.

Idem Lib. LXIX. ad Edictum.

Locus *a* est, non fundus, sed portio aliqua fundi: fundus autem integrum aliquid est, & plerunque sine villâ locum accipimus. Cæterum aded opinio nostra & constitutio locum à fundo separat, ut & modicus locus possit fundus dici, si fundi animo eum habuimus. Non etiam magnitudo locum à fundo separat, sed nostra affectio, & quælibet portio fundi poterit fundus dici, si jam hoc constituerimus: nec non & fundus, locus constitui potest. nam si eum alii adjunxerimus fundo, locus fundi efficietur.

E X P L I C A T I O.

Locus. a) Locus & fundus differunt. Fundus præscriptos ac præfinitos limites habet; non locus: si quidem pars omnis à fundo quomocunque abscissa locus dici potest. Ad fundum dimetiendum & circumscribendum, affectio & animi nostri inductio plurimum facit. Nam & quælibet, etiam minima,
portio

portio fundi, ex nostro arbitratu fundus poterit appellari. Contra fundus integer potest locus effici; si alterius in fundi partem concesserit. Hinc legatum, vel stipulatio fundi in genere, ob incertitudinem nullius est momenti; cum vel cespitem terræ offerendo heres, vel promissor liberaretur. *l. cum post. 69. §. gener. ff. de jur. dot. l. ubi autem. 75. §. 1. ff. de verb. obligat.* Nomen fundi si legato expressum, is totus debetur, licet in plures regiones commodioris culturæ gratia testator eum diviserit. Nisi heres de parte eum sensisse evidenter probet. *l. Cajus Sej. 86. in fin. ff. de legat. 2.*

I D E M §. I.

LOci a appellationem non solum ad rustica, verum ad urbana quoque prædia pertinere Labeo scribit.

I D E M §. II.

SEd fundus quidem suos habet fines: locus verò latere potest quatenus determinetur & definiatur.

E X P L I C A T I O.

Loci. a) Est hæc inter locum & fundum differentia. quod locus ad urbana etiam prædia pertinet, fundus autem, nisi generaliter
E loquamur,

loquamur, *l. fundi. 211. ff. hic.* cum urbanis prædiis nihil habet commune. Nam fundus in rusticis tantum haberi solet, undè & latifundia dicta sunt, id est, ampliores fundi. *Plin. lib. 3. cap. 22. & lib. 18. cap. 6.*

L E X L X I.

Paulus Lib. L X V. ad Edictum.

Satisfactionis *a* appellatione interdum etiam repromissio continebitur: qua contentus *b* fuit is cui satisfactio debebatur.

E X P L I C A T I O.

Satisfactionis. a) Satisfacere propriè dicitur is qui fidejussores dat: *l. 1. ff. qui satisfd. cog.* lex tamen propter consensum creditoris, & cum interpretatur satisfacere qui repromittit. *l. 5. §. 4. ff. judic. solvi.*

Contentus. b) Quia consentienti creditori aliud pro alio licitè solvitur. *l. manifeste. C. de solut. §. 1. & 2. Inst. quib. mod. toll. obl.*

L E X. LXII.

*Cajus. Lib. XXVI. ad Edictum.
Provinciale.*

Tigni appellatione in lege duodecim Tabularum omne genus materiae, a ex qua ædificia constant significatur.

E X P L I C A T I O.

Omne genus materia. a) Tegula ergò & lapides, & cæmenta, & calx, & arena, cæteraque, si qua sunt ædificiis utilia, tignorum appellatione continentur. l. tigni. 7. ff. ad exhib. l. 1. §. 1. ff. de tigno junct. Quod fit, non ex proprietate verbi; (Tignum enim propriè ligneum fuit, significavitque quamcunque trabem tegendi causâ ædificiis impositam.) sed ex interpretatione prudentum ad legem XII. Tabularum.

L E X LXIII.

Ulpianus Lib. LXXI. ad Edictum.

Penes te a amplius est, quam apud te: nam apud te est, quod qualiter qualiter à te teneatur: penes te est, quod quodammodò possidetur.

EXPLICATIO.

Penes te. a) Festus. Apud & penes in hoc differunt quod alterum personam cum loco significat, alterum personam & dominium, ac potestatem, quod trahitur à penitus. Esse itaque penes te quidquam, est, non solum proximum habere, sed ejus quoque rei potestatem ac facultatem tenere; ut de eo possis pro tuo arbitrato decernere. Itaque depositarius apud se, non penes se rem habet. l. 1. §. eleganter. & §. seqq. l. 5. l. 8. l. 15. l. si fidejussor. 30. ff. deposit. ut & commodatarius, l. 5. §. si, de. l. in rebus. 18. §. 1. ff. commod. mandatarius pecuniam mandati causâ exactam. l. qui negotia. ff. mand. E contra penes se, non apud se rem habet, dominus, l. Titia. §. hujus. ff. de legat. 2. heres tabulas testamenti, l. 1. ff. de castr. pec. qui rem precario possidet, l. 15. §. cum qui. vers. an. is. ff. de precar. qui hominem liberum bonâ fide ut servum possidet. l. qui bona. l. questum. ff. de acq. rer. dom. Quæ ita sunt nisi res subjecta, vel verba prægnantiora adjecta, aut mens loquentis aliud moneat. ut in l. traditio. ff. eod. l. 5. §. si de me. ff. commod. l. si quis in tantam. C. unde vi.

[L E X LXIV.

Paulus Lib. LXVII. ad Edictum.

Intestatus *a* est, non tantum qui testamentum non fecit, sed etiam cujus ex testamento hereditas adita non est.

EXPLICATIO.

Intestatus. a) Intestatus dicitur, vel qui, cum posset jure testari, tamen testatus non est, sive noluit, sive morte fortè impeditus, non potuit: licet codicillos fecerit, (lis enim hereditas, cujus adjunctum est testatum aut intestatum esse, non datur.) §. *codicillis. Inst. de codicill.* vel qui testamentum quidem fecit, sed non jure, puta si solennitates à jure requisitas non observaverit: *l. si unus. C. de testam.* vel qui testamentum quidem jure fecit, sed quod ex post facto infirmetur. *tot. tit. Inst. quib. mod. test. infir.* Rumpitur agnatione: Irritum fit capitis diminutione, & si hereditas ex testamento adita non sit. *hic. & in princ. Inst. de hered. quæ ab. int. def.*

LEX LXV.

Ulpianus Lib. LXXII. ad Edictum.

Heredis appellatio non solum ad proximum heredem, sed & ad ulteriores *a* refertur. nam & heredis heres, & deinceps, heredis appellatione continetur.

EXPLICATIO.

Uteriores. a) Quapropter, conditio ut heredi Titio detur, & in herede heredis adimpleri potest. *l. cum ita. 63 §. fin. ff. de cond. & demonstr.* Certis tamen casibus heredis appellatio ultra proximum non extenditur; ut si scripti heredis facta sit mentio; *Bart. in l. qui liberis. §. 1. ff. de vulg. subst. vel sui; Bald. cons. 304.* Si Titio ejusque heredibus ususfructus legatus; *l. cum antiquitas. C. de usufr.* nè proprietas, consolidationis spe sublata, reddatur inutilis; Si appellatio heredis extraneos non comprehendat; ut fit in materia emphyteuseos ecclesiasticæ, feudi. *c. si de sen. su. cont. int. do.*

L E X L X V I.

Cajus Lib. LXXIV. ad Edictum.

Mercis appellatio ad res mobiles *a* tantum pertinet.

E X P L I C A T I O.

Mobiles. a) Ut vinum, oleum, frumentum. *l. ult. ff. de condict. tritic.* Non ad servos. *l. 1. §. 1. ff. de tribut. act.* quamvis & servi mercis loco haberi dicantur; *l. 73. §. ult. ff. de legat. 3.* & Edictum de peculiaris mercis tributione ad omnes negotiationes porrigatur. *d. l. 1. & l. 28. ff. de pecul.* Generaliter autem merx quaecunque res in emptionem deducta appellatur. *l. 1. ff. de rer. perm.* Et mercis causa parata dicuntur, quae idcirco parata sunt, ut veneant. *l. 32. §. uxori. ff. de usufr. leg.*

L E X X L V I I.

Idem Lib. LXXVI. ad Edictum.

Alienatum *a* non propriè dicitur, quod adhuc in dominio venditoris manet: venditum tamen rectè dicitur.

E X P L I C A T I O.

Alienatum. a) Alienatio, seu translatio dominii, potissimum per traditionem fit; *l. traditionibus. C. de pact.* unde qui rem vendit, antequam eam tradat nullum jus dominii transfert, nec alienasse censetur. Proinde & personali actione tantum tenetur. Itaque emphyteuta, aut vasallus rem emphyteuticam, aut feudalem, sine consensu domini, vendens, nec tamen eam tradens, ea non privatur; quia non dicitur alienata, licet vendita dicatur: nec debetur ex illa venditione laudemium. *l. fin. C. de jur. emphyt.*

I D E M §. I.

Donationis a verbum simpliciter loquendo, omnem donationem comprehendisse videtur: siue mortis causa, siue non mortis causa fuerit.

E X P L I C A T I O.

Donationis. a) Donationis duæ sunt species; alia *pura*, alia *conditionalis*. *Pura* est, cum quis ea mente dat, ut statim velit accipientis fieri, nec ullo casu ad se reverti & propter nullam aliam causam facit, quam ut liberalitatem & munificentiam, exerceat: *l. 1. ff. de donat.* *Conditionalis* est, cum quis
ca

ea mente dat, ut tum demum accipientis fiat, cum aliquid fuerit secutum; Item cum ipse ea mente dat, ut statim quidem fiat accipientis, si tamen aliquid factum fuerit, aut non fuerit, velit ad se reverti: ut est donatio mortis causa. *d. l. 1. in princ. Pura simul ac facta; Conditionalis*, post eventum conditionis propriè, ante impropiè: Quæ sub conditione resolvitur, tum cum nulla spes resolutionis amplius subesse poterit, non interim, donatio fuisse censetur. *Alciat. hic.*

LEX LXVIII.

Idem Lib. LXXVII. ad Edictum

Illa verba *Arbitratu Lucii Titii fieri* jus significant, *a* & in servum *b* non cadunt.

EXPLICATIO.

Ius significant. a) Id est, facultatem Iure Civili permissam & corroboratam. *Gothofr. hic.*

In servum. b) In servum ergò committi non potest. *l. 7. l. 9. ff. de recept. arb.* Quia in iis quæ ad jus attinent, servus omnino incognitus est, nec tantum civili jure, sed etiam prætorio; nec ullam habet juris sive civilis, sive prætorii communionem:

L. qui testamento. 20. §. servus quoque. ff. qui testam. fac. adeò ut neque extra ordinem computetur. l. nullomodo. 7. ff. de leg. Corn. de fals.

L E X L X I X.

Idem Lib. LXXVII. ad Edictum.

HÆc verba, *Cui rei dolus malus Haberit, afuerit*, generaliter *a* comprehendunt omnem dolum *b* quicumque in hanc rem admissus est, de qua stipulatio est interposita.

E X P L I C A T I O.

Generaliter. a) Et sic non tantum factum suum heredumque, promississe contrahens intelligitur, *l. novissima. ff. judic. solv.* sed & cum stipulatio pænalis sit, extranei: *l. stipulatio ista. 38. §. si quis dolum. l. in illa. 50. l. inter. 83. in princ. ff. de verb. oblig.*

Omnem dolum. b) Sive procedat ad aliquod maleficio nomen, veluti, furtum, homicidium, perjurium, falsum; sive producat factum criminofum quod tamen speciali nomine caret, unde stellionatus dicitur; *l. 1. & tot. tit. ff. de stellion.* sive afferat læsionem nullo tamen facto quod criminaliter accusari possit; ut in commerciis hominum aliisque modis

modis fieri solet: & tunc doli appellationem, retinet. *l. 1. & tot. tit. ff. de dolo.* Complectitur itaque illa stipulationis pars, qua dolum abesse abfuturumque comprehendimus, *l. 22. l. 53. l. 119. l. 121. l. 135. ff. de verb. oblig.* quicquid contra bonam fidem & æquitatem fit. Dolo enim facit qui contra bonum & æquum aliquid facit. *l. qui æquit. ff. de dol. mal. except.*

L E X L X X.

Paulus Lib. LXXIII. ad Edictum.

SCiendum est, heredem etiam per multas successiones *a* accipi. nam paucis speciebus heredum appellatio proximum continet. Veluti in substitutione *b* impuberis. *Quisquis mihi heres erit, idem filio heres esto*: ubi heredis heres non continetur, quia incertus est. Item in lege Ælia Sentia *c* filius heres proximus *d* potest libertum paternum ut ingratum accusare, non etiam si heredi heres exstiterit. Idem dicitur in operarum exactione, *e* ut filius heres exigere possit, non ex successione effectus.

EXPLICATIO.

Per multas successiones. a) Heredis appellationem per multas successiones accipi, nec tantum ad proximum heredem, sed & ad ulteriores referri, ita ut heredis heres, & deinceps ea appellatione contineantur, supra *l. heredis. 65.* diximus. Pauca etiam species, in quibus heredis appellatio proximum tantum continet, excepimus; tres alias hic addit Iurisconsultus.

Substitutione. b) Qua proximos, & scriptos tantum heredes, & qui ex testamento heredes existerent, contineri placuit. Et idcirco non tantum heredem, sed & patrem, qui per filium, dominum qui per servum heres extiterit, ab hac substitutione repelli; quia hi omnes non ex iudicio testatoris veniunt; *l. 3. & l. 8. ff. de vulg. & pup. subst. l. 27. §. qui suspectam. l. 55. §. qui fideicom. ff. ad SC. Trebell. cum sint ei incerti: l. hac. nam filiusfam. emancipari; servus manumitti, vel vendi potuit.*

Ælia Sentia. c) Tulere hanc legem Sextus Ælius, & C. Sensus Coss. Anno DCCLVI. Augusti temporibus. Varia ejus fuere capita; quæ hic referre non attinet. *vid. Vlp. tit. 1. Inst. Justin. tit. Inst. quib. ex caus. man. non licet. Julian. l. 42. Paul. l. 55. l. 57. l. 60. l. 83. ff. de hered. inst. l. 70. ff. hic. l. 1. C.*

qui man. non poss. l. 3. §. 2. ff. de suis & legit. l. 33. ff. de bon. lib.

Heres proximus. d) Quia cum ingrati accusatio, tanquam libertatis peremptoria, odio non careat, lex id juris heredi proximo eisdemque filio tantum concessit. *Novel. 78. cap. 2. l. 3. C. de libert. & eorum lib. junct. l. 5. C. de obseq. patr. præst.*

In operarum exactiōe. e) Si quidem exigantur operæ officiales, hæ enim ad filios tantum transeunt, etiamsi non sunt heredes, *l. si operarum. 29. ff. de oper. lib. non extraneos. d. l. si operarum. 29. & l. fabriles. 6. ff. de oper. lib.* Artificiales, etiam ad heredem extraneum transeunt. *d. l. fabriles. 6. non ejus heredem; l. cum patronus. 22. §. 1. ff. eod.* Nisi sint tales quarum æstimatio heredi ex judicato fuit præstanda; Heredis enim heres recte eam pecuniam petet. *l. 37. §. 6. ff. eod.*

I D E M §. I.

VERBA hæc, *a Is ad quem ea res pertinet*, sic intelliguntur, ut qui in universum dominium, vel jure Civili, vel Iure Prætorio succedit, contineatur.

EXPLICATIO.

Verba hæc.) Verba hæc in Prætorum Edictis, & in stipulationibus, pro materia subiecta variam accipiunt interpretationem. Quandoque sic intelliguntur, ut qui in universum dominium Iure Civili, vel prætorio successerint, contineantur; *hoc. §. l. 1. §. 1. l. 19. §. 5. l. 35. ff. de Ædil. Edict. Vndè in l. 53. ff. de oblig. & act. cum adjicitur. Sive ad quem ea res pertinebit, & adrogati, & eorum qui jure nobis succedunt personas comprehendimus. Iisdem verbis heredes & bonorum possessores & cæteri successores demonstrantur. in l. 1. §. prodest. & §. alter. & l. 2. §. 1. ff. quor. leg. & in l. 40. ff. si cert. pet. & l. 33. §. pater emancipato. ff. de legat. 3. Sed & in Edicto de jurejurando, non eos tantum qui in jus universum, sed & qui in rem successerint, ea verba complectuntur. l. 7. 8. ff. de jurejur. l. 3. l. 22. §. in stipulatione. l. seq. ff. rem rat. hab. In Edicto de ventre inspiciendo, eos continent, quorum interest partum non edi; & quos proxima spes successionis contingit. l. 1. §. de inspiciendo. & §. quamvis & §. denunciari. ff. de vent. inspici. In cautione procuratoria. Ratum habere, ad quem ea res pertinet; dominus, non creditor continetur. l. 33. §. ait Prætor. l. 32. §. alieno. §. queritur. ff. de procur. In lege Julia de adulteriis, plenius hæc verba accipiuntur, ut omnes quorum interest comprehendant. l. 27. ff. ad. l. Inl. de adul.*

Ulpianus Lib. LXX. ad Edictum.

ALiud est capere, aliud accipere. Capere *a* cum effectu accipitur. Accipere *b* est, si quis non accepit, ut habeat. Ideòque non videtur quis capere, quod erit restitutus. Sicut pervenisse *c* propriè illud dicitur quod est remansurum.

EXPLICATIO.

Capere. a) Capere cum effectu accipitur: nempe de eo qui sic accepit, ut habeat. Ideoque non videtur quis capere quod est restitutus. *hic, l. 51. ff. de reg. jur.* Vnde capere, *in l. cum ei. ff. de legat. 2:* impropriè accipitur. Nam qui tantum erogat, quantum accepit, capere quid non videtur. *l. civitatibus. 122. in fin. ff. de legat. 1.*

Accipere. b) Accipere est, si quis non accepit, ut habeat. Capimus ergò nobis, accipimus alteri. *Gothof. hic.* Interdum tamen etiam alii capimus. *l. cepisse. 140. ff. hic.* Accipimus ait *Alciat. hic.* de manu alterius; nostra verò auctoritate capimus. Et accipimus, quandoque rem sine domini ad nos translatione. *Dec. in l. non videtur. ff. de div. reg. jur.* undè plerumque accepisse dicitur, qui tamen domi-

dominium adhuc non adquisivit. *l. naturalis. §. 1. ff. de præscr. verb.*

Pervenisse. c.) Verbum enim pervenire, cum effectu est accipiendum. *l. 164. §. ult. ff. hic. ubi latius.*

I D E M §. I.

HÆc Verba, *a His rebus recte præstari*; hoc significant, ne quid periculum vel damnum ex ea re stipulator sentiret.

E X P L I C A T I O.

Hac Verba. a) Cautio, *His rebus recte præstari*, ab actore rei vindicatione convento, ut quod propter eam rem alteri promisit indemnus servetur, præstita, *l. ipsi quoque. 29. ff. de rei. vind. securitatem præstat.* Vetus enim formula est, qua significatur nequid periculum vel damnum ex ea re stipulator sentiat. *hac. Et l. redhibere. 21. §. idem Pomponius. ff. de Edil. Edict.* Quippe verbum *Recte* pro viri boni arbitrio est. *l. hac verba. 73. ff. hic.* Vir autem bonus non arbitritur in damno morari debere eum qui ex necessitate fecerit, quod in fundi utilitatem facere debuit; quale illud est, si quis de damno infecto caverit. *l. illud. 40. §. pen. ff. de hered. pet.*

L E X L X X I I.

Paulus Lib. LXXVI. ad Edictum.

Appellatione rei, pars etiam continetur.

E X P L I C A T I O.

Appellatione. a) Rei appellatione & tota res & pars ejus continetur. *l. 7. ff. de jurejur. l. 4. §. 1. ff. de damn. inf. l. 13. §. 1. ff. de fund. dot.* Vnde eadem res peti intelligitur etiam si pars petatur ejus, quod totum petatum est. *l. 7. ff. de except. rei. jud.* Nec inter est utrum in corpore hoc quaeratur, an in quantitate, vel in jure. *d. l. 7. in princ.*

L E X L X X I I I.

Ulpianus Lib. LXXX. ad Edictum.

HÆc verba in stipulatione posita, *Eam rem rectè restitui, a* fructus continent. *Rectè* enim verbum pro viri boni *b* arbitrio est.

E X P L I C A T I O.

Fructus. a) Cum verbum *restituas*, in lege vel stipulatione invenitur, etsi non specialiter

cialiter de fructibus additum est tamen etiam fructus sunt restituendi. *l. in condemnatione. 173. §. 1. ff. de div. rez. jur. l. 38. §. 1. ff. de usur. ut supra diximus.* Verbum ergò rectè in stipulatione positum non facit ut fructus restituantur, sed eos boni viri arbitrio deberi ostendit. Hinc rectè defendere, arbitrato boni viri defendere. *in l. jam tamen. 5. §. 3. ff. jud. solvi.* Hinc illa formula *apud Ictum in l. lecta. 40. ff. si cert. pet.* Et hæc quindecim proba rectè dari Calendis futuris stipulatus est Mœvius. Varro *lib. 2. de re rustic. cap. 4.* Illasce sues sanas esse, habereque rectè licere, spondesne?

Viri boni. a) Id est, discreti Iudicis ac probi patrisfamilias, quem negotium controversum non attingit. *Goed. hic secutus Menochi. de arb. jud. quest. in proam.*

L E X LXXIV.

*Paulus Lib. 11. ad Edictum
Ædilium Curulium.*

Signatorius annulus & ornamenti appellatione non continetur.

EXPLICATIO.

Annulus. a) Annuli enim quidam signandi causa habebantur, signatorii dicti: quidam ornatus causa. Ornamentis ergo legatis, annuli signatorii non venient. *l. argumentò. 25. §. ornamenta. ff. de auro & arg. leg.*

LEX LXXV.

Idem Lib. L. ad Edictum.

Restituere *a* videtur, qui id restituit, quod habiturus esset actor, si controversia ei facta non esset.

EXPLICATIO.

Restituere. a) Restituere ut supra ad *l. 35. diximus ubi etiam vide. ut & l. 22.* est retrò statuere, id est, id eam causam rem restituere, in quem fuisset si nihil adversus id, ob quod restitutio facienda, evenisset.

LEX LXXVI.

Idem Lib. LI. ad Edictum.

Dedissee *a* intelligendus est etiam is, qui permutavit, vel compensavit.

Dedissee.

E X P L I C A T I O.

Dedisse. a) Licet dare simpliciter pronunciatum, alienare est, & dominium per traditionem transferre, ut in *l. nemo rem suam.* & *l. ubi autem apparet. §. fin. ff. de verb. oblig.* tamen qui rem pro re alia, quam dare tenebatur commutavit, vel compensavit; aut sibi accepto latum est, is dedisse censetur. *l. vel permutavit. 19. ff. de liber. caus. l. 2. l. 3. ff. de calumniat. l. 8. ff. de hered. vend. l. debet. 17. ff. de Ædil. Edict. l. si mulier. ff. de cond. caus. dat.* Vndè si mulier nuptura ei, qui Stichum debebat, cum eo ita pacta est, *pro Sticho quem mihi debes, decem tibi doti erunt;* secundum id quod placuit rem pro re solvi posse, & liberatio contigit, & centum in dotem erunt. *text. in l. si ei nuptura. 25. ff. de jur. dot.*

L E X L X X V I I.

Idem Lib. XLIX. ad Edictum.

FRugem pro reditu appellari, non solum quod frumentis, aut leguminibus: verum & quod ex vino, sylvis cæduis, cretifodinis, lapidicinis capitur. Iulianus scribit fruges omnes esse, quibus homo vescatur falsum esse: non enim

enim carnem, aut aves, ferasve, aut poma, fruges dici: Frumentum autem id esse, quod arista se teneat, rectè Gallum definisse, lupinum verò & fabam fruges potius dici: quia non arista, sed siliqua continentur, quæ Servius apud Alfenum in frumento contineri putat.

EXPLICATIO.

Reditus. a) Reditus dicitur quicquid ex re aliqua obvenit, & redit. *l. 5. §. non passim. ff. de reb. eor.* Sic reditus prædii, id est, proventus, qui quotannis redit. *l. pen. ff. de usufr. leg. l. si reditus. ff. de fund. instr. instr. l. Titia ff. de solut. l. equissimum. §. 1. ff. de usufr.* Quam significationem & fruges, (a fruendo, ut Varro, vel frumine, quod summa gulæ pars, per quam cibus in ventrem dimittitur. ut Serv. Donat. dictæ) recipiunt. Sunt fruges quæ culturam & industriam humanam requirunt, & redeunt. *sec. Plin. lib. 18. cap. 17.* vel sine semine, quæ generis nomen retinent; ut vina, olea, fruges seu fructus lapidinarum, cretifodinarum, argenti aurique fodinarum, sylvarum cæduarum; *l. 30. ff. hic. l. 7. §. 13. ff. solut. matr. l. fin. ff. de fund. dotat. l. si ex lapidinis. ff. jur. dot.*
non

non quæ ex animantibus nascuntur, quæque ex aliis arboribus quam vite & oliva, coguntur : *hic*. vel ex semine, exinde segetes dictæ. Sunt vel frumentum, vel legumen. *Plin. d. cap. 17.*

Frumentum. b) Frumenti appellatione continetur id quod arista se tenet; ut hordeum, avena, triticum, siligo sive zea, secale sive zypha, milium, panicum, milium indicum. Leguminis quod siliqua, id est, theca modò rotunda, ut cicere; modò chilindracea, ut piso; modò etiam longissima & pro mensa seminum lata. *Plin. cap. 7. lib. 18. Varro lib. 1. cap. 32.* Hujus generis sunt fabæ, lupinum, ervum, lens, cicer, linum. *Plin. d. cap. 7. 8. 9. 10. 11. 12. & seq. lib. 18.*

L E X LXXVIII.

Paulus Lib. I I I. ad Plautium.

INterdum *a* proprietatem quoque verbum possessionis significat: sicut in eo qui possessiones suas legasset, responsum est.

E X P L I C A T I O.

Interdum. a) Possessio non solum apud Jurisconsultos, *l. si de vi. 37. ff. de judic.* & in constitutionibus, *l. fin. C. de prad. min. l. cum res.*

res. C. de contr. emt. interdum (non semper. Est enim quiddam à proprietate sejunctum. *l. 115. ff. hic.*) pro proprietate ipsa , seu prædio capitur, sed etiam apud alios auctores. Vndè possessiones urbanæ & rusticæ Cicero-
ni in Philippicis. Hinc non mirum legato possessionum quas quis habet , proprietatem prædiorum, contineri : *l. uxorem. 41. §. le- gaverat. 6. ff. de legat. 3. l. Marius. 66. §. pen. ff. de legat. 2. l. qui solidum. 78. §. 1. ff. eod.*

L E X LXXIX.

Idem Lib. VI. ad Plautium.

IMpensæ necessariæ *a* sunt, quæ si fa-
ctæ non sint , res aut peritura , aut
deterior futura *b* sit.

E X P L I C A T I O.

Necessariæ. a) Veluti aggeres facere, flu-
mina avertere, ædificia vetera fulcire , reficē-
re , arbores in locum mortuarum reponere.
l. 14. ff. de imp. in res dot. Has maritus &
quilibet bonæ vel malæfidei possessor dedu-
cit, *l. domum. C. de rei vind.* Imò hæ ipso ju-
redotem minuunt : proinde maritus soluto
matrimonio eò minus restituit ; *l. 5. l. pen. ff. eod. l. un. §. taceat. C. de rei ux. act.* Si dotem
integram solvit , ei vel condictio indebiti
conce-

conceditur, d. l. 5. in princ. & §. fin. vel actio mandati; aut negotiorum gestorum. l. 7. §. fin. ff. solut. matr. Nisi sint impensæ modicæ, quas ferre debet. l. omnino. § 2. ff. de imp. in res dot. fact.

Deterior futura. b) Proinde impensæ necessariae sunt, quæ habent in se necessitatem impendendi: quæ eam non habent, alio jure habentur. l. 1. §. 1. eod. id est, aut utiles aut voluptuariæ sunt. l. 5. §. fin. l. 6. l. 7. ff. eod. de quibus infra.

I D E M. §. 1.

VTiles & impensas esse Fulcinius ait, quæ meliorem dotem faciant [non] deteriore[m] esse non sinant. ex quibus redditus mulieri adquiratur; sicut arbusi pastinatione ultra quam necesse fuerat: item doctrinam puero-
rum, quorum nomine onerari mulie-
rem ignorantem vel invitam, non oportet: ne cogatur fundo, aut mancipiis carere. In his impensis & pistrinum, & horreum insulæ dotali adjunctum, plerumque dicemus.

EXPLICATIO.

Utiles. b) *Utiles impensæ sunt ut Vlp. in Instit.*
ait, quibus non factis quidem deterior dos
non fuerit, factis autem fructuosior effecta
est: veluti si oliveta, vineta, arbuſta, paſti-
na, ſtercorationes fiant. *l. 5. §. fin. cum l. ſeq.*
l. 14. ff. eod. l. 39. ff. de pet. hered. l. ult. ff.
de pact. dotul. Has maritus, niſi eſſent mo-
dicæ; *l. omnino. 12. ff. de imp. in res dot. aut*
muliere invitâ factæ, l. utilium. 8. ff. eodem.
vel exigebat, i. 7. §. 1. ff. eod. vel de dote
deducebat. d. b. utilium. 8. Hodie earum no-
mine deductione denegatâ, marito vel actio
mandati conceditur, ſi eas volente uxore fe-
cit, vel negotiorum geſtorum, ſicâ inſeîâ.
l. un. §. taceat. 5. verſ. ſed nec ob impenſas. C.
de rei uxor. act.

I D E M §. II.

Voluptuariæ *a* ſunt, quæ ſpeciem
duntaxat, non etiam fructum au-
gent: ut ſunt viridia, & aquæ ſali-
entes, incruſtationes, b loricationes,
picturæ.

EXPLICATIO.

Voluptuariae. a) Ad ornamentum ſolum
pertinent. *l. 7. ff. de imp. in res dot. fact.* Niſi
factæ

factæ sint in rebus promercialibus, id est, venalibus; tum enim pro utilibus impensis habentur. *l. quod si heres. 10. ff. eod.* Voluptuarias impensas, etiam voluntate mulieris factas, maritus, si separationem admittant, alias non tollere potest. *l. 9, l. 11. in princ. ff. eod.* Si dotem, non habitâ earum ratione, integrè solvit, eas condicere non potest, *l. 39. §. 1. ff. de hered. pet.* quia nullo obligationis jure debentur. *d. l. 11. d. l. un. §. taceat. l. 25. ff. de cond. ind.*

Incrustationes. b) Incrustationes, sunt tectoria parietum, ex crustis marmoris facta. de quibus *ICTus* in *l. quidam. §. 1. ff. de serv. urb. præd.*

Loricationes. c) Lorica tectorium est, parieti in modum lorice inductum: idem ferè quod incrustatio.

L E X L X X X.

Idem Lib. I X. ad Plautium.

IN generali repetitione a legatorum etiam datæ libertates, b continentur ex mente c Legis duodecim Tabularum.

E X P L I C A T I O.

Repetitione. a) Repetitio est iteratio, ejus quod relictum est. *l. si sic. 13. l. si parè. 54. l. in repetundis.*

*petundis. 63. l. cum in substitutione. 77. ff. de
legat. 3. l. avia. 77. l. libertis. 108. ff. de cond.
& demon. l. legatarii 19. l. licet. 74. l. servo. 113.
§. 1. ff. de legat. 1. l. 13. ff. de hered. inst. l.
cum servus. 18. ff. de cond. inst. Fit vel generali-
ter, quoties præcedentia legata, vel institutio-
nis gradus repetuntur per verba generalia; ut
amplius, ut d. l. legata 19. d. l. si pure. 54. d. l. avia.
77. d. l. libertis 108. quisquis, l. 3. §. filius. §. seq.
ff. de lib. & posth. l. quæ conditio. 39. ff. de cond. &
demonst. præterea, item, & similia: d. l. licet.
74. d. l. in repetundis. 63. l. cum servus. 82. ff.
de cond. & demonst. vel specialiter, cum res
legatæ aut personæ nominatim repetuntur,
aut certis notis repetitæ demonstrantur: ut
si testator dicat, *Quas pecunias legavi, quibus
dies appositus non est, annua, bima, trima die he-
res meus damnas esto.* d. l. legata. 19. Vel
*Quod Titio legavi, pure legatum volo: Quod Seio
legavi, ita legatum volo, si decem heredi dederit.*
Habet autem repetitio varios effectus. Nam
si eidem legetur sive conjuncta, sive separata
scriptura, vel plenius legatum facit, l. qui ita.
ff. de dote præl. l. Sejo. §. pen. ff. de ann. leg.
& utile id quod erat inutile, d. l. legata. 19. &
conditionem adjicit priori scripturæ; d. l. si
pure. 54. in princ. ff. de legat. 3. aut infe-
riori: d. l. in repetundis. 63. d. l. cum servus.
18. Vel exiguius legatum facit, ut si puro le-
gato dies aut conditio adjiciatur. Si autem*

diversis legetur ; aut verba *hoc amplius* priori legatario in eandem rem pecuniamve collegatarium & conjunctum adjiciunt, *d. l. si sic locutus. 13. ff. de legat. 3.* aut legatario unius rei separatim in aliam rem alium legatarium adjiciunt, non collegatarium, *ut l. si servus. 108. §. si ita scriptum. 7. ff. de legat. 1.*

Libertates. b) Vndè cum in substitutione legata repetuntur, libertates etiam continentur. *d. l. cum in substitutione. 77.*

Ex mente. c) Verba legis XII. Tabul. erant, *Vti quis legasset, rei sue, ita jure esto. l. 120. ff. hic.*

LEX LXXXI.

Idem Lib. X. ad Plautium.

CUM Prætor *a* dicat, ut opus factum restituatur, etiam damnum datum actor consequi debet: nam verbo restitutionis omnis utilitas *b* actoris continetur.

EXPLICATIO.

Cum Prætor. a) Cum Prætor in Interdictis ait, *Quod vi clamve, aut spreta novi operis nuntiatione factum, restituatur*, non solum opus restituendum, *l. semper. §. in hoc. ff. quod vi aut clam*, sed etiam omne damnum iresarciendum.

ciendum. Ea enim vis est verbi restitutionis.
l. antepen. §. si ve. ff. de oper. nov. nunc.

Omniū utilitas. b) Ergò & lucri cessantis
habenda ratio; *Alciat. hic. Disq. Bald. cons.*
152. in 1.

L E X LXXXII.

Idem Lib. XIV. ad Plautium.

Verbum *Amplius*, a ad eum quo-
que pertinet, cui nihil debetur: b
sicuti ex contrario *minus* solutum vi-
detur, etiamsi nihil esset exactum.

E X P L I C A T I O.

Amplius. a) *Amplius* & *minus* compara-
tiva quamvis sint, tamen ex subjecto argu-
mento vim comparisonis quandoque amit-
tunt, vid, *supra l. minus.* & *infra. l. si ita.* po-
niturque *amplius* pro toto, *minus* pro nihilo.
vid. l. 1. §. hæc verba. 11. ff. si cui plus quam
per leg. Falc.

Nihil debetur. b) Vndè si ei cui nihil lega-
tum, cum hac adiectione, *Hoc amplius* ali-
quid legetur, illud debetur. Vt & si ab eo
qui mihi nihil debet, ita fuero stipulatus,
Amplius quam mihi debes, decem, dare spondes,
decem debentur. l. si servus legatus. 108, § si
ei. 8. ff. de legat. 1.

L E X L X X X I I I .

Iavolenus Lib. V. ex Plautio.

Propriè bona a dici non possunt ,
quæ plus incommodi , quam com-
modi habent.

E X P L I C A T I O .

Propriè bona. a) Quia bona dicuntur,
quod beent , id est , beatos , seu fortunatos ,
aut locupletes faciant. *l. bonorum. 49. Et l.*
subsignatum. 33. §. bona. supra. ubi vid.

L E X L X X X I V .

Paulus Lib. I I. ad Vitellium.

Filii a appellatione omnes liberos
intelligimus.

E X P L I C A T I O .

Filii. a) Non propriè , *l. quod si nepotes. ff.*
de testam. tut. sed ex interpretatione. Quæ
in dispositione legis, nisi ratio aliter suadeat,
ut in l. sed & milites. 8. ff. de excus. tut. & l.
jubemus. 6. §. fin. C. ad. SC. Treb. generaliter
procedit. *l. filium. 14. ff. de SC. Maced. l.*
Senatus Consulta. 59. ff. de ritu nupt. l. 2. § si
mater. ff. ad SC. Tertyll. Non in dispositione
hominis

hominis , §. *fin. Inst. qui dar. tut.* nisi mens
disponentis alicunde alia fuisse appareat. *l.*
liberorum. ff. hic ut in l. Lucius. ff. de hered.
instit. l. alimenta. ff. de alim. leg. vide infra. l.
liberorum. 220. §. fin.

L E X L X X V.

Marcellus Lib. 1. Digestorum.

Neratius Priscus tres , *a* facere exi-
stimat collegium , *b* & hoc magis
sequendum est.

E X P L I C A T I O.

Tres. a) A paucioribus ergò quàm tribus
collegium constitui non potest ; licet per
duos , imò etiam per unum , conservari ac
retineri possit. *l. sicut. 7. §. fin. ff. quod cujus-*
que univ.

Collegium. b) Collegium, sive corpus, di-
citur societas quædam hominum ita contra-
cta, ut ex pluribus personis , veluti una per-
sona, & unum corpus fiat *l. 1. ff. eod.* Ita-
que mortuis quibusdam collegis & aliis in
eorum locum substitutis , idem collegium
semper manet : *l. proponebatur. ff. de judic. &*
ob delictum collegii non temerè plectuntur
singuli ; sed potius collegium ipsum. l. si usu-
fructus. 21. ff. quib. mod. ususfr. amitt. l. aut
facta.

facta. §. fin. ff. de pen. Sed sciendum nulum collegium licitum esse, nisi sit specialiter permissum. *l. 3. ff. de colleg. & corpor. l. 1. ff. quod cujusque univ. l. 2. ff. de extraord. crimin.* Illicitum collegium qui contraxerunt, extra ordinem, ad exemplum scilicet legis Iuliæ de vi publica, puniuntur. *l. 2. ff. de coll. & corpor.*

L E X L X X X V I.

Celsus Lib. V. Digestorum.

Q Uid aliud sunt jura a prædiorum, quam prædia qualiter se habentia? ut bonitas, salubritas, amplitudo.

E X P L I C A T I O.

Jura. a) Per Ius hic Iurisconsultus intelligit, qualitatem rei inherentem: & vult cum qui prædia cum suis juribus restituere promissit, ea ejusdem qualitatis reddere cujus accepit; ejusdem scilicet, bonitatis, salubritatis, amplitudinis. Alioqui jura prædiorum sunt servitutes.

L E X L X X X V I I.

Marcellus Lib. XII. Digestorum.

V T Alfenus ait, urbs a est Roma,
quæ

quæ muro cingeretur. Roma est etiam, qua continenti ædificia essent. Nam Romam non muro tenus existimari, ex consuetudine cottidiana posse intelligi, cum diceremus Romam nos ire, etiam si extra urbem habitaremus.

• E X P L I C A T I O.

Urbs. a) Urbem simpliciter cum legimus, Romam per excellentiam intelligimus, quæ olim inter alias tantum caput extulit urbes, ut ait *Virg. in Bucol.* Quantum lenta solent inter viburna cupressi. Et ita in *l. 1. ff. de Sen. tor. l. 1. ff. ad l. Iul. de amb. l. pen. §. negotiatores. ff. de muner. & hon. l. 7. §. constitutum. ff. de interd. & releg.* Urbis tamen appellatio proprietate sermonis angustior est, quam Romæ: urbs enim muris, Roma verò continentibus demum ædificiis finitur. *l. 2. sup. ubi latius.*

L E X LXXXVIII.

Celsus Lib. XVIII. Digestorum.

Tantum quisque pecuniæ a relinquit, quantum ex bonis ejus refici potest. Sic dicimus, centies aureorum habere, qui tamen in prædiis, cærisque

terisque similibus rebus habeat. Non idem est in fundo alieno legato, quam is hereditaria pecunia parari potest: neque quisquam eum, qui pecuniam numeratam habet, habere dicit, quicquid ex ea parari potest.

EXPLICATIO.

Pecunia. a) *Pecuniæ* verbum tribus modis in jure accipitur. Primo generalissimè: quo refertur ad omnia ea quæ sunt in patrimonio; *l. 5. ff. hic.* sive res sint corporales, sive incorporales, sive mobiles, sive immobiles. *l. pecunia. 178. l. pecunia. 222. ff. hic.* Secundo aliquanto angustius capitur, ut eas duntaxat res contineat, quas *ICtus in l. 2. §. 1. ff. de reb. cred.* ait in suo genere functionem recipere; id est, quæ pondere, numero, vel mensura constant. *d. l. 2. §. 1. l. talis. scriptura. 30. ff. de legat. 1.* Tertio pro pecunia numerata accipitur; ut hic.

Refci. b) Quia res pecunia rectè æstimantur; pecunia autem rebus æstimari nec potest, nec debet. *l. si ita fidejussorem. 42. ff. de fidejuss.* In rerum autem æstimatione quanti vendi potest res, *l. mortis causa. 18. §. fin. ff. de don. mort. caus. l. quærebatur. 82. ff. ad leg. falc. consideratur.*

Centies aureorum. c) Id est centies centena millia aureorum.

Non idem. d) Non enim sequitur, ex pecunia hereditaria fundus emi potest, is ergò in hereditate fuit.

L E X L X X X I X.

Pomponius Lib. V I. ad Sabinum.

BOves, magis armentorum, *a* quam jumentorum *b* generis appellantur.

E X P L I C A T I O.

Armentorum. a) Armenta Varro ab arando dicta, tradit, quod principalis eorum is usus esset. Armento igitur legato etiam boves contineri convenit; non jumenta. *l. legatis servis. 65. §. 5. ff. de legat. 3.* non etiam greges ovium, caprarum. *l. servis legatis. 81. §. 3. ff. de legat. 3.*

Jumentorum. b) Jumentorum (quæ à jungendo ut vult Nonius appellata, quod currui jungerentur.) appellatione, equus, mulus, & alia dorsualia animalia, ut elephanti & camelii; *l. 2. §. fin. ff. ad leg. Aquil. continentur.* Boves verò licet collo domantur, quia tamen collo non ferunt, eadem appellatione non continentur. *l. 38. §. jumentorum. ff. de Ædil. Edict.* Vndè jumentis legatis non debentur boves. *l. legatis servis. 65. §. jumentis. 5. ff. de legat. 3.*

I D E M . § . I .

HOc sermone , *Dum a nupta erit* ,
primæ nuptiæ significantur.

E X P L I C A T I O .

Dum. a) *Dum* particula & eam significationem habet, quam donec, & quamdiu.

Primæ nuptiæ. b) Vndè dos cum nupta erit promissa , non nisi in primis nuptiis debetur. *l. dotis promissio. 68. l. si sponsalibus. 56. ff. de jur. dot.* Dos quam stipulatus est Titius sibi soluto matrimonio reddi, facto divortio, reddenda licet matrimonium sit redintegratum. *l. stipulatio. 63. l. stipulationem. 21. cum l. seq. ff. eod.* Sermo enim simpliciter prolatus intelligitur de prima vice. *Gothof. ad d. l. 21.* Nisi vel sit negativus; *l. si sic stipulatus. 132. ff. in fin. ff. de verb. oblig.* vel prior actus nullus. *l. hæc conditio. 10. in fin. princ. ff. de cond. & demonst.* vel materia sit favorabilis, ut alimentorum; *Alciat. hic.* vel natura rei iterationem requirat, ut in vestitu legato. *Bald. l. 1. C. de fideicom.* Plures exceptiones vide apud Tyraquellum. *in tractatu suo ad hunc. §.*

I D E M . § . II .

INteredere *a* & reddi rationes multum

tum interest. nec is qui edere iussus sit, reliquam reddere debet. nam & argentarius edere rationem videtur, etiam si quod reliquum sit apud eum non solvat.

EXPLICATIO.

Edere. a) Plus est enim reddere rationes, quam edere. Nam edere rationes iussus inspicendi & describendi tantum facultatem præbere debet. *l. 1. §. 1. ff. de edend.* Reddere vero iussus hoc amplius eam pecuniam, quæ ex reliquis colligitur reddere cogitur. *l. 69. §. Servus. ff. de eviction. l. 31. ff. de statulib. l. 80. 82. l. 32. ff. de cond. & demon. l. 9. §. is qui reddere ff. de liber. leg.* Ad reliquorum tamen onus damna, quæ ita contigerunt, ut nihil imputari possit, non pertinent. *l. 41. §. Titius. ff. de fideicom. libert.* Qui ad reliqua non tenetur, nec rationes reddere debet. *l. qui libertatis. 69. §. servus. 4. ff. de eviction.* Est enim rationes reddere, nihil aliud quam reliqua solvere. *d. l. quamvis. 32. d. l. cum servus. 82. ff. de cond. & demonst.*

L E X X C.

Ulpianus Lib. XXVII. ad Sabinum

Qui uti optima maximeque a sunt, ædes tradit: non hoc dicit, servitutem illis deberi: sed illud solum ipsas ædes liberas esse, hoc est, nulli servire.

E X P L I C A T I O.

Optime maximeque. a) Adjectio hæc uti optime maximeque sunt, non in traditionibus modò, sed in emptionibus, stipulationibus, testamentis, hoc significat, ut ædes liberæ ab omni servitute præstentur, non ut etiam servitutes eis debeantur. *l. 126. & l. 169. ff. hic. l. pen. ff. de eviction. l. 69. §. si fundus. ff. de legat. 1.* Plerumque etiam ad instrumentum ædium vel prædii hæc verba referuntur. *l. fundo. 22. ff. de instr. & instrum. leg.*

L E X X C I.

Paulus Lib. II. Fidei-commissorum.

MEorum & tuorum a appellatione actiones quoque contineri dicendum est.

EXPLICATIO.

Meorum & tuorum. a) Meorum, tuorum, suorum, appellatione designantur omnia bona, non solum corpora & res, sed & actiones, seu quod est in actionibus. *l. nam quod.* 18. *l. seqq. l. si legatus.* 30. §. *si quis bona.* ff. ad SG. Treb. Nam meum, tuum, suum, id omnino designat, quod jure dominii, vel quasi; aut jure possessionis, vel obligationis, alicujus est; *l. cum, suæ.* 7. *l. seq. l. suos autem.* 73. ff. de legat. 3. etiamsi id cum aliis commune habeat: *l. si quis suos.* 74. ff. de legat. 3. *l. duo.* ff. de hered. acquir. *l. servus communis.* ff. de serv. stip. Bald. ad *l. 1. C. de comm. rer. alien.* vel hypothecæ pignoris alteri dederit. *d. l. suos.* 73. §. 1. Generaliter ergo omnia sua, aut omnes res suas donans, & nomina debitorum donasse intelligitur. *d. l. si legatus.* 30. §. *si quis.* *d. l. nam quod.* 14. §. *fin.* Non si dixerit argentum meum, aut vestes meas, dono, vel lego. tum enim quæ sunt in credito donasse non censetur. *l. Quintus.* 27. §. *argento.* ff. de aur. & arg. leg. *d. l. suos autem.* 73. §. 1. Quia cum meum, ad certam speciem referat, satis designat; se non de omni argento, vestibus, quas habet, quasve habere, aut aliquo jure consequi potest, agere; sed de iis, quæ nunc quando deberi incipiunt, ipsius sunt.

LEX XCII.

Idem Lib. V I I. Quæstionum.

Proximus *a* est, cui nemo antecedit.
 supremus *b* est, quem nemo sequi-
 tur.

EXPLICATIO.

Proximus. a) Proximus superlativum no-
 men est, & ideò ex natura sua positivum
 præsupponere deberet; sicut optimus præ-
 supponit ceterorum meliorem. *l. ubi. 75. §. 2. ff. de verb. oblig.* Sed tamen in jure: *l. proxi-
 mus. l. illa verba ff. hic. & alias; Laur. Vall. lib. I. eleg. cap. 17.* aliquando vim positivi
 habet. Vndè proximus non solum accipitur
 qui ante aliquem est, sed etiam is ante quem
 nemo est, quamvis ipse solus sit. *l. ex duo-
 bus. 34. ff. de vulg. subst.* Proximus ergò
 agnatus dicitur qui testatori sic conjunctus
 est, ut cum nemo antecedit. *l. 2. §. 3. ff. de suis & legit. l. 1. §. proximus. ff. unde co-
 gnati.* Et, si nullum testamentum factum est,
 proximus intelligitur qui morienti est proxi-
 mus; si factum est, tum demum cum desti-
 tutum esse constiterit. *l. 2. §. 4. C. 5. ff. de
 suis & legit.*

Supremus. b) Quod de proximo diximus
 & in supremo obtinet. Vndè supremas ta-
 bulas

bulas secundum quas Prætor bonorum possessionem se daturum pollicetur accipimus novissimas, post quas aliæ nullæ factæ sunt.

l. 1. §. 1. l. pen. §. plane. ff. de secun. tab.

Sed & illæ habentur supremæ tabulæ, quæ solæ sunt. *l. 161. ff. hic.* In vulgari quoque substitutione quâ ei, qui supremus morietur, heres substituitur, rectè heres substitutus etiam unico intelligitur. *l. 9. ff. de reb. dub.* Cum verò plures sunt, ei qui novissimus decesserit, ex his rebus substitutus succedet. *d. l. 9. §. l. 14. in fin. ff. ad leg. falcid.*

L B X X C I I I.

Celsus Lib. X I X. Digestorum.

MOventium, a item mobilium appellatione idem significamus. si tamen apparet defunctum animalia duntaxat, quia se ipsa moverent, moventia vocasse: quod verum est.

E X P L I C A T I O.

Moventium. a) Moventia dicuntur propriè animalia quæ per se moventur; ut servi, jumenta, pecora. Mobilia verò, quæ anima carent, ut vasa, vestes, & alia id genus, *l. 2. ff. de supellect. leg. l. 1. ff. de Ædil. Edict. l. pen. C. de jure dot. l. un. §. cum autem. C. de*

de *servitut.* Sed hæc differentia plerumque confunditur. l. 32. §. ult. ff. de usufr. leg. l. ult. ff. de requir. vel. abs. damn. l. 21. §. certe. ff. de furt. Vndè mobilibus legatis etiam animalia venient: l. hac. Nisi aliter de mente testatoris constet. l. 15. §. in venditione. 2. ff. de re jud.

L E X X C I V.

Idem Lib. XX. Digestorum.

Verbum *reddendi* quanquam significatum habet retrò dandi, recipit tamen & per se dandi significationem.

E X P L I C A T I O.

Reddendi, a) Reddere quamvis propriè significet retrò dare, & quod acceperis restituere, l. 3. §. si quis servum. l. 39. §. si heres. ff. de statulib. tamen & pro dare, tam apud Ciceronem, Quintilianum, Virgilium, lib. 1. Georg. Senecam, lib. de benef. 6. quam Iuriscultos, hic l. cum quidam uxori. ff. de legat. 2. l. 100. ff. de legat. 3. aliquando accipitur. Itaque reddere iussus simul & dare iussus intelligitur. d. l. 100. in princ. Et ideò si quis alicui pecuniam reddi jusserit, etsi debitam non appareat, ex fidei-commisso tamen ea rectè petetur. d. l. 100. in princ. l. Lucius. Titius. 93. §. 1. ff. eod.

L E X X C V.

Marcellus. Lib. XIV. Digestorum.

POtest *reliquorum* a appellatio & universos significare.

E X P L I C A T I O.

Reliquorum. a) Reliquum, propriè, est pars restans. Nonnunquam tamen à proprietate sermonis recedimus materiâ, vel narrantis intentione, hoc suadente. Et tum reliquum quandoque nihil, quandoque totum inducit. Nihil si testator, expleto assè, dicat. *Titius ex reliqua parte heres esto.* quoniam nihil reliquum est Titius ex nulla parte heres erit: *l. idem quod Sabinus. 17. §. 3. ff. de hered. inst.* si testator *Mœvium* ex parte quam per leges capere potest, heredem instituat, ex reliqua Titium. si Mœvius solidum capere poterit, Titius heres non erit. *l. qui non. 78. §. fin. ff. eod.* Totum inducit. si heres ex parte institutus, nullius capax sit: *l. quod si. 80. ff. eod. l. 2. C. eod.* Si unius servi optione Sempronio legatâ, reliquos Cajo legat, Sempronio non optante omnes Cajo debebuntur: *l. cum optio. 17. ff. de opt. vel elect. leg. l. 160. ff. hic.*
Parte

Parte domus quam vivens inhabitare solebat uxori legatâ; tota, si integram inhabitare solebat, debetur. *l. uxori. 33. ff. de legat. 3.*

LEX XCVI.

Celsus Lib. XXV. Digestorum.

Littus *a* est, quousque maximus *b* fluctus à mari pervenit. idque Marcum Tullium ajunt, cum arbiter esset, primum constituisse.

EXPLICATIO.

Littus. a) Aquilius Gallus litus per translationem definire solebat, qua fluctus cluderet. *Cicer. in Topic. Quint. Inst. orat. lib. 5. cap. ult. in fin.*

Maximus. b) Puta hybernus, qui solet esse maximus. *§. est autem littus. 3: Inst. de rer. divis.*

IDEM §. I.

PRædia *a* dicimus aliquorum esse, non utique communiter habentium ea, sed [vel] alio aliud habente.

EXPLICATIO.

Prædia. a) Ordo hic est inversus. Et vult Iurisconsultus prædia non tantum aliquorum

rum dici quæ divisa sunt, quod non est dubium; sed & quæ adhuc communia sunt; quod enim commune est, quasi meum est. *l. merito. § 1. ff. pro socio. l. illud dubitationis. 46. ff. de ritu nupt. l. si ex duabus. 12. ff. de adsign. libert. l. item apud Labeonem. 15. §. si communem. 36. ff. de injur. l. 1. §. 6. ff. de SC. Syllan.*

LEX XCVII.

Idem Lib. XXXII. Digestorum.

Cum stipulamur, a *Quanta pecunia ex hereditate Titii ad te pervenerit*: res ipsas, quæ pervenerunt; non pretia earum spectare videmur.

EXPLICATIO.

Cum stipulamur. a) Emptor hereditatis, qui à venditore. *Quanta pecunia ex hereditate ad eum pervenerit*, stipulatur, species ipsas, non earum pretia stipulatus videtur. *l. si creditor. 37. ff. de peculio.* Quod & in legatis obtinet. Verbum enim *quanta*, non ad numeratam pecuniam duntaxat refertur. *l. quisquis mihi. 95. ff. de legat. 3.*

Pervenerunt. b) Pervenisse intelligitur id omne per quod in effectu per hereditatem venditor factus locupletior. *l. 2. §. pervenisse. & passim. ff. de hered. vend.*

Idem Lib. XXXIX. Digestorum.

CUM bisextum *a* Kalendis *b* est: nihil refert [utrum] priore an posteriore die quis natus sit, & deinde sextum Kalendas ejus natalis dies est. nam id biduum pro uno die habetur: sed posterior dies intercalatur; non prior. Ided quo anno intercalatum non est sexto kalendas natus, cum bisextum kalendis est, priorem diem natalem habet.

EXPLICATIO.

Bisextum. *a*) Bisextum (alias bissextum) hic; & in l. 3. §. minorum. ubi Bart. ff. de minor. diem significat, qui quarto quoque anno intercalatur. Bisextus, inquit Isidorus, lib. 6. cap. 17. est post quatuor annos unus dies adjunctus. Crescit enim per singulas menses quarta pars assis; id est, duodecim horarum. At ubi quarto anno assem compleverit, bissextilem annum facit. Id biduum pro uno haberi; posterioremque diem Kalendarum intercalari scribit hic Marcellus. & in d. l. 3. §. minorum. Vlpianus. Quod & Pontifex probat, c. quæsit. §. I. de verb. signif. Kalendis.

Kalendis. b) *Kalendæ* inquit Varro : *lib. 5. de ling. latin.* primi dies mensium nominati, ab eo, quod his diebus kalentur ejus mensis *Nonæ* à Pontificibus, quintanane, an septimanæ sint futuræ, in Capitolio in Curia Kalabra sic dictæ. Quinque Kalo Iuno Novella, Septem Kalo Iuno Novella. *Nonæ* appellatæ, aut quod ante diem nonum Eidus semper, aut quod ut novus annus *Kalendæ* *Januariæ* ab novo Sole appellatæ, novus mensis, nova Luna *Nonæ*.

I D E M §. I.

Cato putat, mensem intercalarem addititium a esse, omnesque ejus dies pro momento temporis observat, extremoque diei mensis *Februarii* attribuit *Quintus Mucius*.

EXPLICATIO.

Addititium. a) Rectè, ante annum à *Iulio Cæsare* reformatum. Quia intercalabant eum, hoc est, vocato *Populo* Pontifices interponebant, ut annus ad *Lunæ* cursum quadraret. *Romani* enim ex distributione *Numæ Pompilii*, ad *Lunæ* cursum, sicut *Græci*, annum computabant. *Macrob. lib. 1. Saturnal. cap. 13:* Postea *Iulius Cæsar*, teste *Tranquillo*, in *Iulio Cæsare cap. 40.*
ad

Idem Lib. XXXIX. Digestorum.

CUM bisextum *a* Kalendis *b* est: nihil refert [utrum] priore an posteriore die quis natus sit, & deinde sextum Kalendas ejus natalis dies est. nam id biduum pro uno die habetur: sed posterior dies intercalatur; non prior. Idèd quo anno intercalatum non est sexto kalendas natus, cum bisextum kalendis est, priorem diem natalem habet.

E X P L I C A T I O.

Bisextum. *a*) Bisextum (alias bissextum) hic; & in l. 3. §. minorum. ubi Bart. ff. de minor. diem significat, qui quarto quoque anno intercalatur. Bisextus, inquit Isidorus, lib. 6. cap. 17. est post quatuor annos unus dies adjectus. Crescit enim per singulas menses quarta pars assis; id est, duodecim horarum. At ubi quarto anno assem compleverit, bissextilem annum facit. Id biduum pro uno haberi; posterioremque diem Kalendarum intercalari scribit hic Marcellus. & in d. l. 3. §. minorum. Vlpianus. Quod & Pontifex probat, c. quæsit. §. I. de verb. signif. Kalendis.

Kalendis. b) *Kalendæ* inquit Varro : *lib. 5. de ling. latin.* primi dies mensium nominati, ab eo, quod his diebus kalentur ejus mensis *Nonæ* à Pontificibus, *quintanane*, an *septimanæ* sint futuræ, in Capitolio in Curia Kalabra sic dictæ. *Quinque Kalo Iuno Novella*, *Septem Kalo Iuno Novella*. *Nonæ* appellatæ, aut quod ante diem nonum *Eidus* semper, aut quod ut novus annus *Kalendæ* *Ianuariæ* ab novo Sole appellatæ, novus mensis, nova Luna *Noneis*.

I D E M §. I.

Cato putat, mensem intercalarem addititium a esse, omnesque ejus dies pro momento temporis observat, extremoque diei mensis *Februarii* attribuit *Quintus Mucius*.

EXPLICATIO.

Addititium. a) Rectè, ante annum à *Iulio Cæsare* reformatum. Quia intercalabant eum, hoc est, vocato *Populo Pontifices* interponebant, ut annus ad *Lunæ* cursum quadraret. *Romani* enim ex distributione *Numæ Pompilii*, ad *Lunæ* cursum, sicut *Græci*, annum computabant. *Macrob. lib. 1. Saturnal. cap. 13*: Postea *Iulius Cæsar*, teste *Tranquillo. in Iulio Cæsare cap. 40.*
ad

ad ordinandum Reipublicæ statum conver-
sus, non ex cursu Lunæ, quæ paulo minus
mense in Zodiaci circuitione consumit: sed
ad rationem Solis, qui 365. diebus & qua-
drante cursum suum conficiens, ad signum à
quo digressus fuit, revertitur; totidem diebus
annum constare voluit. *Vid. Dion. lib. 45.*
Et ne quadrans deficiens temporis supputan-
di errorem ingereret, statuit; ut quarto quo-
que anno unum diem Pontifices intercala-
rent, eodem tempore, quo antea mensis in-
tercalari solebat: hoc est; ante quinque ulti-
mos February dies: idque bisextum appel-
lavit. *Budæus hic.* Quam Cæsaris constitu-
tionem posteriores Iurisconsulti receperunt.
*l. 51. ff. ad leg. Aquil. l. 4. §. 5. ff. de statu-
lib. l. 154. ff. hic.*

I D E M §. II.

Mensis autem intercalaris a constat
ex diebus viginti octo.

E X P L I C A T I O.

Intercalaris. a) Intercalaris mensis, hic,
est Februarius, sic dictus, quod ei dies unus
interferitur: Is à Iulio Cæsare sublatus. Vn-
dè hodie cum mensis sit appellatio, triginta
dies intelliguntur. *l. fin. C. de jure delib.*
Alex. conf. 114. in 5. tom. Socin. reg. 260.

L E X X C I X.

*Ulpianus Lib. 111. de Officio
Consulis.*

Notionem a accipere possumus &
cognitionem & jurisdictionem.

E X P L I C A T I O.

Notionem. a) Notionis (quæ nihil aliud
est, quam potestas quædam cognoscendi ex-
aminandique factum. *l. 3. §. cause cognitio.*
§. seq. ff. de Carbon. Edict. l. 4. ff. de off. ejus
cui mand. est jurisd.) verbum latissimum est ;
nam & in civilibus & in criminalibus causis
usurpatur. In civilibus, Prætoris dicitur no-
tio, qui utrum actio danda, an deneganda
sit cognoscit : *l. ult. §. fin. ff. de oblig. &*
action. aut cum de habitatione, vel vestiario,
vel alimento relicto transigendum est. *l. 8.*
ff. de transact. In criminalibus, Præfectus ur-
bi eorum quæ intra centesimum lapidem fi-
unt, dicitur habere notionem. *l. 1. §. 1. ff.*
de offic. Præf. urbi. vid. § l. pen. ff. de calumn.
l. 6. C. quom. & quan. jud. Propriè tamen
videtur Notio esse rerum non criminalium,
& in facto consistentium ; veluti cum apud
Prætorem disceptatur, utrum qui filius esse
dicitur in potestate sit, necne. *l. 3. §. 1. ff.*

- *de lib. exhib.* Quæ quidem ita se habent, cum propria verbi cujusque significatio exquiratur; sed Vlpianus hic Notionem sic posse accipi scribit, ut & jurisdictio, & cognitio intelligatur. *vid. § l. ait Prator. 5. ff. de re jud.* Quare Assessores, sive amici qui in consilium Proconsulum adhibentur, cum etiam ipsi cognoscant, dicuntur habere notionem. Arbitri quoque quos ex compromisso adimus, habent notionem. Cum enim ex pacto privatorum jurisdictio conferri nequeat, consequens est, ut saltem notionem habere dicantur. *Alciat. hic.*

I D E M. §. I.

Continentes provincias a accipere debemus eas quæ Italiæ junctæ sunt: ut puta Galliam. sed & Provinciam Siciliam magis inter continentes accipere nos oportet, quæ modico freto Italia dividitur.

E X P L I C A T I O.

Provincias. a) Provinciæ dictæ, quasi procul victæ, in quas mittebantur Proconsules aut Prætores, jus dicturi. Erant aliæ continentes, ut Gallia, Illyricum, Rhetia, intra quas etiam numerabatur Sicilia; quoniam modico freto tantum ab Italia dividitur:

tur: aliæ transmarinæ, ut Asia, Aphrica, Syria, Achaia. In illis dilationes breviores; in hic prolixiores conceduntur. *l. 1. C. de dilat.*

I D E M. §. II.

INstrumentorum *a* appellatione quæ comprehendantur, perquam difficile erit separare. Quæ enim propriè sint instrumenta, propter quæ dilatio danda sit, indè dignoscemus, si in præsentiam personæ, quæ instruere possit, dilatio petatur: puta qui actum gessit, licet in servitute, *b* vel qui actor fuit constitutus, putem videri instrumentorum causa peti dilationem.

EXPLICATIO.

Instrumentorum. a) Instrumenta variè in jure accipiuntur; in re judiciaria sunt ea omnia quæ ad instruendam causam pertinent. Et ideo tam testimonia, quam personæ instrumentorum loco habentur. *l. 1. ff. de fide instrum.* Vt cum dilatio instrumentorum causa petitur, etiam in præsentiam ejus personæ, (id est, donec sit præsens,) quæ instruere possit, puta qui actum gessit, vel qui

actor fuit constitutus , dilatio quasi instrumentorum causa datur. *l. hac. & l. 1. C. de dilat. l. 18. C. Theod. quor. appell. non recip.*

In servitute. b) Potest ergo liber factus de eo testari quod servus vidit.

L E X . C.

Idem Lib. 11. de Officio Consulis.

Speciosas a personas accipere debemus , clarissimas personas utriusque sexus. b item eorum , quæ ornamentis Senatoriis utuntur.

E X P L I C A T I O.

Speciosas. a) Quatuor sunt in jure dignitatum nomina, Illustres, Spectabiles, Clarissimi, *Novel. 71. Perfectissimi. l. 1. C. de perfect. dignit. lib. 11. Clarissimi erant Senatores, l. 2. C. de iis qui ven. atat. impet. l. 2. C. de sent. passis. l. 5. ff. de curat. furios. l. foemine. ff. de Senator. Lamprid. in vita Alex. Severi.* Hos inter aliquis erat gradus. Primi enim ordines Senatorum , inquit *Isidor. etymolog. lib. 8. cap. 9.* dicebantur Illustres ; secundi, Spectabiles, tertii Clarissimi. *vid. & Novel. 71. & l. fin. ff. de Senator.* Illustres erant, qui ex Senatoribus majores Magistratus

tus gerebant; ut Consulatum, Præfecturam Prætorio, Magisterium militum, Præfecturam urbis, Quæsturam Cæsaris. Spectabiles erant, qui vel à Senatu sortitò deligebantur; ut Proconsules; vel à Principe ex Senatu alio titulo ad provincias, aut militiam regendam mittebantur; ut Comites consistoriani, Sacri patrimonii, orientis Vicarius, Præfectus prætorio Orientis aut Aphricæ; &c. Functi-
iis officiis Clarissimi simpliciter dicebantur. *l. un. C. de præpos. labor. lib. 12.* Hi omnes sua habebant ornamenta. Gerebant enim Senatores latum clavum; *l. si Rufinus. C. de testam. milit.* Consules, Prætores, trabeam vestem. *l. fin. C. ut dignit. ord. serv. lib. 12.* &c. Speciosi omnes hic vocantur. Perfectissimi erant, qui nec ex Senatu, nec ex Equestri ordine ad dignitates assumebantur. *l. 1. C. de perfect. dign. lib. 11. Amm. Marcell. lib. 21. l. 1. C. Theod. de his qui ven. atat. imp.*

Vtriusque sexus. b) Et ita foeminas. Quæ maritorum dignitate illustrantur. *l. 1. ff. de Senator.*

L E X C I.

Modestinus Lib. IX. Differentiarum.

INter stuprum & adulterium hoc interesse quidam putant: quod adulterium in nuptam, stuprum in viduam committitur; Sed lex Iulia de adulteriis hoc verbo indifferenter utitur.

E X P L I C A T I O.

Inter stuprum. a) Stuprum generaliter est coitus lege vetitus, isque duplex: alter cum nupta, honesta puta, non meretrice; *l. si ea. 22. 29. C. de adult.* quem dicimus adulterium: alter stuprum in specie dictum, aut contra ordinem naturæ, cum masculino; *l. 2. ff. de servo corrupt. l. 1. §. removet. ff. de postul. l. 8. ff. quod met. caus. l. ult. ff. de off. Presid.* aut naturæ ordine concurrente, cum qualibet muliere quæ neque uxoris, neque concubinæ loco habetur. *l. 3. ff. de concub. l. stuprum. 43. ff. de adulter.* Adulterii poena ex lege Iulia erat relegatio; *l. 5. ff. de quest. l. 8. ff. de divort.* Cujac. lib. 6. obs. 12. aut deportatio: *l. 4. §. adulterii. ff. de re milit. l. 11. ff. de adult.* Postea ex Principum constitutio-

stitutionibus, facta est gladii: *l. quamvis. 30. §. 1. C. eod.* Ex novissima autem Iustiniani constitutione, adultera tantum virgis cæsa, in monasterium detruditur, *Nov. 134. cap. 10.* & dotem amittit, marito, servato liberis jure proprietatis in quota parte, *l. 8. §. fin. C. de repud. assignandam. d. l. 8. §. fin. C. eod. Nov. 117. §. quia vero. Nov. 134. §. antepen.* Maritus præter capitis poenam, amittit donationem propter nuptias, mulieri una cum dote, salva tum liberis proprietate, *d. l. 8. §. fin. obvenientem. d. l. 8. d. l. fin. Nov. 134. §. si quando.* Stuprum contra naturam gladio punitur. *l. cum vir. 31. C. de adult.* In viduam honeste viventem, vel virginem commissum, si stuprator honestus sit confiscatione dimidiæ partis bonorum, si humilior corporis coërcitione, cum relegatione, punitur: *§. 4. Inst. de publ. jud.* Nisi fuerit violentum, quod lege Julia de vi publica, *l. 3. ff. ad leg. Jul. de vi pub. l. 29. §. fin. ff. de adult.* secundum Doctores in *d. §. 4.* gladio punitur: *f. c. §. 9. vers. fin. antem. Inst. eod.*

I D E M §. I.

DIvortium a inter virum & uxorem fieri dicitur, repudium verò spon-

fæ remitti videtur. quod & in uxoris personam non absurdè cadit.

EXPLICATIO.

Divortium. a) Divortium nomen generale est, ac de amicitia interrupta dicitur, & inter amantes divortium est. Est & animæ corporisque divortium. Propriè tamen est, si vir & uxor separentur: Repudium verò, si sponsus à sponsa dirimatur; Ergò in hoc differunt, teste Paulo, *infra. l. 191.* quod repudiari etiam futurum matrimonium potest: non rectè autem sponsa divertisse dicitur. Confunduntur tamen hæc vocabula. *l. si qua. ff. de ritu nupt. l. quod Servius. ff. de condict. ob turp. caus.*

IDEM. §. II.

Verum *a* est morbum esse temporalem corporis imbecillitatem, vitium verò perpetuum corporis impedimentum. veluti si talum excussit: nam & luscus utique vitiosus est.

EXPLICATIO.

Verum. a) Quis inter se morbus & vitium differant, inter Veteres non convenit. Cicerio *lib. Tuscul. disput. 4.* ait, Morbum appellant totius

totius corporis corruptionem : Ægrotationem , morbum cum imbecillitate : Vitium , cum partes corporis inter se dissident : ex quo pravitas membrorum, distortio, deformitas. Itaque illa duo ; morbus & ægrotatio , ex totius valetudinis corporis conqussatione & perturbatione gignuntur : vitium autem integra valetudine ipsum ex se cernitur , sed in animo, tantummodo cogitatione possumus morbum ab ægrotatione sejungere. Modestinus hic inquit Morbum esse temporalem corporis imbecillitatem : vitium verò perpetuum corporis impedimentum. Labeo apud Sabinum Morbum definit ; esse habitum cujusque corporis contra naturam quo usum ejus ad id faciat deteriozem, cujus causa natura nobis ejus corporis sanitatem dedit : id autem aliàs in toto corpore , aliàs in parte accidit : Namque totius corporis morbus est ; puta tabes, febris ; Partis veluti cæcitas. *l. 1. §. sciendum. ff. de Ædil. Edict. vid. & Gell. lib. 4. cap. 2.* Vitium est si , integrâ valetudine corporis , qua sit unius partis alicujus corruptio & pravitas ea , quæ nec ex imbecillitate ejus partis nascatur , nec ejus partis usum auferat ; puta quis sit strabo, blæsus, balbus.

I D E M §. III.

Servis a legatis etiam ancillas deberi, quidam putant : quasi commune nomen utrumque sexum contineat.

E X P L I C A T I O.

Servis. a) Non quod masculinum semper contineat foemininum : *ut supra. l. 1. ff. hic. & l. qui duos. 162. l. servis legatis. 81. ff. de legat. 3.* sed quia verba generaliter accipienda quatenus ex vi sermonis inferre possunt. *l. 1. ff. de aleator.* Serva autem, ut servus, in ablativo habet servis. Nam non dicitur servabus.

L E X CII.

Idem Lib. VII. Regularum.

Derogatur a legi, aut abrogatur : derogatur legi ; cum pars detrahitur, abrogatur legi cum prorsus tollitur.

E X P L I C A T I O.

Derogatur. a) Lex aut rogatur, id est, fertur, aut abrogatur, id est, prior lex, cum expresse, tum tacite per desuetudinem, *l. 32. ff. de legib. tollitur ;* aut derogatur, id est, pars primæ tollitur ; aut subrogatur, id est,

id est , aliquid primæ legi adjicitur ; aut obrogatur, id est , aliquid ex prima lege mutatur. *Vlp. in Inst. tit. 1.*

LEX CIII.

Idem Lib. V I I I. Regularum.

Licet capitalis Latinè loquentibus omnis causa existimationis videatur : tamen appellatio capitalis a mortis , vel amissionis civitatis, intelligenda est.

EXPLICATIO.

Capitalis. a) Capitalis poena (sic dicta quod per eam caput è civitate eximitur,) est quæ mortem , vel amissionem civitatis continet. *hic.* Vndè & judicia capitalia ex quibus poena mors , aut exilium est, hoc est, aquæ & ignis interdictio. Sic in Edicto Prætoris quo rei capitalis damnato bonorum possessio denegatur, res capitalis intelligitur , ex qua damnato vel mors, vel etiam exilium, aut civitatis amissio , vel servitus contingit : *l. 13. ff. de bon. poss. l. 2. ff. de pæn.* Sic & in *l. 4. ff. si quis caution.* & in ea parte Edicti, quâ à bonorum possessione liberti patronus repellitur , qui eum capitis accusavit ; capitis accusasse æstimatur is , qui tali judicio ap-

petit, cujus poena aut ultimum supplicium, aut exilium, quod sit vice deportationis, ubi civitas amittitur. l. 14. §. *is demum.* ff. de bon. liber. l. 10 ff. de jur. patron. Capitis ergo poena est, ad furcam damnatio, capitis amputatio, vivi crematio, in insulam deportatio, bestiis objectio, vel aliæ similes. l. 11. §. *ult. junct.* l. 28. ff. de poenis. Latine tamen loquentibus, (*inquit hic Ictus*) omnis causa existimationis capitalis dicitur. ut & ex Orat. Cicer. pro Quintio patet. Et sic in l. 1. §. *removet.* ff. de postul. capitali crimine damnatum accipe, cujus poena existimationem minuit.

L E X C I V.

Idem Lib. 11. Excusationum.

[H] Τῶν τέκνων προσηγορίᾳ καὶ ὅτι τοὺς ἐγγόνους ἐκτείνει. id est.

Natorum a appellatio & ad nepotes extenditur.

E X P L I C A T I O.

Natorum. a) Natorum appellatio latissime patet, comprehendens eos quicunque nobis nati sunt, at qui ex filiis aut nepotibus nostris nascuntur, nobis etiam nasci dicuntur. Vnde si lex ita in agenda re dicta est.

Tibi

Tibi Semproni; & qui ex corpore tuo nascentur; & nepos comprehendetur. Ius enim avi erga nepotem pendet ex jure patris erga filium, & sicut filius ex patre est, ita & nepos per patrem ex avo esse videtur. Denique ut ait Celsus l. dotem. 6. ff. de collation. quod pater filio, id avus propter filium est nepoti. vid. § l. Lucius. 65. ff. de hered. instit.

LEX CV.

Idem Lib. XI. Responsorum.

MODESTINUS a) respondit; his verbis,
Libertis libertabusque meis, li-
bertum libertæ testatoris non con-
tineri.

EXPLICATIO.

Modestinus. a) Libertorum appellatione etiam libertæ continentur. l. liberti. 172. ff. hic. non libertorum, ut hic. aut liberorum liberti. l. licet. 58. §. 1. ff. eod. Hinc libertis libertabusque vestiariis, vel alimentis legatis, ea eorum libertis non debebuntur; nisi testator eos quoque libertos suos consuevisset appellare. l. alimenta. 16. §. 1. ff. de alim. legat.

L E X C V I.

Idem Lib. Singulari de Præscriptionibus.

Dimissoriæ a litteræ dicuntur, quæ vulgo Apostoli dicuntur. dimissoriæ autem dictæ, quod causa, ad eum qui appellatus est, dimittitur.

E X P L I C A T I O.

Dimissoriæ. a) Post appellationem interpositam à qualibet causa, *c. ut super. 4. de appell. lib. 6.* debent litteræ à Iudice à quo, ad Iudicem ad quem ab appellante, instanter, ni velit appellationi renunciari, *c. 6. & clem. 2. Ext. de appell. lib. 6.* peti; & à Iudice, nisi mulctari velit, *l. 24. C. de appell. dari, l. un. in princ. ff. de libell. dimiss.* quibus causam ad eum transmittat, & indicet, quis, contra quem, & à qua sententia, appellaverit. *d. l. un. §. 1.* Quæ, quod per eas causa ad eum qui appellatus, dimittatur, litteræ dimissoriæ, vel libelli dimissorii; dicuntur. *hic. & d. l. un. in princ.* Græcè apostoli, ἀπὸ τῆ ἀποστέλλειν. *d. l. un. in prima.* quod est remittere.

LEX CVII.

Idem Lib. III. Pandectarum.

ADsignare a libertum, hoc est, testificari, cujus ex liberis libertum eum esse voluit.

EXPLICATIO.

Adsignare. a) Ex Senatus Consulto vel Leo Rufo, & Festerio Scapula Coss. Claudianis temporibus facto, patronus inter plures liberos potestati ipsius subjectos aut emancipatos, *l. 9. ff. de adsign. libert.* sed ex justis nuptiis procreatos, aut certe indè nascituros, non adoptivos, potest libertos, quasi dividere, & uni liberorum plures, vel omnes, vel pauciores, quam cæteris; *l. 1. ff. eod.* quibuscunque verbis, & quocunque actu, adsignare. *d. l. 1. §. 3.* Qua adsignatione declaratur simul etiam quisnam ex liberis, patronus liberti vel libertorum esse deberet. *hic.* Fit peculiari jure, ut ita nec legatum propriè, nec fideicommissum, nec donatio, nec commodatum, sed peculiaris quædam exercendæ libertatis paternæ ratio possit videri. *l. 7. ff. eod.*

LEX CVIII.

Idem Lib. I V. Pandectarum.

DEbitor *a* intelligitur is, à quo invito exigì pecunia potest.

EXPLICATIO.

Debitor. a) Debitor, strictè, appellatur à quo invito exigì pecunia potest. *h. l. & l. 18. §. fidejussor. ff. de fidejuss.* Debitor ergò non videtur qui se exceptione justa & ab æquitate naturali non abhorrente, eaque perpetua, tueri potest. *l. definit. 66. ff. de div. reg. jur. arg. l. 10. cum. seqq. l. 54. cum seq. ff. hic. ubi vide.*

LEX CIX.

Idem Lib. I V. Pandectarum.

Bonæfidei *a* emptor esse videtur, qui ignoravit eam rem alienam esse: aut putavit eum, qui vendidit, jus vendendi habere; puta procuratorem, aut tutorem esse.

EXPLICATIO.

Bonæfidei. a) Sufficit enim ut bonæfidei emptor sit, & sic fructus lucretur, & rem præscribere possit, *l. 2. §. 1. 2. ff. pro emptor. l. 4.*

l. 4. C. eod. ut dolo careat. l. igitur. 12. §. potest. ff. de liber. caus. l. sed et si. 25. §. scire. 6. ff. de petit. hered. l. bonafidei. 48. §. 1. ff. de acquir. rer. dom. id est, non sit in mala fide. l. 1. C. de long. temp. præscr. In malafide est emptor, qui scit rem alienam esse, aut eum qui vendidit jus vendendi non habere: l. qui à quolibet. 27. ff. de contr. empt. & ut brevè id faciam, quisquis contra legum interdicta mercatur. Qui igitur à luxurioso & dissolutò adolescente, & protinus meretrici daturò sciens emerit, malæfidei emptor est. Nec enim ab eo emere debuit, & in societate quodammodo facti turpis versari. Nam turpis est venditionis causa, & quasi tacito jure, alienatio ea interdicta est. l. si quis cum sciret. 8. ubi Cujac. ff. pro empt. Coras. lib. 2. Miscell. cap. 8. num. 7.

LEX CX

Idem Lib. VI. Pandectarum.

SEQUESTER *a* dicitur, apud quem plures eandem rem, de qua controversia est, deposuerunt: dictus *b* ab eo, quod occurrenti; aut quasi sequenti eos, qui contendunt, committitur.

EXPLICATIO.

Sequester.. a) Est ergò Sequestre, seu Sequestratio, species depositi; qua res controversa, apud sequestrum, à pluribus, in solidum deponitur. *l. 5. §. 1. l. 6. l. licet. 17. in princ. ff. depositi.* Est vel conventionalis, quæ partium consensu fit; & regulariter est licita: *d. l. 5. & 6.* vel Iudicialis, quæ Iudicis, seu Magistratus auctoritate, parte sive utraque, sive atterutra invitâ, fit; *l. un. C. de prohib. sequest. pec. nec*, nisi ex justis causis; ut denegatæ cautionis, *d. l. un. l. 7. §. fin. ff. qui satisf. cog. status incertitudinis, l. fin. C. quib. ad libert. procl. metus armorum, l. 13. §. 3. ff. de usufr. &c: permissa. d. l. un.* Illa possessionem in sequestrum transfert. *d. l. licet. 17. §. 1. l. interesse. 39. ff. de acquir. poss.* Hæc eam, donec vel partes inter se de lite amicè convenerint, vel Iudicis sententia quis possessor sit, & esse debeat, declaretur, relinquit in suspenso. *d. l. interesse. 39.*

Dictus. b) Etymologia hæc Alciato nimis dura videtur. Gellius *lib. 20. cap. 1.* Sequestrum dictum ait, quod ejus fidem qui deponunt sequantur. Isidorus. *lib. 10. Etymolog.* Sequester, ait, est, qui certantibus medius intervenit, qui apud Græcos *ὁ μέσος* dicitur, apud quem pignora deponi solent,
à se-

à sequendo dictus, quod fidem utraque pars sequatur.

L E X C X I.

Javolenus Lib. VI. ex Cassio.

Censere *a* est constituere, & præcipere: unde etiam dicere solemus, *Censeo hoc facias: & semet aliquid censuisse.* Inde Censoris *b* nomen videtur esse tractum.

E X P L I C A T I O.

Censere. a) Verbum censere in varias fertur significationes; Nunc, inquit Festus *de verb. signif.* significat putare, nunc suadere, nunc decernere: sæpius decernere, constituere, præcipere, jubere; Quæ parum inter se differunt. Nam qui decernit, is & constituit & jubet; qui jubet & præcipit, utique decernit: cum nihil nisi animo & voluntate decretum statuamus & præcipiamus. Ponitur & censere pro consulere, *l. 70. §. 6. junct. l. 25. §. 11. ff. de petit. hered.* eandem vim habere. *l. ult. ff. de suis & legit. hered.*

Censoris. b) Censores Festo dicuntur, quod quisque rem suam tanti æstimare solitus sit, quantum illi censuerint. Erant, census agendi

di gratiâ constituti ; l. 2. §. *post deinde.* ff. *de origin. iur. Fenestell. cap. 17.* non tantum rerum sed & morum æstimatores , & disciplinæ magistri ; ut ex *Cicer. orat. pro Cluentio* liquet.

L E X C X I I.

Idem Lib. XI. ex Cassio.

Littus *a* publicum est eatenus , quæ maximè fluctus exæstuat. Idemque juris est in lacu , nisi is totus privatus *b* est.

E X P L I C A T I O . .

Littus. a) Quod de littore maris supra vidimus , hic Ictus producit ad lacum publicum ; id est , qui in usu est publico ; ut nempe eatenus publicum littus habeat , quatenus hybernus fluctus maximus exæstuat.

Privatus. b) Is tantum littoris habet , quantum actum est : l. *Rutilia Polla.* 69. ff. *de contr. empt.*

L E X C X I I I.

Idem Lib. XI. ex Cassio.

Morbus *a* fonticus est , qui cuique reinocet.

EXPLICATIO.

Morbus. a) Venulejus Ictus. *l. ult. ff. de Edil. Edict.* Quoties morbus fonticus, inquit, nominatur, eum significari Cassius ait, qui noceat: nocere autem intelligi qui perpetuo, non qui tempore finiatur. Sed & morbum fonticum eum videri, qui inciderit in hominem, postquam is natus sit: fontes enim nocentes dici. Gellius *lib. Noct. Attic. 20. cap. 1.* Sonticum morbum appellat, qui vim graviter nocendi habeat; & ita usurpatum à scriptoribus XII. Tabularum. Ictus Vlpianus *in l. 2. §. si quis. ff. si quis cant. in jud. sisten.* morbum fonticum adversam valetudinem exponit; Iulianus Ictus *in l. questum est. 60. ff. de re judic.* Sonticum morbum exponit, qui cujusque rei agendæ impedimento est: nec de levissima febris; aut quartana inveterata, in qua omnibus negotiis superesse soleat: intelligi vult. Qui eo affectus est, neque in jus venire, neque procuratorem mittere cogitur. *d. l. 2. §. si quis.* Sententia contra eum lata est nulla. *d. l. questum.* 60.

L E X C X I V.

Idem Lib. X V. ex Cassio.

Solvendo esse nemo intelligitur, nisi
qui solidum *a* potest solvere.

E X P L I C A T I O.

Solidum. a) Hæc interpretatio facienda est, quotiescunque legimus, quod si quis solvendo non sit, alium teneri. *l. 1. §. si magistratus. 11. cum seqq. ff. de magistrat. conven. l. 5. §. ult. ff. de solut. cum similibus.* Solvendo videtur is qui defenditur, *l. nemo dubitat. 95. ff. de div. reg. jur.* qui in nominibus æs suum habet; *l. facere. 28. ubi Alex. ff. soluto matrim.* si quidem debitores sint idonei & nomina sua agnoscant. *l. à Divo. 15. §. 8. cum §. seq. ff. de re judic.*

L E X C X V.

Idem Lib. V. Epistolarum.

Q Uæstio *a* est fundus à possessione
vel agro, vel prædio quid distet?
Fundus est, omne quidquid solo tene-
tur. Ager est, [si] species fundi ad
usum hominis comparatur, Possessio
ab

ab agro juris proprietate distat. quid-
quid enim adprehendimus, cujus pro-
prietas ad nos non pertinet, aut nec
potest pertinere, hoc possessionem
appellamus. Possessio ergo usus; ager
proprietas loci est. Prædium *butrius-*
que suprascriptæ generale nomen est:
nam & ager, & possessio, hujus ap-
pellationis species sunt.

EXPLICATIO.

Questio. a) Declarat hic Ictus quid fun-
dus, ager, possessio, prædium inter se diffe-
rant. Fundus est ipsum solùm, sive cultum,
sive incultum sit: Dictus, ut scribit Varro.
lib. 4. & ling. latin. quod pecudum & pecu-
niæ videbatur fundamentum: aut quod quo-
tannis fundat multa: aut, ut vult Festus,
quod planus sit ad similitudinem vasorum.
Fundo si utimur prædium dicitur; à præ-
stando, ut vult Varro, quia nobis præstat
reditum & usum sui. Vtilitas quæ ex præ-
dio venit consistit vel in proprietate, hinc
ager: *de quo infra. l. fundi. 211. latius.* vel
in usu aliquo, hinc possessio. Quæ hic est,
secundum Gothofredum hic. corpus cujus ple-
num usum habemus, proprietatem neque
habemus,

habemus, neque habere possumus. Quo in genere sunt prædia, quæ ab hostibus capta publicata sunt, & facta provincialia, tributaria, stipendiaria, vectigalia. *Theoph. §. per traditionem. Inst. de rer. divis. l. i. ff. si ager vectig. l. 15. §. fin. ff. de vectigal.* Proprietas enim eorum ad possessores non pertinebat, quod ea prædia victor populus in dominium suum redeegisset: pertinere verò non poterat, quia nec mancipatione ea abalienari, nec usucapi, cum juris Italici non essent, poterant: quibus modis legitimum & ex jure Quiritium dominium contingebat. *l. un. C. de usuc. transfor. §. per traditionem. Inst. de rer. divis. Vid. Brisson. 4. select. 1.*

L E X C X V I.

Idem Lib. VII. Epistolarum.

Quisquis a mihi alius filij filiusve heres sit, Labeo non videri filiam contineri; Proculus contra. Mihi Labeo videtur verborum figuram sequi; Proculus mentem testantis. Respondit: Non dubito, quin Labeonis sententia vera non sit.

EXPLICATIO.

Quisquis. a) Cum testator, uno ex filiis exheredato, alios, etiam posthumos, hac clausula instituit. *Quisquis mihi alius filii filiusve heres sit*; & filia, non ex figura verborum, sed ex mente testatoris intelligitur, instituta. De qua ergo si aliter constat, non censebitur instituta. *fac. l. in conventionibus. 219. inf. hic. l. cum avus. 102. ff. de cond. et demonstrat.*

LEX CXVII.

Idem Lib. I X. Epistolarum.

NON potest *a* videri minus solvisse is, in quem amplioris summæ actio non competit.

EXPLICATIO.

Non potest. a) Hinc qui pecuniam, quæ ex officio Iudicis condemnationi potuit accedere, nec tamen accessit, ut sunt in depositario post moram usuræ, *l. 4. C. depositi.* in eo qui certo loco dare promisit, si culpâ suâ & morâ eo non solvat, id quod actoris interest; *l. un. C. l. 12. ff. de eo quod certo loco.* non solvit, minus solvisse dici non potest, cum ea jure obligationis non debeatur, nec ipsi obligationi cohæreat, aut ab illa ullo modo pendeat.

L X C X V I I I.

Pomponius Lib. 11. ad Quintum Mucium.

HOSTES *a* hi sunt, qui nobis, aut quibus nos publicè bellum decrevimus. cæterilatrones, aut prædones sunt.

E X P L I C A T I O.

Hostes. a) Itaque non ut ab hostibus capti; ita qui à latronibus detinentur, statum mutant. *l. 13. ff. qui testam. fac. l. 19. §. à piratis. ff. de capt. & postlim. rev.* Vndè non ut illis, ita & his postliminium necessarium. *l. hostes. 24. ff. eod.* Est postliminium (dictum à liminè & post. §. *si quis ab hostibus. Inst. quib. mod. jus. patr. pot. solv.*) jus amissæ rei recuperandæ ab externis, & in statum pristinum restituendæ, inter nos ac liberos omnes populos Regesque moribus ac legibus constitutum. *l. postliminium. 19. in princ. ff. de capt. & postl. rev.* Liber populus est is, qui nullius alterius populi potestate est subiectus, sive is foederatus est, item sive æquo foedere in amicitiam venit, sive foedere comprehensum est, ut is populus alterius populi majestatem comiter conservaret. Hoc enim adjicitur,

adjicitur, ut intelligatur alterum populum superiorem esse, non ut intelligatur alterum non esse liberum. *l. non dubito. 7. §. liber. ff. eod.* Tria enim, ut inquit Livius. 34. sunt foederum genera, quibus inter se paciscuntur amicitias civitates, regesque. Vnum cum bello victis dicuntur leges: ubi enim omnia ei qui armis plus potest, dedita sunt, quæ ex iis habere victor, quibus multari eos velit, ipsius jus atque arbitrium est. Alterum, cum pares bello, æquo foedere, in pacem atque amicitiam veniunt. Tunc enim repeti reddique per conventionem res, & si quarum turbata possessio sit, eas aut ex formula juris antiqui; aut ex partis utriusque commodo componere solent. Tertium genus, cum qui nunquam hostes fuerunt, ad amicitiam sociali foedere inter se jungendam coeunt, hi neque leges foederis dicunt, neque accipiunt. Id enim victoris & victi est.

L E X C X I X.

Idem Lib. 111. ad Quintum Mucium.

Hereditatis *a* appellatio sine dubio continet etiam damnosam hereditatem. Iuris enim nomen est, sicuti bonorum possessio. *b*

E X P L I C A T I O.

Hereditatis. a) Hereditas quia universitatem quandam & jus successionis demonstrat, l. 208. ff. hic. & juris nomen est, l. 3. ff. de bon. poss. l. hac. & in jure consistit; l. 1. ff. de rer. divis. idè & sine ullo corpore juris intellectum habet: l. 50. ff. de petit. hered. multò magis & ejus appellatione damnosa continetur.

Bonorum possessio. b) Bonorum quidem appellatio naturalis est, dicta enim à beando; l. propriè. 83. junct. l. subsignatum. 39. §. 1. ff. hic. potest tamen etiam civilis esse, quatenus Ius Honorarium partem constituit Iuris Civilis, & bonorum possessores loco heredum esse dicuntur, & bonorum possessio pro hereditate. l. bonorum. 49. hic. l. hereditatis. l. heredis. 170. l. bonorum. 208. ff. hic. l. 1. 2. 3. ff. de bonor. posses.

L E X CXX.

*Idem Lib. V. ad Quintum
Mucium.*

Verbis Legis duodecim Tabularum
his, *Uti legassit a sua rei, ita jus
esto*, latissima potestas tributa vide-
tur,

tur, & heredis instituendi, & legata, & libertates dandi, tutelas quoque constituendi. sed id interpretatione coangustatum *b* est vel legum, vel auctoritate jura constituentium.

EXPLICATIO.

Legasset. a) In lege itaque XII. Tabularum vox *legasse* accipiebatur non solum pro eo quod specialiter in ultima voluntate donabatur, relinquebatur, disponebatur: verum etiam pro eo, quod & tutorem dare, heredem instituere, exheredare, præterire, substituere. §. 1. *Inst. de leg. Falcid.* & *hac l. Vigl. de testam. ord. in princ. num. 33.* In testamentis tamen verbum *legandi* simpliciter prolatum, inducit legatum, si adjectum fuerit rei particulari; *Bologn. rubr. ff. de legat. 1. num. 99.* si universitati, fideicommissum universale; ut si testator dixerit, *lego Titio hereditatem meam.* *Bart. Ias. in l. centurio. ff. de vulg. & pup. subst.* siquidem alius heres universalis est institutus; *Bologn. d. rubr. num. 93. & seq.* si non, inducit institutionem. *Bald. Cornæus. l. 2. C. commun. de legat.*

Coangustatum. b) Puta lege Furia, (Quâ cautum Ne cui, nisi manumissoris cognato, certisque aliis personis supra mille asses lega-

re, mortisve causa donare liceret; quod si quis majorem summam sibi legatam accepisset, quadruplum ejus quo plus quam licebat, accepisset, redderet. *Theoph. Inst. de lege Falcid. Cicer. Pro Balbo & Verr. 3. Inst. de leg. Falcid. Vlp. tit. 28.*) Voconia; (Quâ cautum, Ne qui census esset, id est, centum millia sestertium possideret, *ut. §. 2. Inst. de success. libert. virginem, neve mulierem, supra quadrantem suorum bonorum, id est, ultra viginti quinque millia sestertium, ut ait Dio. lib. 56. heredem institueret: plusve cuiquam legaret, quam ad heredem heredesve perveniret. Theoph. Inst. de leg. Falcid. Cic. Verr. 3. de finib. 2. Dio. d. lib. 56. Gell. lib. 7. cap. 13. & lib. 17. cap. 5. Flor. lib. 41. Paul. lib. Sent. 4.*) Falcidia; (Quâ, inter alia cautum; nè plus testatori legare liceat, quam dodrantem bonorum ab ipso relictorum, id est, ita modò, ut quarta pars eorum institutis heredibus salva maneat. *§. 2. Inst. l. 1. ff. ad leg. Falcid.*) Fusia Caninia. (Quæ libertatum conferendarum jus ad certum numerum restrinxit; sed eam Justinianus sustulit. *Inst. de lege Fusia Canin. toll.*) Ælia Sentia; (Quæ libertates in fraudem creditorum datas impedit. *princ. Inst. quib. ex caus. manum. non lic.*) Nec non Senatusconsulto Pegasiano, & Trebellejano. *de quib. vid. Aphuris. nostros in Digest.*

LEX CXXI.

*Idem Lib. VI. ad Quintum
Mucium.*

VSura a pecuniæ, quam percipimus, in fructu non est: quia non ex ipso corpore, sed ex alia causa est; id est, nova obligatione.

EXPLICATIO.

Vsura. a) *Vsura*, ab usu dicta, *Varr. lib. 3. de ling. lat. lib. 16. cap. 12.* est sortis accessio, quam propter usum pecuniæ à debitore creditor exigit. Debetur vel propter lucrum creditoris, ut quando pecunia eâ lege mutuò data est, ut usus nomine contra contractus (qui gratuitus est) naturam, menstruum aut annuum quid pendatur. *l. Titius. 24. ff. de præscr. verb. l. alumniæ. 30. ff. de adim. legat. propriè foenus, l. Præsidis. 24. ff. de reb. cred. l. si fundus. 44. l. si ita legatum. 86. ff. de legat. 3.* Civili Iure usque ad certum finem, pro personarum conditione permixta: *l. eos qui. 26. C. de usur.* Vel debetur propter moram debitoris non solventis; propriè poena; *l. lecta. 40. ff. de reb. cred. l. cum quidam. 17. §. 3. ff. de usur.* usque ad legitimum usurarum modum stipulari permixta:

l. cum allegas. 15. C. eod. Vel præstatur, non propter merum mutuationis officium, sed ut justum interesse, quod habet creditor, eò quod pecuniâ suâ caret, compenset. *l. cum qui. 60. ff. pro socio.* omninò licita. Vndè nulla usura, hic dicit Iurisconsultus, est in fructu, id est, naturaliter ex re oritur; sed extrinsecus provenit; Debetur enim ex alia causa, puta obligatione. Quæ vel stipulatio, in strictis judiciis, non nudum pactum, *l. 3. l. creditor. C. de usur.* vel in bonæfidei contractibus, nuda conventio, *l. 5. C. de pact. int. empt. & vend. l. 17. §. 4. ff. de usur. l. 34. §. in fin. ff. depositi.* aut mora. *d. l. 17. §. 4. l. 32. §. 2. ff. de usur. d. l. 5.* Quoties ex mora fructus non debentur, nec debentur usuræ. *l. usuræ. 34. ff. eod.*

L E X C X X I I.

Idem Lib. VIII. ad Quintum Mucium.

Servius ait: si ita scriptum sit, *Filio filiisque meis hosce tutores do*: masculis duntaxat tutores datos: quoniam singulari casu hoc, *filio*, ad pluralem videtur transisse, continentem eundem sexum, *b* quem singularis prior

prior positus habuisset. Sed hoc facti, non juris habet quæstionem. Potest enim fieri, ut singulari casu de filio senserit, deinde plenius omnibus liberis & prospexisse in tutore dando voluerit. quod magis rationabile videtur.

● EXPLICATIO.

Servius. a) Quia testamentaria tutela omnium favorabilissima est, cum præter communem tutelarum favorem, habeat singularem favorem testamenti; ideò si qua de causa minus ritè, minusve apertè data videatur, interpretatione est adjuvanda, ut valeat & effectum habeat. Sicut adjuvari solent debentque omnia, quæ in jure favorabilia existimantur. *l. cum quidam. 19. ff. de liber. & posth. l. hoc modo. 64. in fin. ff. de cond. & dem.* Hinc si quis plures filios impuberes habens, filio tutorem dederit, aut filiis, aut filio & filiis, tam filiis omnibus, quam filiabus tutorem dedisse videtur. Filiorum enim appellatione & filiæ continentur, *l. si quis. 16. ff. de testam. tut. l. hac. l. 1. l. filii. 84. l. inter stuprum. 101. §. fin. l. quisquis. 116. ff. hic. l. si ita scriptum. 45. ff. de legat. 2.* nec ulla ratio dari potest cur magis uni quam aliis prospicere voluisse testator videretur.

Fundem sexum. b) Quia in testamentis ob discrimen sexus filiabus dici consueverat ; ait *Plinius*.

Liberis. c) Intellige aliis filiis , non nepotibus ; Quia appellatione filiorum, omnes liberi, in dispositione hominis , non comprehenduntur. §. *fin. Inst. qui dare tut. vid. sup. l. filium.* 84. Dixit Ictus liberis , elegantiae causa, ne bis idem verbum repeteret.

LEX CXXIII.

Idem Lib. XXVI. ad Quintum Mucium.

Verbum *erit* a interdum etiam præteritum , nec solum futurum tempus demonstrat , quod est nobis necessarium scire , & cum codicilli ita confirmati testamento fuerint , *Quod in Codicillis scriptum erit*, utrumne futuri temporis demonstratio fiat , an etiam præteriti , si ante scriptos codicillos quis relinquat. Quod quidem ex voluntate scribentis interpretandum est. Quemadmodum autem hoc verbum *est* , b non solum præsens, sed

& præteritum tempus significat: ita & hoc verbum *erit*, non solum futurum, sed interdum etiam præteritum tempus demonstrat. nam cum dicimus, *Lucius Titius solutus est* [ab] obligatione: & præteritum & præsens significavimus: sicut hoc, *Lucius Titius alligatus est*. & idem fit, cum ita loquimur, *Troja capta est*. non enim ad præsentis facti demonstratio- nem refertur is sermo, sed ad præte- ritum.

EXPLICATIO.

Verbum erit. a) Verbum *erit* non semper futurum, sed interdum præteritum tempus significat. hic ait Ictus. ut si in testamento dictum sit. *Quod in codicillis scriptum erit, vel quod quibusve tabulis reliquero, valere volo*; intelliguntur hæc verba; Cum moriar, quod- cunque codicillis, vel tabulis reperietur scri- ptum, sive ante testamentum tabulæ scriptæ sint, sive post. l. Plotiana. 18. ff. de jure co- dicill. Regulariter tamen tempus futurum, neque ad præsens, neque ad præteritum re- fertur, nisi dispositio tractum habeat; ut quia in futurum quoque duret: ut si quis pro- mittat, quod dolus malus aberit, intelligetur

etiam in præsentī non adsit, cum qui hodie dolus adsit, & in posterum perseveret *l. novissima. 19. ff. judic. solvi.*

Verbum est. b) Vt per verbum erit, interdum præteritum tempus demonstramus, ita & per verbum est; puta si adjunctum participium id suadeat, ut cum dicimus *Troja capta*; aut cum id præteritum etiam nunc durat. *l. 15. qui in puteum. 11. §. quod ait. 4. ff. quod vi aut clam.* Aliàs propriè præsens notat, demonstrationemque continet. *l. inter vestem. §. item scribit. ff. de auro & arg. leg. vid. Gell. lib. 17. cap. 7. vid. supra. l. verbum oportebit.*

L E X C X X I V.

Proculus Lib. II. Epistolarum.

HÆc verba, *ille aut a ille*, non solum disjunctivæ, sed etiam subdisjunctivæ orationis sunt. Disjunctivum *b* est; Veluti cum dicimus, *aut dies, aut nox est.* quorum posito altero, necesse est tolli alterum: item, sublato altero, poni alterum. item simili figuratione verbum potest esse subdisjunctivum. Subdisjunctivi 6 autem genera duo sunt Vnum, cum

ex propositis finibus ita non potest
uterque esse, ut possit neuter esse.
Veluti cum dicimus, *aut sedet, aut
ambulat.* nam ut nemo potest utrum-
que simul facere: ita aliquis potest
neutrum, veluti is, qui accumbit. Al-
terius generis est, cum ex propositis
finibus ita non potest, neuter esse, ut
possit utrumque esse, veluti. cum di-
cimus, *omne animal aut facit, aut
patitur.* nullum est enim, quod nec
faciat, nec patiatur: at potest simul
& facere, & pati.

EXPLICATIO.

Aut. a) *Aut* non solum disjunctivæ, sed
& sub disjunctivæ orationis est: dicit Ictus.
Hujus ea vis est, ut alterum fieri satis sit. l.
si is qui. 13. §. *utrum.* ff. de reb. dub. l. *cum
pupillus.* 78. §. 1. ff. de cond. & demonstr. l.
25. ff. *quan. dies legat. ced.* l. *cum illud.* 25.
ff. *quand. dies leg.* Sæpe etiam disjunctam,
aut, pro conjuncta accipi Paulus scribit.
supra l. sæpe. 53. §. *hic.* cum dico; *Quod de-
di aut donavi;* quod & Justinianus probat.
l. *pen. C. eod.* ut in Interdicto quod vi aut
clam, Hinc qui sibi, aut filio, aut cuilibet ex-
traneo

tranco stipulatur, manifestè filii extraneive personam complectitur. *ut Iulianus ait. l. eum qui § 6. §. qui sibi. ff. de verb. oblig.*

Disjunctivum. b) In disjuncto seu disjunctivo proloquio, ut appellat Gellius. *lib. 5. cap. 11.* necesse est alterum ex duobus quo disjunguntur, verum esse: vel, ut Cicero in *Topicis*, in disjunctiōe plus uno esse verum non potest. Ita ut uno posito, alterum seu reliquum tollatur, ac viceversa. Cum contraria immediata simul vera esse non possint.

Subdisjunctivi. c) In subdisjunctivo potest neutrum esse, vel utrumque. Quod Ictus satis fusè hic explicat. Nos cum hæc omnia magis ad Grammaticum pertineant, & supra de iis *l. conjunctionem. 29. l. sepe. § 3.* nonnihil egerimus, hic latius de his tractare supersedemus. Tantum hoc addimus disjunctivum & subdisjunctivum priscis fuisse, quod nostris alternativum.

L E X C X X V.

Idem Lib. V. Epistolarum.

NEpos a Proculo suo salutem. Ab eo, qui ita dotem promisit, *Cum commodum erit, dotis filia mea tibi erunt aurei centum*, putasne protinus nuptiis

nuptiis factis dotem peti posse? quid, si ita promississet, *Cum potuero, doti erunt*? quod, si aliquam vim habeat posterior obligatio, *possit* verbum quo modo interpretaris? utrum ære alieno deducto, an extante? Proculus: Cum dotem quis [ità] promisit, *Cum potuero, doti tibi erunt centum*: existimo ad id, quod actum *b* est, interpretationem redigendam esse. nam qui ambigue *c* loquitur, id loquitur, quod ex his, quæ significantur, sensit: propius est tamen, ut hoc eum sensisse existimem, deducto ære alieno potero. Potest etiam illa accipi significatio, cum salva dignitate mea potero: quæ interpretatio eò magis accipienda est, si ita promissum est, *cum commodum erit*; hoc est, cum sine incommodo meo potero.

EXPLICATIO.

Nepos. a) Dos à socero, *cum poterit*, vel *commodum erit*, vel *commodissimum* promissa, non statim nuptiis secutis debetur, sed cum deducto ære alieno, & salva dignitate poterit.

rit. *l. avus. 78. §. 1. ff. de jure dot.* Nec enim posse videtur, qui non potest, nisi inhonestè, cum primum incipit justè posse, primum incipit teneri. *l. ult. ff. de cond. inst. l. 29. ff. de cond. & demonst. l. 29. ff. quand. dies leg.* cum res promissori in tuto esse incipit. *l. 80. ff. de verb. oblig.*

Actum. b) Actum est contrahentium mens & voluntas. Quæ in conventionibus potius, quam verba spectanda. *l. in conventionibus. 219. ff. hic.* Verbatamen si sint certa & clara ab eis non est recedendum, *l. Labeo. ff. de supell. leg. l. non aliter. ff. de legat. 3.* nisi de mente constet expressa vel præsumpta. *l. cum avus. 102. ff. de cond. & demonst.*

Ambiguè. c) Chrysippus ait omne verbum ambiguum natura esse, quoniam ex eodem duo vel plura accipi possunt. Diodorus autem, cui Crōno cognomentum fuit; Nullum, inquit, verbum est ambiguum: nec quisquam ambiguum dicit, aut sentit; nec aliud dici videri debet quam quod se dicere sentit is qui dicit: at cum ego, inquit, aliter sensi, tu aliud accepisti: obscure magis dictum quam ambiguè videri potest, Ambigui enim verbi natura illa esse debuit, ut qui id diceret, duo vel plura diceret. Nemo autem duo vel plura dicit, qui se sentit unum dicere. *Aul. Gell. Noct. Attic. lib. 11. cap. 12.*

L E X C X X V I .

Idem Lib. V I. Epistolarum.

SI, cum fundum a tibi darem, legem ita dixi; *Uti optimus maximusque esset* : & adjeci ; *jus fundi deterius factum non esse per dominum*, præstabitur : amplius eo præstabitur nihil : etiam si prior pars , qua scriptum est , *uti optimus maximusque sit* , liberum esse significat. eoque si posterior pars adjecta non esset, liberum præstare deberem. tamen inferiore parte satis me liberatum puto , quod ad jura at-
tinet , nè quid aliud præstare debeam , quam jus fundi per dominum deterius factum non esse.

E X P L I C A T I O .

Si cum fundum. a) Qui fundum *uti optimus maximusque* est ; vendit , eum à servitute omni liberum præstare debet , *l. qui uti. 90. l. non tantum. 169. ff. hic. non dominantem. l. quod ad. 75. ff. de eviction.* At si adjecerit. *jus fundi per dominum* , id est, sc , *deterius factum non esse* : clausula illa *optimus maximus* restrin-

restringetur, & sic non tenebitur venditor ob
servitutes fundo ab aliis impositas. Sub-
sequens enim specialis clausula, nè frustra
adjiciatur, præcedentem generalem arctat.
Bald. l. quoties. C. fam. ercisc. l. quesitum. ff.
de fund. instr. Nisi aliter actum fuisse appa-
reat.

L E X CXXVII.

*Callistratus Lib. I V. de Cogna-
tionibus.*

VEstis a appellatione tam virilis,
quam muliebris & scænica, etiam
si in tragica, aut citharædica sit, con-
tinetur.

E X P L I C A T I O.

Vestis. a) Vestes sive vestimenta (nihil
enim interest. *l. vestis, 23. l. inter. 33. ff. de*
aur. & arg. leg.) quædam viriles sunt, quæ
scilicet ipsius patris-familias causâ paratæ
sunt, & quæ ad usum virilem, salvo pudore,
attinent: quædam muliebres, quæ ad usum
matrisfamilias spectant quibus vir non facile
uti potest sine vituperatione: veluti, stolæ,
pallia, tunicæ, capitia, zonæ, mitræ. *l. 23.*
§. vestimenta. ff. de aur. arg. leg. Paul. lib. 3.
sent. tit. 6. Varro *lib. de ling. latin.* inquit ut
tunicam

tunicam virilem & muliebrem dicimus, non eam quam habet vir, aut mulier, sed eam quam habere ex instituto debet (potest enim muliebrem vir, virilem mulier habere, & in scena ab actoribus haberi videmus) sic eam muliebrem, quæ de eo genere est, quo indutæ mulieres, ut uterentur, est institutum. Mens tamen legantis hac in re inspicienda: *l. inter vestem. 33. ff. de aur. & arg. leg.* ut si testator solitus fuerit uti quadam veste, quæ etiam mulieribus conveniens, ea virilis appellatione contineatur. *vid. & l. si mihi. 110. §. 1. ff. de verb. oblig.* Vestis absolutâ appellatione tam virilis, quam muliebris etiamsi tragica, aut citharædica sit, continetur. *hac. l. & l. 15. §. & si vestimentorum. cum. §. seq. ff. de usufruct.*

LEX CXXVIII.

*Ulpianus Lib. I. ad Legem Iuliam
& Papiam.*

Spadonum a generalis appellatio est: quo nomine tam hi, qui natura b Spadones sunt; item thlibiæ, thlasæ; sed & si quod aliud genus Spadonum est, continentur.

E X P L I C A T I O.

Spadonum. a) Spadonum nomen à Græco *σπάδων* deductum. Quod non solum pro evello, sed etiam pro detorqueo & contorqueo à Græcis accipitur. Vndè hic rectè Vlpianus dicit spadonum appellationem generalem esse. *ut et in l. si serva. §. ult. ff. de jur. dot. l. 4. §. Item Divus. ff. ad l. Corn. de sicar. §. sed et illud. Inst. de adopt. et ibi Theoph. et Harmenop. lib. 2. tit. 8. in princ. Epitom.* Comprehendit enim non solum qui natura Spadones sunt, hoc est, quibus natura vasa seminaria & virilia sunt distorta, vel exsecta, aut inutilia; item qui sunt thlibiæ, quibus testes attriti; thlasia, quibus testes fracti; sed & si quod aliud genus Spadonum est, puta si sint castrati; vel quibus excili; collisi; contusi; aquâ calente, aut herbarum succis eunuchi facti. Castrare vel thlibias, thlasias facere in orbe Romano capitale est: *l. 1. C. de eunuchis. l. 4. §. ult. l. 5. ff. ad leg. Corn. de sicar.* & non tantum Mancipium, sed & locus in quo facinus sciente dominò admissum, fisco addicitur: *d. l. 1. qui Mancipium castrandum tradidit, dimidiæ bonorum partis confiscatione, l. 6. ff. eod. qui seipsum, si liber, capite punitur. d. l. 4. §. ult.* Iustinianus talionis poenam cum publicatione bonorum in castrantes statuit. *Novel. 142.*

Natura.

Natura. b) Hi, cum Vitio, per quod
meatus coli distortus, remoto, generare que-
ant, *Galen.* 15. *de usu partium apud Prate-*
ium. possunt matrimonium contrahere, *l. si*
serva. 39. §. 1. *ff. de jur. dot.* & matrimonii
caussa manumittere, *l. 24. in fin. ff. de manu-*
miss. adoptare, *l. 2. in fin. l. 40. §. fin. ff. de*
adoption. heredem instituere, *l. 6. ff. de lib.*
& posthum. quod in castratis non est: in eo
tamen sunt æquales, quod utrique testamen-
tum possunt facere. *vid. l. 5. C. qui testam.*
fac. Paul. lib. 3. sent. §. 2.

L E X CXXIX.

Paulus Lib. I. ad Legem Iuliam
& Papiam.

QVi mortui a nascuntur, neque nati,
neque procreati videntur: quia
nunquam liberi appellari potuerunt.

E X P L I C A T I O.

Qui mortui. a) Mortui qui nascuntur, ne-
que procreati videntur, neque filii appellan-
tur; abortus, vel abactus venter partum ef-
ficere non videtur, *Paul. lib. 4. sent. 15. tit.*
9. §. 6. undè abortu facto finitur missio in
possessionem: *l. 1. in fin. ff. de vent. in poss.*
mitt. qui mortuus natus non rumpit testa-
mentum:

mentum *l. 2. C. de posth. hered. inst.* imò nec abortivus, puta vivus quidem natus, sed ita ut secundum naturam vivere non possit. ut ante mensem septimum. *l. 2. 3. C. eodem. Socinus in l. cum avus. ff. de cond. & demonstr.* Non idem est in eo qui exsecto ventre matris, si tamen aliquamdiu vixerit, natus est. *l. quæ dicitur. 12. ff. de lib. & posth. l. 6. in fin. ff. de inoff. test. l. 141. ff. hic.*

L E X C X X X.

*Ulpianus lib. II. ad Legem Iuliam
& Papiam.*

Lege *a* obvenire hereditatem non improprie quis dixerit & eam, quæ ex testamento defertur: quia lege duodecim Tabularum testamentariæ hereditates confirmantur. *b*

E X P L I C A T I O.

Lege. a) Legitima ergò hereditas non tantum dici potest quæ ab intestato, *l. 1. ff. de suis & legit.* sed & quæ ex testamento, *l. 2. in princ. ff. famil. erisc.* sive extraneis, sive legitimis heredibus defertur. Quia lex XII. Tabularum hereditatem testamentariam confirmavit; dum constituit Vti quis rei suæ legasset, ita jus esse. *l. verbis. 120. ff. hic.*

Con-

Confirmantur. b) Qui ergò confirmat dare videtur; si quidem actus à mera confirmantis voluntate substantiam sumat: *l. adoptio. ff. de adoption.* aliàs non; ut cum heres aureos centum Titio, cui eos autor ejus jam legaverat, rursus legat. *l. unum. §. fin. ff. de legat. 2.*

L E X C X X X I.

*Idem Lib. III. ad Legem Iuliam
& Papiam.*

Aliud *fraus* a est, aliud *pœna*.
Fraus enim sine pœna esse potest:
Pœna sine fraude esse non potest. Pœna est noxæ vindicta: Fraus & ipsa noxa dicitur, & quasi pœnæ quædam præparatio.

E X P L I C A T I O.

Aliud fraus. a) Fraus, à ferendo dicta, est deceptio, quæ alicui inferitur. Apud veteres pro pœna sumebatur; ut scribit Servius in *III. Æneid.* & *Ulpian. in l. cum autem. 23. §. 2. ff. de Edil. Edict.* Hic eam à pœna differre vult. Quia fraus sine pœna esse potest, quippe omnis fraus damnum affert, & quicquid dampno afficit fraus appellatur.
vid.

vid. l. si longius. 18. vers. unde. ff. de judic. l. inter eos. 33. ff. ex quib. caus. major. l. 1. ff. de alien. iud. mut. caus. At non omne damnum poena dicitur, cum hæc ad vindictam criminis solum imponatur. Damnum autem est quicquid detrimentum aut molestiam alicui exhibet, etiam si non ulciscendi sceleris causa. Poena verò sine fraude esse nequit, quia nulla poena non damnum dat. Secundò Poena est tantummodo commissi criminis vindicta: Poena enim, noxam sive peccantem sequitur. *l. 1. ff. si quadr. paup. fec. dic. §. 1. Inst. de noxal. act. sicuti lepra leprosum. l. fin. ff. eod. l. 1. C. eod. l. 4. ff. si ex noxal. caus. agat.* ut ubi hæc non sit, nec illa existat, & ubi illa sit, & hanc esse oporteat: At fraus & crimen ipsum & criminis poenam significat. Vndè & fraudem capitalem admittere, id est, crimen capitale. *d. l. cum autem. 23. §. 2.*

I D E M §. I.

INter multam *a* autem & poenam multum interest; cum poena generale sit nomen, omnium delictorum coërcitio: multa specialis *b* peccati; ejus animadversio hodie *c* pecuniaria est, poena autem non tantum pecuniaria, verum capitis & existimationis irrogari

rogari solet. & multa quidem ex arbitrio deus venit, qui multam dicit: poena non irrogatur, nisi quæ quaque lege, vel quo alio jure specialiter huic delicto imposita est. quinimò multa ibi dicitur, ubi specialis e poena non est imposita. Item multam is dicere potest, cui judicatio data est. Magistratus solos & Præsides provinciærum posse multam dicere, mandatis permissum est. poenam autem unusquisque irrogare potest, cui hujus criminis sive delicti executio competit.

EXPLICATIO.

Inter multam. a) Multam (ait Festus lib. 11.) Osce dici putant poenam quandam. M. Varro ait poenam esse, sed pecuniariam. lib. 4. ling. lat. vel lib. 19. rerum humanarum apud Gellium Noct. Attic. lib. 11. cap. 1. vocabulum ipsum mulctæ non latinum, sed Sabinum esse dicit: idque ad suam memoriam mansisse ait in lingua Samnitium, qui à Sabinis orti: Sed turba Grammaticorum novitia (addit ibidem Gellius) eam *μολκτὴ ἀνθρώπων* à mulcendo ut quædam alia ita: hoc quoque dici tradiderunt. Jurisconsultis multa à

ta à poena differt. Poena enim quælibet coërcitio est; Multa solius pecuniæ: Poena certa est, legeque expressa; Multa ab ius dicentis arbitrio pendet. *l. si qua poena. 244. ff. hic.* Poena à quocunque Iudice, cui criminis executio demandata, infligi potest; Multa ab ordinariis & qui pro tribunali sedent tantummodo. *l. 2. §. fin. ff. de iudic.* Multa fisco datur; *l. pen. C. de mod. multæ.* Poena etiam parti applicari potest: Multa infamiam non irrogat; *l. 1. C. eod.* Poena non potest non ignominiam afferre. *l. non potest. 63. ff. de furt. l. Divus. 40. ff. de iudic. l. palam. 1. ff. de ritu nupt.* Est enim omnis infamia juris poena, at non multa. *tot. tit. ff. & C. de his qui not. infam.*

Specialis. b.) Ut cum in ius vocatus non paret, *l. 2. C. de Episcop. aud.* ius dicentem contemnit, in munere sibi imposito per desidium cessat. *l. 1. C. de sportul.*

Hodie. c.) Apud antiquos: inquit Varro & Festus, vid. & Gellium d. loc. multabantur in minoribus criminibus ovibus duabus: in maioribus triginta bubus, nec ultra hunc numerum excedebat multatio: qua posteaquam ære signato uti civitas cæpit, pecoraque multatitia incuria corrumpabantur, (Vndè etiam peculatus nomen usurpari cæptum est.) Lege Aterina facta est æstimatio pecoralis multæ, & boves centenis assibus,

OVES

oves denis aestimatae. Indè suprema mulcta, id est, maxima appellata tria millia æris, item vicellis, minoribus delictis.

Ex arbitrio. d) Non ita ut in infinitum multam Iudici dicere liceat, *l. 5. C. quand. provoc. non est nec.* sed modus & quantitas, quam quisque in multa dicenda sequi debet, constituta: quam si excedat, præter hoc quod sententia ipso jure non valeat; *d. l. 5.* duplum mulctato restituit, & simplum fisco infert. *l. fin. §. 4. C. de mod. mulct.*

Specialis. e) Tum pœnam arbitrariam imponit Iudex, cum nulla specialis pœna lege imposita est. *l. 1. §. 1. ff. de expilat. l. 3. C. de serv. fugit. l. 14. C. qui accusare.*

Potest. f) Lege mulctam dicere non potest, cui judicatio data est, id est, qui a Prætoribus, vel Præsides, vel alio Magistratu datus est Iudex. Quia statim sequitur *Magistratus solos & Præsides provinciarum posse mulctam dicere mandatis permissum est.* Sic enim scribit Ictus ut Iudices datos & pedaneos excluderet, qui licet à Magistratibus tam urbanis in urbe, quam provincialibus in provinciis, dentur, Magistratus tamen non sunt, adeoque nec jurisdictionem ullam habent; sed tantum judicationem, *l. ait Prator. §. ff. de re judic.* id est, judicandi facultatem. *l. ult. vers. sed nequis ita. C. ubi & apud quem cogn. in int. rest. agit.* Nec sane nisi falso quisquam dixerit

Iudicem à Prætore vel Præsìde datum habere jus mulctæ dicendæ. Nam si nec magistratibus duumviris & municipalibus hoc jus datum est, nequidem ut propriam jurisdictionem quam habent tueantur; *l. un. ff. si quis jus dic. non obt.* nec rursus procuratoribus Principis & Rationalibus, nec Curatori Reipublicæ, *de quibus in l. 2. & 3. C. de mod. mulct.* quanto minus hoc jus sibi vindicare poterunt Iudices dati; qui neque Magistratus sunt, neque ullam habent jurisdictionem. *Ant. Faber in ration. ad l. 2. §. fin. ff. de judic.* Ita jure Veteri; Iure novo omnibus Iudicibus, etiam à Magistratu majore Delegatis, mulctæ dicendæ licentia data. *l. 3. C. de sport. & sumpt. in div. ind.*

L E X CXXXII.

*Paulus Lib. III. ad Legem Iuliam
& Papiam.*

ANniculus *a* amittitur, qui extremo anni die moritur: & consuetudo loquendi id ita esse declarat, Ante diem *b* decimum Kalendarum, post diem decimum Kalendarum. neque utro enim sermone undecim *c* dies significantur.

EXPLICATIO.

Annulus. a) Annulus dicitur tam de animatis , quam de inanimatis , quæ sunt unius anni, ut annulus puer, annulus agnus, annulum vinum.

Ante diem. b) Gothofredus hanc legem sic, & meo iudicio rectè, interpretatur. Annulum dicit mori, qui extremo die anni moritur: antedecendialem dici, qui extremo noni expirat: post decendialem, qui extremo undecimi: neutro sermone exactos dies (sic enim *arg. l. 134.* non undecim dies, legendum putat.) significari; ac si diceret l'ctus, qui moritur post extremum anni diem non est annulus, sed biennis: qui præstat aliquid post decimum diem, undecimo præstat; qui non præstat ante decimum, præstat decimo. Sic debitor, ante Kalendas, ante eas perfectas dare debet: aut si non ante, post certè dederit: *l. qui ante. 13. ff. de verb. oblig.* Intra Kalendas judicare iussus, ante eas perfectas debet judicare, aut si non ante, post judicaverit. *l. 133. ff. hic.* Intra hæc nisi superiora fiant jus mutatur. *l. 42. ff. de verb. oblig. Aliter, hic. Budæus Alci. ut.*

Undecim. c) I. ege undecimus. Nam de futuris Kalendis loquenti; dies ante decimum Calendarum vicinior est nonus, post
I 3 diem

diem decimum est undecimus. Sic Gothofr.
hic. Aliter Gæd. Alciat hic. Aliter Cujacius ad
l. 13. ff. de verb. oblig.

I D E M. §. I.

Falsum *a* est eam peperisse, cui mor-
 tuæ filius exsectus est.

E X P L I C A T I O.

Falsum. a) Parere enim viventis mulieris
 proprium est, quæ viventem filium utero e-
 mittit. Qui tamen exsecto ventre editus licet
 revera natus non sit, tamen pro nato accipi-
 tur, adeò ut patris quoque testamentum rum-
 pat si in potestate nascatur. *l. quod dicitur. l.*
12. ff. de lib. & post. & ad querelam inoffi-
ciosi testamenti admittatur. l. posthumus. 6.
in princ. vers. simili. ff. de inoff. test.

L E X C X X X I I I.

Ulpianus lib. IV. ad Legem Iuliam
& Papiam.

Si quis *a* sic dixerit, ut intra diem
 mortis ejus aliquid fiat: ipse quo-
 que dies, quo quis mortuus est, nume-
 ratur.

EXPLICATIO.

Siquis. a) Non rectè ergo dubitat Gellius, lib. 12. Noct. Attic. cap. 13. Intra Kalendas facere quid iussus; an etiam Kalendis ipsis rectè faciat; hujusce enim legis verbis convincitur; ut & l. 1. §. si intra. 8. cum. § seq. ff. de success. Edict. Quæ sunt. Quod dicimus intra dies centum bonorum possessionem peti posse, ita intelligendum est, ut & ipso die centesimo peti possit, quemadmodum intra Kalendas, etiam ipsæ Kalendæ sunt. Quia dies termini (ut vulgò ajunt.) in ipso termino continetur. d. l. 1. §. si intra. l. Pater. ff. ad leg. Jul. de adult. l. in illa. 8. l. qui ante. 13. l. eum qui. 41. in princ. Et fin. l. qui hoc anno. 42. l. stipulationes. 72. §. si quis. ff. de verb. oblig. l. ult. ff. de tut. et cur. dat.

L E X CXXXIV.

*Paulus Lib. II. ad Legem Iuliam
& Papiam.*

ANniculus a non statim ut natus est, sed trecentesimo sexagesimo quinto die b dicitur, incipiente planè, non exacto die: quia annum civiliter, non ad momenta temporum, sed ad dies numeramus.

EXPLICATIO.

Anniculus. a) Anniculus ergò quis dicitur, statim ac illuxit ultimus anni dies, etiam si nondum est completus. Rursus toto illo die anniculus est, usque ad primum sequentis diei momentum, quo incipiente, demum & ipse incipit esse major anniculo, non ante, etiam si aliquot horis anni naturalis cursum excedat. Vt natus hora sexta diei Kalend. Ianuar. anno elapso, cum primum vidit pridie earundem Kalendarum sextam noctis horam, hoc est, ipsas nascentes Kalendaras, dicitur esse anniculus, & toto die Kalendarum usque ad sextam noctis sequentis, similiter anniculus appellatur, quamvis post meridiem illius diei incipiat major esse, si velimus ad naturalis cursus rationem ista perpendere. At communis consuetudo loquendi aliud usurpat, quæ toto illo die anniculum cum appellat, quia ætates hominum non horis, sed diebus, & mensibus, annisve definit. *Connan. lib. 3. cap. 12. num. 3.*

Die. b) Anni certi cum in lege sit mentio, intelligimus de perfecto 365. diebus constante. Quorum ultimus si de re favorem respiciente agatur; ut usucapione, *l. ex ideo. ff. de usucap. testamento, l. atque ætate. 5. ff. qui testam. fac. poss. libertate; l. 1. ff. de manumiss.* ut sit completus non necesse, sed

sed sufficit esse cæptum; non si de re odiosa, ut restitutione in integrum, l. 3. §. *minorem. ff. de minor. præscriptione temporalium actionum, l. in omnibus. ff. de oblig. & action. Carboniana possessione, l. 1. C. de Carb. Edict. agatur; tum enim de momento in momentum facienda computatio.*

L E X C X X V.

*Ulpianus Lib. IV. ad Legem Iuliam
& Papiam.*

QVæret aliquis: si portentosum, vel monstrosum, *a* vel debile mulier ediderit, vel qualem visu, vel vagitu novum, non humanæ figuræ, sed alterius magis animalis, quam hominis partum: an, quia enixa est, prodesse ei debeat? & magis est, ut hæc quoque parentibus profint. *b* nec enim est, quod eis imputetur, quæ qualiter potuerunt, statutis obtemperaverunt: neque id, quod fataliter accessit, matri damnum injungere debet.

E X P L I C A T I O.

Monstrosum. a) Partuum monstroforum duæ videntur in mulieribus esse species; Vna cum alicui naturali originis & generationis suæ forma minimè destructa, vel augmentum accessit, vel in aliquo delibatum & deductum, vel mutilatum est. *vide supra l. ostentum.* 38. Alia cum aliquis formâ naturalis originis & generationis destructâ, nascitur; puta in animalis alicujus naturam deformatus. ut minotaurus.

Profint. b) Puta in lege Papia, quæ odiosa; orbas eorum quæ in testamentis relinquuntur semisse notans. *Nicephor. lib. 7. cap. 57.* Contra in Senatusconsulto Tertylliano contra naturam humanam monstrosus partus matri non prodest. *l. non sunt ff. de statu hom. Paul. lib. 4. sent. 9.* Cum non tantum sit favendum ei qui de lucro captando certat, quam qui de damno vitando. *l. ult. §. 5, C. de jur. deliber.*

L E X C X X X V I.

*Ulpianus Lib. V. ad Legem Iuliam
& Papiam.*

GGeneri a appellatione & neptis, & proneptis, tam ex filio, quam
ex

In Dig. Tit. de Verborum Signif. 203
ex filia editorum, cæterarumque mari-
tos contineri, manifestum est.

EXPLICATIO.

Generi. a) Gener maritus est filiae; *l. nam facile. ff. de grad. affin.* contineturque eius appellatione sponsus; *l. in legibus. ff. de testib. l. servus. ff. de grad. affin.* Porrigiturque generi appellatio ad progenerum, *l. Gallus. §. forsitan. ff. de lib. & posth. & ultra, ut hic.* Quæ interpretatio in Edicto de postulando facienda. *l. 3. ff. de postul.* In Edicto verò de infamia notatis verba hæc, Genero mortuo, de solo filiae viro sunt accipienda. *l. 1. & l. 8. ff. de iis qui not. inf.*

LEX CXXXVII.

*Paulus Lib. II. ad Legem Iuliam
& Papiam.*

TEr enixa a videtur, etiam quæ
trigeminos pepererit.

EXPLICATIO.

Ter enixa. a) Senatusconsulto Tertylliano cautum erat, ut quæ mulier ingenua Romana tres: Libertinæ verò, vel Latinæ conditionis, quatuor liberos enixa esset, filio de-

functo succederet. §. 1. *Inst. ad SC. Tertyll.*
 Vndè ICti Pauli sententia, mulier quæ tri-
 geminos peperit, SCti Tertylliani gaudebat
 beneficio. Hodie & Honorii & Iustiniani
 constitutionibus l. 1. & 2. *C. de jur. lib.* hu-
 jusmodi privilegia extincta sunt. Vndè Pro-
 copius, causam eversionis Romani Imperii
 ortam arbitratur.

LEX CXXXVIII.

*Idem Lib. I V. ad Legem Iuliam
 & Papiam.*

Hereditatis a appellatione bono-
 rum quoque possessio contine-
 tur.

EXPLICATIO.

Hereditatis. a) Bonorum possessio rectè
 dicitur hereditas, sed in genere, sicuti arro-
 gatio dicitur adoptio in genere, sed non in
 specie. *Vacon. à Vacun. lib. 3. declar. jur. de-
 clar. 48.* Est enim bonorum possessio here-
 ditas quædam prætoria, quæ æque atque he-
 reditas civilis commoda & incommoda in se
 habet: l. 1. *ff. de bon. possess.* Quam etiam
 ob causam Prætor bonorum possessorem in
 omni causa habet loco heredis, l. *Prætor.*
 l. 1. 7. *ff. de div. reg. jur.* Quippe qui in om-
 nibus

nibus vice heredis sit: *l. 2. ff. de bon. poss. vel, ut loquitur. l. 1. ff. de possess. hered. petit. veluti heres: & bonorum possessor eadem defuncti bona nanciscitur, quæ nactus fuisset Iure Civili heres. d. l. 1. l. 14. ff. de bon. poss. cont. tab.*

LEX. CXXXIX.

Ulpianus Lib. VII. ad Legem Iuliam & Papiam.

Ædificia Romæ a fieri etiam ea videntur, quæ in continentibus Romæ ædificiis fiant.

EXPLICATIO.

Ædificia Romæ. a) Quia Romæ appellatio continentibus ædificiis finitur. *l. 2. l. 37. ff. hic.* Vndè si ædificia Romæ ultra certam altitudinem erigi prohibeantur, *l. 1. c. 2. C. de edific. priv.* & ad ea quæ in suburbiis sunt pertinebit.

IDEM §. I.

Perfecisse ædificium is videtur, qui ita consummavit, ut iam in usu esse possit.

EXPLICATIO.

In usu. a) Puta qualem paterfamilias destinavit: nam omne ædificium, etiam imperfectum, potest aliquo in usu esse. Hinc heres theatrum municipibus facere jussus, illud fecisse non intelligitur, nisi ei propriam formam, quæ ex consummatione contingit dederit. *l. si is, qui. 80. §. 1. sed & si. ff. ad leg. Falcid.*

LEX CXL.

*Paulus Lib. VI. ad Legem Juliam
& Papiam.*

CEpiſſe a quis intelligitur, quamvis alii adquisivit.

EXPLICATIO.

Cepiſſe. a) Licet cepiſſe non videatur, qui statim testitutus est; *l. aliud. 71. ff. hic.* tamen filiusfamilias, qui patri; servus, qui domino, ipsis relicta & præstita acquirunt, cepiſſe rectè dicuntur; Quia jus acquisitionis ex filii & servi persona consideratur: Pater enim & dominus ex jure subjecti sibi hominis nituntur. *l. qui hominem. 34. §. quidem. ff. de solutione.* Qui illud jus etiam potuit non agnoscere. *l. cum proponas. 3. C. de hered. instit.*

LEX

L E X C X L I.

Ulpianus Lib. VIII. ad Legem Iuliam & Papiam.

ETiam ea mulier cum moreretur, creditur filium habere, quæ exciso utero edere a possit. nec non etiam alio casu mulier potest habere filium, quem mortis tempore non habuit: ut puta cum, qui ab hostibus remeavit. *b*

E X P L I C A T I O.

Exciso utero edere. a) Propriè tamen non dicitur peperisse. *l. anniculus. 132. §. 1. ff. hic.* Est enim aliud habere filium, aliud parere. *Harmenop. 5. §. 26.* Filio cæso, omnia quæ cæteris filiis indulgentur, competunt. *l. quod dicitur. ff. de lib. & posthum. l. fin. C. de suis & legit. l. 6. ff. de inoff. testam.* Eum auspiciatus nasci inquit Plinius 7. *cap. 8.* exemplo Scipionis Africani, Cæsaris.

Ab hostibus remeavit. b) Quia ab hostibus capti, servi eorum fiunt. *l. 1. l. 12. §. 1. ff. de capt. & postlim. rev.* qui pro mortuis habentur; *l. servitutem. 209. ff. de div. reg. jur. l. intercidit. 59. §. fin. ff. de cond. & demonstr.*
Reverſi,

Reversi, jure postliminii, omnia jura pristina recuperant, d. l. 12. §. 1. fingunturque retrò in civitate semper fuisse. l. 16. l. 12. §. 1. ff. de capt. & postlim. rev.

LEX CXLII.

*Paulus Lib. VI. ad Legem Iuliam
& Papiam.*

TRiplici a modo conjunctio intelligitur. Aut enim re per se conjunctio contingit, aut re & verbis, aut verbis tantum. Nec dubium est quin conjuncti sint, quos & nominum & rei complexus jungit. Veluti, *Titius & Mævius ex parte dimidia heredes sunt.* Vel [ita] *Titius Mæviusque heredes sunt.* Vel *Titius cum Mævio ex parte dimidia heredes sunt.* Videamus autem: nè, etiam si hos articulos *et* detrahas, & *que*, *cum*, interdum tamen conjunctos accipi oporteat. Veluti *Lucius Titius, Publius Mævius ex parte dimidia heredes sunt.* Vel ita, *Publius Mævius, Lucius Titius heredes sunt.* *Sempronius*

ex parte dimidia heres esto. ut Titius & Mævius veniant in partem dimidiam, & re & verbis conjuncti videantur. *c Lucius Titius ex parte dimidia heres esto. Sejus ex parte, qua d Lucium Titium heredem institui, heres esto. Sempronius ex parte dimidia heres esto.* Iulianus dubitari posse, tres semisses facti sint, an Titius in eundem semissem cum Cajo & Sejo institutus sit. Sed eò quod Sempronius quoque ex parte dimidia scriptus est, verisimilius esse, in eundem semissem duos coactos, & conjunctim heredes scriptos esse.

EXPLICATIO.

Triplici. a) Triplex est conjunctio, ex quo jus accrescendi, (quò pars vacans cedit & accrescit parti occupatæ.) oritur. Nimirum fit vel *verbis tantum*, vel *re tantum*, vel *re & verbis simul*. Eorum qui re & verbis simul conjuncti sunt, tantum hic exempla dat Iurisconsultus; nos & aliorum, sed breviter pro instituto nostro, & materiæ subtilitate, dabimus. *Verbis ergò tantum* sunt conjuncti ut si dicam Titio & Sejo ex *aquis partibus fundum*

fundum Sejanum do lego. l. re conjuncti. 89. ff. de legat. 3. Dicuntur verbis esse conjuncti, quia non videntur esse conjuncti in re, tanquam in toto. Cuilibet enim sua portio, & intellectu & corpore attributa. Si Titius partem suam nolit, jam prius totum manet, & portio illa quæ Titio debebatur, accrescit Sejo. *l. un. §. his ita. C. de caduc. toll.* Nisi sit usufructus legatus, ubi, hoc casu, jus accrescendi cessat, *l. 1. §. ult. cum ll. seqq. ff. de usufr. accresc.* & sic pars vacans cum proprietate consolidatur. Re dicuntur conjuncti, cum duobus eadem res separatim legatur; ut *Titio fundum Cornelianum do lego, Sejo fundum Cornelianum do, lego.* Hic jus accrescendi non habet locum, cum in partibus sit occupatum; partes autem hic non fiant, nisi concursu. *d. l. re conjuncti. 89.* Concursu ergò non facto, res alteri in solidum jure potius non decrescendi cedit. *d. l. un. §. sin verò.* Re & verbis conjuncti sunt, quibus idem, partibus nullis expressis, in eadem oratione, conjunctim relinquitur: ut *Titius & Marius & Sejus heredes sunt.* alia exempla vide in lege. Inter hos jus accrescendi locum obtinet. Imò si plures sint, non tamen unius generis conjuncti, qui omnes jure accrescendi niti volunt, hi qui re & verbis conjuncti; cæteris præferuntur. *d. l. re conjuncti. 89.* At inter simpliciter, puta re aut verbis conjunctos,

verbis

verbis conjuncti præferuntur re conjunctis.
d. l. re conjuncti.

Articulos. b) His particulis aliàs plures inter se conjungi solent. *vid. l. 53, sup.*

Videantur. c) Re ergò conjuncti sunt si testator *Titio & Sejo leget fundum.* Et enim articulus ex sua natura conjungit; Licet tacitè, (quod in materia conjunctionis, (ubi an expressè eadem structura plures vocentur potissimum consideratur.) nullius considerationis est. *Bald. l. si fortidianum. 7. C. de legatis.*) per interpretationem viriliter distribuere censeatur. *l. 1. C. si plur. una sent.*

Ex parte qua. d.) Hic Titius & Sejus re conjunguntur; nec ulla fit partis ademptio, cum absurdum non sit in eadem parte duos institui: re & verbis à Sempronio disjunguntur.

Dubitari. e) Ratio dubitandi. Sempronio dimidia expressim datur, nulla Titio expressim: ad Sejum igitur pertinet dimidia, atqui Sejus ex ea parte heres institutus est, ex qua Titius; igitur ex dimidia, & ex consequenti, tres semisses facient. Ratio decidendi. Sempronius ex dimidia scriptus est nominatim, est igitur verisimilius Titium & Sejum ad alterum tantum semissem vocatos: nam ex asse si dimidium sustuleris, quod remanebit, erit alteri dimidio æquale. *l. 15. ff. de hered. instit. Goth. in not. hic.*

L E X CXLIII.

Ulpianus Lib. I X. ad Legem Iuliam & Papiam.

ID apud se quis habere videtur , de quo habet actionem : *a* habetur enim quod peti potest.

E X P L I C A T I O .

Actionem. a) Quod ex interpretatione introductum est. *l. Labeo. 14. §. fin. ff. hic.* Impetratâ enim ad rem petendam actione rei accipiendæ spes datur, *l. quod si. §. 4. ff. de petit. hered. de juris auctoritate. arg. §. 1. & tot. tit. Inst. de action.* Tamen revera minus est actionem habere quam rem. *l. minus. 204. ff. de div. reg. jur.* Quia dubius est litis eventus , & sumptus in petendo maximi , *l. quod debetur. § 1. ff. de pecul. l. 6. ff. de minor.* & cogitanda mora temporis , quod judicatis datur. *c. quotiens. 2. qu. 6.* Et nonnunquam inopia debitoris actionem inanem facit. *l. nam is. 6. ff. de dolo.*

L E X CXLIV.

*Paulus Lib. IX. ad Legem Iuliam
& Papiam.*

Libro memorialium Massurius scribit pellicem apud antiquos eam habitam, quæ cum uxor non esset, cum aliquo tamen vivebat: a quâ nunc vero nomine amicam, paulo honestiore concubinam appellari. Granius Flaccus b in libro de jure Papiriano scribit, pellicem nunc vocari, quæ cum eo, cui uxor sit, corpus misceat. quosdam eam quæ uxoris loco sine nuptiis in domo sit, quam *παλλακήν* Græci vocant.

E X P L I C A T I O.

Vivebat. a) Accipiebatur enim Pellex, apud Veteres generaliter tam pro ea, quæ cum cælibe, quam pro ea quæ cum marito vivebat: & designabat pellicis (à pellendo, immutatis quibusdam literis, quod legitimam uxorem à viro ferè pellat, dictæ) vox & concubinam, & aliam quæ cum alterius marito consuetudinem habebat. Undè Gellius
lius

lius *Noct. Attic. lib. 4. cap. 4.* dicit non omnem pellicem probrosam, sed eam tantum esse habitam, quæ juncta consuetaque esset cum eo, in cujus manu mancipioque alia matrimonii causa foret.

Flaccus. b) Hic innuit pellicem hodie nos non amplius usurpare pro ea amica, quæ concubina est, sed quæ soluta consuetudinem habet cum alterius marito, sive id fiat sub specie digamiæ, sive concubinatus. Quo spectat illud Ovidii *Epist. 9. Ante meos oculos adducitur advena pellex.* & illud Sallustii in Cicronem: *Filia matris pellex.*

L E X C X L V.

*Ulpianus Lib. X. ad Legem Iuliam
& Papiam.*

Virilis a appellatione interdum etiam totam hereditatem contineri dicendum est.

E X P L I C A T I O.

Virilis. a) Quod supra *l. potest. 95.* diximus de reliquo; id hic Iurisconsultus de virili parte dicit. Nempe licet virilis appellatio ad singulas & æquales partes referatur pro numero personarum, *l. un. §. si autem legatarii.*

gatarii. C. de caduc. toll. ut cum dicimus heredes pro virili teneri: Titium & Sejum in viriles partes instituo; *l. virilis. ff. de legat. prest.* tamen & ad totum & reliquum quandoque reducitur; ut cum duo in partes æquales instituti sunt, altero eorum mortuo, vel hereditatem ejurante, totum accrescit alteri. *l. 2. C. de hered. instit.*

LEX CXLVI.

Terentius Clemens Lib. II. ad Legem Iuliam & Papiam.

SOceri, a focus appellatione avum quoque & aviam uxoris vel mariti contineri, respondetur.

EXPLICATIO.

Soceri. a) Quod supra diximus de nurus, *l. nurus. 50.* & generi, *l. generi. 136.* appellatione, id hic de soceri & socrus appellatione dicendum. Nempe & soceri & socrus appellationem etiam sponsalibus adquiri; *l. 8. ff. de gradib. affin.* & eâ, & uxoris vel mariti avum, aviam, proavum, proaviam, & ulteriores contineri: *hic. § l. 3. § 1. ff. de postul.* Quanquam vir uxoris suæ avum, magnum socerum dicat, aviam, magnam socrum:

crum : proavum verò majorem focerum ,
 proaviam , majorem focrum appellet. *Fest.*
lib. II. Modest. l. 4. §. gradus. ff. de gradib.
affin. Quos etiam profoceri & absoceri no-
 mine demonstramus. *l. nihil interest. 15. §.*
1. ff. de act. rer. amot. Capitolin. in vita Gor-
diani.

L E X CXLVII.

Idem Lib. III. ad Legem Iuliam
& Papiam.

Qui in continentibus urbis nati
 sunt , Romæ nati *a* intelligan-
 tur.

E X P L I C A T I O.

Nati. a) Quia Romæ appellatio conti-
 nentibus ædificiis , id est , suburbiis, finitur.
supra. l. 2. ubi vid.

L E X CXLVIII.

Cajus Lib. VIII. ad Legem Iuliam
& Papiam.

Non est sine liberis , *a* cui vel unus
 filius , unave filia est. hæc enim
 enuptiatio , *habet liberos* , [non habet
libe-

In Dig. Tit. de Verborum Signif. 217
liberos] semper pluralitativo numero *b*
profertur: sicut & pugillares, & co-
dicilli.

EXPLICATIO.

Non est sine liberis. a) Titius ergò si heres institutus, & rogatus ut hereditatem reddat Sempronio, si sine liberis decesserit, sufficit ut conditio deficiat, si unum filium, vel filiam, *l. pater. 101. §. 1. ff. de cond. & demonst.* etiam naturalem, *l. ex facto. 17. §. 4. ff. ad SC. Treb.* vel si nepotem ex filia relinquat. *l. 1. C. de condit. insert, l. habemus. 6. §. 2. C. ad SC. Trebell.*

Pluralitativo numero. b) Eleganter; nonnunquam enim, sed minus eleganter, in singulari liberum dicimus. *l. si quis. 8. §. 4. C. de secund. nupt. §. hoc quoque. Inst. per quas pers. nob. acq. Vall. lib. eleg. lat. ling. 3. cap. 106.*

LEX CXLIX.

Idem Lib. X. ad Legem Iuliam & Papiam.

NAM a quem sine liberis esse dicere non possumus: hunc necesse est ut dicamus liberos habere.

EXPLICATIO.

Nam. a) Qui non est sine liberis, liberos habet. Hinc colligit Alciatus *hic.* argumentum à contrariis semper concludere. Nam affirmato uno contrariorum, statim alterum, nisi intermedium quoddam sit, negatur. *Gæd. hic.*

LEX CL.

*Idem Lib. IX. ad Legem Iuliam
& Papiam.*

SI ita à te stipulatus fuero, *Quanto minus à Titio consecutus fuero, tantum dare spondes?* non solet dubitari, quin si nihil à Titio fuero consecutus, totum *a* debeas, *b* quod Titius debuerat.

EXPLICATIO.

Totum. a) Quia minus non semper vim comparativi retinet. *Vall. lib. 1. cap. 12.* idèò minus consecutus rectè dicitur qui nihil consecutus. *vid. l. minus. 32. supra. & l. 7. §. 2. ff. de tribut. act. l. fin. ff. de reb. cred.*

Debeas. b) Sed ante Titium excussum non rectè convenieris. *l. decem. 116. ff. de verb. obligat.*

LEX CLI.

Terentius Clemens Lib. V. ad Legem Iuliam & Papiam.

Delata hereditas ^a intelligitur, quam quis possit adeundo consequi. ^b

EXPLICATIO.

Delata hereditas. a) Hereditas, ut & bonorum possessio, duobus modis consideratur delata. Primò, prout defertur à Lege, vel testamento agnatis, cognatis, &c. *l. lege. 130. ff. hic.* Secundò, habito respectu ad acquisitionem & successionem, ut scilicet quis possit eam acquirere vel transmittere. Acquiratur hereditas adeundo. §. 6. *Inst. de hered. qual. & diff.* Aditur solo animo. §. *fin. Inst. de hered. qual. & diff.* Sivè is verbis explicetur, sive aliquo facto, quod tanquam ab herede geritur. *l. 20. §. 4. l. 88. ff. de acq. vel amitt. hered.* Fieri debet libere; *l. 16. C. de jur. delib. l. 40. cum. ll. seqq. ff. de acq. vel amitt. hered.* purè, sine die, aut conditione: *l. 51. §. fin. ff. eod. in solidum, l. 1. 2. ff. eod.* tum cum certò constet, utrum ex testamento, an ab intestato, & quota ex parte, delata

sit hereditas. l. 15. cum ll. seqq. l. 21. §. fin. cum ll. seqq. l. 93. ff. eod.

Consequi. b) Id est, si adiret. Delata ergò hereditas rectè non dicitur in qua, quo minus adiri possit, est impedimentum; ut quia sub conditione data. E conversò delata potest dici hereditas purè data, licet eam heres adire nequeat; quia respectu hereditatis, (cujus, non heredis personæ respectu delata dicitur. *Bellon. lib. supput. 12. cap. 16.*) nihil obstat, quominus si quis adiret, eam posset consequi: *fac l. is qui heres. 13. in princ. l. nec is. 17. §. 1. l. ventre. 84. ff. eod.*

L E X C L I I.

*Gajus Lib. X. ad Legem Iuliam
& Papiam.*

Hominis a appellatione tam foemina, quam masculum, contineri, non dubitatur.

E X P L I C A T I O.

Hominis. a) Quod hic dicitur ad naturam humani generis est referendum. Nam constat, cum hominem dicimus quemcunque contineri; non solum sive masculus, sive foemina sit, sed & sive liber, sive servus, sive
pubes,

In Dig. Tit. de Verborum Signif. 221

pubes, sive impubes. l. 3. §. 1. ff. de lib. hom. exhib. Alioqui, (licet regulæ triviales hominem dicant esse communis generis.) nemo de muliere separatim dixerit homo. Est enim, teste Phoca Grammatico masculini generis. Dicitur autem homo, sive ab humo, sive à concordia, ἀπὸ τῆς ὁμοιοῦτας, quod nullum animal sit socialius. Itaque ubi non est mutua charitas, ac societas amica, ibi non sunt homines. Hinc apparet legem quæ de hominibus loquitur, etiam de foeminis esse accipiendam. l. 1. hic.

L E X . C L I I I .

*Terentius Clemens Lib. X I. ad
Legem Iuliam & Papiam.*

Intelligendus a est mortis tempore fuisse, qui in utero relictus est.

E X P L I C A T I O .

Intelligendus. a) Licet qui in utero est non sit homo; l. in falcidia. 9. in fin. ff. ad leg. Falcid. tamen, favore illius qui & homo & civis futurus est, eum lex, (quæ, ut & natura, semper benè sperat, & metum abortus abominatur.) fingit esse in rerum natura, l. qui in utero. 26. ff. de statu homin. rebus humanis: l. qui in utero. 7. ff. eod. & jam na-

ro comparat : l. 2. §. qui autem. 6. ff. de excusat. tut. in iis puta quæ ad ejus commodum spectant d. l. qui in utero. 7. Et sic quando-
cunque pater ejus moritur, mortis ejus tem-
pore intelligitur fuisse. vid. l. is cui ita. 18. ff.
quand. dies legat.

LEX CLIV.

*Macer Lib. I. ad Legem Vicesi-
mam.*

M Ille passus *a* non à miliario *b* ur-
bis, sed continentibus ædificiis
numerandi sunt.

EXPLICATIO.

Mille passus. a) Sunt mille passus stadia
octo. Stadium autem passus centum viginti
quinque habet, qui sunt plus paulo pedes sex-
centi: Passus sunt quinque pedum. Quia ve-
rò miliarium lapidibus distinguere solet, sæpe
dicimus in jure ad vicesimum lapidem, hoc
est vicesimum miliare. Jurisconsultus, in-
quit; Ultra centesimum miliare ab urbe tu-
telam suscipere non coguntur. l. propter litem.
21. §. 2. ff. de excusat. tutor. l. 2. C. de erogat.
milit. annon. lib. 12.

Miliario. b) Miliarium à mille passibus
dictum,

dictum , erat columna aurea in capite fori Romani ab Augusto primum erecta , à qua omnes Italiae viæ initium & finem capiebant, & à qua itinerum mensura sumebatur. *Dion. lib. 54. Plutarch. in Galba. Plinius. lib. 3. cap. 5. Tacitus. lib. 17.* Vndè hic legendum videtur. Mille passus à miliario urbis, non à continentibus ædificiis numerandi sunt. *Iuxta. Gothofr. hic.*

L E X C L V.

Licinnius Rufinus Lib. VII, Regularum.

Proximi a appellatione etiam ille continetur qui solus est. .

E X P L I C A T I O.

Proximi. a) Quamvis proximus propriè de pluribus dicatur , tamen quo magis valeat id quod actum est , proximus accipitur non solum qui ante aliquem est , sed etiam is ante quem nemo est , quamvis ipse solus sit. *hic. & l. 34. ff. de vulg. & pup. subst. vide supr. l. proximus. 92.* Hinc cum lex agnato proximo hereditatem defert , qui se heredem proximum dicit , si nemo ipsi contradicat , non cogitur probare , se defuncto esse propinquo-

pinquiores; sed sufficit probare se intra eum esse gradum, undè Prætor legitimos vocat: quia proximus est, qui solus est; solus autem præsumitur cujus socii nulli apparent.

Alciat. hic ex Cornæo. cons. 194. in 4.

LEX CLVI.

Idem Lib. X. Regularum.

MAjore parte *a* anni possedisse quis intelligitur, etiam si duodus mensibus possederit: si modo adversarius ejus aut paucioribus diebus, aut nullis possederit.

EXPLICATIO.

Majore parte. a) Duo sunt retinendæ possessionis interdicta, *Uti possidetis* & *Utrubi*. *Uti possidetis* est de rebus soli, *Utrubi* de rebus mobilibus. In illo vincit is qui redditus Interdicti tempore, nec vi, nec clam, nec precario ab adversario possidet: In hoc qui majore parte anni possedit: quo hæc lex pertinet: & ostendit majorem partem anni respectu possessionis adversarii intelligi. Sic olim. Hodie per utrumque interdictum vincit, qui tempore illatæ turbationis & litis contestatæ non vi, clam, aut precario ab adversario

versario quidem sive per se, sive per alium possidet. l. 1. §. 1. ff. *Virubi*. §. *sed interdicto quidem*. Inst, de *Interdict.* De Iure Canonico sufficit probatio antiquioris possessionis. c. *licet*. de *probat.*

LEX CLVII.

*Ælius Gallus Lib. 1. de Verborum
quæ ad jus pertinent
Significatione.*

Paries *a* est, sive murus, sive mace-
ria est.

EXPLICATIO.

Paries. á) Parietum plura sunt genera, præcipua hic recensere est operæ pretium. Paries alius est cratitius, in l. 52. §. *item Mella*. ff. *pro Socio*. qui in cratis modum lignis contextis compositus est : de quo *Vitruvius*. lib. 2. cap. 8. & lib. 7. cap. 3. Alius intergerinus. Festo lib. 9. qui inter confines struitur, & quasi intergeritur; de quo *Plinius*. lib. 35. cap. 12. Vitruvio, qui communiter utriusque domus onera, gerit & sustinet; sic dictus, quod à vicinis extructus veluti intergerat, hoc est, communiter gerendo sit. *Corraj. 4 Miscell. cap. 16*. Paries solidus & fornicatus opponuntur apud Ciceronem in *Topicis*.

picis. Vbi solidus paries accipitur, qui à solo continuo ductu ad fastigium exurgit, sicuti nusquam suspendatur: fornicatus verò, qui arcum habet. Fit paries plerunque ex lapidum congerie, vel limo & calce, gypso alia-ve materia, puta ex cæmentis, lateribus, trabibus, stipitibus. Comprehendit ergò, ut hic inquit I Ctus, & murum, privatum puta; (Murus enim propriè publicus dicitur, qui urbem munit & mænia continet. *Cicer. de nat. Deor.* 137. & *pro lege Manilia.* 38. *vid. Bart. in l. Sacram. ff. de rer. divis. & in l. hoc jure. ff. de jústit. & jure.*) & maceriam, id est, parietem, qui ex alia matéria, quam cæmentis & lapidibus ritè dispositis, factus est. *l. pen. ff. com. præd. l. ade. 37. ff. de contr. emt.* Varro de re rustica cap. 14. maceriam docet in fundo esse facile, fabrilè sepimentum, cujus species sunt quatuor: quod fit è lapide, quod è lateribus coctilibus, quod è lateribus crudis, quod ex terra & lapillis compositis informe. Hinc maceriam ducere. *in l. 17. ff. com. præd.*

I D E M §. I.

Item via *a* est, sive semita, *b* sive iter *c* est.

Ex-

EXPLICATIO.

Item via. a) Cum de via loquimur quatenus servitutis species est, *in princ. Inst. de servit.* ab itinere, actuque distat. Quum verò de servitute non accipitur, sed de iis quibus publicè commeatus est, ut hic, non solum iter, sed etiam semitam continet. Tales viæ vel publicæ sunt, vel privatæ. *l. 2. §. viarum. ff. ne quid in loco public. l. 38. ff. de acq. rer. dom.* Publicas Isidorus. *lib. 15. c. ult.* definit, quæ in solo publico sunt, per quas iter populo patet, quæ vel ad mare, vel ad oppida pertinent; hæ & prætorix, & consulares, & regix, & militares dicuntur. *d. l. 2. §. viarum. & l. fin. ff. de itin. publ.* Privatæ viæ, quæ & agrariæ dicuntur, sunt eæ quæ ad agros ducunt, per quas omnibus commeare licet, in quas exitur de via consulari. *d. l. 2. §. viarum.* Sunt & vicinales viæ, quæ vel in vicis sunt, vel in vicos ducunt: quæ si non ex collatione privatorum fiant, publicarum loco habentur. Sed inter has & cæteras vias publicas, quæ etiam militares dicuntur, hoc interest, quod militares exitum ad mare, aut in urbe, aut in flumina publica, aut ad aliam viam militarem habent. Vicinalium verò pars in militares exitum habent, pars sine exitu moriuntur, *l. ult. ff. de locis & itin. publ.*

Semita. b) Sic dicta quasi semis via & angustius spatium quam ut iter confici possit. Accipitur & pro devia vel callida via : undè Catullus dixit ; omnes pusilli & semitarii (hoc est , qui semitas vias quærunt) mæchi.

Iter. c) Iter est, qua quis pedes vel eques commeare potest : sic dictum , quod vehendo quid teritur ; vel ab eundo , cujus supinum est *itum* : sive ab *ito* frequentativo.

L E X C L V I I I.

Celsus Lib. XXV. Digestorum.

IN usu juris *a* frequenter uti nos Cascellius ait singulari appellatione , cum plura generis ejusdem significari vellemus : nam & *multum hominem venisse Romam* , & *piscem vilem esse* dicimus. Item in stipulando satis habemus de herede cavere. *Sic ea res secundum me heredemve meum judicata erit.* Et rursus , *Quod ob eam rem te heredemve tuum.* nempe æque, si plures heredes sunt , continentur stipulatione.

EXPLICATIO.

In usu juris. a) Singulari numero sæpe pro plurali utimur : sicut contra sæpe plurali pro singulari. *ut l. non est sine liberis. 148. ff. hic.* Hoc enim ex mente proferentis pendet. Undè se pluribus heredibus institutis, ita scriptum est, *Heres meus damnas esto dare aureos quinque*, non quilibet heres, sed omnes videbuntur damnati; ut una quinque dent. *l. si pluribus. 44. ff. de legat. 2.* Et si lex homicidam jubeat summo affici supplicio, nisi pacem ab herede impetraverit, si plures adsint, omnium consensus requiritur. *l. 4. §. Cato. ff. de verb. oblig.*

LEX CLIX:

Ulpianus Lib. 1. ad Sabinum.

ETiam aureos nummos *a* æs *b* dicimus.

EXPLICATIO.

Aureos nummos. a) Aureus nummus olim continebat centum Sestertios. *Dion. lib. 55.* Deinde minoris æstimationis fieri cœpit, & in Impp. Constitutionibus appellari solidus. Qui erat septuagesima secunda pars libræ seu marcæ auri, continens quatuor
auri

auri scrupulos : practicis in jure nostro (*ut inquit Vultejus com. Inst. de Attil. tut. ad princ. num. 9. Gail. 2. obs. 39. num. 2.*) ejus qualitatis ac bonitatis , cujus est aureus Hungaricus.

Æs. b) Æs, metalli genus est , & præfertim coloris rubri, ab auro, argento, plumbo, ferro , ac reliquis metallis distincti. Plerunque tamen pro auro accipimus : item pro argento , hoc est , argentea moneta : quod primitus olim pecunia omnis fuerit ærea : undè & æs pro pecunia sumitur : quia prius æs tantum in usu fuit. *Isidor. 16. origin. 17. Cujac. 33. obs. 7.* Servius Tullius VI. Romanorum Rex primus post urbem conditam æs-signare cœpit (*ut Plinius tradit*) repetitâ vetere signandi consuetudine, ab Iano gemino , primo Italiæ Rege introducta, qui una nummi parte capitis sui effigiem , altera navim, qua Saturnus in Italiam fuerat advectus, exprimi voluit.

L E X C L X.

Idem Lib. 11. ad Sabinum.

Cæterorum & reliquorum appellatione etiam omnes continentur, ut Marcellus dixit , circa eum cui optio servi legata est , ceteri Sempronio :
nam

nam tentat, si non optet, omnes ad Sempronium pertinere.

EXPLICATIO.

Caterorum. a) Quod supra diximus has dictiones, *amplius, reliquum, virilem partem*, etiam de toto dici, idem hic de dictione *caterorum, reliquorum*, dicendum. Vndè *Titio servorum optione legata & ceteris Sempronio relictis*, Titio non optante, vel alio modo à legato excluso, omnes non jure accrescendi, sed vi verborum ipsorum, *Cuman. cons. 105.* ad Sempronium pertinebunt. *l. cum optio. 17. ff. de opt. leg.*

L E X C L X I.

Idem Lib. VII. ad Sabinum.

Non est pupillus, a qui in utero est.

EXPLICATIO.

Non est pupillus. a) Quia pupillus refertur ad ætatem hominis. (Est enim pupillus, qui cum impubes est, desit in patris potestate esse, aut morte aut emancipatione, *l. pupillus. 230. ff. hic.* vel adhuc impubes est in patris potestate. *l. 141. §. 1. ff. de verb. oblig.* non-

nondum doli capax. *l. 1. ff. ne vis fiat, ei qui inposs.*) qui autem in utero est adhuc homo non est, quia necdum animal est. *l. 1. §. 8. ff. unde cognati.* Hinc tutores pupillis dati, ventri, nisi infans nascatur, dati non intelliguntur. *l. cum pater. 29. ff. de negot. gest.* In computatione legis Falcidiæ, propter ancillæ ventrem hereditas non augetur. *l. in Falcidia placuit. 9. §. 1. ff. ad. Leg. Falcid.*

L E X C L X I I.

Pomponius Lib. II. ad Sabinum.

IN vulgari *a* substitutione, qua ei, qui supremus morietur, heres substituitur, rectè substitutus etiam unico *b* intelligitur: exemplo duodecim Tabularum, ex quibus proximus agnatus & solus habetur.

E X P L I C A T I O.

In vulgari. a) Quia supremus non is demum dicitur qui post aliquem, sed post quem nemo est, & quem nemo sequitur; *l. qui duos 9. ff. de reb. dub. l. 92. supr. ff. hic. ubi vide* idè si testator filium quem habet, & quoscunque habiturus est instituat, & ei qui
supre-

supremus morietur Sejum substituat ; Sejus rectè filio quem testator habebat, vi substitutionis succedet, licet alios filios testator non habuerit. *hic. & l. ex duobus. 34. ff. de vulg. subst. d. l. qui duos. 9.*

Vnico. b) Ratio dubitandi fuit, quod comparatio posterioris decedentis ex facto prioris mortui sumitur. *d. l. qui duos. 9.* Supremus igitur impropriè dicitur, cui nullus præmoritur.

I D E M §. I.

SI quis ita in testamento scripserit, *Si quid filio meo acciderit, a Damas servus meus liber esto* : mortuo filio, Damas liber erit : licet enim accidant & vivis, sed vulgi sermone etiam mors significatur.

E X P L I C A T I O.

Acciderit. a) In materia institutionum & substitutionum, ut & vulgi sermone, his verbis, *Si quid filio meo acciderit* ; hoc significatur, si filius decesserit. *hoc. §. Tranquillus in Augusto. cap. ult.* Iulius filiam nepotemque, si quid his accidisset, vetuit sepulchro suo inferri. *Seneca lib. 2. controuers.* vir & uxor iura verunt, ut si quid alteri accidisset,

cidisset, alter moreretur. Eadem est vis verborum, si quid contigerit; *l. uxorem. 39. §. Sejum. 12. ff. de legat. 3.* vel; si quid humanum, humanitusve acciderit, vel contigerit. *l. publica. 26. in princ. ff. de pos. l. 30. §. Seja liberta. & §. ult. ff. de adimend. leg. §. mortis causa. Inst. de donation.* Spartianus in *Hadriani vita*; Multi ad Senatum eum voluisse orationem mittere petiturum, ut, si quid ei evenisset, Principem Rom. Reipubl. Senatus daret.

L. EX CLXIII.

Paulus Lib. II. ad Sabinum.

Illa verba, *a Optimus maximusque*, vel in eum cadere possunt, qui solus est. Sic & circa Edictum Prætoris supremæ tabulæ habentur & solæ.

E X P L I C A T I O.

Illa verba. a) Vndè si quem unum habet legavit testator fundum, verba hæc locum sibi vendicabunt in eo: quemadmodum supremæ tabulæ habentur, etiam solæ. *l. 1. §. 1. ff. de secund. tabul.* Superlativa enim, (ut sæpius supra dictum) interdum pro positivis accipiuntur.

I D E M §. I.

Pueri a appellatione etiam puella significatur, nam & foeminas puerperas appellant recentes ex partu, & Græce *παῖδιόν* communiter appellatur.

EXPLICATIO.

Pueri. a) Pueri appellatione etiam puella significatur, non imitatione modo Græci sermonis, sed & quod masculino sexu foemininum aliàs contineatur. *l. pronuntiatio. 195. in princ. ff. hic.* Argumentum hujus significationis I Crus affert, quod & foeminas recentes ex partu Latini puerperas vocant. Terentius in *Andria*. Non imperasti coram quid opus esset factò puerperæ. Suetonius in *Caligula. cap. 8.* Qualiscunque partus, ait sine sexus discrimine puerperium vocatur, quod antiqui etiam puellas pueras sicut & pueros puellòs dictitarent. Aulus Gellius *Noct. Attic. lib. 12. cap. 1.* puerperam ait dici, quæ recens enixa est. Ita puerperam accipe in *l. 14. §. puerperam. ff. de Ædil. Edict.*

L E X C L X I V.

Ulpianus Lib. XV. ad Sabinum.

Nomen filiarum & in posthumam
 a cadere, quæstionis non est,
 quamvis posthumæ non cadere in
 eam, quæ in rebus humanis sit, cer-
 tum sit.

E X P L I C A T I O.

Posthumam. a) Posthumi ii propriè
 dicuntur, qui post mortem patris nascun-
 tur, l. 3. §. 1. ff. de injust. rupt. sic dicti,
 quod post humatum ac sepultum patrem nas-
 cantur. *Varro de ling. Lat. lib. 8. sect. 38.*
Isidor. lib. 9. cap. 5. orig. Cujacius lib. 5. observ.
 4. & ad l. 4. ff. de lib. & posth. posthumos
 quasi postremos vel posteriores dici autumat.
 Posthumi autem eadem est ratio in heredita-
 te parentum, quæ jam natorum. l. qui in u-
 tero. 26. ff. de statu hom. Revera enim post-
 humus est filius, ut contra filius jam natus
 non est posthumus. Itaque nomen filiarum
 in posthumam cadere quæstionis non est:
 quamvis posthumæ non cadere in eam quæ
 in rebus humanis sit, certum est. *Connan.*
lib. 10. cap. 1. num. 8: Vult. ad §. 1. num.

1. 2. *Inst. de exhered. liber.* Impropiè etiam posthumi dicuntur, qui post testamentum factum nati sunt. §. *posthumorum. Inst. eod. l. 13. ff. de injust. & rupt. vide Forcatul. dialog. 8. Necyoman.*

I D E M. §. 1.

PARTITIONIS *a* nomen non semper dimidium significat : sed prout est adjectum. Potest enim juberi aliquis & maximam partiri posse, & vicesimam, & tertiam, & prout libuerit. sed si non fuerit portio *b* adjecta, dimidia *c* pars debetur.

EXPLICATIO.

Partitionis. a) Pertinet hic §. ad partitionis legatum. Fit cum testator dimidiam hereditatis partem, vel tertiam legat, vel cum sic *Mævius heres meus cum Titio hereditatem meam partito* : & tunc dimidia pars debetur: *hic & §. sed quia. Inst. de fideic. hered. Vlp. in fragm. tit. 24. Cic. de legibus. l. etiam. ff. de usufr.* Qui legatarius partis suæ commoda, & pro parte sua onera debet sustinere: *l. cum filius. §. 1. l. si quis servum. §. fin ff. de legat. 2.* & in eam rem partis & pro parte stipulationes

tiones interponuntur *d. §. sed quia.* Non est partitionis legatum, si pars bonorum legata, nec illud legatum onus sequitur. *l. non amplius: & l. seq. ff. de legat. 2.* Bonorum enim appellatione onera & damna non continentur, continentur ea verbo hereditatis. *l. 81. ff. de legat. 3: l. 2. §. 1. ff. de collat. bon. l. 16. §. 1. ff. ad SC. Treb. l. 8. §. ult. l. seq. ff. de legat. 2. l. 104. §. ult. ff. de legat. 1.*

Dimidia. b) Partis enim appellatione simpliciter prolatâ non alia quam dimidia contineri potest, quia nulla est tam minima quâ non posset alia minor constitui: Sunt enim partes juris ut asses divisibiles in infinitum si non actu, saltem potentia, ut de partibus quantitatis continuæ Physici jactare solent. Et *Idus l. recte. 35. §. ult. & hac. l. ff. hic.* monet hoc in dubio dicendum esse, sed tamen etiam partem propriè dici eam quæ major aut minor est dimidia.

I D E M §. II.

HAbere, a sicut pervenire, cum effectu accipiendum est.

EXPLICATIO.

Habere. a) Verba enim cum effectu accipienda sunt. *vid. l. aliud. l. cepisse. supra.* Habere ergo propriè & strictè videtur, qui
ex

ex sua persona habet; cui deductis oneribus
lucrum superest; momentanea non est ac-
quisitio. *Alciat. hic.*

L E X C L X V.

Pomponius Lib. V. ad Sabinum.

VENISSE a ad heredem nihil intelligi-
tur, nisi deducto ære alieno.

E X P L I C A T I O.

Venisse. a) Venisse aut pervenisse dicitur
quod est remansurum, l. 71. ff. *hic.* & quod
deductis oneribus ad aliquem pervenit. *hac.*
l. 36 §. 1. ff. *ad SC. Treb.* Verbum enim
pervenire cum effectu accipiendum est. l.
prec. §. ult. Proinde in Senatusconsulto cir-
ca petitionem hereditatis facto, pervenisse ea
intelliguntur quibus possessor locupletior
factus est, quæque in ea causa manent, nec
sunt restituta. l. 21. §. *item placere* & §. *bona-*
fidei. ff. *de petit. hered.* l. *in heredem.* 26. ff. *de*
dolo. In stipulatione quoque emptæ heredi-
tatis (quæ ita concipitur, *Quanta pecunia ad*
te ex hereditate pervenerit. l. 50. ff. *de verb.*
oblig.) quod legatorum, vel æris alieni, vel
cujus alterius oneris hæreditarii nomine
erogatum est, pervenisse non videtur. l. 2.
cum §§. *suis.* ff. *de petit. hered.* In legato
Quanta

Quanta pecunia ad me ex hereditate Titii pervenit tantum dato; id continetur, quod ex ea hereditate acceptum in tabulas suas testator retulerit, cautione à legatario præstanda, si quis fortè postea ejus hereditatis nomine heres damnetur. Nec enim potest videri ad eum pervenisse, quod ejus hereditatis nomine præstaturus est. l. 23. §. cum ita legatus. ff. de legat. 3.

L E X CLXVI.

Idem Lib. V I. ad Sabinum.

URbana familia *a* & rustica, non loco, sed genere distinguitur, potest enim aliquis dispensator *b* non esse servorum urbanorum numero: Veluti is, qui rusticarum rerum rationes dispenset, ibique habitet, non multum abest à Villico. *c* Insularius *d* autem urbanorum numero est: videntum tamen est, ipse dominus, quorum loco quemque habuerit: quod ex numero familiæ, & vicariis *f* apparebit. *g*.

EXPLICATIO.

Urbana. a) Urbana familia à rustica, non loco, sed genere, id est, opere, l. 99. ff. de legat. 3. operis, l. 12. §. 42. ff. de instr. & instrum. leg. officiis, l. 65. ff. de legat. 2. usu, l. 4. §. 5. ff. de pœnis. distinguitur. Testantis enim usus præcipuè spectari debet, videndumque est, quo quemque servum loco ac numero is habuerit. Et certè quos circa se habet paterfamilias, & sui usus ministeriique urbani causa, non possunt non in eo numero esse. Quod plenius exponitur. in d. l. servis urbanis. 99. ff. de legat. 3. & d. l. quesitum est. 12. §. idem respondit. 42. ff. de inst. & instrum. leg. l. 4. §. pen. ff. de penu. leg.

Dispensator. b) Dispensator servus appellatur, qui familiæ rationes dispensat, peculii-que administrationem habet. l. 51. l. 62. ff. de solution. l. 1. in fin. ff. de auro & arg. leg. l. 166. l. 203. ff. hic. Quintilianus lib. 6. cap. 4. Dispensatori qui cum ad reliqua non responderet, dicebat subinde, non comedi. Suetonius. in Vespasiano. Admonente dispensatore, quemadmodum summam vellet rationibus inferri, &c. Per dispensatores itaque olim nomina faciebant. ut apparet ex l. ult. §. si inter. ff. de verb. oblig.

Villico. c) Villicus, à villa dictus, Varro lib. 1.

lib. 1. de re rustic. est Servus is, qui præpositus est rationibus rusticis, fructibus percipiendis, universoque operi rustico. *l. 8. ff. de instr. & instrum. leg. l. filio. ff. de adimend. leg. l. si cum villico. 16. ubi Gothofr. ff. de instit. action.*

Insularius. d) Insularius, est servus insulæ, id est, separatæ domus, custos. *l. 16. §. 1. ff. de usu & habit. l. ult. ff. de off. Præs. Vigil. l. 5. ff. de inst. act. l. 203. ff. hic.* Ei similis est, qui Gallica lingua Conciergerius nominatur.

Numero. e) Id est ordine. Numerus enim & pro ordine ponitur. *l. un. in fin. ff. de bon. possess. ex testam. milit.*

Vicariis. f) Vicarius servus est, qui in familia ordinarii vices gerit. *Vlpianus. l. servos. 73. ff. de legat. 3.* Vicarios servorum suorum numero non contineri Pomponius scribit. *Paulus l. si in re. 19. ff. de noxal. act.* Si servus tuus navem exercuerit, ejusque vicarius & idem nauta in eadem nave damnum dederit. Vicarius & ordinarius, nomina servorum, inter se conferuntur: nam ille in hujus, quasi domini, peculio servus est. *Vlpianus, l. 17. ff. de pecul.* Si servus meus ordinarius vicarios habeat, id quod vicarii mihi debent, an deducam ex peculio servi ordinarii?

Apparebit. g) Igitur si servus ordinarius,
urbana

urbana rusticaque negotia tractans, habeat alios vicarios urbanis, alios rusticis, qui servus in rustici vicarii famulatio erit, rusticus censebitur, & contra.

IDEM §. I.

Pernoctare *a* extra urbem intelligendus est, qui nulla parte noctis *b* in urbe est. *Per c* enim totam noctem significat.

EXPLICATIO.

Pernoctare. a) Pernoctare extra urbem, est de nocte integra urbe abesse. Præsidi abnoctare extra provinciam non licet. *l. 15. ff. de offic. Præsidi.* Mulier quæ trinoctio abnoctasset usurpabatur. *Gell. Noct. Attic. lib. 3. cap. 2. in fin.* Flamen dialis, non ultra binoctium pernoctare poterat. *Tacit. 3.*

Nulla parte noctis. b) Qui ergò aliqua noctis parte in urbe fuit, extra urbem pernoctasse, dici non potest. *vid. & Aul. Gell. Noct. Attic. cap. 2. lib. 3.*

Per. c) Per enim auget significationem & integrum quid denotat. Sic (ut supra diximus) ædificia perfecisse dicitur non qui inchoavit, non qui maiorem partem extruxit: sed qui consummavit, qui eo perduxit,

lib. 1. de re rustic. est Servus is, qui præpositus est rationibus rusticis, fructibus percipiendis, universoque operi rustico. *l. 8. ff. de instr. & instrum. leg. l. filio. ff. de adimend. leg. l. si cum villico. 16. ubi Gothofr. ff. de instit. action.*

Insularius. d) Insularius, est servus insulæ, id est, separatæ domus, custos. *l. 16. §. 1. ff. de usu & habit. l. ult. ff. de off. Præs. Vigil. l. 5. ff. de inst. act. l. 203. ff. hic.* Ei similis est, qui Gallica lingua Conciergerius nominatur.

Numero. e) Id est ordine. Numerus enim & pro ordine ponitur. *l. un. in fin. ff. de bon. possess. ex testam. milit.*

Vicarius. f) Vicarius servus est, qui in familia ordinarii vices gerit. Vlpianus. *l. servos. 73. ff. de legat. 3.* Vicarios servorum suorum numero non contineri Pomponius scribit. Paulus *l. si in re. 19. ff. de noxal. act.* Si servus tuus navem exercuerit, ejusque vicarius & idem nauta in eadem nave damnum dederit. Vicarius & ordinarius, nomina servorum, inter se conferuntur: nam ille in hujus, quasi domini, peculio servus est. Vlpianus. *l. 17. ff. de pecul.* Si servus meus ordinarius vicarios habeat, id quod vicarii mihi debent, an deducam ex peculio servi ordinarii?

Apparebit. g) Igitur si servus ordinarius,
urbana

urbana rusticaque negotia tractans, habeat alios vicarios urbanis, alios rusticis, qui servus in rustici vicarii famulatio erit, rusticus censebitur, & contra.

IDEM §. I.

Pernoctare *a* extra urbem intelligendus est, qui nulla parte noctis *b* in urbe est. *Per c* enim totam noctem significat.

EXPLICATIO.

Pernoctare. a) Pernoctare extra urbem, est de nocte integra urbe abesse. Præsidi abnoctare extra provinciam non licet. *l. 15. ff. de offic. Præsidi.* Mulier quæ trinoctio abnoctasset usurpabatur. *Gell. Noct. Attic. lib. 3. cap. 2. in fin.* Flamen dialis, non ultra binoctium pernoctare poterat. *Tacit. 3.*

Nulla parte noctis. b) Qui ergò aliqua noctis parte in urbe fuit, extra urbem pernoctasse, dici non potest. *vid. Et Aul. Gell. Noct. Attic. cap. 2. lib. 3.*

Per. c) Per enim auget significationem & integrum quid denotat. Sic (ut supra diximus) ædificia perfecisse dicitur non qui inchoavit, non qui maiorem partem extruxit: sed qui consummavit, qui eo perduxit,

ut in usu esse possint. l. *edificia*. 339. §. 1.
ff. hic.

L E X C I, X V I I.

Ulpianus Lib. X X V. ad Sabinum.

Carbonum *a* appellatione materiam
b non contineri. Sed an ligno-
rum? & fortassis quis dicet, nec li-
gnorum: non enim lignorum gratia
habuit. Sed & titiones, & alia ligna
cocta, ne fumum faciant utrum li-
gno, an carboni, an suo generi ad-
numerabimus? & magis est, ut pro-
prium genus *c* habeatur. Sulphurata
quoque de ligno æque eandem habe-
bunt definitionem. Ad faces quoque
parata non erunt lignorum appellatio-
ne comprehensa, nisi hæc fuit volun-
tas. Idem & de nucleis *d* olivarum.
sed & de balanis *e* est, vel si qui alii
nuclei, De pinu *f* autem integri stro-
bili, ligni appellatione continebun-
tur.

EXPLICATIO.

Carbonum. a) Carbo non tantum pruna extincta, sed & dicitur cum est ignitus. *l. servitutes. ff. de servitut. l. fundum. ff. de action. empt.* Carbonibus legatis materia non videtur legata: ut nec ligno legato. Materia enim rei appellatione quæ ex ea conficitur, non venit. *hic & l. librorum. § 2. §. quod tamen. l. ligni. § 5. §. si lignum. 7. cum §. seq. ff. de legat. 3.* Nec è diverso appellatione materiæ continetur materiatum, id est, ex materia confectum corpus aliquod, ac maxime si species facta ad pristinam materiam reduci non potest. *l. Servius. § 7. l. argento. § 3. ff. de legat. 3. §. cum ex aliena. Inst. de rer. divis. nisi testatoris voluntas aliud urgeat. d. l. librorum. § 2. §. quod tamen. 4. d. l. Servius. § 7.*

Materiam. b) Materia generaliter dicitur ex qua aliquid fit. *l. 7. §. cum quis ex aliena. ff. de acquir. rer. dom.* Materiam itaque propriè rudem & informem accipimus, & operi faciundo destinatam. Sed hic ut & alibi Iurisconsulti, materiam à ligno separant: hoc vocabulo ea quæ conburendi causa parata sunt, significantes: illo verò ea, quæ ad ædificandum, fulciendum, ad commodata sunt. *l. ligni. § 5. ff. de legat. 13. l. 12. in princ. ff. de usufructu. l. 18. §. si quis caverit. ff. de pi-*

gnor. act. l. 45. §. pen. ff. de jure fisci. l. 14. §. 1. ff. de peric. & com. rei vend. l. 47. ff. de act. empt.

Genus. c) Non ergò titiones , & alia ligna cocta, & sulphurata, & faces, & nuclei, ligno legato venient. Ligna cocta sunt, quæ igne vel sole ita tosta , exsiccata & peculiari studio arida reddita , ut nihil succi insit , quo fumus excitari queat, maximè si habeantur amurca (hoc est , fece & sorde olei conspersa. *ut ex Plinio & Catone asserit, Franc. Marinus. de partib. adium cap. 4. lib. 2. Sulphurata de ligno sunt ligna, ad ignem suscipiendum sulphure illita. d. l. 55. §. ult. Plin. lib. 36. nat. histor. cap. 19. Venduntur in fasciculos collecta & quasi gregatim permutantur. Franc. Mar. de part. ad. cap. 4 lib. 2.*

Nucleus. d) Nucleus vel significat , dulce quod duro in nucibus , prunis, olivis, contegitur ; quo sensu hic non accipitur : vel corticem , qui olivis aliisque similibus detractus est suffimenti causa ; in qua significatione hic sumitur.

Balanis. e) Balanus glandem generaliter significat. *Plinius lib. 17. cap. 20. 7. In quacunque terra seritur è balano. De esculo loquitur. Specialiter tamen, de palmulis, quas vulgò dactylos vocamus, accipitur, ut hic ab Vlpiano, & Plinio lib. 13. cap. 4. 18. num. Nam in alia parte Phœnices , Ciliciæque populari*

pulari etiam nomine à nobis appellantur balani. De daëtylis palmarum fructu.

Pinu. f) Pinus est arbor piceæ generis nuces ferens, quas strobilos tum Galenus, tum Icti vocant. *Franc. Mar. de part. adium. lib. 2. cap. 3.* Hi ligno legato venient; *hic. & d. l. ligni. 55. §. fin. ff. de legat. 3.* cum cibo sint inutiles, & solis ignibus apti.

L E X C L X V I I I.

Paulus Lib. IV. ad Sabinum.

PAli a & perticæ in numerum materiæ redigendi sunt, & idcò lignorum appellatione non continentur.

E X P L I C A T I O.

Pali. a) Pedamenta, de quibus meminit Vlpianus *in l. 3. ff. de serv. rustic. præd.* sunt munimina & pali, quibus vitis caduca fulcitur. *ut ex Catone docet Alex. ab Alex. Genial. dier. lib. 2. cap. 10.* Pedamentorum tria sunt genera: unum robustum, seu fixile, è quercu, castanea, vel juncupero, quod ridica dicitur: aliud è pertica conficitur, hinc palus dicitur; & est teres: tertium ob necessitatem ex harundinetis conficitur: *ut Varro,*

Columella in tract. de re rustica tradiderunt. Et propterea Plinius. Pedatas vineas dixit. Pali autem & perticæ, hic & l. pali. § 6. ff. de legat. 3. lignorum appellatione non continentur, Quod in numerum materiæ redigendi sunt. quod tamen restringendum, nisi ex vetustate ulterius ad usum vitium apti non essent. Coras. Miscellan. lib. 19. c. 1. num. ult.

LEX CLXIX.

Idem Lib. V. ad Sabinum.

NON tantum in traditionibus, sed & in emptionibus, & stipulationibus, & testamentis adjectio hæc, *Vti optimus maximusque est*, hoc significat, ut liberum a præstetur prædium, non ut servitutes ei debeantur.

EXPLICATIO.

Liberum. a) Qui prædium tradit, vendit, legat, his verbis *optimus maximusque*, libertatem prædii innuere, non servitutem ei debere supra diximus. *l. 126. & l. 90.*

L E X. CLXX.

*Ulpianus Lib. XXXIII. ad Sabi-
num.*

Heredis appellatione omnes signi-
ficari successores *a* credendum est
et si verbis non sunt expressi.

E X P L I C A T I O.

Omnes successores. a) Hac de re & supra.
l. heredis. 65. diximus. Hic addimus. Si he-
res gravatus, & primus non adeat, omnes,
sive jure civili, sive prætorio, sive directè, si-
ve per fideicommissum succedant, solvere te-
neri: *Alciat hic.* si quis sibi & successoribus
paciscatur, & particularem contineri: *l. flu-
minum. §. 1. ff. de damn. inf.* ut geminatio a-
licujus sit effectus, nec alterum videatur su-
perfluum. *las. l. quidem. §. 1. de edend. A-
lexand. cons. 193. in 2:*

L E X. CLXXI.

*Pomponius Lib. XVI. ad Sabi-
num.*

Pervenisse *a* ad te rectè dicitur,
quod per te ad alium pervenerit:

L 5.

ut

ut in hereditate à liberto per patronum filiumfamilias patri ejus adoptivo. acquisita responsum est.

EXPLICATIO.

Pervenisse. a) Licet pervenisse verbum cum effectu accipiendum sit, *l. 164. §. fin. supra.* & dictio *Per* illi addita perfectionem quandam acquisitionis denotet, *vid. supra. l. 166. §. 1. & l. qui concubinam. §. 1. ff. de legat. 3.* tamen si quis filium, cujusdam liberti patronum, arrogans, caverit, *Quod ad eum filium pervenisset, eo defuncto, his ad quos ea res pertinere potuisset, restitutum;* & filius liberto successerit, & sic eam hereditatem cum ex regula juris ne momento quidem in persona filii consistat, *l. placet. ff. de acq. hered.* sibi quæsierit; ad filium rectè nihilominus ea dicetur pervenisse; & sic erit restituenda; quia hereditas non patris, sed filii respectu delata, *l. sed si plures. §. in arrogato. ff. de vulg. & pup. subst.* quia verba stipulationis hoc inferunt. Pervenisse enim ad me dicitur, quod per me ad alium pervenit; *l. 150. supra.* dum ille jure meo nitatur, *d. l. 140. ubi vide*

L E X C L X X I I .

*Ulpianus Lib. XXXVIII. ad Sabi-
binum.*

Liberti a appellatione etiam liber-
tam contineri placuit.

E X P L I C A T I O .

Liberti. a) Quia masculinum sub se com-
plectitur foemininum, *l. cum pater. §. cum
inter. ff. de legat. 2.* non mirum, libertis,
cibariis & vestiariis relictis, (ut fieri sole-
bat. *l. 4. ff. de alim. legat.*) ea & libertabus
relicta censeret.

L E X C L X X I I I .

*Idem Lib. XXXIX. ad Sabi-
num.*

Collegarum a appellatione hi con-
tinentur, qui sunt ejusdem pote-
statis.

E X P L I C A T I O .

Collegarum. a) Collegæ (ut hic inquit
I C t u s) dicuntur, Magistratus qui sunt ejus-
dem potestatis; sic dicti ab eo quod una le-

eti sint. *Varro lib. 5. de ling. latin.* Collegæ ergò dicuntur Magistratus municipales, Præsides l. 7. ff. de custod. & exhib. reor. item contutores concuratoresque, l. 14. l. 46. §. cum testamento. ff. de admin. tut. l. 2. C. cod. l. 5. ff. de susp. tut. l. 3. C. de probat. l. 4. C. de magist. conven. qui eadem legatione funguntur; l. 2. C. de legation. lib. 10. Quinimò & coheredes collegæ dicuntur, l. 101. ff. de solution. nec non hi quoque qui in eodem collegio sunt. l. 41. §. ult. l. 42. l. ult. ff. de excusat. tut. l. ult. C. de hered. Decur. Prætores etiam Collegæ Consulium sunt, non quod sint pari Imperio (Majus enim est Imperium Consulis, & superior Magistratus l. 4. ff. de recept. arbit.) sed. quod iisdem creentur auspiciis, quod quasi participato magistratu se invicem collegas soleant appellare: *Plin. in Panegy.* quod Prætores ita rogentur, ut collegæ Consulium sint. *Cic. 9. ad Atticum.*

I D E M. §. I.

Qui extra a continentia urbis est, abest: cæterum usque ad continentia, non abesse videbitur.

E X P L I C A T I O.

Qui extra, a) Abesse verbum multifariam
in

in jure accipitur ; *de quibus infra in l. absentem.* 199. hic dicitur , cum abesse , qui est extra continentia urbis , id est , suburbia & quatenus se urbs continet. Hujus ergò procurator rem ratam haberi , aut judicatum solvi satisfacere debet. *Gl. in l. præsens §. ff. de procurat.* Qui ergò in hortis , *d. l. præsens. §.* in foro , urbe , continentibus ædificiis est , præsens esse censetur , *l. & qui. 6. cum l. seq. ff. eod.* cum nullo , aut ipsius , aut actoris , incommodo fieri facile possit ut adsit , si evocetur ad Prætozem.

L E X C L X X I V .

Idem Lib. XLII. ad Sabinum.

Aliud est a promittere furem non esse aliud furto noxaque solutum. qui enim dicit furem non esse , de hominis proposito loquitur : qui furtis noxaque solutum , nemini esse furti obligatum promittit.

E X P L I C A T I O .

Aliud est. a) Qui mancipium vendit , illud furto noxaque solutum præstare tenetur , *l. 1. ff. de Ædil. Edict. Furto Noxaque,* solutus dicitur , non qui noxam nunquam commisit,

misit, sed qui ob eam rem noxali iudicio sub-
 jectus non est. *hac. l. et l. 17. §. quod ajunt. ff. eod. l. 72. §. pen. ff. de solution. l. 3. ff. si fam. furt. sec. dic. l. fin. ff. de rer. permut. & noxiis solutus. l. 45. §. 1. ff. de legat. 1.* Noxis quoque solutus servus dicitur noxio contrarius, ob cujus noxam nihil debetur, vel qui nemini est obnoxius (nam hinc quoque fictum obnoxii vocabulum videtur.) quasi liber & solutus omni obligatione, quæ ex noxa contrahitur, sive quod nullam admiserit, sive quod eo nomine satisfactum sit. Qui in servi venditione, ut sæpe fieri solet, non tamen necesse, promittit servum furem non esse, de animo hominis, propositoque loquitur; undè si servus furtum, venditori, domino, extraneo, fecerit, ex sua promissione venditor tenetur. *l. quod si nolit. 31. l. si furtum. 52. ff. de Ædil. Edict.*

LEX CLXXV.

*Pomponius Lib. XXII. ad Sabi-
 num.*

Faciendi a Verbo, reddendi causa
 continetur.

EXPLICATIO.

Faciendi. a) Facere verbum, ut & factum, duplici modo accipitur. Vno pro mero facto; & tum nihil aliud significat, quam corporalem effectum; veluti fossam fodere, Romam ire, &c. Hoc qui promisit, si liber, præstatione ejus quod interest liberatur. *l. si insulam. ff. de verb. oblig.* Altero pro eo quod effectum juris post se relinquit; & tum omnem omninò faciendi causam complectitur: dandi, solvendi, numerandi, judicandi, *l. verbum. 218. ff. hic.* item reddendi, *hac. l.* & restituendi. Hinc si in fraudem creditorum id quod in diem, vel sub conditione debebatur, creditori ante tempus sit redditum, creditoribus consulitur. Quia quæ in fraudem creditorum facta sunt Prætor restitui jubet. *l. omnes. in fin. ff. quæ in fraud. cred.* Facta autem etiam sunt, quæ sunt reddita. In edicto etiam Quod metus causa D. Marcus id quoque factum dici declarat, cum per metum sibi, rem suam non adito Iudice aliquis debitorem reddere compulit. *l. extat. 13. ff. quod met. caus.*

LEX CLXXVI.

Ulpianus Lib. XLV. ad Sabinum.

Solutionis a verbo, satisfactio-
nem

nem quoque omnem *b* accipiendam placet. Solvere dicimus eum qui fecit, quod facere promisit.

EXPLICATIO.

Solutionis. a) Quid solutionis, liberationis, satisfactionis, satisfactionisque verbo contineatur, superius jam dictum. *l. 48. l. 61. l. 117. ff. hic.*

Omnem. b) Puta si quidem creditor cui solvi debet eam acceptare velit: non enim tenetur. *l. item. liberatur. 6. §. 1. ff. quib. mod. pign. vel hyp. solv.* Hinc procurator, solutionis recipiendæ constitutus, si delegationem aliamve satisfactionem recipiat, nec de consensu creditoris constet, debitorem non liberat; quia qui mandat ut solutio recipiatur, mandasse, ut in specie recipiatur debita, intelligitur. *Alex. cons. 95. in 5.*

LEX CLXXVII.

Idem Lib. XLVII. ad Sabinum.

Natura cavillationis, quam Græci *συνεχισμὸς α* (id est, acervalem syllogismum) appellaverunt, hæc est, ut ab evidenter veris per brevissimas

vissimas mutationes disputatio ad ea,
quæ evidenter falsa sunt, perduca-
tur.

EXPLICATIO.

Σωει'τιω. a) Est Sorites vitiosum
interrogandi genus, ab acervo tritici nomen
habens: *Cic. lib. 1. de Orator. & Pers. Satyr.*
6. Inventus Chrysippe tui finitor acervi. veluti
si ita interrogem; Heresne successor est? u-
tique. Quid legatarius? id quoque; Titius-
ne legatarius? certè; Igitur Titius est he-
res. *arg. l. id tempus. ff. de usucap.* Item si
interrogetur tale quid, ut in quamcunque
partem respondeas, deceptus esse videaris,
ψυδδμερον est sorites. *l. qui quadraginta.*
88. in princ. ff. ad leg. Falcid. Gell. Noct. At-
tic. lib. 16. cap. 20. vide exemplum falsi Sori-
tis apud Senecam lib. 7. de benef. cap. 4 Si-
quidem in interrogationibus adhibebantur
Sorites, sed ita subtiliter, & cautè, ut earum
modus penè inexplicabilis esset, ac ne inter-
nosceretur quidem nisi à peritissimis & in o-
mni genere disputandi exercitatissimis. *ut ex*
Seneca Epist. 89. refert. Fab. ad l. ea est natu-
ra. 65. ff. de divid. reg. jur. Exemplum est,
si quis ita inducat: Ex pluribus causis possi-
demus, possidendo usucapimus. Usucapione
domini efficimur. Ergo ex pluribus causis
domi-

dominium accipimus. Postremum falsum est, præcedentia verissima. *l. 3. §. ex pluribus. ff. de acq. possess.* Nam usucapio non est dominium, sed causa & velut modus domini consequendi, nec sola sufficit, nisi & bona fides, & legitimum continuumque tempus interveniat. *tot. tit. ff. Inst. C. de usucap. & in summa magis unum genus est possidendi, species infinitæ. d. l. 3. §. genera.* Contra ex falsis præmissis vera potest effici conclusio: ut Omne prædium in jure consistit. Omnis servitus est prædium. Ergo omnis servitus in jure consistit. *Cuj. c. in tract. ad African. par. 5. Sturcius ad d. l. ea est natura 65.* Scire has cavillationes Ictus debet, non ut iis utatur, sed ut acutè iis occurrere possit. Malitiis enim est obviandum. *l. in fundo. 38. ff. de rei vind. l. cum pater. 77: §. Titio. ff. de legat. 2. Dec. Cagnol. num. 11. 12. & 13. ad d. l. ea est natura.*

L E X C L X X V I I I.

PECUNIÆ a Verbum, non solum numeratam pecuniam complectitur: verum omnem omninò pecuniam, hoc est, omnia corpora. Nam corpora quoque pecuniæ appellatione contineri, nemo est, qui ambiget.

EXPLICATIO.

Petunia. a) Pecunia à pecude dicta, quasi patrisfamilias peculium ex pecude aestimatum ; quod in pecoribus omnis veterum substantia, & patrimonium esset. *Columella in præfat. lib. 6. August. de doctr. Christ. c. totum. 1. q. 3.* Hinc pecuniæ verbum, cum latissimè accipitur, (ut hodie ex Iustiniani constitutione in actione de constituta pecunia. *l. 2. C. de const. pecun. & in favorabilibus.*) ad omnia ea quæ in patrimonio sunt, *l. 5. ff. hic.* sive sint res corporales, sive incorporales, refertur. *l. hac. & l. pecunie. 222. ff. hic.* Plinius *lib. 13. natur. histor.* pecuniam pro nummis simpliciter accipit, & à nota pecudis nomen accepisse asserit, eò quod pecudis nota primum æs signatum sit. Quo, & quidem strictissimo significatu, accipitur, in odiosis, ut Scto Macedoniano, *l. item si. 7. §. metui. 3. ff. de SC. Maced.* & cum hoc res subjecta, ut emptio, *l. 1. §. 1. ff. de contr. empt. l. 5. §. 1. ff. de præscr. verb. l. pen. C. de rer. permut.* aut notæ (ut numerata) adjectio suadet : *l. 4. ff. de reb. cred.* Nonnunquam, etiam ex subjecta materia, aliquanto latius pecuniæ verbum accipitur ; puta in mutuo, & interdum aliis contractibus. Et vel speciem aut certum corpus significat ; ut Stichum gregem, pecuniam in cista ; *Bart. n. 2. & 9. ad l. talis. 30. ff.*

30. ff. delegat. 1. l. fin. ff. de cond. caus. dat. vel genus genere suo consistens ; ut hominem, equum, bovem ; l. quod te. l. condictio. 9. ff. de reb. cred. l. 1. ff. de tritic. cond. d. l. fin. vel res in quantitate ponderis, mensuræ, numeri consistentes, cujusmodi mutuò dantur. l. 2. §. 1. & seq. l. 3. ubi Bart. Costal. Don. ff. de reb. cred.

I D E M. §. 1.

Hereditas juris *a* nomen est, quod & accessionem & decessionem *b* in se recipit. hereditas autem vel maxime in fructibus augetur.

E X P L I C A T I O.

Hereditas juris. a) Aliud est hereditas, aliud res quæ per eam acquiruntur. §. 2. Inst. de reb. corp. & incorporal. Hæ corpora sunt, illa vera jus personam defuncti referens : l. non minus. in fin. ff. de hered. instit. hæ certæ sunt, illa incerta est : hæ per se semper utiles sunt ; illa nonnunquam damnosa. l. hereditatis. 119. ff. hic. ubi vide. Hinc venditâ hereditate ipsum jus, non autem res hereditariæ venditæ censentur, nec proinde eis evictis præstatur evictio. l. 2. in princ. ff. de hered. vend.

Decessio-

Deceſſionem. b) Hinc petitione hereditatis non tantum veniunt, quæ mortis tempore erant in hereditate, ſed & quæ poſtea acceſſerunt, ut partus, fructus; *l. item veniunt.* 20. §. 3. *ff. de petit. hered.* Aliud in fidei-
commiſſaria hereditatis petitione, in qua,
(cum fidei-
commiſſum neque augmentum,
neque diminutionem recipere poſſit;) here-
ditatem reſtituere rogatus, id tantum vide-
tur rogatus reddere, quod fuit hereditatis,
(primò ſcilicet inſtanti quod teſtatoris mor-
tem eſt ſubſecutum, *l. in fidei-
commiſſaria.* 18.
§. 2. *ff. ad SC. Trebell.*) quæ poſtea acceſſe-
runt, ut fructus, non veniunt. *d. l. in fidei-
commiſſaria.* 18. *in princ.* & §. 2. Adde quod
fidei-
commiſſaria minus propriè eſt hereditas.
Cum necesse ſit hereditatem priuſquam poſ-
ſit reſtitui eſſe aditam, *l. 1. l. 4. l. ſi patroni.*
55. §. *qui fidei-
commiſſum ff. eod.* Hereditas au-
tem per aditionem eſſe deſinit, & ſit heredis
patrimonium. *l. per curatorem.* 90. §. 1. *ff. de
acquir. hered. l. 1. ff. de ſeparat.*

I D E M §. II.

Actionis Verbum, & ſpeciale eſt,
& generale. a Nam omnis actio
dicitur, ſive in perſonam, ſive in
rem ſit petitio. Sed plerunque actio-
nes

nes personales solemus dicere. Petitionis autem verbo, in rem actiones significari videntur. Persecutionis verbo extraordinarias persecutiones puto contineri: ut puta fideicommissorum, & si quæ aliæ sunt, quæ non habent juris ordinarii executionem.

EXPLICATIO.

Generale. a) Actionis verbum hic dicitur generale est, & comprehendit omnem actionem, sive in personam, sive in rem, sive persecutionem. Nec distinguuntur vi & significatione verborum, quæ per se idem valent; utpote quacunque de re cum alio jure judicioque agimus, in eo & actio, & petitio, & persecutio rectè dicitur. Actio, quod nulla omninò petitio aut persecutio esse potest licet in rem, in qua non cum aliquo de re aliqua agatur, §. *omnium. Inst. de action.* Petitio, quod in omni actione est aliquid quod ab adversario petamus. Persecutio, quod nihil aliud est agere & judicio petere, quam rem judicio persequi. Sed cum plures essent species actionum, quas commodum esset ut re distinctæ erant, ita singulas, (Nè confusionem verborum rerum sequeretur confusio,)

fusio ,) propriis nominibus notari ; ideò & hæc Nomina veteres Icti distinxerunt , & actionem in personam , petitionem in rem , persecutionem extraordinariam dixerunt. *Donell. in comm. tit. Inst. de action. ad princ. vide. alia quæ hic pertinent supra. l. creditores. 10. & l. actionis. 34.*

IDEM §. III.

HOc Verbum *a debuit* , omnem omninò actionem comprehendere intelligitur , siue civilis , siue honoraria , siue fideicommissi fuit persecutio.

EXPLICATIO.

Hoc verbum. a) Comprehendit ergò & actionem in rem : Non enim malè dicitur , aliquid debere , esse ad id præstandum jure teneri : aut id præstandum teneri , aut ita teneri , ut id præstare oporteat : Atqui debet hoc modo , actione in rem conventus. Non debet nobis rem nostram , aut eam de qua alia quavis actione in rem agitur ; at debet ejus restitutionem , eamque ipsam ejusmodi actione persequimur. *l. officium. l. restituere. ff. de rei vind.*

L E X C L X X I X.

Idem Lib. LI. ad Sabinum.

INter hæc verba, *Quanti ea res erit*, vel, *Quanti eam rem esse paret*, nihil interest: in utraque nempe clausula placet veram rei æstimationem a fieri.

E X P L I C A T I O.

Veram rei æstimationem. a) Non enim ad id quod interest, sed ad rei æstimationem verumque pretium plurimum hæc clausula refertur. *l. hæc verba. 193. ff. hic. l. 8. ff. de in lit. jurand.* Veluti in Edicto, quo adversus eos, qui in turba damnum dederunt, actio in duplum, quanti ea res, proponitur; *l. 4. §. hæc autem actio. ff. vi bon. rapt.* Undè nonnunquam id quod interest, (cum verum pretium plerumque excedat, *l. 1. ff. de act. emt.*) & quanti ea res est, opponuntur. *l. 1. §. ult. ff. si quis jus dic. l. 4. §. in eum. ff. de damn. inf.* Pro re tamen subjecta varia fit horum verborum interpretatio. In Edicto qui satisfacere cogantur; & in Edicto de falso tutore, continent veritatem; id est veram quantitatem; *l. 2. §. ult. ff. qui satisfd. cog. l. 7. §. 1. ff. quod fals. tut.* In Edicto contra
cos

eos qui in jus vocatos vi eximunt scripto, poenam. *l. pen. §. 1. ff. ne quis eum qui in ius voc.* In Edicto Quod metus causa, De dolo, juris de quo agitur æstimationem, *l. 14. §. Labeo. l. 21. §. 1. ff. quod met. caus. l. 18. ff. de dolo.* In Edicto de servo corrupto, *l. 9. in fin. ff. de servo corrupto.* Stipulatione rem ratam haberi, *l. 2. 3. l. 8. §. ult. l. 19. ff. rem rat. hab.* Interdicto uti possideris, *l. 2. §. ult. ff. uti possid.* Interdicto de itinere actuque privato, *l. 1. l. 3. §. in hoc interdicto. ff. de itin. act. priv.* De damno infecto, *l. 4. §. in eum. ff. de dam. infect.* id quod quod interest.

LEX CLXXX.

Pomponius Lib. XXX. ad Sabinum.

Tugurii a appellatione omne ædificium quod rusticæ magis custodiæ convenit, quam urbanis ædibus significatur.

EXPLICATIO.

Tugurii. a) Est ergo tugurium, casa seu domuncula rustica, non parietem habens, nec luto crustata, sed vimineis aut ligneis

cratibus, ædificata, intextis stramentis, aut arundinibus tegulis, culmisve temerè congestis tecta, non ad inhabitandum structa, sed ut quæ ibi sunt ab imbribus ac pluviis, aut nimia solis ingressione defendantur. *hic. & Varr. 3. de re Rustic. c. 12. Colum. lib. 12. cap. 15.* Ejusmodi sunt casæ piscatoriæ & ejus generis aliæ, quas in littore ponere licet. *l. 5. ff. de rer. divis.*

I D E M §. I.

O filius ait, tugurium à tecto, a tanquam tegularium, esse dictum: ut toga quod ea tegamur.

E X P L I C A T I O.

A tecto. a) Quia in eo, quod ab aere & pluviis tegat, maximum usum præstat.

L E X C L X X X I.

Idem Lib. XXXV. ad Sabinum.

Verbum *a* illud *pertinere*, latissimè patet. Nam & eis rebus petendis aptum est, quæ dominii nostri sint: & eis, quas jure aliquo possideamus, quamvis non sint nostri dominii. *pertinere*

In Dig. Tit. de Verborum Signif. 267
tinere etiam ad nos dicimus, quæ in
nulla eorum causa sunt, sed esse possint

EXPLICATIO.

Verbum. a) Rectè quis ergò rem ad se
pertinere dicit, non solum, ob jus dominii,
vel quasi, verum etiam possessionis, & quod
possit ipsius ratione obligationis, vel conven-
tionis interesse. *per text. h. & l. si postulave-
rit. 27. §. 1. ff. ad l. Inl. de adult. l. 1. ff. de
tab. exhib. l. bona fides. ff. depos. l. si ita scri-
ptum. 45. §. 1. ff. de legat. 2. l. 4. §. si quis.
6. §. ex hoc Edicto. §. seq. l. quedam. 9. §. 1.
ff. de edend. l. 1. §. 1. l. sciendum. 19. §. de-
inde. ff. de Ædil. Edict. l. 7. 8. ff. de jurejur.
l. 1. §. prodest. §. si aliter. l. 2. §. 1. ff. quo-
rum legat. l. 3. l. si sine. 22. §. si in stipulatio-
nem. l. seq. §. ff. rem rat. hab. l. 1. ff. de vent.
inspic. l. Prætor ait. ff. de cloac. l. 9. §. his ver-
bis. ff. de reb. aut. jud. poss. Pertinere igitur
verbum, ut ex d. ll. patet, pro subjecta ma-
teria est restringendum. *Vide supra. l. scien-
dum. 70. §. 1.**

L E X . C L X X X I I .

Ulpianus Lib. XXVII. ad Edictum.

[Paterfamilias] liber peculium a
non potest habere; quemadmo-
dum nec servus bona. b

EXPLICATIO.

Peculium. a) Accipitur *peculium* aut latè, aut strictè; Latè accipitur pro omnibus bonis quæ quis habet; ut in *l. cogitur. 16. in princ. ff. ad SCtum Treb. l. si chorus. 79. ff. de legat. 3.* Strictè & propriè, pro universitate, *l. 32. in fin. princ. ff. de pecul. eorum, quæ filiusfamilias, aut servus, l. 47. §. ult. ff. eod. l. 8. §. ult. ff. de pecul. legat. patre vel domino permittente, d. l. 5. §. ult. l. 2. l. 49. ff. de pecul. habet à paternis vel dominicis rationibus separata. l. 4. princ. & §. ex his. l. 5. ff. eod.* Non illo, sed hoc sensu hic accipitur. Illud paterfamilias habere non potest; adeò ut *peculium*, sive *profectitium*, sive *adventitium*, sive *castrense*, sive *quasi*, quod *filiusfamilias* habet, eo *paterfamilias* facto, nomen suum amittat, & aliis rebus confundatur. *l. fin. §. fin. C. de inoffic. testam.*

Bona. b) Quia servi nihil proprii habere possunt. *l. rectè. 13. ff. ex quib. caus. major.* Cum tam prætorio, quam civili jure pro nullis habeantur. *l. tutelæ. 6. §. si libertate. 6. ff. de capite minut. l. nullomodo. 7. ff. de lege Corn. de falsis.*

LEX CLXXXIII.

Idem Lib. XXVIII. ad Edictum.

TAbernæa appellatio declarat omne utile ad habitandum ædificium, non ex eo quod tabulis cluditur.

EXPLICATIO.

Tabernæ. a) Taberna dicta est, quod, ut ait *Festus*, tabulis conficeretur: aut, ut ait *Donatus*, quasi trabena, à validioribus trabibus, quibus superiora sunt suspensa. *Isidorus lib. 15. Etymol. cap. 2.* Tabernæ olim vocabantur ædiculæ parvæ & simplices in vicis axibus & tabulis clausæ. Accipiuntur quoque pro cœnopolyis, & cellis vinariis ubi vinum & servari & vendi solet, *Vitruv. lib. 6.* Imò significant omne utile ad habitandum ædificium, *l. hac.* Vñs tamen obtinuit ut tantum significant illum ædificij locum, quo & merces vendi & opera quæcunque fabricari solent, sicut officina, taberna argenteria, *l. 23. ff. de contr. empt. lanionis, l. 2. §. 24. ff. de orig. jur. ferraria, l. 88. §. 3. ff. de legat. 3. cæscaria, l. 8. §. 5. ff. si serv. vind. cauponaria, l. 13. ff. de inst. & instrum. leg. l. 43. ff. de ritu nupt. institoria, l. 3. l. 18. ff. de instit. act. pistrinaria, l. 15. ff. de instruct.*

§ *instrum. purpuraria*, l. 91. §. 2. ff. de
legat. 3.

LEX CLXXXIV.

*Paulus Lib. XXX. ad Edi-
 ctum.*

INde tabernacula, a & contuber-
 nales b dicti sunt.

EXPLICATIO.

Tabernacula. a) Sunt tabernacula testā
 castrēnsia, quod veluti tabernæ quædam
 sint. Cicero 2. *Nat. Deor.* 26. Se quum le-
 geret libros, recordatum esse vitio sibi ta-
 bernaculum captum fuisse in hortos Scipio-
 nis.

Contubernales. b) Contubernales dicun-
 tur commilitones, à communibus taberna-
 culis. Hinc contubernium etiam in re mili-
 tari, manipulum militum significat. ut
Veget. lib. 2. cap. 13. ubi centurias in con-
 tubernia fuisse divisas scribit: ut decem mi-
 litibus sub uno tentorio degentibus unus
 quasi præesset Decanus; qui caput contuber-
 nii vocabatur. & sic accipe. l. 5. §. à barbaris.
 ff. de re milit.

LEX CLXXXV.

Ulpianus. Lib. XXVIII. ad Edictum.

INstructam a autem tabernam sic accipiemus; quæ & rebus & hominibus ad negotiationem paratis constat.

EXPLICATIO.

Instructam. a) Hinc tabernâ instructâ legatâ, & res & institores continentur. Non tabernæ instrumento legato; tum enim loci duntaxat, non etiam totius negotiationis instrumentum legatum videtur. *hic & l. taberna. 13. ff. de instruct. & instrum. leg.*

LEX CLXXXVI.

Idem. Lib. XXX. ad Edictum.

Commendare a nihii aliud est, quam deponere.

EXPLICATIO.

Commendare. a) Commendare vel refertur ad homines, & obligationem non inducit; *l. si vero. 12. §. cum quidam. 12. ff.*

mandati. l. fin. C. quod cum eo, &c. Vel ad res & inducit; tunc enim deponere significat. h. l. & l. 24. in princ. ff. depositi. l. 6. l. 9. C. eod.

LEX CLXXXVII.

Idem Lib. XXXII. ad Edictum.

Verbum *exacta* a *pecunia*, non solum ad solutionem referendum est: verum etiam ad delegationem.

EXPLICATIO.

Verbum exacta. a) Exigere variè accipitur; propriè tamen dicitur exigere, id quod sibi debetur per judicem, aut sine iudice, reposcere & auferre. Igitur qui interpellato cum instantia debitore, ad suum perveniunt, exigisse dicuntur: Exactumque accipimus quod non ultrò, sed vel imminente iudice, aut aliàs urgente creditore solutum est ac præstitum. Solutum etiam intelligitur, quod delegatum. *l. hac. §. l. 8. §. 3. ff. ad Sc. Vellejan.*

LEX CLXXXVIII.

Paulus Lib. XXXIII. ad Edictum.

HAbere a duobus modis dicitur : altero jure domini; altero , obtinere sine interpellatione id , quod quis emerit.

EXPLICATIO.

Habere. a) Habere verbum generale est , & ad domini jus & possessionis, atque etiam cum qui detentor est pertinet. Habere inquit Vlpianus *l. stipulatio ista. §. habere. 9. ff. de verb. oblig.* dupliciter accipitur: primo jure domini; Deinde obtinere sine interpellatione, id quod quis emerit : nam & eum habere dicimus qui rei dominus est , & eum qui dominus quidem non est, sed tener. Denique habere rem apud nos depositam solemus dicere. In emptionibus ubi solebat emptor stipulari rem sibi habere licere , habere significat non dominium , de quo ibi actum non videtur ; *l. si ita. ff. de contr. empt.* sed facultatem rem semper quietè possidendi fore , neminemque superventurum, qui possidentem impediatur, vel molestia adficiatur. *l. 11. §. fin. ff. de act. empt. l. 4 ff. de usur.*

I D E M. §. I.

Cautum a intelligitur : five personis, five rebus cautum sit.

E X P L I C A T I O.

Cautum. a) Cautum ergò intelligitur, five personis, id est fidejussoribus, five rebus, id est pignoribus, cautum sit. *hic.* Imò nuda promissione intelligitur cautum. *l. 3. C. hic. Concilia.* Cum cautionis verbum à lege, *d. l. 3. & ibi Iason. Cagnol. in l. plus cautionis. n. 6. ff. de div. reg. jur. testatore, d. l. 3. & ibi Dd. contrahentibus, Salic. d. l. 3. not. in l. 1. C. de procur. profertur;* nudam promissionem continet. *d. l. 3.* Nisi qui cavere debet, sit persona suspecta, ut in *l. Divus. & in l. cum idem. ff. de petit. hered.* (tum enim inanis cautio creditori non proderet.) *Bald. Bart. in d. l. 3.* nisi is qui promisit cautione antea erat obligatus (aliàs secunda promissio priori nihil afferret utilitatis.) nisi agatur de cautione prætoria; *l. 1. §. jubet. ff. de collat. l. 7. ff. de prætor. stip. Salic. d. l. 3.* nisi cautio sufficiens, & competens, *l. 21. ff. de judic. idonea, l. 41. ff. de petit. hered. l. 6. ff. de pignor. l. 56. ff. depositi. l. 59. in fin. ff. mand. l. pen. C. depositi.* (idoneè enim cavere est satisfactò & capis pignoribus, *l. 4. §. 8. ff. de*

In Dig. Tit. de Verborum Signif. 275

ff. de fideicom. libert.) bona & plena debeatur. Gl. in l. si mandato. §. fin. ff. mand. nisi rectè caveri oporteat. l. 1. ff. de usus. earum rer. l. 1. §. 9. ff. de coll. bon. l. 73. ff. hic.

L E X C L X X X I X.

Idem Lib. XXXIV. ad Edictum.

FAcere *a* oportere & hanc significationem habet, ut abstineat quis ab eo facto, quod contra conventionem fieret, & curaret, ne fiat.

E X P L I C A T I O.

Facere. a) Facti ergò appellatione etiam non factum continetur. *l. 2. §. 5. ff. de verb. oblig. l. in facto. 60. ff. de cond. & demonstr. l. in fraudem. 4. ff. que in fraud. cred. l. qui non facit. 121. ff. de div. reg. jur.* Siquidem factum civiliter capiatur; hoc est, prout à jure, tanquam differens ab his quæ juris sunt, consideratur. Non si factum naturaliter ex verbis consideretur. Si vero lex aut homo aliquid facere affirmative jubet, non faciens, contra facere dicitur; *l. si quis major. 41. C. de transaction.* si prohibitive, ne quid fiat, non qui negligit, sed qui facit, contra facere dicitur. Quippe facere, & non facere sunt opposita. *l. si is qui ducenta. §. utrum. ff. de reb. dub. Cagnol. ad d. l. qui non facit. 221.*

L E X C L X C.

Ulpianus Lib. XXXIV. ad Edictum.

PROvinciales *a* eos accipere debemus, qui in provincia domicilium habent: non eos, qui ex provincia oriundi sunt.

E X P L I C A T I O.

Provinciales. a) An quis ergò provincialis sit, non ex ortu, sed domicilio judicandum videtur. Imò & ex ortu, ne minus nativitas quam domicilium possit. Nec obstat quod hic dicatur provinciales non dici eos, qui ex provincia oriundi sunt. Longè enim ortus ab oriundo differt: ortus enim significat locum nativitatis; Oriundus cum locum unde maiores nostri, à quibus deducti nati que sumus, fuerunt. Sic Livius. Hippocrates & Epicides nati inquit Carthagine, sed oriundi à Syracusis. *decad. 3. cap. 4.*

L E X C X C I.

Paulus Lib. XXXV. ad Edictum.

INter divortium *a* & repudium hoc interest, quod repudiari etiam futurum

turum matrimonium potest : non rectè autem sponsa divortisse dicitur : quod divortium ex eo dictum est , quod in diversas partes *b* eunt , qui discedunt.

EXPLICATIO.

Inter divortium. a) Quid divortium & repudium inter se differant , supra *l. inter stuprum.* 101. §. 1. ff. *hic* diximus.

Diversas partes. b) Cajo Icto *in l. 2. ff. de divort.* divortium à diversitate mentium dicitur : aliis à divertendo, quibusdam verò per translationem à divortio aquarum similiumque rerum. *Cicero. lib. 3. de orat.* Sic Isidoro *lib. 15. Etymol. cap. ult.* divortia sunt flexus viarum , hoc est , viæ in diversum tendentes.

LEX CXCVII.

Ulpianus Lib. XXXVII. ad Edictum.

HÆc adjectio *plurive* , a non infinitam pecuniam continet , sed modicam : *b* ut taxatio hæc , *Solidos decem plurive* , ad minutulam summam referatur.

Ex.

EXPLICATIO.

Plurifve. a) Hæc adjectio, *plurifve*, quæ numero certo, in instrumentis, 2. *Eclog.* 2. c. 189. apponi solet ad modicam summam referri solet. Idem obtinet cum plus minus dicit. *l. Publia.* 26. §. *fin.* ff. *depositi*. Hinc si quis fundum cujus veram æstimationem ignorat, centum aureis vendat, & si plus valeat illud se dicat donare, non donasse intelligitur, nisi cum aliquid modicum plus valet. *Bart. in l. si quis cum aliter.* ff. *de verb. obligat.* Quid modicum & minutula summa sit est Iudicis ex personarum qualitate æstimare. *l. 1.* §. *ait Prætor.* ff. *de jure delib.* *l. ab hostibus.* 15. §. *fin. cum. l. seq.* ff. *ex quib. caus. major.*

LEX CXCIII.

Idem Lib. XXXVIII. ad Edictum.

HÆc verba, a *Quanti eam rem paret esse*; non ad quod interest, sed ad rei æstimationem referuntur.

EXPLICATIO.

Hæc verba. a) Exposuimus legem hanc supra, in *l. inter hæc verba.* 179. ubi vide.

- LEX

L E X C X C I V.

Idem Lib. XLIII. ad Edictum.

INter donum & munus, a hoc inter-
est, quod inter genus & speciem.
Nam genus esse donum Labeo à do-
nando dictum, munus speciem. Nam
munus esse donum cum causa, ut puta
natalitium, nuptalitium.

E X P L I C A T I O.

Inter donum & munus. a) Munus à dono
tam apud Iurisconsultos, ut in l. 6. in fin. ff.
de offic. Procons. l. 18. ff. de offic. Praesid. l. 37.
l. 47. ff. de oper. libert. l. 44. §. licet. l. ult. §.
1. ff. de liber. caus. l. 6. in fin. ff. ad l. lul.
repet. l. 53. ff. hic. quam Grammaticos, ali-
osque autores separatur. Sic Plautus in *Cistell.*
Inde in amicitiam insinuavit cum matre, &
mecum simul: blanditiis, muneribus, donis.
Cicero in *Cluent.* Tantum donis datis, mu-
neribus perfecerat. Quid autem inter do-
num & munus intersit, cum Iurisconsulti,
tum Grammatici dubitaverunt. Servius di-
cit Donum propriè superiorum Deorum esse:
Munus verò inferiorum. Donatus in *Terent.*
Donum propriè Deorum, munus hominum.
Iuris-

Iurisconsultus Vlpianus Donum, *hic*. quasi genus facit; munus speciem: propterea quod quæ muneri dantur, dona omnia sint: at non contra. Quod hic addit munus esse donum cum causa; ut puta natalitium, nuptalicium; non universè dicitur, sed propriè ac præcipuè de libertorum in patronos grati animi significatione. *vide l. qui Libertinus. 37. ff. de oper. libert. l. Iulianus 37. ff. de bon. libert.* Aliter ICIUS Marcianus in *l. munus. 214. infra. hic*. videtur donum à munere distinguere. ubi vide.

L E X C X C V.

Idem Lib. XLVI. ad Edictum.

PRonuntiatio a sermonis in sexu masculino ad utrumque sexum plerumque porrigitur.

E X P L I C A T I O.

Pronuntiatio. a) Masculino sermone, sexum foemininum, non modò extensivæ significationis beneficio, (ut hic argumento verbi *porrigitur*, vult Alciatus.) sed maxime sermonis proprietate comprehendendi ex *l. 1. l. 40. §. 1. l. liberti. 172. l. hominis. 152. l. patroni. 152. l. Servius. 122. ff. hic. & iis quæ ibi diximus, patet. ut & ex l. si quis 7. ff. de*

ff. de jurisdict. l. ait Divus. 16. ff. de jure
fisci. l. hac autem satisfactio. 20. cum. l. seq. ff.
de adopt. l. 1. §. de eo. ff. de pecul. l. 1. ubi
Bart. ff. de const. pec. & multis aliis.

I D E M §. 1.

Familia a appellatio qualiter acci-
piatur, videamus. Et quidem va-
riè accepta est. nam & in res, & in
personas deducitur. In res, ut puta in
lege duodecim tabularum his verbis,
agnatus proximus familiam habeto.
Ad personas autem refertur familiæ, si-
gnificatio ita, cum de patrono & li-
berto loquitur lex: *ex ea familia*, in-
quit, *in eam familiam*, & hic de sin-
gularibus personis legem loqui con-
stat.

E X P L I C A T I O.

Familia a) Familiæ appellatio varia est,
& deducitur, id est, dividitur, in res & in
personas. Ad res relata pro hereditate &
substantia bonorum ponitur: l. ult. C. hic. ut
in illis Legis XII. Tabul. verbis, *Proximus a-
gnatus familiam habeto*, id est, hereditatem.
Quo sensu familiæ eriscundæ actionem, quæ
here-

heredibus de dividenda hereditate competit, accipe. §. *quadam actiones. Inst. de action.* Hinc familiæ emptor, qui imaginaria venditione à testatore hereditatem emebat, dictus. *Vlp. in Inst. de testam. Quintilianus Declamat. 308.* Non dixerim ego testamentum, cui libripens & emptor familiæ, & cætera juri necessaria deerunt. Ad personas verò cum refertur, vel certas personas, ut libertum continet, vel corpus aliquod, vel gentem significat. *ut ex §§. seqq. constat.* De personis actum videtur cum familiæ testator relinquit; *Bart. l. fin. C. hic. de rebus cum de familia disponit. l. nam quod. 14. §. fin. ff. ad SC. Trebell.*

Ex ea familia. b) Videntur legis. XII. Tab. verba fuisse hæc *Ex ea familia* undè Titius missus manu est, in eam familiam adscribatur. *Alciat. hic.*

IDEM §. III.

FAMILIÆ appellatio refertur & ad corporis & cujusdam significationē, quod aut jure proprio ipsorum, aut cōmuni universæ cognationis continetur. Jure proprio familiam dicimus, plures personas, quæ sunt sub unius potestate, aut natura, aut jure sub-

jectæ :

jectæ : ut puta *patremfamilias*, *matremfamilias*, *filiumfamilias*, *filiamfamilias*, quique deinceps vicem eorum sequuntur, ut puta *nepotes*, & *neptes*, & *deinceps*. 6 Pater autem *familias* appellatur, qui in domo dominium *e* habet. rectèque hoc nomine appellatur, quamvis filium non habeat. non enim solam personam ejus, sed & jus demonstramus. Denique & pupillum *patremfamilias* appellamus, & cum *paterfamilias* moritur, quotquot capita ei subiecta fuerint, singulas *familias* incipiunt habere. Singuli enim *patrumfamiliarum* nomen subeunt. Idemque eveniet & in eo qui emancipatus *f* est : nam & hic sui juris effectus, propriam familiam habet. Communi jure *g* familiam dicimus *omnium agnatorum* : nam et si *patresfamilias* mortuo singuli singulas *familias* habent : tamen omnes, qui sub unius potestate fuerunt, rectè ejusdem familiæ appellabuntur, qui ex eadem domo & gente proditi sunt.

EXPLICATIO.

Corporis. a) Corpus, ad quod familiæ appellatio refertur, aut jure proprio ipsorum, aut communi cognationis nomine continetur. Jure proprio familiam dicimus plures personas, quæ sunt sub unius potestate, aut natura, aut jure subjectæ. Hac enim appellatione non servi modò, sed & liberi, qui in potestate nostra sunt continentur: *l. 40. §. familie. & l. hac. ff. hic. l. 23. ff. de adoption.* Hinc patresfamilias, matresfamilias, filiofamilias, dicuntur. *l. 11. ff. de lib. & posth. l. 5. ff. de his qui sunt sui vel al. jur.* Sic in *Ædilitio* Edicto familiæ appellatione & filiofamilias, & omnes, qui in servitio sunt, liberi quoque homines bonâ fide servientes, demonstrantur. *l. 25. §. 1. l. 31. §. idem Pedius. ff. de Ædil: Edict.* Eodemque modo in Edicto *Vi bonorum raptorum* familiæ nomen eos, qui in ministerio sunt, continere dicitur, etiamsi liberi esse proponantur, vel servi alieni bonâ fide nobis servientes. *l. 2. §. familie. ff. vi bon. rapt.* Eadem in *Interdicto unde vi*, familiæ fit interpretatio. *l. 1. §. familie. ff. de vi & vi arm. l. hac. §. pen.*

Matresfamilias. b) Quæ matrisfamilias nomine veniat supra, *l. 46. §. 1. diximus.*

Neptes & deinceps. c) Familiæ ergò appellatio

pellatio in descendantibus ultra quantum gradum intelligitur.

Pater autem familias. d) Itaque patresfamilias dicuntur, qui sunt suæ potestatis, sive puberes, sive impuberes. *l. 4. ff. de his qui sunt sui vel alien. jur.* Nam filii cujuscunque ætatis sint, morte patrum sui juris effecti patresfamilias sunt. *l. 5. ff. quan. dies legat.* Hinc Tertullianus in *lib. de virg. veland.* Materfamilias, ait, vocatur licet virgo, paterfamilias licet investis. Paterfamilias etiam fit Servus manumissus. *l. 14. ff. qui testam. fac.*

Dominium. e) Id est, jus dominandi. Nam non ab actu dominandi dicitur paterfamilias; potest enim ætate, judicio, vel alia ratione impediri; ut si sit pupillus, furiosus, liberos, servos, domi non habeat; *text. hic. & l. 4. l. 8. ff. de his qui sui vel ali. jur.* sed à potentia; ut si liberos, servos haberet; ætate, judicio, valeret; jure potestatis jus in eos exerceret.

Emancipatus. f) Emancipatus opponitur filiofamilias. Ille sui juris est, hic alieni; ille habet familiam, hic nullam: adeoque ille paterfamilias est, hic non: item ille testamentum facit, hic non facit, nisi in bonis istis in quibus pro patrefamilias habetur: ille institutus, est heres extraneus; hic suus & necessarius. Hodie cum emancipatus instar sui redactus sit. *l. meminimus. C. de legit. hered.*

in favorabilibus, sive lex de familia, sive de agnatione verba faciat, putat Alciatus & emancipatum contineri. *l. fin. C. hic. l. qui se patris. C. Vnde liber.*

Communi jure. g.) Communi jure familiam dicimus omnium adgnatorum, qui ex eadem domo & gente prodi sunt, cognationem; ut ejusdem familiæ rectè dicantur, qui ejusdem nominis sunt: etiamsi singuli propriam alant familiam, sui que juris omnes existant, aut adhuc in potestate sint. Ac proinde patroni & liberti & omnes propinqui ad fideicommissum, familiæ relictum, invitati intelliguntur. *l. ult. C. hic.* Etenim cum fideicommissum familiæ relinquitur, ad ejus petitionem admittuntur, qui ex nomine defuncti fuerunt eo tempore, quo moreretur: quo in numero & liberti & filii quoque postea emancipati habentur. *l. 32. in fin. l. 69. §. ult. l. 77. §. cum inter. ff. de legat. 2. l. 114. §. cum pater. ff. de legat. 1.*

IDEM §. III.

Servitutum a quoque solemus appellare familias, ut in Edicto Prætoris ostendimus sub titulo de furtis, ubi Prætor loquitur de familia publicanorum. Sed ibi non omnes servi, sed

sed corpus quoddam fervorum demonstratur hujus rei causa paratum, hoc est, vectigalis causa: Alia autem parte Edicti omnes servi continentur, ut de hominibus coactis, vi bonorum raptorum: item redhibitoria, si deterior res reddatur emptoris opera, aut familiae ejus; Et interdicto unde vi, familiae appellatio omnes servos comprehendit.

EXPLICATIO.

Servitutum. a) Quod hic de servis dicitur, de iis non solum intelligendum est, sed & de quibuscunque famulantibus, & operam suam in id quod hic demonstratur, praestantibus. ut supra vidimus; vide l. 1. §. familiae. ff. de publican. l. 2. §. hac actio. ff. vi bon. rapt. l. 1. §. si quod mancipium. l. Aediles etiam. §. familiae. ff. de Aedil. Edict. l. 1. §. familiae. ff. de vi & vi arm.

IDEM §. IV.

SED & filii continentur. a

EXPLICATIO.

Continentur. a) Filii familiae appellatione
conti-

continentur ; si sunt in potestate , jure proprio & Communi ; si emancipati ; tantum communi jure. *supr. hic. §. 2.*

. I D E M §. V.

Item appellatur a familia plurimum personarum , quæ ab ejusdem ultimi genitoris sanguine proficiscuntur ; sicuti dicimus *familiam Iuliam* , quasi à fonte quodam memoriæ.

EXPLICATIO.

Item appellatur. a) Est igitur una familia , ad quam omnes stirpes referuntur , & illa Gentis nomine appellari consuevit ; sunt & aliæ quæ ex stirpibus constant. Quot ejusdem gentis familiæ sunt. Sic Suetonius *in Nerone*. Ex gente Domitia, inquit , duæ familiæ claruerunt , Calvinorum & Ænobarborum. Hinc patet omnes qui ejusdem nominis sunt, ejusdem quoque esse familiæ , gentis , non stirpium respectu ; qui ejusdem cognominis sunt, ejusdem quoque esse familiæ , stirpium, non gentis respectu. *vid. Sueton: in Galba. & Tiberio*. Familia autem cum tot , ut vidimus, significationes habeat , de qua actum sit ex subiecta materia dijudicandum est.

IDEM §. VI.

MVlier autem familiæ suæ caput, *a*
& finis *b* est.

EXPLICATIO.

Caput. *a*) Hoc est principium. Sui enim juris facta familiam habet. *confer. l. hanc. in §. 1. cum l. 4. ff. de his qui sui vel alien. jur. sunt. l. nupta. 30. §. 1. l. Titia. 34. ff. solut. matrim.*

Finis. *b*) Quia, cum eorum filii patrum nomina servant, in eas familiæ (pro gente puta acceptæ) origo non propagatur, sed extinguitur.

LEX CXCVI.

Cajus Lib. XVI. ad Edictum Provinciale.

Familiæ *a* appellatione & ipse princeps familiæ continetur.

EXPLICATIO.

Familie. *a*) Quia nomina universitatum, non membris tantum, sed & capite constant. Sic appellatione militum Imperator; *l. 1. ff. de testam. milit.* appellatione populi Senatus

N

conti-

290 *Arnoldi Corvini Comment.*
continebitur. §. *plebs. Inst. de jur. nat. gent.*
& civ.

I D E M. §. I.

FOEminarum liberos *a* in familia earum non esse, palam est: quia qui nascuntur, patris, non matris familiam sequuntur.

EXPLICATIO.

Fœminarum liberos. a) Fœminæ familiæ aliqujus duces esse non possunt. Nam qui ex eis nascuntur justii liberi, (Illegitimi enim ventrem sequuntur. *l. 19. ff. de statu hom.*) patrem non matrem familias sequuntur; & familiarum paternarum, nomen ferunt: non maternarum: Quia in fœminas nullum jus adgnationis transit, neque suos heredes habent. *l. 13. ff. de suis & legit.* Hinc filii gentilitia matris insignia gerere nequeunt.

L E X C X C V I I.

Ulpianus Lib. L. ad Edictum.

INdicasse *a* est detulisse, arguisse, accusasse, & convicisse.

Ex.

EXPLICATIO.

Indicasse. a) Indicat qui arguit, accusat, convincit. Hinc præmium, ei qui famosi libelli autorem indicavit, non debetur, nisi reus convictus sit. *l. Lex Cornelia. in fin. ff. de injur.* Indicare tamen nonnunquam est æstimare & rei venalis precium statuere. Sic in *l. Iulianus. §. quod tamen. 3. ff. de act. emt.* indicationem posuit Ulpianus. Indicaturam nominat Plinius. *lib. 22. cap. 14.*

LEX CXCVIII.

Idem Lib. 11. de omnibus Tribunalibus.

URbana prædia, a omnia ædificia accipimus, non solum ea, quæ sunt in oppidis: sed & si forte stabula b sunt, vel alia meritoria c in villis, & in vicis: vel si prætoria voluptati tantum deservientia: quia urbanum prædium non locus facit, sed materia. Proinde hortos e quoque, si qui sunt in ædificiis constituti; dicendum sit urbanorum appellatione contineri. Plane si plurimum horti in re-

N 2

ditu

ditu sunt, vinearii forte, vel etiam olitorii, magis hæc non sunt urbana.

EXPLICATIO.

Urbana prædia. a) Urbana prædia à rusticis non loco, sed materia & qualitate discernuntur. Urbana siquidem accipimus ædificia omnia, quæ ad urbanum usum inhabitandi, recreandi, mercimonii, voluptatisve gratia habentur; nec non solum ea, quæ sint in oppidis, sed & si fortè stabula sunt in continentibus ædificiis, vel alia meritoria in villis, & in vicis, vel si prætoria voluptati tantum deservientia, horti quoque qui amoenitatis gratia, non reditus, habentur. *hic. & l. 16. C. de præd. min. l. 54. in fin. ff. de petit. hered. l. 59. ff. de contr. emt. l. 13. §. si in locatis. ff. de act. emt. l. 4. ff. de pact. l. 1. ff. com. præd.*

Stabula. b) Stabula hic sunt diversoria ad hominum mansionem constituta; *ut & in l. 1. in fin. ff. furti ad ver. caup. aut stab.* Hinc stabularius qui tecto viatores accipit. Seneca *lib. 1. de benef. cap. 13.* Nemo, ait, se stabularii, aut cauponis, hospitem indicat. Accipiuntur & stabula, pro septis quibus jumenta & greges stabulantur. *ut in. l. eo jure. ff. in quib. caus. pign. tac. contr. Columel. lib. 1. de re rustic.*

rustic. cap. 6. & tum naturam prædiorum rusticorum sequuntur.

Meritoria. c) Meritoria sunt diversoria, vel fullonica, vel stabula, vel quæ alia loca, quæ mercede locantur, à merendo dicta. *l. 91. §. Balneas. ff. de legat. 3. l. 13. §. ult. ff. de usufr. l. 52. §. si quis ex. ff. pro Socio. l. 5. §. domum. ff. de injur.* Vopiscus in Tacito: Meritoria intra urbem stare vetuit. Spartianus in Pescennino Nigro; Pro tricliniis popinas habent, pro cubiculis meritoria.

Prætoria. d) Prætorium apud veteres est pars villæ lautius ædificata, & patrisfamilias habitationi relicta. *l. 2. ff. de servit. rust. præd. l. 12 ff. de usu & habit. l. 83. §. 1. ff. de leg. 3. l. 35. §. Cajus. ff. de legat. 2. l. 13. §. ult. ff. de injur.* Suetonius in Caligula. cap. 37. Nam ut in urbe solius Principis domus prætorium appellabatur, reliquorum civium non item: sic in villis, in quibus ferè quisque tantum in suos habet dominium, quantum in subditos suos Princeps, prætorium dixerunt, ubi scilicet quasi Princeps habitaret.

Hortos. e) Horti amœni, urbani prædii appellatione continentur; nisi plurimum in redditu sint, id est, principaliter propter rusticos redditus constituti. *de quibus in l. frugem. 77. sup. eod.*

L E X C X C I X.

Idem Lib. VIII. de omnibus Tribunalibus.

ABsentem *a* accipere debemus eum, qui non est eo loco, *b* in quo petitur. non enim trans mare absentem desideramus. & si fortè extra continentia urbis sit, abest: cæterum usque ad continentia, non abesse videbitur, si non latitet.

E X P L I C A T I O.

Absentem. a) Absens is dicitur qui non est in eo loco, in quo petitur: *hic*. & pro diversitate subjectæ materiæ & tractatibus varie quis dicitur abesse. *Gloss. in l. præsens. ff. de procur.* In judiciis absens dicitur qui in iurè non est, *l. 14. §. Prætor. ff. de damn. inf.* & qui à tribunali abest, *l. non tantum. §. abesse. ff. de fideicom. libert.* item qui extra territorium jus dicentis, *l. heres absens. & ibi Gloss. de judic.* qui latitat; *l. 173. l. hac. ff. hic.* In Edicto de damno infecto, qui non est in urbe, *d. l. 4. §. Prætor. ait.* vel qui domi non est; In contractibus cum de stipulatione agitur, qui se exaudire non possunt, absunt; *l. 1.*

l. 1. §. 1. ff. de verb. oblig. In usucapione abest, qui in eadem provincia non est; *l. fin. C. de præscr. long. temp.* In testamentis, qui non audit, vel non videt testatorem; In procuratore dando, abest dominus qui extra continentia urbis est. *l. 1. §. fin. l. 2. §. cum seqq. ff. de procur.* Absens etiam interdum habetur, qui adest. Sic miles qui Romæ militat pro Reipublicæ causa absente habetur: *l. milites. ff. ex quib. caus. major.* Sic absens habetur, qui etsi corpore præsens sit, animo tamen abest; ut furiosus, *l. 2. §. pen. ff. de jur. codicill. l. 124. ff. de div. reg. jur. l. 17. §. filiosam ff. de injur. pupillus. l. 10. ff. quib. ex caus. in poss. eat.*

Loco. b) Loci varia est significatio; nam interdum provinciam, interdum oppidum, vel urbem, *tot. tit. ff. de eo quod certo loco. interdum integrum fundum; l. fundi 211. inf. hic.* interdum minimam fundi partem: *l. locus. 60. sup. eod.* significat; hic pro urbe, civitate, oppido, in quo alicujus, puta tutoris, præsentia requiritur, accipitur. *ut patet ex vers. & si forte hic.*

I D E M §. I.

ABesse non videbitur, qui ab hostibus captus est, sed qui à latronibus detinetur.

E X P L I C A T I O.

Ab hostibus captus. a) Ab hostibus captus, cum pro mortuo habeatur, tanquam absens, vocari in jus, citatione ad domum delatâ, non potest, sed ejus successor vocandus. Potest à latronibus detentus; Ei tamen Prætor succurrit. *l. succurritur. ff. ex quib. caus. major.*

L E X C C.

Idem Lib. II. Digestorum.

HÆc stipulatio. a *Noxis solutum præstari?* non existimatur ad eas noxas pertinere, quæ publicam exercitationem & coërcitionem capitalem habent.

E X P L I C A T I O.

Hæc stipulatio. a) Licet noxæ appellatione omne delictum contineatur; *l. plebs. 238. §. fin. ff. hic.* tamen qui noxis solutum præstari, servum promittit, de privatis, non etiam his quæ publicam exercitationem & coërcitionem capitalem habent, promississe existimatur. *h. l. & l. 17. §. quod ajunt. ff. de Ædil. Edict. l. 11. §. ult. ff. de eviction.* Quia verba secundum legis de ea re loquentis sensum, intellexisse contrahentes præsumuntur; Ædiles

diles autem, qui quibus casibus redhibitioni locus esset, constituerunt, noxam ab hujusmodi fraude distinxerunt. *l. 1. l. quia sit. 17. ff. quod ajunt. 17. cum. §. seq. ff. de Ædil. Edict.*

L E X C C I.

Idem Lib. XXXI. Digestorum.

IUSTA interpretatione recipiendum est, ut appellatione filii, *a* sicuti filiamfamilias contineri sæpe respondimus, ita & nepos videatur comprehendendi, & patris *b* nomine avus quoque demonstrari intelligatur.

E X P L I C A T I O.

Filii. a) Ex proprietate sermonis nepos filii appellatione non continetur. *l. 6. ff. de test. tut. §. fin. Inst. quæ testam. tut. dare.* Omnino ex præsumpta testatoris & legantis voluntate, *l. 41. §. 1. ff. de legat. 3.* & in SenatusConsulto Macedoniano, *l. 6. C. de SC. Maced.* & in SenatusConsulto quo cavetur, ne tutor pupillam filio suo elocet. *l. 59. ff. de ritu nupt.* Hujusmodi interpretatio justa est. *l. hac.* Nepos enim filii loco est habendus. *l. 34. C. de inoff. test. l. 1. C. de natur. lib.* Ut autem filii appellatione filia, etiam in

tutela, l. 16. ff. de test. tut. ita nepotis, neptis continetur. Sexus enim masculinus & foeminum complectitur. l. 1. l. 40. §. 1. l. 52. l. 122. l. 152. l. 172. l. 194. ff. hic.

Patris. b) Viceversa patris appellatione continetur avus, l. hac. & patres pro parentibus accipiuntur. l. patri. 20. ff. de adulter. Quod in his maximè verum est, quæ benignè accipienda & interpretatione adjuvanda sunt: utique enim in lege Iuliâ de maritandis ordinibus & in lege Iulia de adulteriis, patris appellatione avus non continetur. l. 44. §. 1. ff. de ritu nupt. d. l. patri. 20. ff. ad leg. Iul. de adult.

LEX CCII.

Alfenus Varus Lib. II. Digestorum.

CUM in testamento a scriptum esset, *ut heres in funere, aut in monumento duntaxat aureos centum consumeret*, non licet minus consumere. si amplius vellet licet: neque ob eam rem contra testamentum facere videtur.

EXPLICATIO.

Cum in testamento. a) Heres plus expendo in funere, aut monumento, quam testator

stator expressit, voluntati ultimæ non derogat; cum quia in majore summa minor continetur; tum quia heres eis quæ in ipsius favorem introducta sunt potest renuntiare; videtur autem hic testator certam expressisse summam, ut heredi gravato consuleret. Minus expendendo quam testator jussérat, heres contra testamentum facere intelligitur: Alii quam heredi si testator curam monumenti faciendi imposuerit; is quod plus quam testator voluit expendit, non repetit; *l. 31. §. 4. ff. de negot. gest. l. 50. §. 1. ff. de hered. petit.* si minus expendit, cætera summa heredibus proficiet. *l. Lucius Titius. 88. §. 1. ff. de legat. 2.*

L E X C C I I I.

Idem Lib. VII. Digestorum.

IN lege Censoria a portus Siciliæ ita scriptum erat: *Servos quos domo quis ducet suo usu, pro his portorium ne dato:* quærebatur, si quis à Sicilia servos Romam mitteret fundi instruendi causa, utrum pro his hominis portorium b dare deberet, nec ne. Respondit, duas esse in hac scriptura quæstiones; primam, quid esset do-

num ducere: alteram, quid esset *suo usu ducere*. Igitur quæri soleret, utrum, ubi quisque habitaret, sive in provincia, sive in Italia, an duntaxat in sua cuiusque patria *domus* esse rectè dicetur? sed de ea re constitutum esse, eam domum *c* unicuique nostrum debere existimari, ubi quisque sedes & tabulas haberet, suarumque rerum constitutionem fecisset: Quid autem esset *usu suo*, *d* magnam habuisse dubitationem. *e* Et magis placet, quod victus sui causa paratum est tantum contineri. Itemque de serviseadem ratione quæri, qui eorum usus sui causa parati essent: utrum dispensatores, *f* insularii, villici, atrienfes, *g* textores, *h* operarii quoque rustici, qui agrorum colendorum causa haberentur, ex quibus [agris] paterfamilias fructus caperet, quibus se tolleraret: omnes denique servos, quos quisque emississet, ut ipse haberet, atque eis ad aliquam rem uteretur, neque idè emississet, ut venderet. Et sibi
videri

In Dig. Tit. de Verborum Signif. 301
videri eos demum usus sui causa patremfamilias habere, qui ad ejus corpus tuendum, atque ipsius cultum præpositi, destinatique essent: quo in genere junctores, & cubicularii, & coci, ministratores, / atque alii, qui ad ejusmodi usum parati essent, numerarentur.

EXPLICATIO.

In Lege Censoria. a) Est Lex Censoria, non à censu, ut vult Accursius hic, sed à Censoribus dicta. Quorum munus, inter alia, erat portoria & vectigalia locare. Plinius *nat. histor. lib. 33. cap. 4.* inquit. Extat lex censoria Ictimulorum aurifodinæ, qua in Vercellensi agro cavebatur, ne plus quinque M. hominum in opere publicani haberent. Livius *dec. 1. lib. 4.* de censura loquens. Subditiōe ejus sunt vectigalia populi Romani. Solebant autem Censores in locatione vectigalium pacta cum publicanis inire, quibus, quatenus esset exigendum, statuebatur. Unde cum in lege Censoria portus Siciliæ; cautum esset, *Ne pro servis quos quis domum pro suo duceret, vectigal solveretur*; dubitatum fuit, quid esset domum ducere, & quid esset usu suo ducere. Quod hic Ictus decidit.

Portorium.

Portorium. b) Id est , vectigal , non tantum quod in portu , sed & quod in transitu pontis pro exportandis mercibus solvitur. *l. 3. C. de vectigal. l. 60. §. 8. ff. locati.* Vndè publicani qui hoc vectigal redemerunt, Portitores dicuntur. Portorium rerum venalium dixit Cicero *in Pison.*

Domum. c) Domus, hic, est ubi quis domicilium cunstituit , id est, ubi sedes & tabulas habet , suarumque rerum constitutionem fecit, sic Cicero *pro Archia.* At domicilium Romæ non habuit is qui tot annis , ante civitatem datam, sedem omnium rerum , ac fortunarum suarum Romæ collocavit. In lege verò Cornelia de injuriis & in lege Julia de adulteriis , & in Edicto de aleatoribus , pro habitatione & domicilio domum accipimus. Et omnis habitatio , sive propria, sive aliena, in qua paterfamilias habitat, domus intelligitur, etiamsi ibi domicilium non habeat. *l. 5. §. domum. ff. de injur. l. 8. in fin. l. 22. ff. ad l. Jul. de adult. l. 1. §. domum. ff. de alea luso.* In Senatusconsulto de liberis agnoscendis, quo domum denunciari permittitur, domum accipimus hospitium , si in civitate maneat; quod si non sit, sed in villa, vel municipio, illic, ubi larem matrimonio collocarit. *l. 1. §. domum. ff. de agnosc. & alend. lib.*

Usu suo. d) Usus sui causa, & usu suo ducti eademum mancipia videntur , quæ ad patris-

trifamilias corpus tuendum atque ipsius cultum destinantur: veluti cubicularii, coci, ministratores, obsonatores, & alii ejusmodi usus causa parati: *hic*. quæ usualia mancipia vocantur. *l. fin. §. quotiens. 3. ff. de public. & vect.* Hinc legatis uxori servis qui usus ejus causa parati sunt, ad eam non pertinent hi servi, qui non proprii ipsius, sed communis usus causa parati sunt: *l. 35. ff. de legat. 2.*

Dubitationem. e) Cum quia, cum de usu generaliter loquatur, videbatur & familiæ usum posse intelligi: tum quia jure communi de his quæ patresfamilias ad usum proprium revehunt vectigal non solvitur. *l. 5. C. de vectigal.* sed excipiebantur mancipia usualia. *d. l. fin. §. quotiens. & §. Divus. 9.*

Dispensatores. f) Dispensator servus & villicus & insularius, quis appelletur supra *l. urbana. 166.* diximus, ubi vide.

Atrienfes. g) Atrienfis servus appellabatur is, cui cura credebatur atrii; quæ quidem pars prima domus est, mediam ariam continens, in quam ex omni tecto collecta pluvia descendit; & in qua prisca (ut refert Cato) hostio aperto epulabantur: uti etiam pecunias & cætera pretiosiora servabant.

Textores. h) Textor servus erat, qui texebat. Cicero *pro Plancio*. Si pro Fabro, aut pro textore emimus. Inde *textrinum* locus
in

in quo textitur. l. qui textrinum. C. de murileg: lib. 11.

Iunctores. i) Iunctor erat servus qui mulas ad rhedam jungebat; qui & mulio vel letificarius. l. 99. §. 2. & 4. ff. de legat. 2. Hinc carruca cum iunctura apud Paulum. 3. sent. vid. Cujac. 14. obs. 3.

Cubicularii. k) Cubicularius servus erat, qui cubiculo, vel ad limina adsidebat. In Nov. 8. Nov. 24. Nov. 27. Cubicularius, est Secretarius.

Ministratores. l) Ministrator propriè dicitur, qui patrifamilias in mensa ministrat.

LEX CCIV.

Paulus Lib. 11. Epitomarum Alfeni.

PUeri a appellatio tres significatio-
nes habet unam, cum omnes ser-
vos pueros appellaremus: alteram,
cum puerum contrario nomine puellæ
diceremus: tertiam, cum ætatem pue-
rilem demonstraremus.

EXPLICATIO.

Pueri. a) Pueri triplex est significatio?
Una, cum servos pueros appellamus; puta
dome-

domesticos, præsertim tabellarios; quod nisi pueris & in juvenili ætate constitutis, qui pedibus valerent, ad eam rem uti possimus. Ideò apud Ciceronem sæpissime legitur. *Pueri tui mihi à te literas reddiderunt.* Altera, cum contrario nomine puellæ utimur, ut sexum discernamus; tametsi dubium non est, pueri appellatione & puellam significari, non tantum quod masculino sexu foemininum comprehendatur; *l. 161. ff. hic.* sed & quod puerum pro quolibet sexu, sobole, ponant Veteres. Terentius in *Andria.* *Puerum autem ne resciscat mihi esse ab illa cautio est.* Tertia, quâ ætatem puerilem indicamus. Vndè propriâ significatione cum puerum dicimus; impuberem, id est, qui nondum quartum decimum annum complevit, in *princ. Inst. quib. mod. jus patr. potest.* intelligemus. ut in *l. in tabulis. 36. ff. de statulib.* Ex subjecta tamen materia nonnunquam aliter accipitur. In legato alimentorum puero relictorum, intelligitur, *l. Mele. 14. ff. de alim. legat.* qui decimum octavum annum; *l. 49. §. 1. ff. de adopt. §. 4. Inst. eod. §. ult. Inst. quib. man. non lic.* In prætoris Edicto de postulando, qui annum decimum septimum, non complevit. *l. 1. §. pueritiam. ff. de postul.*

L E X C C V.

*Idem Lib. IV. Epitomarum
Alfeni.*

QUI fundum vendidit, pomum *a* recepit: nuces, & ficos, & uvas duntaxat duracinas, *b* & purpureas, & quæ ejus generis essent, quas non vini causa haberemus, quas Græci *πεωξιμυς*, id est, *comestibiles*, appellerent, recepta *c* videri.

E X P L I C A T I O.

Pomum. a) Pomi appellatio, generalis est omnium fructuum qui ex arbore esui apti proveniunt, sive molles, sive duri sunt: & cæ nuces, & ficus, & uvæ duracinæ, & purpureæ, & quæ ejusdem generis sunt quas non vini causa habemus, quas Græci *πεωξιμυς* appellant, continentur. Nuces, ficus, poma dici ostendit Pallad. *in Epigram. de nucce, ficubus.* Martialis *Epigram. 25. in Xenii.* nuces pineas poma vocat. Imò Macrobius. *lib. 3. Saturnal. cap. 19:* Nuces dici, tradit, à quibusdam omne pomum, quod foris duro tegatur, & intus habeat quod esui est. Idem *lib. 2. cap. 6.* Cascelli I Cti dictum urbanum

banum refert : Lapidatus à populo Vatinius, cum gladiatorum munus ederet, obtinuerat, ut *Ædiles* edicerent, ne quis in harenam nisi pomum misisse vellet. Forte iis diebus *Cascellius* consultus à quodam, an nux pinea pomum esset? respondit : *Si in Vatinium missurus es, pomum est.* Cum itaque pomi appellatio tam generalis sit, quaesitum fuit, an is qui fundum vendiderat ea lege, ut poma fundo liceret excerpere, censeretur uvas vini causa paratas simul etiam excepisse? Et respondit *Paulus*, nuces, & ficus, & duracinas uvas duntaxat, quas non vini causa habere-mus, exceptas videri. Quae autem ad vinum uvae paratae essent, venditas esse.

Duracinas b) Uvae duracinae sunt, quae propter acinorum duritiem (undè quasi durus acinus dictae. *Plin. lib. 14. nat. hist. cap. 1.*) tutae sunt à frigore, ita ut vel suspendi, vel alio modo esui reservari possunt tempore hiemali. *Hadrian. Jun. cap. de mensis secund. & fructib.* Uvarum & ficuum genera vide apud *Macrobius lib. 3. Saturnal. cap. 20. & ult.*

Recepta c) Id est, excepta. Recipere enim praeter natas & vulgatas significationes, in tradendo promittendove excipere & sibi reservare significat. ut in hac. l. & l. 11. ff. com. praed. l. 31. in fin. ff. solut. matr. l. 53. §. ult. ff. de action. emt. l. 42. ff. de mort. caus. don.

don. l. 29. §. si fundum. ff. de legat. 3. l. 43. §. stipulatus. ff. de usufr. l. 40 §. fundi. & §. cum fundus. ff. de contr. emt. Sic Plautus in Trinum. Posticulum hoc recepit, cum ædes venderet. Cicero in Topic. Fecique quod sæpe liberales venditores solent, ut cum ædes fundumve vendiderint, rutiis cæsis receptis concedant tamen aliquid emtori, quod ornandi causa aptè & loco positum videatur. vide & Gellium. lib. 17. Noct. Attic. cap. 6.

L E X C C V I.

Iulianus Lib. VI. ex Minicio.

Vinaria Vasa, a propriè vasa torcularia esse placet: dolia autem & serias tam diu in ea causa esse, quamdiu vinum haberent. cum sine vino esse desinerent, in eo numero non esse: quoniam ad alium usum transferri possent. veluti si frumentum in in his addatur. eandem causam amphorarum esse: ut cum vinum habeant, tum in vasis vinariis: cum inanes sint, tum extra numerum vinariorum sint: quia aliud in his addi potest.

EXPLICATIO.

Vinaria vasa. a) Vinaria vasa propriè sunt, quæ sunt torcularia , id est , quæ conficiendò musto usui habentur, & torculari , id est, machinæ præmendis uvis aptæ , conjuncta sunt : dolia enim, & seriæ, & amphoræ etiam in alium usum, quam vini habentur: ut si tritico impleantur. Si tamen vini solum causa eis paterfamilias semper usus est, vel in eum usum paravit, non ex vi verborum, de qua hic Ictus disputat ; sed ex interpretatione , vinariorum vasorum numero erunt. Vndè vino cum vasis legato , & amphoræ & cadi debentur ; non dolia , quia non solent loco moveri. *l. 3. l. pen. ff. de trib. vin. oleo. leg.*

LEX CCVII.

Africanus Lib. III. Quæstionum.

Mercis *a* appellatione homines non contineri , Mela ait , & ob eam rem mangones *b* non mercatores, *c* sed venaliciarios appellari ait, & rectè.

EXPLICATIO.

Mercis. a) Mercis appellatio ad res tantum

tum mobiles & venales pertinet ; non ad homines, ut servos fullones, vel sarcinatores, vel textores, vel venaliciarios. *l. 1. §. licet. 1. ff. de tribut. act. l. mercis. 96. & l. hac. ff. hic. l. u't. ff. de cond. tritic.* Idque propter dignitatem hominum, *l. iustissime. 44. ff. de Edil. Edict.* quorum scilicet gratia & merces & cæteræ res omnes à natura comparatæ sunt. *l. vetus fuit. 68. ff. de usufr. l. in pecudum. 28. ff. de usur. vide tamen supra. l. mercis. 66.*

Mangones. b) Mangones appellatione venaliciariorum veniunt : quoniam venalicia, id est, servos venales expositos, ipsi emere præoccupant, ut carius vendant. Cum enim mercis nomen in hujusmodi servis locum non habeat, *l. servos. in fin. ff. de legat 3.* consequens est, ut saltem venalicii appellatione censeantur. Dicti sunt mangones quasi manu agones : erant enim magistri formæ puerorum ; & mentendi coloris artem probè callentes. Solebant enim pueros puellasque, quo facilius vendi possent, artificio quodam componere, atque colorem fuco ementiri, ut vendibiliiores essent. *Quintil. lib. 2. cap. 15. 17.* Mangones aliarum etiam rerum dicuntur, qui merces poliunt atque interpollant, ut pluris vendant. *Plin. lib. 37. cap. 13. & lib. 7. cap. 12.*

Mercatores. c) Mercatores, mangones,
vena-

venaliciarii, non sunt quilibet, qui aliquid emunt, vendunt, sed ii tantum, qui res mobiles lucri faciendi, negotiandique causa eo animo comparant, ut rursus distrahant, importent, exportentque vānum. *l. un. C. de nundin. l. suos autem. 73 §. pen. ff. de legat 3. l. generali. 32. §. uxori. ubi Bart. ff. de usu & usufr. leg. l. semper. §. negotiatores ff. de jur. immun. l. in lege Censoria. 203. ff. hic.*

LEX CCVIII.

Idem Lib. IV. Quæstionum.

BONORUM appellatio, a sicut hereditatis, universitatem quandam ac jus successionis, non singulares res demonstrat.

EXPLICATIO.

Bonorum appellatio. a) Bona significant, ut hereditas, universum patrimonium & successionem commoda atque incommoda hereditaria continentem, ubi aperta est mens loquentis, ut in bonorum possessione, *l. 2. 3. ff. de bon. poss. restitutione bonorum ex Senatusconsulto Trebelliano; l. nam quod. 14. §. fin. ff. ad SC. Trebell.* Aliàs, & quidem propriè (puta cum naturaliter, non ut hic, civiliter, accipiuntur,) bona sunt quæ deducto

Et o ære alieno supersunt. l. 39. §. I. & l. 117.
supra ubi vide.

LEX CCIX.

Florentinus Lib. X. Institutionum.

COram Titio *a* aliquid facere iussus,
 non videtur præsentem eo fecisse,
 nisi is intelligat. Itaque si furiosus, aut
 infans sit, aut dormiat: non videtur
 coram eo fecisse. Scire autem, non
 etiam velle is debet: nam & invito
 eo rectè fit, quod iussum est.

EXPLICATIO.

Coram Titio. a) Licet *coram* ex Latini sermo-
 nis ratione ad corporalem præsentiam refera-
 tur; tamen ex rei natura coram factum plerun-
 que non videtur; cui intelligentia non acces-
 serit. l. hac. & l. diem proferre. 27. §. coram. 5. ff.
 de recept. arbitr. Parum enim est corpore quem
 adesse, si mente alienus sit. l. nihil interest.
 26. ff. de capt. & postlim. rev. Itaque furio-
 si, infantes, dormientes; & qui non intelli-
 gunt id quod agitur, absentum loco habentur.
 d. l. hac. & l. fin. ff. hic. l. 27. §. 5. l.
Fulcinius. 7. §. adeo autem. & §. plane inter-
 dum. ff. ex quib. caus. in poss. l. ubi non voce.

124. §. *furiosus*. ff. de div. reg. jur. Requiritur ergò ut sciant, non etiam ut velint, quod invitis fieri potest. *hac. l. in fin.* Nec est quod quis replicet ea quæ invitis quibusdam fieri possunt, multò magis fieri posse iis ignorantibus. *l. qui potest. 26. ff. de div. reg. jur.* Id enim neque in judiciis, neque in arbitriis, neque si lex vel testator coram Titio facere jussit, procedit. Non in judiciis, quia redduntur quidem in invitum, sed nunquam in ignorantem. *l. inter stipulantem. 83. §. 1. ff. de verb. oblig.* Non in arbitriis, quia licet sumant originem à voluntate litigantium, pronuntiatio tamen arbitri fit etiam invitis, non ut cogantur parere judicato si nolint, sed ut si non pareant cogantur pœnam persolvere. *l. 1. C. de recept. arbitr.* Non si Lex vel testator coram aliquo facere jussit: quia vis verborum tum aliud suadet. Vndè qui cum consilio alicujus facere tenetur; satis est si consilium accipiat. *c. cum olim de arbitr.* licet id non sequatur. Nisi & hoc expressim aut tacite mandatum sit; Tacitè mandatum præsumitur; si consultor & administrationis collega sit: qui consulere debet inhabilis & idiota aliàs sit; ut cum lex adolescentibus permittit, *l. Titium. ff. de admin. tut.* curatores, sed ex consilio necessariorum, suspectos facere. *l. impub. ff. de susp. tut.*

LEX CCX.

Marcianus Lib. VII. Institutionum.

IS, qui natus est ex mancipiis urbanis, & missus est in villam nutriendus, in urbanis servis *a* constituetur.

EXPLICATIO.

In urbanis servis. a) Quia quæ ad tempus in aliquem locum delata sunt, *l. 1. C. hic.* non censentur ibi esse, sed potius in loco in quo adesse consueverunt. *l. quasitum. 78. §. fin. ff. de legat. 3.* Hinc servis rusticis legatis, qui in villam nutriendus missus est, non continetur. *l. servis urbanis. 99. §. cum qui. 3. ff. eod.*

LEX CCXI.

Florentinus Lib. VIII. Institutionum.

FVndi *a* appellatione omne ædificium, & omnis ager continetur: sed in usu urbana ædificia ædes, *b* rustica, villæ dicuntur. Locus verò si-
ne

In Dig. Tit. de Verborum Signif. 315
ne ædificio, in urbe area, & rure au-
tem ager appellatur. Idemque ager
cum ædificio, fundus dicitur.

EXPLICATIO.

Fundi. a) Quid fundus, ager, villæ, ædes,
area, sit, explicat hic Iurisconsultus. Nos de
fundo, agro, supra *l. ager. 27. l. locus.*
60. l. questionis. 115. ff. hic. diximus; ubi
vide.

Ædes. b) *Ædium*, itemque ædificii ap-
pellatio tam ad rusticas, quam ad urbanas
habitationes pertinet. *l. tugurii. 180. ff. hic*
l. 41. §. sed si quis. ff. de legat. 1. Exinde in eo
Leg. 12. Tab. cap. quo de incendiariis agitur;
& interdicto de cloacis, *Ædium* appellatione
omnes species ædificii contineri traditur. *l.*
13. ff. de incend. ruin. naufr. l. 1. in princ. §.
deinde alt. ff. de cloac. Sed & in Interdicto
uti possidetis verba Prætoris, *uti eas ædes*, ad
omnes res soli, quæ possideri possunt, inter-
pretatione trahuntur. *l. 1. in princ. & §. ult.*
ff. uti possid. In usu tamen, *hic inquit Ictus*,
urbana ædificia ædes, rustica villæ appellan-
tur. Quanquam in censu villas omnes ædes
appellari scribat Varro. *lib. 4. de ling. latin.*
Ædes autem duobus constant, area seu solo,
& superficie. *l. 13. ff. de usucap. l. 49. ff. de*
rei vind. l. 39. ff. de legat. 2. Undè qui fun-
dum

dum excepto ædificio legat, non de superficie tantum, sed & de solo cogitasse intelligetur, sine quo ædificium stare non potest. *l. 81. §. qui fundum. ff. de legat. 1.* Est autem superficies, omne quod supra terram est: quapropter in prædiis urbanis parietes & tecta; & rusticis arbores, herbæ, frutices; superficiei adscribuntur.

Area. c) Area hic ICto est locus in urbe sine ædificio. Festo locus vacuus, quasi exaruerit, & non possit quidquam generare. Varro aream vocat, ubi frumenta secta terantur, & arescant. *ut & accipitur in l. Mela. §. fin. ff. de alim. leg. 1. fin. C. de servitut.* Alciatus hic tradit aream rusticam esse, & metaphoricè tantum in urbe dici; at cum Forcatulus *dialog. 16. Necyomantia.* redarguit; cum toties ICti aream pro urbano loco, in quo domus ædificetur posuerint. *l. si in area. ff. de cond. indeb.*

LEX CCXII.

Vlpianus Lib. 1. de Adulteriis.

PRævaricatores a eos appellamus, qui causam adversariis suis donant, & ex parte actoris in partem rei concedunt. à varicando b enim prævaricatores dicti sunt.

EXPLICATIO.

Prævaricatores. a) *Prævaricator* (à variando, id est, transversum eundo dictus) dupliciter in jure accipitur. Primò *prævaricator* dicitur is qui veras probationes & accusationes omittit, falsas probationes & rei defensiones admittit & colludit cum reo. *l. 1. §. 1. ff. ad SC. Turpill. l. athletas. ff. de his qui not. inf. l. hac.* Secundò *prævaricator* dicitur, *Advocatus*, qui corruptus est, & prodit causam. Ille, si publico Iudicio accusavit, *l. 1. §. 1. ff. de prævaric. arbitrio judicis extra ordinem: l. 2. ff. eod. vel eâdem poenâ publica afficitur, qua tenebatur, si ipse in legem commississet, quâ reus propter prævaricationem absolutus est: l. pen. ff. eod. & præterea fit infamis. l. 4. ff. eod.* Hic extra ordinem punitur. *d. l. 1. in fin. non tamen fit infamis. l. 3. §. 2. cum. l. seq. ff. eod.*

Varicando. b) *Varicari*, sive *prævaricari*, est distortis atque diductis pedibus in transversum variè ire. A tali incessu, vox *prævaricari* est deducta & in forum translata teste Vlpiano *hic.* & Plinio *lib. 18. cap. 19.* Vbi inquit; *Arator, nisi incurvus, prævaricatur; inde translatum hoc crimen in forum.*

LEX. CC XIII.

Idem Lib. I. Regularum.

Cedere diem *a* significat incipere deberi pecuniam. Venire diem significat eum diem venisse, quo pecunia peti possit. Vbi purè, *b* quis stipulatus fuerit: & cessit, & venit dies. Vbi in diem, *c* cessit dies, sed nondum venit. Vbi sub conditione, *d* neque cessit, neque venit dies pendente adhuc conditione.

EXPLICATIO.

Cedere diem. a) Cedere dies dicitur, cum obligatio contracta est, & ex ea quod in obligationem deductum est, debetur. Venire diem, est aliquid amplius, nempe eum venisse diem, quo quid non tantum debetur, sed & cum effectu peti & exigi potest. Cedere obligationem, debitum: Venire, petitionem & exactionem, respicit. Hoc explicat hic Ictus exemplis stipulationis puræ, in diem, & sub conditione. De quibus singulis videamus.

Vbi purè. b) In pura stipulatione & cessit & venit dies; id est, & res debetur & exigi confestim potest: cum nihil occurrat quod actionem

actionem moretur. *l. hac. l. cum qui.* 41. §. 1. *l. liber. homo.* 118. §. 1. ff. §. *omnis.* 4. *Inst. de verb. oblig. l. in omnibus.* 14. ff. *de div. reg. jur.* Prætor tamen, actione motâ & debitore in jus vocato, si is confiteatur debitum & paratus sit solvere, judicium in eum non dabit, *l. ex judicatum.* 16. ff. *judic. solvi.* sed ad solvendum, si petit, ei terminum præfiget, & dabit. *l. si debitori.* 21. ff. *de judic.* Illum puta ipsum, quem condemnatis dare solet. *d. l. si debitori.* 21. *in fin.* Qui olim erat triginta dierum, post ad bimestre, demum à Iustiniano ad trimestre spatium, productus est. *l. 2. & 3. C. de usur. rei jud.*

Vbi in diem. c) In stipulatione in diem concepta cessit quidem dies, id est, res debetur, sed nondum venit; id est, nondum exigi potest; puta cum effectu: & sic intellige. *l. certi.* 9. *in fin. princ.* ff. *de reb. cred. l. quoties.* 24. ff. *de oper. lib. l. existim.* 98. §. 1. *l. liber homo.* 118. §. 1. ff. §. *omnis.* 27. *Inst. de verb. obligat. l. 7. §. 1. l. si in diem.* 14. ff. *quib. ex causis. in poss.* Obligatio enim, & ex illa obligatione competens actio, (cum juris sint, & proinde non suspendantur.) quam primum competit: sed solutio, (quæ est facti, & proinde suspendi potest.) ante tempus, in quod promissum; peti quidem potest, sed non cum effectu. Atque ita actio quæ ex stipulatione in diem datur, exceptio-

ne eliditur. §. *at si ita.* 3. *Inst. de verb. oblig.*
 §. *temporales.* 10. *Inst. de except.*

Vbi sub conditione. d) Stipulatione sub conditione factâ dies, pendente conditione, nec cessit, nec venit; hoc est, res nec debetur, nec exigi potest. Quia cum conditionis ea sit natura ut actum suspendat & conditio dubia ipsum etiam contractum dubium faciat, atque adeò ex ea non obligatio, sed spes tantum obligationis esse possit; §. *sub conditione.* 4. *Inst. de verb. oblig.* eâ deficiente, nihil intelligitur actum, existente contractus tum demum robur suum habere incipit. Conditionem autem hic intelligimus propriè dictam. Quæ enim certum est esse extitutam, vel quæ tempus præsens respicit, pro pura habetur. *l. si pupillus.* §. 1. *ff. de novation.*

I D E M §. 1.

ÆS alienum *a* est, quod nos aliis debemus. Æs suum est, quod alii nobis debent.

EXPLICATIO.

Æs alienum. a) Æs omne nummorum pecuniæque genus significat; ut supra. *l. etiam aureos.* 159. *ff. hic.* diximus. Hinc æs alienum habere, (ut Seneca *lib. 5. de benef. c.*

14. scribit) dicitur , & qui aureos debet , & qui corium forma publica percussum , quale apud Lacedemonios fuit, vel aliud quidlibet, quod usum numeratæ pecuniæ præstet. Æs suum, quod nobis alij debent. Nostrum, rectius , etiam dicitur. Sic in ære nostro esse , pro in bonis nostris esse.

I D E M §. I I.

Lata culpa *a* est nimia negligentia: id est , non intelligere , quod omnes intelligunt.

E X P L I C A T I O.

Lata culpa. a) Vide explicationem hujus §. infra. in *l. lata. 223. & l. magna negligentia. 226.*

L E X C C X I V.

Marcianus Lib. I. Publicorum Judiciorum.

MVnus *a* propriè est , quod necessariò obimus lege , more , imperiove ejus , qui jubendi habet potestatem. Dona autem propriè sunt, quæ nulla necessitate juris , officii , sed
O 5 spontè

spontè præstantur, quæ si non præstentur, nulla reprehensio est: & si præstentur, plerumque laus inest. Sed in summa in hoc ventum est; ut non quodcunque munus, id & donum accipiatur: at quod donum fuerit, id munus rectè dicatur.

EXPLICATIO.

Munus, a) Munus hic à Dono ita distinguitur Ictus, ut illud dicat esse necessarium: hoc verò voluntarium, sive spontaneum: quod facile intellectu est, si modò munera pro iis oneribus accipiamus, à quibus qui liberi sunt, immunes appellantur. *l. munus. 18. ff. hic ubi vide.* Sic tamen sumta, donis nulla modo opponi possunt. Quod hic dicit. Non quodcunque munus, id & donum accipi; at, quod donum fuerit id munus rectè dicitur; Magnam habet difficultatem, inquit Hottomannus. Nam adeò inter se pugnant, ut alterum sit necessarium, alterum voluntarium; Vndè non facilè quis dixerit generis inter se & speciei vicem, (ut supra. *l. inter donum. 194. ubi vide. ff. hic* voluit Vlpianus) posse præstare. Propterea videtur ei *in verbo donum*, & particulam *Non* loco suo motam & in alienum translatam esse: ut sic legendum

gendum sit. *Sed in summa in hoc ventum est, ut quotcumque munus id & donum accipiatur : at non quod donum fuerit, id etiam munus rectè dicatur.* Sed hæc emendatio, quia omnium exemplarium fidei repugnat, non est recipienda. Præcipuè cum commodè Icti sententia explicari possit. Nempe ut dicamus cum dicere voluisse. Non omne munus donum solum modo significare, sed & onus si, ad necessitatem referatur; si ad liberalitatem, munus, puta doni speciem. *vide. l. munus. 18. supr. hic. & ibi. Gæd. axiom. 1, & l. inter donum. 194. ff. eod.*

L E X C C X V.

*Paulus Lib. Singulari ad Legem
Fusiam Caniniam.*

POtestatis verbo *a* plura significantur : in persona magistratuum imperium. *b* in persona liberorum, patria potestas. *c* in persona servi, dominium. *d* At cum agimus de noxæ deditioe cum eo qui servum non defendit : præsentis corporis copiam *e* facultatemque significamus. In lege Atinia in potestatem domini rem furtivam

tivam venisse videri, & si ejus vindicandæ potestatem *f* habuerit, Sabinus & Cassius ajunt.

EXPLICATIO.

Potestatis verbo. a) Potestatis variæ sunt significationes, ex quibus quinque enumerantur. Quas ordine enarrabimus.

Imperium. b) In persona magistratuum potestas significat Imperium; *l. 13. ff. de jurisdict. l. 3. ff. ne vis fiat ei qui in poss. l. 1. ff. ad leg. Jul. Majest. puta merum; l. 3. ff. de jurisd. l. solent. 6. ff. de offic Procons. l. nemo. 70. ff. de div. reg. jur.* Quod (sic dictum quod per se subsistat, nec quicquam Jurisdictionis in se complectatur. *l. 1. §. fin. ff. de off. ejus cui mand. jurisd.*) est omnis gravior facinoris animadversio. *ut videre est ex coll. d. l. 1. l. 6. l. 11. §. 1. ff. de offi. Procons. l. 3. ff. de jurisd.* Nam modica coercitio ad publicam disciplinam emendandam, sine qua vana est jurisdictio, Imperii non meri est. *l. 1. §. fin. l. ult. §. fin. ff. de off. ejus cui mand. jurisd.*

Patria potestas. c) In persona liberorum, potestas significat, patriam. Est autem patria potestas, jus illud quod pater, vel avus in personas liberorum, qui ex justis nuptiis procreati sunt, habet. *princ. Inst. de patr. potest.*

Hoc

Hoc autem jus proprium civium Romano-
rum est : quoniam à Lege XII. Tabularum
introducitur. §. *jus autem.* 2. *Inst. eod.* Sed
cum constitutione Antonini. *in l. qui in orbe.*
ff. de statu homin. omnes qui in Orbe Roma-
no sunt , cives Romani effecti sint , sequitur
ad omnes Christianos hodie illud pertinere.
Patriam autem potestatem sacram ac nexu
divino copulatam leges vocant. *l. cum in ado-*
ptivis. vers. cum enim. ff. de adoptiv. Inde in
sacris esse dicimus , pro in patris potestate ,
quæ sacra & sancta est. *l. fin. C. de bon. ma-*
tern. Seneca Stoicus de filio abdicato lo-
quens, *lib. 7. declam.* naturæ jura Sacra esse
confirmat , etiam apud piratas. Facit quod
vir & uxor participes sunt divinæ & humanæ
domus. *l. adversus. C. de crim. expil. hered.*

Dominium. d) Potestatis verbum non ad
liberos modò trahimus, sed & servos , & ad
eos , qui nobis bona fide serviunt , sive li-
beri sint , sive alieni servi , sive proprii, sive
fructuarii. Nec refert cujus sexus sint. *l. 1.*
§. in potestate. ff. de exercit. act. l. 1. §. ult. ff.
de tribut. act. l. 3. §. qui in ejusdem. ff. de do-
nat. int. vir. & uxor.

Præsentis corporis copiam. e) In potestate
servum habere, quod ad noxalem actionem
attinet, accipimus eum, qui facultatem & po-
testatem exhibendi ejus habet. Quod si in
fuga sit, vel peregre, non videbitur esse in
po-

potestate. l. 21. §. Prætor. ait. ff. de no-
xal. action.

Vindicandæ potestatem. f) In lege Atinia ,
in potestatem domini res furtiva , secundum
Sabini & Cassii interpretationem , venisse vi-
detur , si ejus vindicandæ potestatem habue-
rit : alii ita interpretantur , si ejus rei velut
sue possessionem ita nactus sit, ut justè avelli
ei non possit. l. 4. §. tunc in potestatem. ff. de
usurpation.

LEX CCXVI.

*Ulpianus Lib. I. ad Legem Æliam
Sentiam.*

VERUM est a eum, qui in carcere
clusus est , non videri neque vin-
ctum, neque in vinculis esse ; nisi cor-
pori ejus vincula sint adhibita.

EXPLICATIO.

Verum est. a) Vinc-tus , aut in vinculis
fuisse, in Lege Ælia Sentia , & aliàs ubi ver-
ba propriè considerantur, non videtur servus
qui carcere (Qui ad continendos homines,
non ad puniendos habetur. l. aut damnatum. 8.
§. solent. ff. de pœnis.) clusus fuit ; si vin-
cula corpori ejus non sint addita. In Edicto
tamen

tamen Prætorum de in integrum restitutionibus largius & latius, ex mente Prætoris, sumitur vinculorum appellatio; ut etiam inclusi, veluti latumiis, aut ut alii legunt latomiis, id est, cæsis lapidibus, (qualis dicitur olim fuisse carcer Syracusanorum,) in vinculis esse videantur. *l. succurritur. 9. ff. ex quib. caus. major.* Nec enim minus prohibentur & impediuntur nè possint agere, (Quod Prætor intuetur.) quam si vincti essent, cum nihil intersit an quis parietibus, an compedibus teneatur. *d. l. succurritur. 9. vers. vinculorum.*

LEX CCXVII:

*Javolenus Lib. 1. ex Posterioribus
Labeonis.*

INter illam a conditionem, *Cum fari potuerit, & Postquam fari potuerit* multum interest. Nam posteriores scripturam, uberiores esse constat: at *Cum fari potuerit* arctiorem: & id tantummodo tempus significari, quo primum fari possit.

EXPLICATIO.

Inter illam, a) Cum & Postquam multum differunt;

runt ; Illud significat tempus inchoatum ; Hoc sui natura perfectum, præteritum. *l. hac.* Hinc conditio, *cum fari potuerit*, statim cum quis primum potest loqui impletur ; non conditio *pòstquam fari potuerit* ; utpote que tempus successivum aliquod designat. Fari autem nihil aliud est quam ferre, id est, loqui. *Ulpian. l. 2. ff. rem. pup. salv. fore. l. 5. ff. de div. reg. jur.* Quanquam Varro inter fari & loqui hoc interesse scribit, quod fatur is, qui primus significabilem vocem ore emit, nullo verborum ordine servato ; undè pueri, antequam id faciant, infantes dicuntur. Loquitur autem is, qui suo loco unumquodque verbum sciens ponit.

I D E M. §. I.

Item ita datâ conditione, *Illud facito in diebus*, si nihil præterea fuisset adjectum, in biduo a conditionem impleri oportet.

E X P L I C A T I O.

Biduo. a) Quia pluralis elocutio duorum numero contenta est. *l. libertas. 17. §. fin. ff. de manum. test. l. ubi numerus. 12. ff. de testib.* Nisi ex ipsa re, vel loco, major dilatio implendæ conditionis se offerat, §. *loca. Inst. de verb.*

In Dig. Tit. de Verborum Signif. 329
verb. oblig. l. continuus. §. 1. ff. eod. §. fin. Inst.
de inutil. stipul.

LEX CCXVIII.

Papinianus Lib. XXVI I. Quaestionum.

Verbum *Facere* a omnem omninò faciendi causam complectitur: dandi, solvendi, numerandi, iudicandi, ambulandi.

EXPLICATIO.

Facere. a) Verbum facere, cum effectum juris post se relinquit, vide *l. faciendi. 175. ff. hic.* perquam generale est, & omnem omninò faciendi causam complectitur. Sic facere interpretamur pro dare. *l. si heres iussus. 73. ff. de legat. 1. l. 8. §. si quis mandaverit. ff. mand. l. 4. §. ult. ff. de appellat. solvere, l. sunt qui. ff. de re jud. l. ult. C. de reb. cred. numerare, l. hac. iudicare, ambulare, l. 6. §. si quis autem. C. de appell. l. 4. §. Cato. ff. de verb. oblig. procreare, l. cum satis. C. de agric. lib. 11. sollicitare; in pacto nè servum quis faciat furem, reddere; *l. licet. 178. ff. hic.* restituere, *l. verbum. 94. ff. hic.* accusare, *l. si uteris. ff. de fid. instrum. detegere, l. 3. ff. de susp. tut.**

tut. reficere, l. si servus servum. §. si calicem. ff. ad leg. Aquil. l. Mutius. ff. de rei vind. l. 1. ff. de mort. inferend. exercere, l. 26. ff. de oper. libert.

L E X C C X I X.

Idem Lib. II. Responsorum.

IN conventionibus contrahentium voluntatem potius, *a* quam verba, spectari placuit. Cum igitur, *b* ea lege fundum vectigalem municipes locaverint ut ad heredem ejus, qui suscepit, pertineret: jus heredum ad legatarium quoque transferri potuerit.

E X P L I C A T I O.

Voluntatem potius. a) Quia contractus omnes ex conventionem legem accipiunt. l. 1. §. 6. ff. de positi. l. contractus. 23. ff. de verb. oblig. Quia semper in contractibus sive bonæ fidei sint, sive stricti juris, id sequimur quod actum est, etiamsi verba improprie accipiantur: l. semper in stipulationibus. 34. ff. de div. reg. jur. l. Nepos Proculo. 125. ff. hic. l. sed Celsus. 6. §. si fundus. 1. ff. de contr. emt. l. 2. §. 1. ff. de hered. vel. act. vend. fac. l. si unus. ff. de pact. Veritas enim omnibus præferenda

da est. *Gloss. in c. ego. dist. 9. l. 1. & l. 3. C. plus val. quod agit.* Quod verum est, si de voluntate certis quibusdam signis constet; aliàs verbis aut scripturæ standum. *l. cum precibus. C. de probat. l. 13. in fin. C. de contr. stip. text. l. si alii. 19. ff. de usufr. leg.* Constat de ea vel expressè, *l. Titia. & l. ita stipulatio. ff. de verb. obl. puta ex præfationibus, vel præcedenti tractatu: vel tacitè; d. l. semper in stipulationibus. 34.* ut quia natura contractus, *d. l. sed Celsus. §. si fundus. l. 38. §. 18. l. 99. ff. de verb. oblig. qualitas rei, l. hac. mos regionis, d. l. semper in stipulationibus. 34. l. 4. ff. de tritic. vin. leg. & fac. l. item Mela. ff. de alim. leg. l. si fundus. ff. de evict. l. si prius. 17. §. 1. ff. de aqua plur. arc. vel contrahentium consuetudo, arg. l. universorum. ff. de pignor. act. & l. qui semisses. 13. in fin. ff. de usur. l. si servus. 50. in fin. ff. de legat. 1. & l. 21. §. si quid ff. qui test. fac. l. 3. in fin. ff. de testib. c. jus quod actum est conjecturam inducant.*

Cum igitur. b) Quia id quod actum est, ex natura contractus colligitur; *d. l. sed Celsus §. si fundus.* & natura locationis emphyteuticus est, ut & fundus emphyteuticarius, & ad heredem conductoris, & successorem singularem, nisi aliter expressè sit actum, transferri possit; merito hic inquit *l. C. tus* non tantum heres, sed & legatarius ad emphyteusim admitti debet. Præcipuè cum in eo nullū sit locatori præjudiciū.

Quippe

Quippe legatarius propria auctoritate possessionem nequit ingredi, sed ab ipso est introducendus. *l. 3. C. de jur. emphyt.*

L E X C C X X.

Callistratus Lib. II. Quæstionum.

Liberorum a appellatione nepotes, & pronepotes, cæterique, qui ex his descendunt, continentur. hos enim omnes suorum appellatione Lex duodecim tabularum comprehendit. totiens enim leges necessarium ducunt in cognatione singulorum nominibus uti; veluti. *Filii, nepotis, pronepotis, cæterorumque, qui ex his descendunt:* quotiens non omnibus, qui post eos sunt, præstitum voluerint; sed solis his succurrent, quos nominatim enumerent. At ubi non personis certis, non quibusdam gradibus præstatur, sed omnibus qui ex eodem genere orti sunt: liberorum appellatione comprehenduntur.

EXPLICATIO.

Liberorum. a) Liberorum appellatione nepotes & pronepotes. cæterique ex his descendentes, *l. hac. & l. cognoscere. 56. §. 1. supra hic ubi vide.* continentur, primum quod Lex duodecim tabularum hos omnes appellat liberos; Deinde, quod natura nos hanc interpretationem docet: quum videamus pios parentes, liberorum procreandorum animo & voto uxores ducere, ut non filios solum, sed etiam nepotes & deinceps alios concipientes atque edentes, ex prole utriusque sexus diuturnitatis memoriam in ævum relinquunt. §. *fin. hic.* Et indè in communem usum receptum est, quod filiorum appellatione omnes, qui ex nobis descendunt, comprehendantur. *l. filii. 84. ubi vide. ff. hic. Quæ de re infra.* Interim tamen non frustra singularum cognationum nomina sunt inventa, ut aliter filii, aliter nepotes, pronepotes, & cæteri ex his descendentes appellentur. Nam toties his utendum est necessariò, quoties lex non omnibus descendantibus, præstitum aliquid voluerit, sed solis his qui nominatim enumerantur. At ubi non personis certis, sed omnibus qui ex eodem genere orti sunt, præstat, convenit liberorum appellatione generaliter intelligi nepotes, pronepotes, & cæteros, qui ex his descendunt. *hic. & l. cognoscere.*

gnoscere. § 6. §. 1. & l. filii. 84. ff. hic. & §. ult. Inst. qui test. tut. dare. l. sed si. 10. §. 9. ff. de in jus voc.

I D E M §. 1.

Sed & Papirius Fronto a libro tertio responsorum ait, *pradio cum villico & contubernali b ejus & filiis legato.* nepotes quoque ex filiis contineri : nisi voluntas testatoris aliter habeat. Filii enim appellatione sæpe & nepotes accipi multifariam placere.

E X P L I C A T I O.

Sed & Papirius Fronto. a) Filii appellatione, si de eo alterius respectu disponatur, nepos non comprehenditur ; nisi dura aliqua separatio induceretur, ut in hoc exemplo, & cum quis ancillam cum filiis legat. Non enim verisimile testatorem voluisse à patribus suis filios separari. *l. uxorem. 41. §. 2. §. concubinae. 5. ff. de legat. 3.*

Contubernali. b) Hoc est ancilla conjuge, *l. pen. C. com. utriusq. iud.* Non enim propriè conjunx est, quam servam servus in contubernio suo habet, sed contubernalis appellanda.

landa. ut in *l. Pamphilo. §. propositum. d. l. uxorem. 41. §. codicillis. §. concubinae.* unde ex utroque descendentes contubernales dicuntur. *d. l. 41. §. codicillis.*

IDEM §. II.

DIVUS quoque Marcus rescripsit, non videri sine liberis defunctum, qui nepotem suum heredem a reliquit.

EXPLICATIO.

Heredem. a) Si non moritur sine liberis, qui relicto nepote moritur, *l. 1. C. de condit. insertis &c. l. jubemus. 6. §. sin autem. 2. C. ad SC. Trebell.* (Nam quem sine liberis dicere non possumus; hunc necesse est dicamus liberos habere. *l. nam quem. 149. sup. hic.*) multò magis sine liberis non morietur, qui nepotem, cumque heredem relinquit.

IDEM §. III.

PRÆTER hæc omnia natura nos quoque docet parentes pios, qui liberorum procreandorū animo a & voto uxores ducunt:

gnosceret. § 6. §. 1. & l. filii. 84. ff. hic. & §. ult. Inst. qui test. tut. dare. l. sed si. 10. §. 9. ff. de in jus voc.

I D E M §. 1.

Sed & Papirius Fronto a libro tertio responsorum ait, *pradio cum villico & contubernali b ejus & filiis legato*. nepotes quoque ex filiis contineri : nisi voluntas testatoris aliter habeat. Filii enim appellatione sæpe & nepotes accipi multifariam placere.

E X P L I C A T I O.

Sed & Papirius Fronto. a) Filii appellatione, si de eo alterius respectu disponatur, nepos non comprehenditur; nisi dura aliqua separatio induceretur, ut in hoc exemplo, & cum quis ancillam cum filiis legat. Non enim verisimile testatorem voluisse à patribus suis filios separari. *l. uxorem. 41. §. 2. §. concubinae. 5. ff. de legat. 3.*

Contubernali. b) Hoc est ancilla conjuge, *l. pen. C. com. utriusq. jud.* Non enim propriè conjunx est, quam servam servus in contubernio suo habet, sed contubernalis appellanda.

landa. ut in *l. Pamphilo. §. propositum. d. l. uxorem. 41. §. codicillis. §. concubinae.* unde ex utroque descendentes contubernales dicuntur. *d. l. 41. §. codicillis.*

IDEM §. II.

DIVUS quoque Marcus rescripsit, non videri sine liberis defunctum, qui nepotem suum heredem a reliquit.

EXPLICATIO.

Heredem. a) Si non moritur sine liberis, qui relicto nepote moritur, *l. 1. C. de condit. insertis &c. l. jubemus. 6. §. sin autem. 2. C. ad SC. Trebell.* (Nam quem sine liberis dicere non possumus, hunc necesse est dicamus liberos habere. *l. nam quem. 149. sup. hic.*) multò magis sine liberis non morietur, qui nepotem, eumque heredem relinquit.

IDEM §. III.

PRÆTER hæc omnia natura nos quoque docet parentes pios, qui liberorum procreandorū animo a & voto uxores ducunt :

ducunt: filiorum appellatione omnes qui ex nobis descendunt, contineri: nec enim, dulciore nomine possumus nepotes nostros, quam filii, *b* appellare: etenim idcirco filios filiasve concepimus, atque edimus, ut ex prole eorum earumve diuturnitatis nobis memoriam in ævum relinquamus.

EXPLICATIO.

Liberorum procreandorum animo. a) Fines enim nuptiarum sunt, liberorum educatio, constitutio familiarum, nominis & familiarum conservatio, *l. 9. C. de question. generis humani conservatio*, ut sit veluti quædam immortalitas, *l. 14. C. de legit. hered. Theophil. in princ. Inst. de jur. nat. gent. & civ. certitudo prolis, l. 83. ff. de cond. & demonst. stupri vitatio*. Qui enim explendæ libidinis causa sibi invicem copulantur, non tam conjungi, quam fornicari videntur. *c. pudor. 32. qu. 2.*

Quam filii. b) Hinc patet filii appellatione nepotem non propriè, sed ex interpretatione, quam ex similitudine rationis fit extensio, comprehendì. Quare, *ut recte Alciat. lib. paradox. 3. cap. 14.* filii vox, si de legis dispositione loquimur, ad nepotes, non
antem

tantum in favorabilibus, sed & odiosis, *l. filius. ff. ad SC. Maced. l. Senatus. ff. de ritu nupt. l. 2. §. si mater. ff. ad SC. Tertyll. producitur.* Nisi ratio diversa, diversum exigat jus. Exempli gratia. Miles à tutela, præterquam filii commilitonis excusationem habet. *l. sed & milites. 8. in princ. ff. de excusat. tut.* Quid si sit nepos? Certè in eo est diversa ratio: quia avus, non pater, militavit. At in dispositione hominis, (ut est tutelæ datio. *l. quod si nepotes. ff. §. fin. Inst. qui test. tut. dar.*) dictio filiorum ad nepotes non prorogatur; quoniam in ejusmodi materia regulariter nulla fit extensio: nisi proferentem de nepote quoque sensisse, ex conjecturis conjiciamus. Ut cum alioquin dura separatio induceretur, ut in *§. 1. preced. & l. uxorem. 41. §. 2. & §. concubinae. ff. de legat. 3.* vel extranei suis præponerentur, *l. Lucius. ff. de hered. instit.* vel usus testatoris hoc suaderet, *l. alimenta. ff. de aliment. legat.* vel aliàs actus effectum non sortiretur: & si quæ aliæ conjecturæ sunt similes. Idem si natura contractus hoc exigat; ut cum vasallus feudum pro se & filiis accipit; *Bald. in c. quæ in ecclesiæ. in pen. col. vers. sed pone. de constit. las. in l. 2. col. 65. in 6. qu. C. de jur. emphyt. Alex. cons. 17. ponderatis. in prim. dubit. in 5. lib. las. in l. Gallus. §. instituens. ff. de lib. & posth.* Ratio differentia est. inquit

Myusing. ad. § fin. Inst. qui test. tut. dare.
 Quia facilius legis verba extenduntur, quam hominum, cum hæc non producantur, nisi ex mentis conjectura: sed Lex voluntatem semper exploratam habet.

L E X C C X X I.

Paulus Lib. X. Responsorum.

PAulus respondit, falsum tutorem
a. eum verè dici, qui tutor non
 est, sive habenti tutor datus est, sive
 non. sicut falsum testamentum, quod
 testamentum non est. *b* & modius
 iniquus, qui modius non est. *c*

E X P L I C A T I O.

Falsum tutorem. a) Ob id quod falso tutore autore gestum est, in integrum restitutionem dat Prætor. *l. 1. ff. quod falso tut. auct. gest.* Falsus tutor est qui verè tutor non est datus, *hic. Et d. l. 1. §. 1.* vel qui datus est, sed perperam, & inutiliter, tutorem scilicet habenti: *l. hac.* vel contra juris prohibitionem, *positam in §. interdum. Inst. de curat.* videlicet. quando non fuerit datus à testatore, aut à lege, nec à iudice, sed ab illo qui dare non poterat; quando habenti tutorem; *ut patet in Tit.*

Tit. Cod. in quib. cas. tut. h. b. tut. dari. vel si datus fuerit in minus solemnī voluntate, quo ad effectum. l. 2. C. de confir. tut. vid. l. naturali. §. 1. ff. eod. Hinc patet tutorem inutiliter datum propriè tutorem non dici. l. 3. §. 1. ff. de testam. tut.

Testamentum non est. b) Propriè puta, abusivè enim testamentum dicitur. *l. 2. §. 1. ff. quemadmod. testam. aper.*

Modius non est. c) Modius iniquus, id est, falsus, (ut Accursius hic interpretatur) non est modius. Quod de statera modio proxima Galenus. *lib. 1. de iustis ; id est, de bona habitudine*, tradit. Statera inquit, falsa, sive injusta, non est simpliciter statera, sed statera falsa.

LEX CCXXII.

Hermogenianus Lib. II. Iuris Epitomarum.

PECUNIÆ a nomine non solum numerata pecunia : sed omnes res tam soli, quam mobiles, & tam corpora, quam jura continentur.

EXPLICATIO.

Pecunia, a) Pecuniæ verbum simpliciter

prolatum , non tantum rem mobilem & quantitatem significare , verum etiam immobilem, neque solum species & corpora, sed etiam jura & universitatem, supra *l. pecunia. 178. ff. hic.* diximus. Nam & hereditatem, *l. saepe. § 2. ff. hic.* & res in hereditate existentes, *l. cum stipulamur. 97. ff. hic.* & jura tam obligationum & actionum, quam servitutum, interdictionum, & similium, comprehendit. *l. hac. & l. 1. § fin. l. seq. ff. de calumniat. l. singularia. ff. de reb. cred. l. 1. in princ. & §. debitum. l. haftenus. 11. l. 14. §. 1. l. qui injuriarum. 29. ff. de const. pec. l. 2. C. eod. l. 20. §. 1. ff. de serv. stip.*

L E X C C X X I I I.

Paulus Lib. II. Sententiarum.

L Atæ culpæ finis *a* est , non intelligere id , quod omnes intelligunt.

E X P L I C A T I O.

Finis. a) Vult, hic ut & supra *l. cedere. 113. §. fin.* Ictus quantamcunque latam culpam latius aut longius extendi non posse, quam ad eum usque negligentiae & ignorantiae gradum, ut quis non intelligat id quod omnes intelligunt. Ex quo patet nullam esse, quam

quam nonnulli Interpretes comminiscuntur, latissimam culpam. Cætera quæ hic pertinent vide infra. *l. magna. 226.*

I D E M §. I.

AMicos *a* appellare debemus, non levi notitia conjunctos; sed quibus fuerint Iura cum patrefamilias *b*, honestis familiaritatis quæsitæ rationibus.

EXPLICATIO.

Amicos. a) Amicos ergò non dicimus levi notitia conjunctos, nec benevolos, (alii sunt benevoli, alii amici;) sed eos quibus cum justæ, honestæ & magnæ necessitudinis causæ intercesserunt.

Cum patrefamilias. b) Id est, cum tutore, vel etiam cum patre pupilli. (Lex enim hæc, cum Paulus lib. 2. sententiarum de tutelis tractaverit, ad tutelarum tractatum referenda.) Nam & præsentibus cognatis, propinquis & amicis paternis solet Prætor pupillo alimenta decernere, & ubi sit alendus statuere. Solent & amici parentum pupillis tutorem petere, & tutorem suspectum facere. *l. 2. ff. qui pet. tut. l. is qui. ff. de negot. gest. Cujac. 7. obs. 8.*

LEX CCXXIV.

Venulejus Lib. VII. Stipulationum.

Vinculorum a appellatione, vel privata, vel publica vincula significant. custodiæ verò, tantum publicam custodiam.

EXPLICATIO.

Vinculorum. a) Vinculorum appellatione vel publica vel privata vincula significantur. Et ideò Edicto Prætoris de in integrum restitutione majorum verba hæc: *Sive in vinculis esset*, non ad eum tantum pertinent, qui publicâ custodiâ coercetur, sed ad eum quoque, qui à latronibus, aut prædonibus, vel potentioribus vi oppressus vinculis teneatur: Sed inclusi latumisiis vinctorum numero habentur; quatenus nihil interest, parietibus quis, an compedibus teneatur. In vinculis quoque esse accipimus eos, qui ita alligati sunt, ut in publico parere sine dedecore non possint. *l. 3. et 10. ff. ex quib. caus. major.* Custodiæ autem appellatione sola publica intelligitur. *l. hac. et d. l. 9. et l. 3. §. lege Julia. ff. de testib.* Ratio differentię. Quia
facilius

facilius custodiam privatam evadere, quam vincula dissolvere. Fortius enim & strictius, præmunt vincula, quam custodia, nisi cum custodia publica est. Hanc enim violare non licet impunè nec si de facto violandi facultas præbeatur. *ut notat. Accurs. ad l. 9. ex l. si captivus, 20. in fin. ff. de capt. & postl. rev. junde. l. pen. ff. de custod. & exhib. reor.* Denique quod custodiæ privatæ prohibitæ sint, tanquam quæ Principis quoque majestatem ledant. *l. 1. in fin. C. de privat. carcer. inhib.* At privata vincula soli ei qui vinculis coercetur, non Principi, injuriam faciunt.

L E X C C X X V.

Tryphoninus Lib. 1. Disputationum.

FUGITIVUS *a* est, non is qui solum consilium fugiendi à domino suscepit, licet id se facturum jactaverit: sed qui ipso facto fugæ initium mente deduxerit. nam & furem, adulterum, aleatorem, quanquam aliqua significatione ex animi propositione cujusque sola quis dicere posset: ut etiam is, qui nunquam alienam rem

invito domino subtraxerit, nunquam alienam matremfamilias corruperit, si modò ejus mentis sit, ut occasione data id commissurus sit: tamen oportere eadem hæc crimina assumpto actu intelligi, & ideò fugitivum quoque & errorem *b* non secundum propositionem solam, sed cum aliquo actu intelligi constat.

EXPLICATIO.

Fugitivus. a) Fugitivus quis sit definit O-filius: Fugitivus est, qui extra domini domum fugæ causa, quo se à dominio celaret, mansit. Cassius scribit fugitivum esse, qui certo proposito dominum relinquit. Item apud Vivianum relatum est, fugitivum ferè ab affectu animi intelligendum esse, non utique à fuga. *l. quis sit. 17. in princ.* & §. 1. 2. 3. ff. de Edil. Edict.* Quod sic accipiendum est, ut tamen solo proposito & consilio fugiendi à Domino, servus fugitivus non fiat, nisi in ipsum factum fugæ vitium mentis deduxerit. *l. hac.* Non tamen omnis fuga fugitivum facit, sed quæ fugiendi animo fit. Hinc qui hostem, latronem, incendium, ruinamve fugit, quamvis fugisse verum sit, non tamen fugitivus est. *d. l. quis sit. 17. §. 13.*
Item

In Dig. Tit. de Verborum Signif. 345

Item nec is qui à præceptore cui in disciplinam traditus erat, aufugit ideò, quia immeratè eo utebatur. *d. l. quis sit. 17. §. 3. vers. item.* Nec qui ad asylum, aut statuam Principis, confugit. *d. l. quis sit. 17. §. apud Labeonem. 12.*

Erronem. b) Erro est, qui non equidem fugit, sed frequenter sine causa vagatur & temporibus in res nugatorias consumptis, serius ad dominum redit. *d. l. quis. 17. §. erronem. 14.* Hunc etiam non secundum propositionem mentis solam, sed cum aliquo facto intelligi decet. *l. hac.* P. Nigidius erronees etiam stellas, quas alii erraticas, appellat. teste Gellio. *lib. 3. Noct. Attic. cap. 10.*

L E X C C X X V I.

Paulus Lib. 1. Manualium.

Magna negligentia, a culpa est.
magna culpa, dolus est.

EXPLICATIO.

Magna negligentia. a) Culpa vel consideratur in genere, & omne delictum, & quodcumque actum illicitum includit: *l. si servum. 91. §. 1. ff. de verb. obl.* vel in specie, ut à dolo vero separata est. Quam Corras. *lib. 3. Miscell. cap. 1.* definit, ut sit imprudentia

quâ homines circa res alienas vel negligunt, quod fieri oportet; vel faciunt, quod omitti debet. Quantò autem culpa dolo & nequitie proximior est, eò latior & gravior est: & rursus eò levior est, quò remotior est non solum à scelere, verum etiam sceleris suspicionem. *Comm. lib. 7. comment. Iur. Civ. cap. 4. f. l. 3. §. 1. fac. l. homo liber. § 4. §. sed damnum. ff. de acq. rer. dom. l. militis. ibi, pro modo culpæ. ff. de custod. reor.* Est culpa latior seu lata desidia & negligentia, tam reprehensibilis, & injusta, ut secundum communem sensum non possit excusari; Ut si quis faciendo, aut prætermittendo non intelligat quod omnes intelligunt; *l. cedere diem. 213. §. fin. & l. late culpæ. 223. ff. hic.* Aut si quis ad eum modum non curat res alienas, quam natura hominum desiderat. *l. quod Nerva. 23. ff. de pos.* Hinc magna negligentia, *l. hac. quæ & gravior, d. l. homo liber. § 4. §. 2. lata, l. 7. §. competit. ff. de adm. tut. ad civ. pert. dissoluta, l. 29. in princ. ff. mand. manifesta, l. 2. C. arbit. tut. dicitur, dolo æquiparatur, l. 1. ff. si mens. fals. mod. l. questum. §. eum. ff. de precar. l. 1. §. non alias. ff. si is qui test.* (puta in civilibus, non criminalibus, *l. 7. ff. ad l. Corn. de sicar.* Ratio est, in *l. interpretatione. ff. de pæn.*) imò dolo est, *l. hac. Et d. l. quod Nerva. 32.* puta non revera & sua essentia; (Dolus enim à

lata

lata culpa distinguitur; *l. quicquid. C. arb. tut. l. 22. §. sed enim. ff. ad SC. Treb. l. 2. C. de in lit. cur.*) sed effectū & juris interpretatione. *Connan. d. lib. 7. cap. 4. num. 7.* Levior seu levis culpa, est incuriositas vel negligentia, quam alii plerunque homines in rebus suis evitare solent. Id enim peccatur duntaxat levi culpa; quod non tam diligens fuit, sicut alius quispiam circumspectior fuisset. *l. si cum venderet. in fin. §. l. seq. ff. de pignor. act. l. si putator. ff. ad leg. Aquil.* Levis dicitur, non quod aliquando non magnum damnum adferat, sed quod nulla plane conjectura animus mali conscius colligi potest; sed sola simplicitas. Quæ est, omnis animi segnities, vel rusticitas, vel inertia. *l. 3. §. fin. ff. de susp. tut.* Hinc culpæ cum simpliciter in lege fit mentio levis intelligitur: quæ à dolo distinguitur, *l. 3. §. 1. vers. nisi forte. ff. naut. camp. stab. l. si ut certo. §. nunc videndum. ff. commod. l. in venditione. §. pen. ff. de reb. aut. jud. poss. l. 26. §. fin. ff. de noxal. l. 21. §. culpam. ff. de Ædil. Edict.* Levissima culpa est, quam non nisi sagacissimus & diligentissimus præcavere potest. *l. 1. §. & ille. vers. 15. v. 20. ff. de Obl. & Act. l. si merces. §. pen. ff. locati.* Ea sæpius intelligitur, quando vel diligentia verbum, in lege; *l. cum res. 47. §. culpa ff. de legat. 1. §. igitur. vers. quo casu. Inst. de oblig. quæ ex quasi contr.*

vel custodiæ verbum in legis dispositione
 apponitur. *l. si gratuitam. §. si cum mihi. ff. de
 præscr. verb.*

L E X C C X X V I I.

Idem Lib. II. Manualium.

EX illa a parte Ediæti, *Tum quem
 ei heredem esse oportet*, heredis
 heredibus bonorum possessio non de-
 fertur.

E X P L I C A T I O.

Ex illa. a) Licet heredis appellatio non
 solum ad proximum, sed & ultiores, ut
 heredis heredes referatur; *l. heredis. 65. &
 l. sciendum. 70. ff. hii.* tamen certis casibus,
 ultra proximum non extenditur. Nonnullos
 supra ad d. *l. attulimus*, hic cum ICto duos
 addimus; *unum in princ. legis; alterum in §.
 seq.* In principio refert, Ediæti, quo unde le-
 gitimi ad bonorum possessionem vocantur,
 verba. quæ sunt *Tum quem ei heredem esse o-
 portet*, adde, *si intestatus mortuus esset, bonorum
 possessorem faciam. l. 1. & l. 4. ff. unde legit.
 Quibus legitimi tantum significantur here-
 des, id est, ab intestato. l. 2. §. 1. §. fin. ff.
 eod.* sed tamen qui proximi sunt licet verbum
 proximus Ediæto non sit insertum. *§. 2. &
 3. Inst.*

3. *Inst. de legit. agnat. success.* Non mirum ergò heredis heredem ad bonorum possessionem à Prætore non admitti; cum non æquè proximo, aut nullo penitus gradu, cum qui intestatus mortuus est attingat.

I D E M. §. 1.

Item in substitutione a his verbis, *Quisquis mihi heres erit*, proximus heres tantum significatur. Imò non tantum proximus heres, sed etiam scriptus.

EXPLICATIO.

In substitutione. a) Refert hic Ictus alterum casum, & dicit In substitutione, *Quisquis mihi heres erit, Titio filio meo, si pupillus moriatur, heres esto.* proximum heredem intelligi. Ratio. Quia substitutionis pupillaris spes ad heredem, non transmittitur. *l. sed si plures. ff. de vulg. & pup. subst.* Cætera quæ hic pertinent vide supra. *l. sciendum, 70.*

L E X C C X X V I I I.

Idem Lib. Singulari de Cognitionibus.

Municipes a intelligendi sunt, & qui in eodem municipio nati sunt.

E x-

EXPLICATIO.

Municipes. a) *Municipes* (inquit Gellius *lib. 16. Noct. Attic. cap. 13.*) erant cives Romani, ex municipiis, (id est, civitatibus à populo Romano in societatem suorum munerum ac honorum receptis.) suo jure & legibus suis utentes, muneris tantum cum Populo Romano honorarii participes, à quo munere capeffendo appellati videntur, nullis aliis necessitatibus, neque ulla Populi Romani lege astricti, cum nunquam Populi Rom. eorum fundus factus fuisset: postea abusive suæ cujusque civitatis cives *municipes* dicti sunt. *l. 1. §. 1. ff. ad munic.* ab eo quod munera civilia capiant. *l. 18. ff. hic.* *Municipes* autem, Aut nativitas facit, *l. 1. in princ. ff. ad munic. l. hac.* hoc est, origo; *d. l. 1. in princ. & l. fin. ff. ad munic.* filius enim justus sequitur originem patris, *d. l. 1. §. 2.* spurius matris; *d. l. 1. §. fin. l. 9. ff. eod.* Aut manumissio; libertus enim originem patroni sequitur: *l. 6. §. fin. l. 22. cum ll. seq. ff. eod.* Aut adoptio; sequitur enim adoptatus originem adoptantis: *l. 15. §. fin. l. 17. §. 9. ff. eod.* Aut adlectio; ut cum municipium aliquem eligit; *l. cives. C. de incol. & civitate donat.*

L E X C C X X I X.

*Idem Lib. Singulari de Tacitis
Fideicommissis.*

TRANSACTA a finitave intelligere debemus, non solum quibus controversia fuit, sed etiam quæ sine controversia sunt possessa.

EXPLICATIO.

Transacta. a) Transactio, à transigendo, hoc est, finem imponendo, dicta, duplicem habet significationem: Vnam propriam, quum aliquo dato vel recepto, timore præsentis, vel futuri judicii, in re dubia conventum decisumque est. *l. 1. ff. de transact.* Alteram generalem; ut accipiatur ipso quocunque actu, quo concordia inducitur, vel ab obligatione receditur, *l. 1. ff. de pact.* vel ad finem aliquid deducitur. Vndè transagere æstatem Plinius dixit. Hinc in Senatusconsulto Tertylliano, quo *Quæ transacta, finitave sunt, rata maneant*, cautum, transacta finitaque intelligimus, non solum de quibus controversia fuit; & bona fide ut transactio valeat, *l. 19. C. de transact.* transacta, sed etiam quæ sine controversia sunt possessa;

possessa; *l. hac. vel consensu, vel longo silentio sopita. l. 1. §. fin. ff. ad SC. Tertyll.* Hæc ne procedatur ulterius, si opponantur, cū sint exceptiones litis finitæ, litis contestationem impediunt. *c. 1. de lit. cont. in 6.*

L E X CCXXX.

Idem Lib. Singulari ad Senatus-Consultum Orfitianum.

UT sunt a iudicio terminata, transactione composita, longioris temporis silentio finita.

E X P L I C A T I O.

Ut sunt. a) Narrat hic Ictus tres exceptiones peremptorias, quæ actionem sublatam esse ostendunt, undè (cum aliàs peremptoriæ exceptiones post litem contestatam sint opponendæ, & agentis intentione probatâ, probandæ. *l. 9. C. de except. c. venerabilis. eod.*) & ante litem contestatam, *las. num. 15. 16. post. Castr. in l. nam postea. 9. ff. de jurejur. Bald. in l. 4. circa fin. C. de pact. ad impediendum litis ingressum, las. post Bart. in d. l. nam postea. num. 16. 17. Bart. in l. cum quarebatur. ff. jud. solv. opponi & in continenti probari possunt. Bart. in l. fin. num.*

*In Dig. Tit. de Verborum Signif. 353
num. 3. ff. pro suo. Bald. & Dd. in l. Edicto.
C. de Edict. D. Hadr. toll.*

L E X C C X X X I

*Idem Lib. Singulari ad Senatus-
Consultum Tertyllianum.*

QUOD dicimus eum qui nasci spe-
ratur, a pro superstite esse: tunc
verum est, cum de ipsius jure quæ-
ritur. aliis autem non prodest, nisi
natus.

E X P L I C A T I O.

Qui nasci speratur. a) Eum qui in utero
est, pro nato haberi: si quidem de ipsius
commodo quæritur, supra *l. intelligendus.*
153. diximus. ubi v. de. Hic addimus eum
aliis non prodesse. Imò nec patri, ad jus
trium liberorum consequendum: *l. 2. ff. de*
excus. tut. nec matri. Quia personalia privi-
legia ad alios non porriguntur. *l. quia tale. 13.*
ff. solut. matr. l. ex pluribus. 42. ff. de admin.
tutor. Mulier tamen prægnans, cum spes in
lucem prodituri hominis non sit extinguen-
da, neque torqueri, neque summo suppli-
cio puniri potest. *l. prægnantibus. ff. de pœnis.*
l. Imperator. ff. de statu hom. Quintilianus in
Declam.

*Declam. 277. Supplicia, inquit, pregnantium
lex differri in diem partus jubet.*

L E X C C X X X I I .

*Cajus Lib. I. de Verborum Obliga-
tionibus.*

HÆc enuntiatio, a *Quæ sunt plu-
ris aureorum triginta*; simul &
quantitatis & æstimationis significati-
va est.

E X P L I C A T I O .

Hæc enuntiatio. a) Quoties itaque dicimus
patrimonium Titii pluris est aureorum tri-
ginta; non solum quantitatem triginta au-
reorum, sed & æstimationem specierum quæ
sunt in patrimonio Titii significamus. *l. hac.
l. tantum. 88. ff. hic.* Quid sit aureus vide su-
pra. *l. etiam aureos. 159. ff. hic.*

L E X C C X X X I I I .

*Idem Lib. I. ad Legem XII. Ta-
bularum.*

*SI calvitur a & moretur, & frustre-
tur.* Indè & calumniatores appel-
lati sunt, quia per fraudem & frustra-
tionem

In Dig. Tit. de Verborum Signif. 355
tionem alios vexarent litibus. Inde &
cavillatio dicta est.

EXPLICATIO.

Si calvitur. a) Est hæc lex, ut ex sententia *Ranconneti* refert *Govean.* ad l. hanc. ita emendanda : *Cajus ad leg. XII. Tabul. si calvitur. moratur, & frustratur* : ut posterioribus iis duobus verbis moratur & frustratur, interpretetur *Cajus* verbum illud *XII. Tabul. calvitur.* post quod punctum interponendum, quo ab interpretamento separetur. Certe *calvar* verbum antiquum est. Significat frustrari. Tractum à *calvis* minimis, sive (ut alia habent exemplaria) militibus, quod sint omnibus frustratui. *Plautus in Casina* ; *Nam ubi domi solasum, sopor manus calvitur.* *Pacuvius Sentio* pater te vocis *calvi* similitudine ; sed quid conspicio ? num me jactans calvitur etas. Hæc *Nonius de propriet. sermon. cap. 1.*

Calumniatores. b) Calumniator, ergo est, qui per fraudem & frustrationem alios vexat, litibus præsertim ; qui & calumniosus. l. 3. ff. ad SC. Turpyll. Calumniator etiam est, qui non debitum petit. l. pen. ff. ne quis eum qui in jus voc. & qui temerè alicui controversiam movet. l. cui necessitas. 39. §. 1. ff. de liber. caus. & qui falsa crimina intendit. l. 1. §. calumniari. ff. ad SC. Turpyll.

IDEM

I D E M §. I.

POst Kalendas Januarias die tertio pro salute Principis vota a suscipiuntur.

E X P L I C A T I O.

Vota. a) Votum est alicujus faciendi , vel non faciendi, versus Deum deliberata & justa promissio. Cicero votum dicit *sponsionem qua Deo obligamur*. Solebant veteres quam plurima pro Principe nuncupare; ut anniversaria , ob diem Imperii , cum videlicet ad imperium Princeps sumtus , vel cum natus esset. *l. 7. in fin. C. de feriis , adde Plin. 10. Epist. 9. 44. 45. 60. 61.* Erant & alia pro salute Principis; *Plin. 10. epist. 1. Sueton. in August. c. 87. pro abitu, reditu , Sueton. in Tiber. cap. 38.* Erant & quinquennalia , decennalia , vicennalia , & tricennalia. *vid. Dion. Marcellin.* Concipebantur à Sacerdotibus & Consulibus , in Provincia à Præsidibus, *Plin. 10. epist. ineuntè anno ; hic. l. un. C. de oblat. vot. lib. 12. Tacit. lib. 16.*

I D E M §. II.

T'Elum a vulgò quidem id appellatur , quod ab arcu mittitur : sed
nunc

nunc omne significatur, quod mittitur manu. Ita sequitur, ut & lapis, & lignum, & ferrum, hoc nomine contineatur. Dictumque ab eo quod in longinquum mittitur, Græca voce figuratum ἀπὸ τῆς τιλῆς, [id est, *ab eo, quod est longe.*] Et hanc significationem invenire possumus & in Græco nomine: nam quod nos telum appellamus illi βέλϑ appellunt, eoque nomine vulgò quidem id significatur, quod ab arcu mittitur: sed non minus omne significatur, quod [cum] mittitur manu, ἀπὸ τῆς βάλλειν: [id est, *à jaciendo.*] Admonet nos Xenophon: nam ita scribit. Καὶ τὰ βέλη ὁμόσε ἐφέρειτο, λόγχοι, τοξόματα, σφονδόναι, πλείστοι δὲ καὶ λίθοι. [id est, *Ei tela, simul ferebantur, hasta, sagitta, fundæ, plurimi item lapides.*] Et id, quod ab arcu mittitur, apud Græcos quidem proprio nomine τόξωμα; [id est, *sagitta*] vocatur: apud nos autem communi nomine telum appellatur.

EXPLICATIO.

Telum. a) Quia lege Cornelia de sicariis tenetur non tantum qui hominem occidit, sed & qui hominis necandi, aut furtum facienda, aut possessionis invadendæ causâ, cum telo ambulavit, familiam armavit; *l. 1. in princ. l. 3. §. item in ff. l. 7. C. ad leg. Corn. de sicar.* necesse ut sciamus quid teli appellatione veniat. Quod hac lege, quæ satis clara, explicatur. Et dicit *Telum* appellari omne quod jaci potest: quo nomine lapis, lignum, plumbum, ferrum continetur. Dictum ab eo quod in longitudinem mittatur: nam apud Græcos *τῆλε*, sive *τῆλε* longe significat. Festus *lib. 1.* Tela propriè dici videntur ea quæ missilia sunt: ex Græco videlicet translato eo nomine, quia illi *τῆλε'θεν* missa dicunt, quæ nos eminus: sicut arma, ea quæ ab humeris dependentia retinentur manibus. vide *l. armorum. 41. supra.*

L E X C C X X X I V.

Idem Lib. II. ad Legem XII. Tabularum.

Q Vos nos hostes appellamus, eos veteres perduelles *a* appellabant, per

In Dig. Tit. de Verborum Signif. 359
per eam adjectionem indicantes, cum
quibus bellum esset.

EXPLICATIO.

Perduelles. a) Duellum enim pro bello dicebant: & duellare, bellare, Cicero *in O-rator.* 13. Quid verò licentius, quam quod hominum etiam nomina contrahebant, quo essent aptiora? nam ut duellum, bellum, & duis, bis, sic Duellium cum qui Pœnos classe devicit, Bellium nominaverunt, quum superiores semper appellati essent Duellii. Idem Cicero 1. *offic.* 56. Equidem illud etiam animadverto, quod qui proprio nomine perduellis esset, is hostis vocaretur, lenitate ibi tristitiam rei mitigante: Hostis enim apud majores nostros is dicebatur, quem nunc peregrinum dicimus. Peregrinus autem dicebatur hostis, ab hostiando, id est, æquando, quod pari cum civibus jure censeretur. Cicero, *Festus*, Varro. Indè & perduelles hostes dicti, quod (ut ait Nonius) ex æqua causa pugnam adeant. Hinc factum, ut qui hostili animo in Rempublicam, aut Imperatorem esset, perduellionis judicio teneretur. l. ult. ff. ad leg. lul. Majest.

IDEM

I D E M §. I.

Locuples *a* est , qui satis idoneè habet pro magnitudine rei : quam actor restituendam esse petit.

E X P L I C A T I O.

Locuples. a) Locuples apud antiquos dicebatur, qui multas habebat possessiones. A loco enim deducitur , quasi dicas locorum , (id est, agri, seu possessionum) plenum. *Cicer. in Caton. Major. Plin. lib. 18. cap. 3. Gellius lib. 10. cap. 5. Quintil. lib. 5. cap. 10.* Quippe in locorum possessionibus, (*ut inquit Nonius.*) Veterum divitiæ erant. In jure dicitur locuples qui satis & idoneè habet pro magnitudine rei quam actor , restituendam esse petit : *l. hac. & qui solvendo est. l. ult. §. ult. ff. si cert. pet. l. 3. ff. de manum. l. 57. ff. de manum. test.* In judicio sistendi causa fidejussor locuples accipiendus est , non tantum pro rei , quæ petitur , qualitate , & ex facultatibus ; sed & ex conveniendi facilitate. *l. 2. l. 5. §. 1. ff. qui satisfd. cog.* Quia parum interest an solvendo non sit fidejussor , an verò non possit facilè conveniri , sive ob dignitatem, sive quod habeat præscriptionem fori ; sive quod sit litigiosus , aut rixosus. Fidejussorem autem actor non aliâ mente ,
aut

aut necessitate accipit, quam ut sibi & tutior
res sit, & expeditior. *l. si fidejussor. 7. ff. qui
satisf. cog. §. ult. Inst. de replicat.*

I D E M §. I I.

Verbum *Vivere* a quidam putant
ad cibum pertinere: sed Ofilius
ad Atticum ait, his verbis & vesti-
menta & stramenta *b* contineri, si-
ne his enim vivere neminem posse.

E X P L I C A T I O.

Verbum vivere. a) Verbo *vivere*, ut &
viētus, comprehenditur quicquid ad tuen-
dam, conservandam, curandamque homi-
nis vitam necessarium est. Itaque non solum
cibus potusque viētus dicitur, verum etiam
vestimentum, stramentum, tegumentum,
habitatio, ministerium famulorum ac servo-
rum, & si quæ sunt ejus generis alia. *l. 49.
& l. seq. l. in lege. 203. l. hujus. §. hoc. ff. hic.
l. fin. ff. de alim. & cib. leg. l. si qui. ff. de
transact. l. suo viētū. ff. de oper. lib. l. solet. §.
fin. ff. de offic. Proc. l. fin. §. Irenarchæ. ff. de
mun. & hon. l. rescripto. C. eod. Idem in nu-
triendi verbo obtinet. Cornæus. cons. 45. in 4.
Non in verbo *Cibandi*; sed hoc tantum ci-
bum & potum continet. Archid. c. in quibus.
de consecr. dist. 2.*

Q

Stramenta.

Stramenta. b) Stramentorum nomine significatur omne stramineum , quod solo , causâ quiescendi, insternitur ; ut storcæ , phormiones, mattæ, paleæ. *vide l. 12. §. 12. ff. de inst. & instrum. leg. Varron. de re rust. lib. 3. cap. 50. Plin. lib. 15. cap. 15.*

L E X C C X X X V.

*Idem Lib. III. ad Legem XII.
Tabularum.*

Ferri a propriè dicimus , quæ quis suo corpore bajulat ; portari ea, quæ quis jumento secum ducit : agi ea , quæ animalia sunt.

E X P L I C A T I O.

Ferri. a) Enarrat hic Ictus quid inter hæc verba *ferri, portari, agi*, intersit. Et *ferri* dicit ea quæ corpore bajulantur ; sic Quintilianus, *lib. 6. cap. 35. Ego te bajulare non possum. Portari*, ea quæ secum jumento ducuntur. *Agi* ea quæ animalia sunt. Differentia tamen quam dat inter *ferri* & *portari* videtur nimis subtilis cum & *portari* dicantur quæ quis corpore suo bajulat. *Valla lib. 6. eleg. cap. 51. Sic Plautus Aulul. 7. § 3. Vbi onus nequeam portare pariter, jaceam ego asinus in luto.*

luto. Horat. 1. epist. 13. Fasciculum librorum portare sub ala. Nisi velimus dicere hos licentia uti poetica, & propriè apud Oratores aliosque Autores portare nos dici, quum jumentis nobiscum aliquid ducimus. Sic enim legimus apud Ciceronem Verrem amicamè provincia portasse, & Pompejum deportasse Triumphum.

IDEM §. I.

Fabros tignarios *a* dicimus non eos duntaxat, qui tigna dolarent: sed omnes qui ædificarent.

EXPLICATIO.

Fabros tignarios. a) Faber tignarius in jure intelligitur omnis qui ædificat; quia in lege XII. Tabularum tigni appellatione omnis materia, undè domus confici potest, continetur. *l. tigni. 62. ff. hic. §. cum in suo. Inst. de rer. divis.* Alias Faber, (à faciendo dictus) idem significat quod adjectivum sibi adjunctum. Nam est omnis artifex qui labore corporis aliquod artificium facit: sive qui è quavis materia facit aliquid; excepto gypso, argilla, ære, & similibus. Qui plastici dicuntur,

L E X C C X X X V I.

*Idem Lib. I V. ad Legem X I I.
Tabularum.*

Qui *venenum* a dicit, adjicere debet, utrum malum, an bonum. nam & medicamenta *venena* sunt; quia eo nomine omne continetur, quod adhibitum naturam ejus, cui adhibitum esset, mutat: cum id quod nos *venenum* appellamus, Græci *Φάρμακον* dicunt. apud illos quoque tam medicamenta, quam quæ nocent, hoc nomine continentur. undè adjectione alterius nominis distinctio fit. admonet nos summus apud eos poëtarum Homerus. nam sic ait.

*Φάρμακα ποτὰ, μὲν ἐσθλὰ μί-
γνύμενα, ποτὰ δὲ λυγρὰ.*

id est.

*Venena multa quidem bona mix-
ta, multa autem mala.*

EXPLICATIO.

Qui venenum. a) Venenum medium nomen est; quemadmodum *φάρμακον* apud Græcos; & tam ad id quod ad sanandum, quam quod ad occidendum paratum est, pertinet; idcirco qui venenum dicit, adjicere debet, utrum bonum, an malum. Nam & medicamenta ferè omnia, secundum Medicos, habent aliquid veneni; ut morbi plerunque, etiam fatente Hippocrate, aliquid divini. Nonius *Medicinam*, ait; & *venenum dicimus*; tractum à Græcis, qui venenum *φάρμακον* appellant. Quod antiquorum exemplis comprobatur. Inde veneni ejus quod nocet, mali adjectione distinctio fit. l. 9. ff. ad leg. Aquil. l. 7. ff. famil. ercisc. l. 35. §. veneni mali. ff. de contr. emt. Malum tamen venenum est duplicis generis. Aliud quod nullo modo usui nobis esse potest, nequidem per adjectionem alterius materiæ, quod non est in commercio, & eo utentes puniendi sunt. Aliud, licet per se sit malum, mixtum tamen cum aliis materiis salubre efficitur. Quod quia ad artem medicam pertinet, vendi potest. d. l. quod saepe. 35. §. veneni. 2. ff. de contr. empt.

I D E M. §. I.

Glandis a appellatione omnis fructus continetur, ut Javolenus ait, exemplo Græci sermonis, apud quos omnes arborum species ἀκροδρῦα (*id est, extremitates arborum*) appellantur.

E X P L I C A T I O.

Glandis. a) Glandis nomen non tantum ex quercu, ilice, fago, intelligimus, sed ex omnibus arboribus fructum. *l. un. ff. de gland. leg. l. silva cadua. §. fin. ff. hic.* exemplo Græci sermonis, apud quos omnes arborum fructus, ἀκροδρῦα appellantur, nempe à nomine δρῦς, quod quercum significat. Hinc Prætor Edixit, *Ne vis fiat vicino, quominus glandem, qua ex ejus agro in tuum cecidit, tertio quoque die legere & auferre liceat.* *d. l. un. ff. de gland. leg.* Lege XII. Tabul. (ad quam Ictus Cæjus scripsit.) cautum fuisse, ut colligere glandem in alienum fundum procidentem liceret; docet Plinius. *lib. nat. hist. 16. cap. 5.*

LEX CCXXXVII:

Idem Lib. V. ad Legem XII. Tabularum.

DUobus negativis a verbis quasi permittit lex magis, quam prohibuit. idquè etiam Servius animadvertit.

EXPLICATIO.

Duobus negativis. a) Negationis duæ affirmant plerunque; ut in l. 1. C. de serv. fugit. interdum pro una accipiuntur; ut in l. ejus est. 3. ff. de div. reg. jur. Hoc fit cum sequens negatio jungitur cum particula quidem; ut l. 1. §. si quis ita. ff. de verb. oblig. vel cum ea tacitè intelligitur: l. fluminum. ff. de dam. inf. Vel cum duobus verbis aut positis, aut intellectis, adduntur duæ negativæ. Vide hac de re Vallam lib 3. elegant. cap. 27. aliosque Grammaticos. Hermogenes Rhetoricæ ult. Negatione, inquit, quandoque eodem sensu utimur; quasi affirmativè locuti essemus, quandoque minus significamus, aliquando etiam amplius eodem sensu.

LEX CCXXXVIII.

Idem Lib. VI. ad Legem XII. Tabularum.

PLEBS *a* est, cæteri cives sine Senatoribus.

EXPLICATIO.

Plebs. a) Plebs à Populo, ait Iustinianus §. *Lex. 4. vers. plebs. Inst. de iur. nat. gent. & civ* differt, quo species à genere, nam appellatione populi, universi cives significantur, connumeratis etiam patritiis & Senatoribus. Plebis autem appellatione, sine patritiis & Senatoribus cæteri cives sic significantur. *vid. & Gell. lib. 10. Noct. Attic. cap. 20.*

I D E M §. I.

DETESTATUM est testatione denuntiatum. *a*

EXPLICATIO.

Denuntiatum. a) Hoc est, sententiæ suæ aliquem per denuntiationem, admonuisse. *vide l. subsignatum. 39. §. 2. & l. detestatio. 40. ff. hic.*

I D E M

IDEM §. II.

Pignus a appellatum à pugno : quia res, quæ pignori dantur, manu traduntur. undè etiam videri potest verum esse, quod quidam putant, pignus propriè rei mobilis constitui.

EXPLICATIO.

Pignus. a) Pignoris significatio duplex est, una Propria, altera Impropria. *Ant. Fab. in ration. ad l. 1. ff. de pign. act.* Propria (de qua hic agitur) illa est, quæ traditionem exigit, *l. si rem. 9. §. proprie. 2. ff. de pignor. act.* & ad res mobiles tantum pertinet, quæ pugno teneri possunt. Pignus enim, ut hic dicitur, dictum est à pugno, quia res quæ pignori dantur, manu traduntur. Impropria (de qua hic non agitur) rursus est duplex. Una quæ traditionem quidem perinde requirit, sed ad quascunque res etiam immobiles refertur: nam & res immobiles æque ac mobiles tradi possunt, licet non pugno. Sic passim Icti tractant de prædio, fundo, pignori dato. *l. 1. §. cum prædium. l. si fundus. 16. & passim. ff. de pignor.* Altera est, quæ nec traditionem exigit, sed nudo consensu & simplici; pacto etiam nudo, contenta est,

quam magis propriè hypothecam appellamus. §. *item Serviana. Inst. de action.* Et hoc est quod *l. res hypothecæ. §. ff. eod.* dicitur, inter pignus & hypothecam nominis tantum sonum differre; scilicet quantum ad effectum actionis hypothecariæ. d. §. *item Serviana.*

IDEM §. III.

NOxiæ a appellatione omne delictum continetur.

EXPLICATIO.

Noxiæ. a.) Noxa & noxia differunt: Noxa enim tum corpus quod nocuit, tum poenam delicti ac ipsum delictum significat. §. 1. *Inst. de noxal. act. l. 1. 4. l. fin. ff. eod. l. 1. ff. si quadr. paup. sec. l. 49. ff. de legat. 1.* Noxia & poenam & ipsum delictum, non solum privatum, ex quo noxalis est actio, verum etiam publicum, quod crimen vocamus & noxam, hoc est, poenam meretur. *l. 17. §. quod ajunt. ff. de Ædil. Edict. d. l. fin. §. 1. d. l. 49. §. 1.* Promiscuè tamen accipiuntur. *l. hac. l. stipulatio. 200. l. aliud est fraus. 131. l. aliud est. 174. ff. hic. §. 1. ubi Cujac. Inst. de noxal. act. l. 1. §. 1. ff. si quadr. paup. sec. dic.*

L E X C C X X X I X.

*Pomponius Lib. Singulari Enchi-
ridii.*

PVpillus *a* est, qui cum impubes
est, desit in patris potestate esse
aut morte, *b* aut emancipatione. *c*

E X P L I C A T I O.

Pupillus. a) Pupillus & ætatem impube-
ris & conditionem significat. Ætatem; cum
dicimus pupillum eum qui adhuc impubes in
patris potestate est. nam à pupus diminutum
nomen est. Sic *Cajus in l. 141. §. 1. ff. de
verb. oblig.* Pupillus licet ex quo fieri cæpe-
rit, rectè stipulari potest: tamen si in paren-
tis potestate est, nè autore quidem patrè ob-
ligatur. *Cicero de invent. 2. Quidam pupil-
lum heredem fecit: pupillus autem ante mortuus
est, quam in suam tutelam veniret.* Conditi-
onem pupillus significat, cum eum pupillum
dicimus, qui ante pubertatem desit esse in
patris potestate, aut morte, aut emancipatio-
ne, *d. l. hac.* & cæpit esse in potestate tuto-
ris.

Morte b) Puta vel naturali, qui est dis-
cessus animæ à corpore, *Cicero 1. Tuscul. vel*

civili; quæ salvâ vitâ civitatem & libertatem adimit. Ea fit maximâ & mediâ capitis diminutione. *l. 64. §. ult. ff. pro socio. §. 1. Inst. quib. mod. patr. pot. solv.*

Emancipatione. c. Est enim emancipatio actus hominis, quo filiusfam. vel filiafam. sui juris efficitur. Habebat olim (non hodie. §. *præterea. 6. Inst. eod.*) similitudinem venditionis; hoc modo. Naturalis pater filium suum alii fiduciario patri mancipabat, hoc est, in manum tradebat: à quo vice mutua duos nummos, quasi in similitudinem precii; accipiebat, & iterum eos fiduciario patri tradebat. Quod secundo & tertio fiebat coram septem testibus. Et tali supersticioso circuitu ac formula filius patriam potestatem exhibat. *Gajus lib. 1. Inst.*

IDEM §. I.

Servorum *a* appellatio ex eo fluxit, quod Imperatores *b* [nostri] captivos vendere, ac per hoc servare, nec occidere solent.

EXPLICATIO.

Servorum. a) Servi dicuntur, quibus libertas arbitrio suo vivendi adempta est; itaque liberis opponuntur; & ex eo appellati sunt,

sunt, quod Imperatores captivos, cum occidi possent vendere, ac per hoc servare, solent. §. 1. *Inst. de jur. pers. l. 4. §. 1. ff. de statu hom.* ut hic vult Pomponius, & Imperator Iustinianus in §. 3. *Inst. de jure. person.* cum secutus. Non rectè inquit *Fab. in Jurisp. Papin. eod. princ. 1.* Quia non servitus à servis (quod secundum Icti & Imperat. sententiam dicendum esset) sed servi à servitute, ut liberi à libertate, §. 1. *Inst. eod.* appellantur. Concreta enim ab abstractis, non abstracta à concretis dicuntur. Rectius Scaliger. *conjectan. in lib. 5.* servitutem à serviendo dictam vult. Servire autem & inservire idem est quod prodesse.

Imperatores. b) Intellige non Principes Romanos, sed belli Duces; quos olim milites, ita, partâ de hostibus victoriâ, (sive Consules, sive Prætores essent) appellare solebant; quod postea Senatus decreto confirmabat.

IDEM §. II.

INcola est, qui in aliquam regionem, domicilium suum contulit, quam Græci *παροικον*, id est, *juxta habitantem*, appellant. Nec tantum hi, qui in oppido morantur, incolæ sunt: sed etiam qui alicujus oppidi

oppidi finibus ita agrum habent, ut in eum se quasi in aliquam sedem recipiant.

EXPLICATIO.

Incola. a) Incola est, qui in aliquam regionem domicilium contulit; qui in alienam civitatem venit, diu habitaturus: nec tamen jus civitatis habet, nec civiles capit honores tributis pendendis obnoxius. *l. 4. 5. C. de incol. lib. 10.* Nec tantum qui in oppido moratur, incola est, sed etiam qui in alicujus oppidi finibus ita agrum habet, ut in eum se, quasi in aliquam sedem recipiat. §. *hoc.* Non si in agro permaneat. *l. 3. C. eod. l. si re oportet. 35. ff. ad municip.* Incolam non domus aut possessio facit, sed domicilium. *l. 7. C. passim. C. de incol. lib. 10.* Nullus autem nequidem Scholaris, & studiorum gratiâ aliquo in loco morans, constituere domicilium dicitur, ut incola sit, nisi decem annis transactis steterit. *l. 2. C. de incol. lib. 10.* Quare incola est, non simpliciter alienigena habitator, sed is, qui domicilium, sedemque rerum suarum, animo permanendi fecerit. *d. l. 7.*

I D E M §. III.

MUnus publicum a est officium privati.

privati hominis, ex quo commodum ad singulos, universosque cives, remque eorum Imperio magistratus extraordinarium pervenit.

EXPLICATIO.

Munus publicum. a) Munus publicum est, vel ordinarium, vel extraordinarium; Ordinarium est, quod lege, vel more civitatis, secundum ætates & dignitates inter se municipes, ordine, hoc est, per vices gerunt. *l. 1. C. de muner. patrim.* Cujus generis est munus hospitis in domum recipiendi. *l. 3. §. 11. ff. de muner. & hon.* Idque testatur Cicero. in *Verri.* 3. ubi ait. *Quod ubi Philodamo nunciatum est, tametsi non erat ignarus, quantum sibi ac liberis suis jam tum mali constitueretur, tamen ad justum venit, ostendit munus suum, id non esse secum sua partes, (id est vices, ut interpretatur Ascon. Pedeanus) essent hospitem, recipiendorum, tum ipsos tantum Prætores & Consules, non legatorum affectas recipere.* Extraordinarium (quod hic definitur) est, officium privati hominis, ex quo non ordine, hoc est, per vices, sed extra ordinem: commodum ad singulos universosque cives remque eorum Magistratus imperio pervenit. *l. h. §. hoc.* Hujus generis sunt viæ publicæ, munitiones. *vide l. munus. 18. ff. hic.*

I D E M §. IV.

ADvena a est, quem Græci ἀπο-
 ἡγν (id est, domo profugum, co-
 lonum advenientem.) appellant.

E X P L I C A T I O.

Advena, a) Inter Advenam & Incolam hoc interest, quod incola fixit domicilium; non Advena. Is enim aliunde veniens, alicubi tantum temporaneam moram agit; ut advena mercator. *l. 1. §. 19. l. heres absens. ff. de judic. l. omnes peregrini. C. commun. de success.* Græci cum ἀποῖην appellānt quasi sine lare & domicilio. Servio omnes terræ habitatores, aut indigenæ sunt, aut advenæ, aut convenæ. Indigenæ, sunt inde geniti: Advenæ, de uno loco venientes: Convenæ de diversis. Appellatione populi, urbis incolæ, non advenæ, continentur. *Felin. c. Rodolphus. de rescript.*

I D E M §. V.

DEcuriones a quidam dictos ajunt ex eo, quod initio, cum coloniæ deducerentur, decima pars eorum, qui deducerentur, consilii publici gratia conscribi solita sit.

EXPLICATIO.

Decuriones. a) Decurionum alii erant Urbani, alii Municipales. Urbani præerant turmæ quæ constabat ex duobus & triginta equitibus. *Vall. lib. elegant. cap. 32.* Municipales erant qui Romæ Senatores. *Vall. d. loc.* Nam qui in Senatu & consiliis Reipublicæ municipalis interesse poterant, Decuriones, erant. *vid. l. 32. C. de decur. lib. 10. & ff. eod. per. tot.* Eaque de causa & sportulas accipiebant. *l. 6. §. 1. ff. eod.* Undè dicti sint Decuriones hic declarat Ictus. Aliter Festus. Qui ait Decuriones appellatos quod de-
nis equitibus præessent.

IDEM §. VI.

URbs a ab urbo appellata est; Urbare est aratro definire. Et Varus ait, urbem appellari curvaturam aratri, quod in urbe condenda adhiberi solet.

EXPLICATIO.

Urbs. a) Urbs est oppidum muro cinctum. Dicta ab urbo aratri curvatura: quod antiqui junctis bobus, tauro & vacca, Hetrusco ritu, in condendis urbibus interiore aratro circum-

circumagebant sulcum, intra quem urbem ædificarent. Hoc faciebant religionis causa die auspicato, ut urbs fossa muroque munita esset; & locum undè terram fodissent fossam vocabant.

IDEM §. VII.

Oppidum a ab ope dicitur, quod ejus rei causa moenia sint constituta.

EXPLICATIO.

Oppidum. a) Oppidum propriè est omnis urbs præter Romam, quæ peculiari nomine urbs vocari cæpta, fecit ut cæteræ urbes vocarentur oppida, quia ipsa amplius oppidum non est. *ut ait Valla. lib. 4. elegant. cap. 20.* Undè oppidum dicatur Veteres dissenserunt. Refert enim Isidorus *lib. 15. orig. cap. 1.* quosdam tradidisse, ab oppositione murorum nomen habere: alios ab opibus recon-
dendis: alios ab ope, quod contra hostem opem dent. Quod hic Ictus & Varro *de ling. lat.* sequitur. Sed undè urbs, & oppidum dicatur, parum attinet de etymologia disputare, inquit Valla. *d. loc.* quæ plerunque fallax est, & inprimis (nisi fideli fundamento nitatur.) frivola.

I D E M §. VIII.

Territorium *a* est universitas agrorum intra fines cujusque civitatis. quod ab eo dictum quidam ajunt, quod magistratus ejus loci intra *b* eos fines terrendi ; id est , summovendi , jus habet.

E X P L I C A T I O.

Territorium. *a*) Territorii variae constituuntur etymologiae. Varro. *lib. 4. de ling. lat.* Territorium est locus communis , qui prope oppidum relinquitur , sic dictum quod maxime teratur. Sicut Flaccus *lib. de cond. agror.* Bellis gestis victores populi terras omnes , ex quibus victos ejecerunt , publice atque universaliter territorium dixerunt , intra quos fines jus ducendi esset : rectius juris dicendi jus esset. Isidorus. *14. orig.* 15. Territorium vocatum ait , quasi tauritorium , id est , tritum bobus & aratro , ab eo quod antiqui sulco ducto & possessionum & territoriorum limites designabant. Cujacius *ad l. duumvirum. C. de decurion. lib. 10.* territorium à terra mavult deducere , quam à terrendo. Nam & pro fundo sæpe accipitur. *l. 3. C. de natur. lib. l. nullo. C. de Episc. & Cler.*

Intra.

Intra. b) Non extra. Adeo ut extra territorium jus dicenti, impunè non pareatur. *l. ult. ff. de jurisdict.* Cum enim jurisdictiones non melius possint distingui quam territoriis, quisque magistratus in suo territorio jurisdictionem exercere debet, non extra, nè alioqui turbentur, & misceantur jurisdictiones, quas plures & distinctas esse necesse est. *l. cum unus. 12. §. 1. ff. de reb. auct. jud. poss.* Sed quia jurisdictiones sive eundem, sive diversos Principes habentes, sibi inuicem mutuis auxiliis favent, ut earum conservetur auctoritas, *l. à Divo. 15. ff. de re jud. l. episcopale. 8. C. de Episc. aud. Nov. 131. cap. 5. l. magis puto. §. illud quæri. ff. de reb. eor qui sub tut. vel cur. sunt non alien.* literæ requisitoriales inventæ: per quas jubet quis subditis suæ jurisdictioni, ut pareant, qui aliter parere non cogerentur.

IDEM §. IX.

Verbum *suum a* ambiguum est, utrum de toto, an de parte significet, & ideò qui jurat suum non esse, adjicere debet, *b* neque sibi communem esse.

EXPLICATIO.

Verbum suum. a) Suum verbo dominium significatur, & suorum appellatione tantum continentur ea quæ vindicari possunt, non quæ in nominibus sunt. *l. 27. §. argento. & l. 34. ff. de aur. & arg. leg. vid. l. meorum. 91. ff. hic.* Ambiguum verò est, cum quis suum dicit, utrum de toto an de parte significet. *hic.* quoniam & id nostrum est, quod nobis cum alio commune est, cum nulla pars demonstrari possit, quæ nostra non sit. *l. Pomponius. 8. ff. de rei vind. l. 5. §. Labeo. ff. de legat. 1. l. 2. ff. de cond. inst. l. 1. C. qui testam. fac. l. illud dubitationis. ff. de ritu nupt. l. servi electione. §. 1. ff. de legat. 1.* Cum ergò quis servos dicit, hi designari videntur, quos paterfamilias suorum numero habuit, & qui pleno jure ejus fuerunt. Nec in his fructuarii servi; aut venales habiti continebuntur; omninò cum alio communes, ut & bona fide possessi, quorum ususfructus alienus est. *l. 71. l. 73. cum l. seq. ff. de legat. 3.*

Adjicere debet. b) Ergò pro qua quisque parte suum esse dicat, ambiguitatis tollendæ causâ adjici debet, cum vel nos vel judicem certum esse oportet, an de toto vel parte agatur. *text. hic. & l. licet. ff. de petit. hered. l. 3. §. fin. l. si in rem. 6. ff. de rei vind.*

L E X C C X L.

*Paulus ex libris Sex ; Libro Primo
Imperialium Sententiarum in
Cognitionibus Prolatarum.*

CVM quærebatur, *a* an verbum.
Soluto matrimonio dotem reddi,
non tantum divortium, sed & mortem
contineret, hoc est, an de hoc quoque
casu contrahentes sentiant : & multi
putabant hoc sensisse, & quibusdam
aliis contra videbatur : secundum hoc
motus Imperator pronuntiavit, id a-
ctum eo pacto, ut nullo casu remane-
ret dos apud maritum.

E X P L I C A T I O.

Cum quærebatur. a) Soluto matrimonio
dotem reddi qui stipulatur, id stipulari vi-
detur, ut nullo casu dos apud maritum ma-
neat, *l. hac. l. si quis sic. § 6. ff. soluto matrim.*
Solvitur matrimonium, vel morte, sive na-
turali, *l. 1. ff. de divort. & repud.* sive civi-
li, ut captivitate, *Novel. 17. c. 1.* aut alia
contingente servitute, *d. l. 1. aquæ & ignis*
interdictione, & quæ in ejus locum successit,
l. 2.

In Dig. l. 1. de Verborum Signif. 383
l. 2. §. 1. ff. de pæn. deportatione; d. l. si
quis sic. puta olim, non hodie: l. 1. C. eod.
Nov. 22. cap. 13. vel inter vivos, divortiis.
l. 14. §. 2. ff. qui & à quib. l. 101. §. 1. l.
191. ff. hic.

L E X C C X L I.

*Quintus Mucius Scævola Libro
Singulari.*

IN rutis cæsis & ea sunt, quæ terra
non tenentur, quæque opere stru-
ctili, tectoriove non continentur.

E X P L I C A T I O.

In rutis cæsis. a) Ruta cæsa sine copula à
veteribus pronuntiabantur. l. 5. §. idem Iulia-
nus. ff. ad exhib. l. 8. §. fin. ff. de act. emt.
Solebant in venditionibus excipi: Cicero in *To-
picis*. hodie non est necesse; cum emptor de
his nobis ad exhibendum teneatur, nisi spe-
cialiter vendita sint. l. Celsus. §. idem Iulianus.
ff. ad exhibend. l. fundi. 17. §. si ruta. ff. de
act. empt. Dicuntur ea quæ venditor posses-
sionis, sui usus gratiâ concidit, ruendaque ex-
trahit. Et ruta quidem quæ eruta sunt, ut arena,
creta, & similia; cæsa, ea quæ cæsa, ut arbores
cæsas, & carbones & similia, esse vult Vlpian.

in

in l. fundi. 17. §. si ruta. 6. ff. eod. Granaria item quæ ex tabulis fieri solent, si eorum stipites supra terram sunt, ut & tegulas, quæ nondum ædificiis imposita sunt rutis & cæsis cedere, dicit Iavolenus, *in l. granaria. 18. ff. eod.* Quintus Mucius Ruta cæsa definit, quæ neque ædium, neque fundi sunt; & in rutis cæsis ea demum statuebat, quæ terra non tenerentur, quæque opere struâtili, tectoriove non continerentur. *l. hac. & l. in vendendo. 66. §. Quintus. 2. ff. de contr. empt.* Opus struâtile, dicitur, quod ex lapide quadrato, aut laterculis, calceque constructum est; cuiusmodi sunt columnæ, sepes. Tectorium est incrustatio splendorem transmittens, quæ ex gypso & calce, vel ex marmore tuso composita parietibus inducebatur. ut Vitruvius *lib. 2. cap. 4. & lib. 7. cap. 2.* & Plinius docent.

L E X C C X L I I.

Iavolenus Lib. 11. ex Posterioribus Labeonis.

M Alum a navis esse partem, artemonem autem non esse, Labeo ait: quia pleræque naves sine malo inutiles essent, idedque pars navis habe-

In Dig. Tit. de Verborum Signif. 385
habetur. artemo autem magis adjecta-
mento, quam pars navis est.

EXPLICATIO.

Malum. a) Malus est arbor navis. Dif-
fert ab artemone, quod malus verè & propriè
sit pars navis; *l. scapha. 44. ff. de eviction.* ar-
temon verò non sit. Ratio est: quia pleræque
naves omnes sinè malo esse nequeunt: sine
artemone esse possunt. *l. hac.* Est enim hic
artemon, ut hic vult Alciatus, velum majori
additum ab *ἀρτεμων* assuendo: Baysius
majus velum interpretatur. Vitruv. *lib. 10.*
instrumentum cum orbiculis, ad sublevanda
& demittenda onera, quo in navibus funes
ductarii trahuntur, & armamenta explicantur.
vulgò trochleam vocant. Hinc apparet ven-
ditâ vel legatâ navî quid sit præstandum.

IDEM §. I.

INter projectum *a* & immissum,
hoc interesse ait Labeo: quod pro-
jectum esset id, quod ita proveheretur,
ut nusquam requiesceret, qualia mæ-
niana, & suggrunda essent: immissum
autem, quod ita fieret, ut aliquo loco
requiesceret, veluti tigna, trabes, quæ
immitterentur.

R

Ex.

EXPLICATIO.

Inter projectum. a) Differunt projicere & immittere. Projicere est, cum tigna extra columnas seu parietes extenduntur, ut nusquam requiescant, ut suggrunda, mæniana, vel podia faciamus: quo genere structuræ ædificia in superioribus partibus ampliora reddi solent. Hujus rei inventor Mænius traditur, l. sitor. lib. 15. Etymolog. c. 3. Festus Pompejus, à quo mæniana omnes ædificiorum projecturæ generaliter dicuntur. l. servitutes. §. 1. ff. de serv. urb. prad. Immittere est ita provehere ut in aliquo loco requiescat. Hinc projiciendi & immittendi servitutes. l. 1. et 2. ff. eod. l. pen. ff. si mens. fals. mod. dix. l. 8. §. 1. ff. si serv. vind. Quod sine jure servitutis in parietem meum immissum, de facto deijcere possum; non quod supra ædes meas projectum; sed debeo negatoria agere, & intendere jus non esse vicino ita projectum habere. l. quemadmodum. 29. §. 1. ff. de leg. Aquil. l. si quando. 17. ff. si serv. vind. l. ult. ff. de arbor. cad.

IDEM §. II.

PLumbum, a quod tegulis poneretur, ædificii esse ait Labeo: sed id, quod hypæthri tegendi causa poneretur, contra esse.

EXPLICATIO.

Plumbum. a) Plumbum tegularium quo aedes teguntur, & quod in tegulis ponebatur cum ædificii sit, vendito eo, etiam debetur; *l. fundi. 17. §. 8. l. 38. §. fin. ff. de act. empt.* non quod hypæthri tegendi causa poneretur, cum non sit pars ædificii. *l. hac.* Est autem hypæthrum locus sub dio & cælo patenti expositus sine tecto; ut vel ipsum nomen arguit. *Vitruv. lib. 1. cap. 2. & lib. 5. cap. 9.* Eum Romani æstate solebant velis tegere & exornare, ut calor ambulantes in eo non premeret: hyeme plumbo, vel simili tegumenti genere, nè frigore, vel gelu pavementum obduceretur. *l. quesitum. §. de velis. ff. de instr. & instrum. leg.*

IDEM §. III.

VIduam a non solum eam, quæ aliquando nupta fuisset, sed eam quoque mulierem, quæ virum non habuisset, appellari ait Labeo: quia vidua sic dicta est, quasi vecors, vesanus; qui sine corde, aut sanitate esset. similiter viduam dictam esse, sine duitate.

EXPLICATIO.

Viduam. a) Vidua, inquit Labeo, dicta est, quasi sine duitate: quia, cum matrimonium

fit duorum, l. 1. ff. de ritu nupt. §. 2. *Inst. de patr. pot.* quæ sine ea duitate est, vidua habetur. Vidua ergo dicitur quæ virgo, *Seneca in Agamemn.* *An te morantur virgines vidua domi.* quæ aliquando nupta fuit, sed à viro morte vel divortio divisa sit, §. *item lex Julia. ff. de publ. jad.* quæ usu viri propter absentiam caret. *Seneca in Agamemn. Decem per annos vidua respiciam virum.*

I D E M §. IV.

STraturam a loci alicujus ex tabulis factis, quæ æstate tollerentur, & hyeme ponerentur, ædium esse, ait Labeo: quoniam perpetui usus paratæ essent, neque ad rem pertinere, quod interim tollerentur.

E X P L I C A T I O.

Straturam. a) Quæ perpetui usus causa in ædificiis sunt, ædificiis esse Labeo scribit. l. *fundi. 17. §. Labeo. 7. ff. de act. emt.* Ex perpetua enim destinatione rei qualitatem sumimus ac finimus. *Gothofr. ad d. §. Labeo.* Stratura ergò, cum ejus perpetuus sit usus, ædium est; undè ædibus venditis etiam debetur. Est autem stratura species structuræ ex tabulis facta, ac potissimum illa quâ pavimentum lapidibus stratum, hyeme tegitur, ut
com-

In Dig. Tit. de Verborum Signif. 389

commodior sit usus, & ne lapides nimium pedes refrigerent.

LEX CCLXIII.

Scævola Lib. XVIII. Digestorum.

SCævola respondit: Semper acceptum *a* est, ut libertorum appellatione etiam hi contineri intelligantur, qui eodem testamento vel posteriore loco *b* manumitterentur: nisi si manifestè is, à quo peterentur, contra defuncti voluntatem doceret peti.

EXPLICATIO.

Semper acceptum. *a*) Alimenta ergò libertis relicta, debentur & iis qui eodem testamento, licet posteriore loco, manumittuntur. Imò si alimenta libertis relicta, etsi legati fuerint servi, & rogati legatarii manumittere, ad fideicommissum admittuntur. *l. 2. ff. de alim. legat.*

Vel posteriore loco. *b*) Quia in iis quæ uno contextu fiunt; non est dari prius & posterius. §. ante. 34. *Inst. de legat. l. 2. §. prius. ff. de vulg. & pup. subst. l. nec enim. 6. ff. de solution.* sed voluntas scribentis attendenda; quæ plenissimè, in testamento, est interpretanda. *l. in testamentis. 12 ff. de div. reg. jur.*

LEX CCLXIV.

*Labeo Lib. IV. Pithanon à Paulo
Epitomatorum,*

SI qua poena *a* est, multa est, si qua multa est, poena est. Paulus. Vtrumque eorum falsum est. Namque harum rerum dissimilitudo ex hoc quoque apparet: quod de poena provocatio non est: simulatque enim victus, quis est ejus maleficii, cujus poena est statuta, statim ea debetur: At multæ provocatio est, nec ante debetur, quam aut non est provocatum, aut provocator victus est, nec aliter, quam si is dixit, cui dicere licet. Ex hoc quoque earum rerum dissimilitudo apparere poterit, quia poenæ certæ singulorum peccatorum sunt: multæ contra. quia ejus judicis potestas est, quantam dicat: nisi cum lege est constitutum, quantam dicat.

EXPLICATIO.

Si quæ poena. a) Quod Labeo dicit poenam
nam

In Dig. Tit. de Verborum Signif. 391

nam & mulctam idem esse, inspectâ vocabuli origine verum est; nam mulcta Oscè poenam significat: *Fest. lib. 11.* Falsum autem est, si usitatum ICtis loquendi morem inspiciamus. Multum enim poena & mulcta differunt. In quibus vide supra in *l. aliud fraus. 131. §. 1.* Hic ex ICto addimus. A poena provocari non posse, Quia ea, utpote à lege statuta, convicto reo statim debetur, & de ea, nisi legem iniquitatis reus arguere velit, quod non est admittendum, appellari nequit. Potest si ideò provocet, quod se dicat innoxium, vel ex lege ejusmodi poena affici non posse; *Bald. in l. 1. col. 5. C. ne ex delict. defunct.* A mulcta autem, cum ea Ius dicentis arbitrio infligatur, provocari potest; non enim ante debetur, quam sententia, quâ indicta, in vim rei judicatæ transierit.

L E X C C X L V.

Pomponius Lib. X. Epistolarum.

STATUÆ & affixæ basibus structilibus, aut tabulæ religatæ catenis, aut erga parietem affixæ: aut si similiter cohærent lychni; non sunt ædium: ornatus enim ædium causâ parantur, non quo ædes perficiantur.

EXPLICATIO.

Statua. a) Quæ in ædibus ornamentum causâ parata sunt, non sunt ædium, undè ædibus venditis, vel legatis non debentur, siquidem commodè ab ædibus separari possunt. *l. quesitum. 12. §. 16. cum seqq. ff. de instr. vel instrum. leg.* Non ergò debentur statuae; licet basibus structilibus, quæ ædium sunt pars, *l. in rutis. 241. ff. hic.* sint impositæ. Sunt autem hic; bases structiles, sessiones statuarum, columnarum, fabricarum, quæ à fundo consurgunt, & suppositæ fabricæ sustinent onus. Nec debentur tabulæ pictæ, id est, statuae & figuræ; quas antiqui catenis religabant, vel parieti affigebant: ut nec lychni; id est candelabra, quæ contignationibus & parietibus affixa, vel laquearibus religata dependent. *l. fundi. 17. §. quæ tabula. ff. de action. emt. Virgilius lib. 1. Æneid. - - -*
Dependent lychni laquearibus aureis incensi.

IDEM §. I.

[Idem Labeo ait: Prothyrum, quod in ædibus [iterum qui] fieri solet, ædium est.]

EXPLICATIO.

Prothyrum. a) Prothyrum, ut hic dicitur, ædium

In Dig. Tit. de Verborum Signif. 393

ædium est. Est prothyrum, Vitruvio *lib. 6. cap. pen.* vestibulum domus; Lipsio 2. *Epist.* 7. repagulum è ferro, vel lapide, vel qua alia re utcunque depactum, arcendis à vestibulis ædium vehiculis & equis. Cujacio, *lib. 14. obs.* 1. velamen quo aditus ædium obtenditur. Hoc si ex tabulis factum, est pars ædium, utpote perpetui usus causâ confectum: alias non, cum tum non usus, sed voluptatis causâ habeatur. *l. quesitum. 12. §. Papinianus. 23. ff. de instruct. & instrum. leg.*

LEX CCXLVI.

Idem Lib. XVI. Epistolarum.

APud Labeonem Pithanon ita scriptum est: *exhibet, a* qui præstat ejus, de quo agitur præsentiam. Nam etiam qui *sistit*, præstat ejus, de quo agitur, præsentiam, nec tamen [eum] exhibet. [&] qui mutum, aut furiosum, aut infantem exhibet, non potest videri ejus præstare præsentiam: Nemo enim ex eo genere præsens satis aptè appellari potest.

EXPLICATIO.

Exhibet. a) Exhibere tam ad personas,

quam res refertur. Ad res quum refertur quid sit supra *l. plus. 22. ff. hic. vidimus.* Ad personas relatum, est, ut vult Labeo, ejus de quo agitur præstare præsentiam. Et rectè, si exhibere generaliter sumamus. Est enim in Edicto de libero homine exhibendo nihil aliud quam in publicum producere & videnti tangendique hominis facultatem præbere: *l. 3. §. ait Prator. 8. ff. de lib. hom. exhib.* propriè extra secretum habere. *d. l. 3. §. 8.* Labeonis definitionem culpât Pomponius hic. Cum quia communis est; nam qui sistit hominem in judicio; præstat ejus de quo agitur præsentiam; tamen aliud sistere, aliud exhibere. Tum quia furiosus, infans, mutus, putâ natura, exhibentur, tamen habentur absentium loco. Rectè quoad animum, non quoad corpus. *vide supra l. coram. 209. & ibi annot.*

IDEM §. I.

Restituit, non tantum qui solum corpus, sed etiam qui omnem rem conditionemque redditâ causâ præstat. & tota restitutio juris est interpretatio. *a*

EXPLICATIO.

Juris interpretatio. a) Id est, id quod restitui debet

bet à juris interpretatione proficiscitur. *l. 173. §. 1. ff. de reg. jur. l. 19. l. 38. ff. de usur.* Hinc fit, ut longè plus sit in restitutione, quam in exhibitione. *l. 22. ff. hic.* Proinde his verbis stipulationis. *Eam rem rectè restitui;* fructus contineri minimè ambiguum est. *l. hæc verba. 73. ff. hic.* Et qui rem restitui jubet, etiam de fructibus condemnationem facere debet. *l. 36. §. 1. ff. de rei vind.* Vide quæ diximus supra. *l. plus est. 22. l. restituere. 35. l. hæc verba. 73. l. restituere. 75. ff. hic.*

F I N I S.

Animadvertenda.

PAg. 76. lin. 21. lege juris. pag. 170. lin.
22. lege potestati. pag. 195. lin. 16. lege
non. pag. 269. lin. 20. adde in Officina.
Hinc. pag. 288. lin. 15. adde gentis stripes,
tot. Cætera beneyolus lector emendet.

Ans
1389415



10392



72

23

1 24